




3 1761 08824913 1

BERLIN

11. Carlstrasse 11.

Lat Lt. Coll





L.C
J25a

A. PERSII FLACCI
D. IVNII IVVENALIS
SVLPICIAE

S A T V R A E

RECOGNOVIT

OTTO JAHN

EDITIO ALTERA

CVRAM AGENTE

FRANCISCO BVECHELER

BEROLINI

APVD WEIDMANNOS

ANNO MDCCCLXXXVI

1091

$$\begin{array}{r} 21368 \\ \hline 26 \overline{) 1192} \end{array}$$
$$\begin{array}{r} 213 \\ 26 \overline{) 1192} \end{array}$$

6

OTTONIS IAHNII PRAEFATIO

PERSII saturarum liber, per Caesium Bassum, postquam Annaeus Cornutus leviter retractavit, editus grammaticorum operam expertus est. de Valerii Probi commentario vitam, cuius reliquiae quantivis pretii servatae sunt, sublatam esse certo testimonio constat. ad eum num haud sane multa antiquae doctrinae vestigia per commentum, quod Cornuti nomen prae se fert, dispersa referenda sint vix decerni poterit. notus et a multis adhibitus Hieronymi locus est: *puto, quod legeris Aspri in Vergilium et Salustium commentarios, Vulcatii in Ciceronis orationes, Victorini in dialogos eius [et], in Terentii comoedias praeceptoris mei Donati aequae in Vergilium, aliorum in alios, Plautum videlicet Lucretium Flaccum Persium atque Lucanum* (apol. adv. Rufinum I t. IV 1 p. 367). sed de nullo praeter Valerium Probum grammatico constat. etenim quam de Acronis nomine per codicem quendam Mediolanensem servato spem Henricus Ernstius (var. obs. I 7) olim moverat, eam nullam esse demonstravit Hauthalius (mus. rhen. n. s. V p. 523 sq.). de Cornuto eiusque commento res incerta. non pertinere ad Persii magistrum plerisque iam persuasum est, ante Isidorum (a. 636) compositum esse demonstratum ivit C. F. Hermannus (lect. Pers. I Marb. 1842 de aetate et usu schol. Pers. Gott. 1846), haud certa quamquam non improbabili coniectura ad Carlingorum tempora referre mihi visus sum.

aliquam, licet non a docto grammatico sed a iuvene quodam haud illitterato, in emendandis Persii saturis curam positam fuisse subscriptione quadam docemur, quam ita re-

stituendam esse demonstravi (in actis soc. litt. saxonicae 1851 p. 332 sqq.)

Flavius Iulius Tryfonianus Sabinus v. c. protector domesticus temptavi emendare sine antigrapho meum et adnotavi Barcellone coss. dd. nn. Arcadio et Honorio V. eodem anno 402 p. Chr. n. Sabinus trigesimo aetatis et militiae quinto Tolosae etiam Nonium 'prout potuit emendavit'. subscriptio Persii in duobus codicibus depicta legitur Montepessulano atque Romano.

A Montepessulanus in bibliothecam scholae medicae e Bouheriana translatus, numero 212 notatus (*catalogue général des mss.* I p. 371) in membranis saeculo decimo scriptus fertur, correctus a secunda manu, cuius, quando opus fuit, lectiones adnotavi (*a*). continet Nonium, Persium, Prisciani versus de *est et non*. accuratissime ab Adolfo Michaelis anno 1857 collatum habui.

B codex in tabulario basilicae Vaticanae servatur, intercedente Niebuhrio in usum Heinrichii satis diligenter collatus, cuius denuo inspiciendi copia neque mihi Romae versanti neque amicorum discipulorumve ulli quamvis multa temptantibus unquam facta est.

utriusque codicis librarii, quos nihil eorum quae scripserunt intellexisse credas, ridiculorum vitiorum largam copiam tam fideliter transcripserunt, ut ubique fere consensus eorum indicandus esset (α), quem eis quoque locis subnotandum putavi, quibus quid radendo iam deletum olim in *A* scriptum extiterit certa coniectura assequi liceret. dissensum adnotavi, ubicumque alicuius ad criticam factitandam usus esse posset. ita factum est ut α eius codicis, unde descripti sunt *AB* — nam neutrum ex altero descriptum esse accuratius inspicienti patebit — satis accuratam imaginem reddat. huius codicis tot tamque pudendos errores Sabino imputare iniquum foret. librum aliquem continuis litteris non ita distincte scriptis interdum etiam obscuris exaratum haec vitia apud indoctos librariorum procreasse facile intellegitur, qui quantum ab exemplo Sabiniano distet, quis tandem aestimet?

hisce codicibus, vel ut rectius dicam huic codici, addidi *C* Montepessulanum bibliothecae scholae medicae 125 (*catal. gén.* I p. 330). scriptus est in membranis saeculo nono in monasterio Sancti Nazarii Laureshemensi, unde in bibliothecam Matthiae cuiusdam, postea Petri Pithoei, denique Boucherii pervenit. continet praeter Persium Iuvenalis saturas. a secunda manu et ipse correctus est, cuius varias lectiones fere omnes adscripsi. diligentissime contulit mihi Adolfus Michaelis.

in horum trium codicum lectionibus componendis operam meam continendam putavi, quippe quibus satis clarum fiat, qualibus librariorum erroribus Persii verba, ab interpolationibus et gravioribus corruptelis fere immunia, per omnes codices, quorum ingens numerus extat, varie depravata sint. quare neque codices, quorum testimonio contra *αC* lectio emendata sit, indicavi et rarissime ex codicibus pluribus paucioribusve (*ς*) discrepantes lectiones ob aliquam causam memorabiles adscripsi.

quod si nullus Persii codex tantae auctoritatis est, ut in rebus dubiis eius vestigia tuto sequaris, sed semper inter complures optio eaque non raro incerta datur, longe alia ratio in IUVENALIS saturis emendandis obtinet. earum enim restituendarum integerrimum, ut nunc est, quamquam et ipsum multifariam depravatum auctorem viri docti ad unum, quantum sciam, omnes persuasum habent esse codicem

P olim Pithoeanum, nunc Montepessulanum 125, modo indicatum, quem diligenter ab I. V. Bertino collatum habui. altera manus codicem radendo et corrigendo ita mutavit, ut alterius generis, de quo statim dicendum erit, exemplum praestet, cuius lectiones ita tantum adscripsi (*p*), ut constaret, quid olim non scriptum esset in *P*. haud paucis enim locis tam strenue officio suo functus est corrector, ut quid a primo librario scriptum sit, certo dispici iam nequeat. talibus in locis utile auxilium non semel praestant scholia (*S*) margini adscripta, quorum lemmata cum lectionibus primae manus ita consentiunt, ut hic illic paulo rectius scripta verba poetae, contra quibusdam locis aliquantum depravata exhibeant. es

etiam ubi ex scholiorum interpretationibus de ipsorum lectionibus satis certa sententia ferri possit. coniunctis hisce copiis quid ex exemplo suo aut cum fide aut paulo negligentius codicis *P* librarius transcripserit plerumque explorari potest. itaque ubicumque certis rationibus de lectione constabat, missis ambagibus *P* notam adhibui. eiusdem generis codice usus est Georgius Valla Placentinus in editione, quam Venetiis a. 1486 publici iuris fecit, ubi Probi grammatici in Iuvenalem commentarios sibi compertos esse dicit mirae brevitatis, codicis nimium cariosa vetustate depravatos et vix tertii libri secundam saturam (VIII 198) attingentes. nam quae e Probi interpretamentis aut plene descripsit aut paulum immutatis verbis suo commentario immiscuit, ea cum scholiis *P* ita conspirant, ut e codice simili, sed integriore et pleniore derivata esse pateat. unde si colligere licet, etiam poetae verba e puriore quam *P* est fonte deducta in Vallae codice extitisse, vix maius damnum critica in Iuvenale exercenda quam hoc codice amisso accepit. Valla enim, qui ne scholia quidem ea quam hodie desideres diligentia tractavit, in poetae verbis recensendis codicis sui nullam fere rationem habuit. tertius eiusdem generis codex, cuius tenuem tantum memoriam servatam habemus, olim in monasterii Sangallensis bibliotheca asservabatur (D 304), in cuius catalogo a Kolbio a. 1759 confecto saeculo fere decimo scriptus *Iuvenalem cum notis ferme perpetuis* et *Persii Flacci Auli satyras Thebaidorum* continere traditur. verum diu est ex quo hic codex e bibliotheca fraude aliqua ablati est, nec ubi delitescat hodie constat. nam qui novissime eius mentionem fecit Io. Henr. Vossius (praef. Tibulli p. XXVIII sq.), is non codicem inspexisse, sed catalogum consuluisse putandus erit. huic autem codici cum *P* convenisse praeter Thebaidorum in Persii titulo permiram commemorationem docent scholia in Iuvenalem. neque enim dubitari potest, quin ex hoc libro deperdito olim descripta sint scholia in codice membranaceo saec. IX eiusdem bibliothecae Sangallensis (D 476) etiamnunc extantia. ea scholiis *P* in maximis minimis tam similia sunt, ut ex eodem fonte utraque de-

ducta esse apertum sit. id quod vel inde constat, quod in utroque codice nulla scholia extant ad VII 129—158, in communi archetypo casu aliquo intercepta, et II 99 adnotatum est *subnotatio huius retro scripta est ubi palma*. scilicet scholion de Othone in codice Sangallensi et in *P* non suo loco positum v. 90, ubi in archetypo invenerant librarii, nota in archetypo ad indicandum errorem apposita ab utroque librario servata est. scholiorum igitur, quae quamquam attrita atque depravata haud pauca grammatici eruditi vestigia servant — originem eorum satis certis argumentis ad saeculi quarti finem referre licet — aliquanto melior condicio est, si critica subsidia spectes, quam ipsius poetae. postquam ea ex suo codice Petrus Pithoeus a. 1585, Andr. Guil. Cramerus adhibito codice Sangallensi a. 1823 edidit, plurima felicissime emendavit Lud. Schopenus in editione Heinrichiana ab ipso a. 1839 curata, denique accuratius excusso codice Pithoeano et denuo consulto apographo Sangallensi ipse a. 1851 ita recensui, ut ea quae Valla tradidit a ceteris segregarem.

ab ea Iuvenalis recensione, cuius locuples testis solus hodie *P* superest, in gravioribus levioribusque per omnes saturas diversam exhibent codices per plurimas bibliothecas ingenti numero dispersi, quantum quidem constat, ceteri omnes. nisi quod in quibusdam, inter quos referendi Parisienses 7900 saec. IX, 8071 saec. X, Vaticanus Urbinas 661, Vindobonensis 111 saec. X, vestigia magis minusve frequentia codicis alicuius Pithoeano similis ad emendandam scripturam adhibiti apparent. verum haec exempla, nullo modo mirabilia, rara sunt prae eorum codicum multitudine, qui alteram verborum recensionem intactam servarunt. inter quos duo codices bibliothecarum Mediceae (34, 42) et Leidensis (82), uterque saeculi XI, subnotationem alter in fine quintae, sextae saturae alter exhibent

Legi ego Niceus Romae apud Servium magistrum et emendavi. quod si de celeberrimo grammatico, Vergilii interprete Servio cogitare licet, quinto saeculo haec poetae recensio adscribenda est, certe grammatici, qui Iuvenalis locis pro testimonio utuntur, plerumque hanc sive Nicaeanam sive Servianam, neque

vero in codice *P* traditam recensionem sequi solent. ceterum etiam cum huius generis codicibus scholiorum satis ampla collectio coniuncta esse solet, nullo cognationis gradu altera illa scholia contingens et ab omni grammatica doctrina antiquitatisque cognitione remota, inter quae et Cornuti anceps nomen iactatur et Heirici magistri, qui in corruptis graecis restituendis (IX 37) frustra desudaverit, auctoritas appellatur. quae scholia qualia sint ex speciminibus, quae post Cramerum Schopenus in programmate Bonnensi a. 1847, C. F. Hermannus in schediasmate de scholiorum ad Iuvenalem genere deteriore (Gott. 1849), Gigchius in apparatu critico ad Iuvenalem (Lugd. B. 1849) et in tribus capitibus Iuvenalem eiusque scholiastas spectantibus (Lugd. B. 1850) proposuerunt, satis perspicui potest.

harum recensionum eam rationem esse, ut quam *PS* repraesentant integra habenda sit et purior ea, quam ceteri codices plerique omnes (ω) aut multi (ζ) exhibent interpolatam et depravatam, postquam in editione a me a. 1851 curata *PS* testimonia quantum fieri potuit plena, ceterorum codicum ex magno numero selectorum, quantum satis fuit, proposita sunt, Car. Fr. Hermannus duabus disputationibus, quas de codicibus Iuvenalis recte aestimandis (Gott. 1847) et vindicias Iuvenalianas (Gott. 1854) inscripsit, et in praefatione editionis (a. 1854) accuratius demonstravit. itaque rem apertam exemplis illustrare supersedeo, quoniam selectis exemplis nihil nisi *PS* testium praestantia probatur, id quod caput est, eam recensionem e puro fonte ductam itaque comparatam esse, ut etiam in incertis et dubiis contra interpolatos libros sequenda sit, quaestione demum per totum librum diligenter instituta patefieri potest. quod non vereor, ne quis in arte critica paulum versatus ita interpretetur, quasi in *PS* omnia recte, in ω omnia prave scripta extent. etenim neque is liber, unde *PS* originem ceperunt, a vitiis immunis fuit, neque qui inde descripserunt non multa negligentia peccarunt. contra in eo exemplo, quod Nicaeus cum Servio interpolavit, fieri non potuit, quin multa ita ut a poeta scripta erant servata, integra a librariis transcriberentur. quare non mirandum est, si haud uno loco in ω casu

recte scriptum extat quod in *PS* casu depravatum est. itaque in arte critica exercenda etiam tum, cum tam aperta interpolatio grassata est et codicum indoles atque cognatio tam certis argumentis deprehendi potest, quam in Iuvenalis saturis palam est, neque casus neglegendus est neque ratio seponenda. equidem recensionem olim a me institutam diligenter recognovi et ubicumque fieri potuit emendavi. multum abesse, quin ubique vera poetae manus restituta sit, et gravissima vulnera tecta neque sanata iacere nullo modo negaverim. in varia lectione subnotanda ita versatus sum, ut constet, quid contra *PS* et qua auctoritate mutatum sit. horum igitur varias lectiones, si ab orthographicis quibusdam et vulgaribus librariorum erroribus discesseris, satis accurate rettuli. talia enim suo quidem loco quam accuratissime exhibenda, quo de tradita lectione certo constet et ad quamcumque quaestionem instituendam materia parata sit, sed non semper repetenda esse duco. interpolatae recensionis integram speciem repraesentare nolui, suo loco specimina quaedam apposuisse contentus.

longe incertior quam de verbis restituendis quaestio de versibus spuriiis oritur. et illatos esse in Iuvenalis saturas versus ab ipso non scriptos omnes iam consentiunt, verum ubi ad singulos versus aestimandos ventum est, dissentiunt plerumque. sane anceps de talibus iudicium est, praesertim in eo poeta, qui certum ordinem et accuratam disponendi rationem contemnit et ea, quae propria romanae saturae est, libertate sermonem familiarem grata negligentia fundendi vel ingrata negligentia abutitur; tum ex rhetorica disciplina loquax, ubi opportunum locum nactus esse sibi videtur, finem accumulandi non invenit; denique qui sententias captat. non mirum igitur, si de quibusdam locis quotiescumque accedimus diversam sententiam ferimus. qua re factum est, ut iam paulo severius quam antea versus insiticios circumscriberem. quamquam volui equidem nihil umquam ideo damnare, quod libenter careas, quod poetae iudicium et sensum qui talia addiderit vituperandum censeas, sed ea tantum spuria iudicavi, quae a poeta, modo recte cogitaverit, nullo modo scribi posse putavi.

longe ulterius in hac via progressus est Otto Ribbeckius, qui cum saturas X XII XIII XIV XV XVI Iuvenali abiudicaret, ut a declamatore aliquo Iuvenalem imitante conscriptas, postquam permulta ex reliquis saturis secluserat, quae restant, veram Iuvenalis imaginem, quam nescio unde ductam animo sibi informavit, aliquo modo repraesentare censuit. aliquo modo dico, quoniam haud pauca vel in Iuvenale decurtato leguntur, quae non minus displiceant quam eorum quae eiecta sunt bona pars, quaeque deleturus fuit, si quid intellego, Ribbeckius, modo id pari facilitate effici potuisset. neque mihi certe Ribbeckius libro, quem inscripsit *der echte und der unechte Iuvenal* (a. 1865), quo exemplum in editione a. 1859 propositum doctrina et acumine approbare studuit, ullo modo persuasit, neque vetusti libri, quem iocatus appellat, vel docti amici, qui postquam paucis diebus unam alteramque saturam perlegit, omnia iam delendo et transponendo pulchre composita esse clamavit, quamvis gravi auctoritate moveri me passus sum. nam ne alterum quidem transponendi artificium, in quo multus est Ribbeckius, rem satis promovit. dubia acute movisse Ribbeckium agnosco, sed remedium quo utitur vel ideo displicet, quod omni probabilitate caret. quamquam enim in rerum natura haud raro vere fieri videas, quae narratu non probabilia sint, tamen in omni arte, quando raro evenit ut quid verum sit certis argumentis evincas, omni modo adnitendum est ut probabilitate persuadeas. quam nisi assecutus fueris, qui tandem verum a te inventum esse ut credatur postulabis? difficillimam de versibus insitiis quaestionem ne Sigm. Guil. Teuffelium quidem promovisse puto. qui cum de quibusdam locis propter repetitiones molestis ita iudicaret, ut duplicis ab ipso poeta institutae recensionis vestigia agnosceret, potius quid a poeta non repetitum esse optaret declarasse, quam quid poeta fecerit probasse mihi videtur.

SVLPICIAE saturam in codice monasterii Bobiensis a. 1493 inventam inde abstulit Georgius Merula Alexandrinus teste Raphaele Volaterrano comm. urb. IV fol. 56 ed. Rom. a. 1506. qui cum inter libros Bobii repertos nominet *heroicum Sulpitii*

carmen LXX, recte Peyronus (de bibl. Bob. ante Cic. or. fragm. p. XX) Sulpiciam intellexit. addere poterat numerum LXX non epigrammata sed Sulpiciae versus significare. inde primum edita est in libro a Wernsdorfio (poet. lat. min. V p. 1457) commemorato *Publii Gregorii Tiferni opuscula quaedam. Ioviani Pontani nenia et epigrammata. Francisci Octavii elegiarum libellus et epistolae. Sulpiciae carmina LXX. Venetiis per Bernardinum Venetum a. 1498. equidem huius libri Argentorati a. 1509 repetita et Cornelii Galli atque Pomponii Gaurici elegiis aucta editione usus sum, in qua Sulpiciae praescriptum est *Sulpitiae carmina, quae fuit Domitiani temporibus, nuper a Georgio Merula Alexandrino cum aliis opusculis reperta (M)*. e codice ipso aut ex apographo eius cum Ausonii carminibus edidit Thadaeus Vgoletus Parmae 1499. Venetiis 1501 (V). Ausonii catalogum nobilium urbium excipit titulus *Sulpitia incipit. queritur de statu reipu. et temporibus Domitiani*. in fine subscriptum est *finiunt sulpitiae dicta. Epigrammata Ausonii quae feruntur emanasse e bibliotheca Georgii Alexandrini viri de lingua latina bene meriti* (XXIV numero). inde in quibusdam Ausonii editionibus locum tenuit, inter quas Aldinam a. 1517, Tornaesianam a. 1558, Ios. Scaligeri a. 1575, El. Vineti a. 1580 1604 nomino. tum inter carmina Petronio addita a Iano Dousa potissimum schediasmate a. 1585 edito tractata est. porro in Vergilianam appendicem Ios. Scaliger a. 1572, inter epigrammata vetera Pet. Pithoeus a. 1590 recepit, poetis latinis minoribus Burmannus a. 1731, Wernsdorfius a. 1782 inseruerunt, poetis satyricis minoribus M. Z. Boxhornius a. 1633. Iuvenali et Persio primus adiecit P. Pithoeus a. 1585. cum Chr. Gottl. Schwarzii commentario edidit a. 1819 Ioa. Gurlittus. omnis lectionis fides in carmine foede corrupto et media parte quantum video mutilato — neque enim sententiae apte cohaerent neque fabellam, quam se narraturam esse Sulpicia promisit, invenio — penes *MV* est, quarum lectiones non multum inter se discrepantes omnes adscripsi.*

TVRNI qui olim cum Sulpicia edebantur versus a Ioa. Lud. Guezio Balzacio conscriptos esse constat. nam cum 30 versus

ludendi causa tamquam ex antiquo codice descriptos protulisset (*entretiens* IV 4), hi mutati atque aliis aucti, tamquam maioris operis fragmentum, inter eius carmina editi sunt (III p. 194 ed. a. 1650).

dabam Bonnae mense Iunio a. 1868.

FRANCISCI BVECHELERI ADDITAMENTVM

Iahnianam editionem, quoniam nulla empturis exemplaria supererant, bibliopolae hortatu sic retractavi, ut auctorem ipsum, si viveret, iam retractaturum fore putabam. cum enim maneant posita ab illo fundamenta artis nec moveri possint, tamen refici opus multis partibus decuit minutatim addendo demendo commutando. qua in re si quis aut plus etiam quam mihi sumpserim iuris fuisse correctori dicat aut minus, non nimis repugno. verum satis habeo si Iahnii merita ostentans nihil derogavi de virtute atque utilitate editionis prioris.

Persii codicem *B*, quem denuo inspicere Iahnii desiderarat, in tabulario basilicae Vaticanae signatum 36 H membranaceum saeculi fortasse noni Iohannes Henricus Wheeler Massachusettensis, doctor Bonnensis, anno 1879 dum in Italia peregrinatur, benevolo erga nos animo diligenter contulit. cuius ex labore cum alium fructum cepi, tum de Sabini recensione eiusque apographis quae supra scripta sunt liquido confirmari didici. codicem *C*, eundem Iuvenalis *P*, impensa cura denuo contulit Rudolfus Beer eaque conlatio quanto emolumento esset ostendit in spicilegio Iuvenaliano (Lipsiae 1885). Persianae lectionis discrepantiam ibi edidit p. 18 s., ad Iuvenalem quae pertineret conlectam ex schedis suis et accommodatam nostrae rationi, qui orthographica et volgaria menda subnotare cuncta nolimus, officiose ac liberaliter mihi obtulit. de *P* igitur quae Iahnii testimoniis adiecta sunt aut detracta, Beerio accepta refero.

Iuvenalis antiquissimam recensionem unus totam repraesentat *P*, partem eius etiam paginae Arōviae inventae ab Iohanne Wirzio enarrataeque in *Herme* XV p. 437 ss. quae cum prosint ad legendum et excutiendum *P*, propria dote nulla commendantur, et florilegium Sangallense editum a Christophoro Stephano in museo rhenano XL p. 263 ss. ex quo memorabilem unius versus (VIII 148) emendationem ascivi. e deterioribus libris Vindobonensem 107 (phil. 128) saeculi noni vel decimi accuratissime conlatum habui ab Alfredo Holdero amico. Bobiensis palimpsesti reliquias Vaticanas denuo a Gustavo Loewio exscriptas proposuit Goetzius (Iuvenalis et Persii fragm. Bob. Ienae 1884). praeter Nicaeanam recensionem alia et ignotior patefacta est indicio codicis Parisiensis 9345 saec. XI in fine sextae saturae haec exhibentis *decem iuvenalis explicit lib. secundus incipit lib. III legente Aepicarpio scribentis Exuperantio servio* (Keller in *Fleckeiseni annali* 1885 p. 576). deteriorum in numero hoc exemplar reponitur, tamen neque ipsum quale sit neque omnino Servianae recensionis forma adhuc satis explorata aut descripta est.

instrumentum necessarium ne deesset, scholia antiqua Persii et Iuvenalis versibus adiunxi. eorum pauca origine paene aequalia sunt ipsis poetis, plurima post Constantinum scripta et rescripta et conversa et accumulata usque ad Carolingos descendunt. recensionem scholiorum sic ut fieri aliquando oportet exactam ad variorum auctorum codicumque indolem ac fortunas minime adfectavi neque officii mei esse duxi. immo vero quia carminum gratia scholia edebam, scholiastas autem parvi faciebam, cavebamque ne confertis nugis aut deliramentis malum magnum etiam maius redderem, ad Pithoei exemplum hanc libertatem usurpavi ut abicerem quae molesta insulsa nullius usus viderentur, integrum relinquerem quidquid inest eruditionis antiquae, denique media illa quae ad hos quidem poetas nihil sed ad sermonis rerumque posteriorum et grammaticorum Byzantinorum vel barbarorum intelligentiam aliquantum conducunt, omitterem aut adsumerem ex commodo. Persii scholia emendare complures nuper aggressi sunt quos memorat Antonius


Zingerleius in actis acad. Vindobon. 1880 p. 731. imprimis adhibui libellum de Monacensibus codicibus scriptum (Straubingii 1883) ab H. Lieblo, qui vir humanissimus operae nostrae ita favit ut vitam Persii descriptam e Monacensi 14498 saec. XI conlatamque cum Monacensi 23577 saec. XI sua sponte mitteret. ad Iuvenalis scholia Stephanus noster praesto mihi esse voluit conlationem Sangallensis 870 (antehac D 476) magna cum diligentia a se tum factam cum de Pithoeanis in Iuvenalem scholiis disseruit (Bonnae 1882). non pauca ab inconsiderata superiorum editorum mutatione vindicavi, non nihil ipse forsitan emendarim in transcurso.

de suppositis Iuvenali versibus quaestionem Iahnus difficillimam dixit suaeque aetatis moribus et Ribbeckii acumini hoc indulsit, ut non multos quidem, nimio tamen plures quam fas erat versus unco damnaret. ea de re meam sententiam aperui oratione habita de critica philologorum arte (Bonnae 1878) p. 25 s., alii uberius et de singulis disputarunt, ex quibus honoris causa nomino Iohannem Vahlenum (progr. Berolin. 1884). dubites licet de duobus quos *P* omisit, nullum nostri exemplaris versum idoneis argumentis demonstratum est non esse factum ab Iuvenale hoc qui saturas divolgare coepit senior post annum 100, desiit post 127. verum cum olim arbitrio elegantiaeque eorum obsisti oportuerit, qui Iuvenalem quod perperam interpretabantur aut gibberosum sic ut est et erat aspicere non sustinebant, ideo amputare et excidere cogitarant, nunc cum maxime tempus est adhortari illos, qui verbosas communesque defensiones componendo quasi cum ventis litigant nec quidquam adferunt quod lector saturarum ignorarit, nedum instructus ab Heinrichiis Madvicis Mayoribus existimator, ut reputent quanto graviora et fructuosiora non solum in ceteris litteris sed etiam in ipso Iuvenale nostri saeculi curae studiisque demandata sint, et ad horum aliquid peragendum ne minore accingantur industria.

Sulpiciae quae fertur saturam editam a Georgio Merula Alexandrino, quamquam verbis examinatis sententiisque ac nominibus mihi persuasi compositam esse ab aliquo Caecio incondite

balbeque iocato nec potuisse inesse in ullo codice vetusto, aliud igitur carmen fuisse id quod paulo ante repertum esse in Bo-
biensi narratur, tamen in hanc quosque editionem recepi, prae-
sertim cum primus eam Iahnus recensuerit ex artis formula.
editiones supra scriptis accesserunt Bootii (Amstelodami 1868)
qui recte ab antiquitate poematum abiudicavit, et Baehrensii
(Ienae 1873, poet. lat. min. V p. 91) qui tamquam ab schola-
stico infumae antiquitatis fictum refinxit.

dabam Bonnae mense Iunio a. 1886.



A. PERSII FLACCI
S A T V R A R V M
LIBER

α consentiens lectio codicum

A Montepessulani 212

B Vaticani

a et *b* codicis Montepessulani 212 et Vaticani manus altera

C codex Montepessulanus 125

c codicis Montepessulani 125 manus altera

ς codices alii

PERSII

S A T V R A R V M

LIBER

I

O curas hominum, o quantum est in rebus inane.
 'quis leget haec?' min tu istud ais? nemo hercule. 'nemo?'
 vel duo vel nemo. 'turpe et miserabile.' quare?
 ne mihi Polydamas et Troiades Labeonem
 praetulerint? nugae. non si quid turbida Roma 5
 eleuet, accedas examenque improbum in illa
 castiges trutina, nec te quaesiveris extra.
 nam Romae est quis non? ac si fas dicere — sed fas
 tum, cum ad canitiem et nostrum istud vivere triste
 aspexi ac nucibus facimus quaecumque relictis, 10
 cum sapiamus patres; tunc tunc ignoscite. 'nolo.'
 quid faciam? sed sum petulanti splene cachinno.

I 1 quantum est in rebus inane. ὅσον τὸ κενόν.
 hunc versum de Lucili primo transtulit, et bene vitae vitia incre-
 pans ab admiratione incipit. 4 Labeo transtulit Iliadem et Odys-
 siam verbum ex verbo ridicule satis. eius est ille versus: 'crudum
 manduces Priamum Priamique pisinnos' [Il. 4, 35]. 6 examen
 est lingua vel linum, quod mediam hastam ad aequanda pondera
 tenet. 7 castigare est digito libram percutere, ut temperetur.
 trutina foramen, intra quod linum vel lingua, de quo exami-
 natio est. 12 secundum physicos dicit, qui dicunt homines
 splene ridere, felle irasci, iecore amare, corde sapere. cachinno
 nomen est et verbum. cachinnus est risus lascivior cum voce.
 quem Graeci μῶρον γελῶντα dicunt.

I praescriptum Persii Flacci satyra inci(pit) α Thebaidorum Persi
 satura C in quo praecedunt choliambi 5 praetulerunt B 6 exa-
 menve C 7 quaesiverit α 8 romae est αC (romaest B) est om.
 5 ac αC: at vel ah 5 9 tunc C 11 ignoscite, nolo ex una
 persona alii

scribimus inclusi, numeros ille, hic pede liber,
 grande aliquid, quo pulmo animae praelargus anhelet.
 scilicet haec populo pexusque togaque recenti 15
 et natalicia tandem cum sardonyche albus
 sede leges celsa, liquido cum plasmate guttur
 mobile collueris, patranti fractus ocello.
 hic neque more probo videas nec voce serena
 ingentis trepidare Titos, cum carmina lumbum 20
 intrant et tremulo scalpuntur ubi intima versu.
 tun, vetule, auriculis alienis colligis escas?
 auriculis, quibus et dicas cute perditus 'ohe'?
 'quo didicisse, nisi hoc fermentum et quae semel intus
 innata est rupto iecore exierit caprificus? 25
 en pallor seniumque.' o mores, usque adeone
 scire tuum nihil est, nisi te scire hoc sciat alter?
 'at pulchrum est digito monstrari et dicier "hic est":

15 pexus pectinatus vel tonsus. barbitondium est tonsurae
 genus, quo iuvenes tondentur, unde sic tonsi pexibarbi vocantur.

16 ambiguitas in natalicia, utrum eam natali suo acceperit
 munere, an tantum eo die gerere soleat, quia quidam habent anu-
 los, quos die tantum natali gerunt. albus aut festiva veste in-
 dutus aut cogitandi pallore confectus. 17 plasma est potio qua
 utuntur musici et qui vocis affectant habere dulcedinem, solet enim
 vocem bene sonantem facere. 18 patratio est rei veneriae con-
 summatio.

20 ingentes Titos dicit Romanos senatores aut a
 Tito Tatio rege Sabinorum aut certe a membri virilis magnitudine
 dicti titi. Titos scholasticos, quod sint vagi neque uno magistro
 contenti et in libidinem proni, sicut aves quibus comparantur, nam
 titi columbae sunt agrestes. 24 sicut fermentum massam rum-
 pit et caprificus saxa, ita ingenium pectus. fermentum intra modium
 plus una hora non potest contineri. crescit caprificus ex lateribus,
 in quibus est concepta. est hic schema *ἀνθυπογορὰ καὶ παρὰ*
προσδοκίαν, quia per suam transit in illius poetae vocem, quem
 corripiebat, nec tamen recessit a sua persona. 27 haec peri-
 odus apud Lucilium posita est: 'ut me scire volo dici, mihi consciu
 si sum, ne damnum faciam.'

28 hic requiritur historia De-
 mosthenis, qui cum transiret et a mercenario tabernariae digito
 monstraretur, fertur laetatus esse, quod ab ignobilibus sciretur.

14 quod C	15 pexus sine que α	17 legens αC	18
fraetus α	19 tunc C	20 ingentes C	22 tunc α
23 arti- culis <i>Madvicus</i>	perditosoae α	24 qđ Bc	fermentatum c
27 sicire tuum α	28 ad α	sed bonum est <i>Priscianus GLK. III</i>	

ten cirratorum centum dictata fuisse
 pro nihilo pendas?' ecce inter pocula quaerunt 30
 Romulidae satūri, quid dīa poemata narrent.
 hic aliquis, cui circa umeros hyacinthina laena est,
 rancidulum quiddam balba de nare locutus,
 Phyllidas, Hypsipylas, vatum et plorabile siquid,
 eliquat ac tenero supplantat verba palato. 35
 adsensere viri: nunc non cinis ille poetae
 felix? non levior cippus nunc imprimit ossa?
 laudant convivae: nunc non e manibus illis,
 nunc non e tumulo fortunataque favilla
 nascentur violae? 'rides' ait et nimis uncis 40
 naribus indulges. an erit qui velle recuset
 os populi meruisse et cedro digna locutus

29 cirratis, capillatis pueris. cirrati sunt scholastici vel cata-
 miti, cirri enim dicuntur capilli, et illi crines habent in honorem
 Veneris, quos statuto tempore praemetebant. 32 hic, facta in
 conviviis poematum mentione dicit aliquis locuples amatorios ver-
 sus putida voce, ut videatur emitti per nares. 34 Phyllis regina
 Thracum fuit. haec Demophontem Thesei filium, regem Athenien-
 sium redeuntem de Troiano proelio dilexit et in coniugium suum
 rogavit. ille autem ait ante se ordinaturum rem suam et sic ad
 eius nuptias reversurum. profectus itaque cum tardaret, Phyllis amoris
 impatientia, quod se spretam credebat, laqueo vitam finivit et con-
 versa est in arborem amygdalum sine foliis. post reversus Demophon
 cognita re amplexus est truncum, qui velut sponsi sentiret adventum,
 folia emisit. Hypsipyle una ex Lemniadibus fuit, Liberi patris neptis
 Thoantis filia. postquam eam factis duobus filiis apud Lemnon Iason
 deseruit, qui eo tempore cum Argonautis venerat, nec ad eam rediit
 ex Colchis, comperto postea illum ad suam patriam remeasse et
 se neglectam, ingratum eius amorem diu secum flevit. his itaque
 si quid simile carminibus suis poetae defleverunt, ita sine vocis
 asperitate pronuntiant, ut audientium aures emolliant. 35 sup-
 plantat, immutatis accentibus curtat. 36 cinis felix est, quotiens
 de mortuis bene loquimur. veteres dixerunt praegravari corpora
 eorum, qui corpori tantum studentes nihil memorabile relique-
 runt. 37 proprie cippus est lapis sepulchri. 39 tu-
 mulus dicitur terrae aggestio, ubi nulla memoria est. 42 mos

p. 226 et 342 30 pendes C 31 satuli α quis — narret α
 32 circum C yacinthia C 34 vanum C prorabile α siquis C
 36 illi α 37 cipus B 38 de B 39 et α 40 ast α 42
 hos α

linquere nec scombros metuentia carmina nec tus?’

quisquis es, o, modo quem ex adverso dicere feci,
non ego cum scribo, si forte quid aptius exit, 45
quando hoc rara avis est, si quid tamen aptius exit,
laudari metuam, neque enim mihi cornea fibra est.
sed recti finemque extremumque esse recuso
‘euge’ tuum et ‘belle’. nam ‘belle’ hoc excute totum:
quid non intus habet? non hic est Ilias Atti 50
ebria veratro? non siqua elegidia crudi
dictarunt procures? non quicquid denique lectis
scribitur in citreis? calidum scis ponere sumen,
scis comitem horridulum trita donare lacerna,

apud veteres erat, ut chartae, in quibus nobilia carmina scribe-
bantur, oleo cedrino inungerentur, quod et diu durabiles faceret
et a tineis conservaret. alii dicunt cedrum genus ligni esse, quod
dignum bibliotheca habebatur. 43 quae carmina nullum peri-
culum habeant apud salsamentarios et turarios. scombri dicuntur
pisces de quibus fit optimum garum. 45 scribo praesentis
est, exit similiter, unde posteriorem syllabam non dubito Persium
doctissimum hominem dixisse correpte, quamvis quidam producant
eam et verbum praeteriti temporis faciant. 46 translatio est
a phoenice. proverbialiter raram avem, eam quam post longum
tempus videmus. 48 hoc dicit: laudem quidem amo, non
falsam, sed quae ad finem extremum recti, ad veritatem intendat.

49 euge et belle. hoc enim dici solet Accio Labeoni.
excute. translatio a vestimento pleno sentibus vel quibuscunque
corpusculis, quod cum excussum fuerit, quicquid habet abscondi-
tum, proicit. 51 ebellorum graece, latine veratrum, quod
datur insanientibus, ut ad pristinam sanitatem redire possint.
ebriam dixit, quod versus non stent, aut quod propter ingenium
elleborum biberit et quamquam ebrius eodem tamen nihil profe-
cerit et elleboro sumpto saepius perduci non possit ad sanitatem.

52 citrum Romanis antea pretiosum notabatur et auro comparan-
dum. belle igitur et euge contigisse saepe locupletibus dicit, qui
crudi super lectulos citreos iacentes male scribunt oscitantes vel deli-
cate ac sine cura, et ideo arguit quod laudantur locupletum poemata,
quia et cenas praestare solent et vestes donare. 54 scis birrum
attritum comiti condonare. lacerna pallium fimbriatum quo olim

44 dicere fas est α 45 conscribo α exsit A 46 47
inverso ordine α 46 haec ζ exsit A 47 mihi *om.* α 50
est hic est B hic est b 51 sique legidia α (legedia B) 53 cereis
 α 54 trito α laconna α

et 'verum' inquis 'amo, verum mihi dicite de me'. 55
 qui pōte? vis dicam? nugaris, cum tibi, calve,
 pinguis aqualiculus protenso sesquipede extet.
 o lane, a tergo quem nulla ciconia pinsit
 nec manus auriculas imitari mobilis albas
 nec linguae, quantum sitiāt canis Apula, tantae. 60
 vos, o patricius sanguis, quos vivere fas est
 occipiti caeco, posticae occurrite sannae.

quis populi sermo est? quis enim, nisi carmina molli
 nunc demum numero fluere, ut per leve severos
 effundat iunctura unguis? 'scit tendere versum' 65
 non secus ac si oculo rubricam derigat uno.
 sive opus in mores, in luxum, in prandia regum

soli milites velabantur, paenula autem est pallium cum fimbriis longis. 56 tractus sensus ex graeco versu, quo significatur ex ventre crasso tenuem sensum non nasci [*Galenus* 5 p. 878 K.]

58 lanus dicitur bifrons esse, qui nec poterit derideri nec ei a tergo sanna fieri. ciconia dixit, quia manus solent formare irrisores unitate (collatis digitis ait) ad inferiorem partem inclinata ad similitudinem ciconini rostri. pinsit, assidue percussit, dictum a pisto-ribus.

59 id faciunt appposito temporibus pollice imitantes aures asini aliis digitis quasi sannam facientes. albas dicit per synecdochen. est enim interior pars aurium alba. ut populum quoque dicimus albam, quod utique folia eius alba sunt una parte, alia parte viridia. 60 tria sunt genera sannarum, ut manu significet ciconiam aut auriculas asini aut linguam canis. 61 antiqui ita fores templorum vel aedium dixerunt anticas et posticas. posticae ergo sannae, quae fit a posteriori parte. sanna autem dicitur os distortum cum vultu, quod facimus cum alios deridemus. inde sanniones dicti qui non rectum vultum habeant. 65 unguis tractum est a marmora-riis, qui quotiens volunt bene coaptatam iuncturam marmoris approbare, ungue experiuntur. 66 rubricam tractum a fabris, qui quotiens volunt rectitudinem lineae comprobare, retortis in unam partem ambobus oculis lineam factam inspiciunt, ob hoc scilicet, ne per oculorum divisionem iudicii veritas confundatur. 67 in mores, nam comoediae mores hominum exprimunt conversationem-que. in luxum, id est satiram quae invectionem hominum continet. in prandia regum, id est tragoedias quae cenarum facinoro-

57 propenso C 58 pinsit α pinxit c 'ambiguum pisat an
 pisit legendum sit' Diomedes GLK. I p. 373 59 imitata est α
 61 ius C

dicere, res grandis nostro dat Musa poetae.⁷
 ecce modo heroas sensus adferre videmus
 nugari solitos graece, nec ponere lucum 70
 artifices nec rus saturum laudare, ubi corbes
 et focus et porci et fumosa Palilia faeno,
 unde Remus, sulcoque terens dentalia, Quinti,
 quem trepida ante boves dictatorem induit uxor,
 et tua aratra domum lictor tulit. 'euge poeta: 75
 est nunc Brisaei quem venosus liber Acci,
 sunt quos Pacuviusque et verrucosa moretur

sarum continent descriptionem, sicut Thyestes. 72 Palilia dicit diem sacrum in honorem Palis deae pastoricae cognominatum, quo die positus in foco manipulis faeni ludibundi rustici saliebant, qui expiare se hoc sacrificio credebant: ideo fumosa dixit. aliter. si Palilia dicit, diem dicit sacrum in honorem Iliae, quae peperit Remum et Romulum, quorum mentionem sacrificiorum Cicero in Philippicis [14, 14] commemorat. Palilia quae nunc Parilia mutatis litteris dicimus. vel quod dies quo condita est Roma accensis manipulis, accenso faeno colatur. aut Palilia dies festus Palis deae agrorum seu pastorum habitus a veteribus. Varro sic ait: 'Palilia tam privata quam publica sunt, et est genus hilaritatis et lusus apud rusticos, ut congestis cum faeno stipulis ignem magnum transilient, quod Pali faciunt eam se expiare credentes'. 74 Quintus Cincinnatus cum suum agrum araret et sereret, dictatura ei a populo Romano delata est. qui contra Samnites profectus victor extitit. qui a serendo nominatus est Serranus. 76 Brisaeum Accium ideo dixit, quia poetae in Liberi patris tutela esse noscuntur. est autem Brisaeus Liber pater cognominatus, ut quibusdam videtur, a mellis usu, eo quod ipse primus invenisse dicatur mel ex favis exprimere (brisin iucundum dicimus, unde etiam quidam Briseida existimant dictam, quod Achilli iucunda fuerit). ut aliis videtur, ab uva, quia uvam invenerit et expresserit pedibus (brisare enim dicitur exprimere). vel ex nomine nymphe quae eam nutrisse dicitur. vel ideo quia barbatus colitur. 77 Antiopa, Nyctei regis filia, ab Epapho per dolum stuprata, ob hoc a viro suo Lyco spreta est. hanc relictam Iuppiter conversus in satyrum dicitur compressisse. iratus Lycus Dirce in matrimonium duxit, cui suspicio incidit virum suum cum Antiopa concumbere. itaque imperavit famulis, ut eam vinctam in tenebris clauderent. deinde

69 heroas ζ docemus vel videmus C 73 dentalia C dentalia c
 74 cum aut cui ζ dictaturam C

Antiopa, aerumnis cor luctificabile fulta?
 hos pueris monitus patres infundere lippos
 cum videas, quaerisne, unde haec sartago loquendi 80
 venerit in linguas, unde istuc dedecus, in quo
 trossulus exultat tibi per subsellia levis?
 nilne pudet capiti non posse pericula cano
 pellere, quin tepidum hoc optes audire 'decenter'?
 'fur es' ait Pedio. Pedius quid? crimina rasis 85
 librat in antithetis, doctas posuisse figuras
 laudatur: 'bellum hoc'. hoc bellum? an, Romule, ceves?

evenit ut includeretur, et instante poena Antiopae Iuppiter pulchritudine seductus et ardore concubitus eam a vinculis liberavit et impregnavit. ex quo concubitu in Cithaerone monte Zethum et Amphionem procreavit. qui educati a pastoribus, postquam mater Antiopa cognovit eos et eis rettulit, quomodo fuerit a Dirce tractata, Lycum interfecerunt et iniuriam Antiopae matris Dirces supplicio vindicaverunt. nam ob crudele servitium, quod ei fuerat a Dirce impositum, crudeli tauro illigatam in silvam dimiserunt. hinc fons ille appellatus est Dirces, qui Thebis vicinus est, quod ex ipso loco, in quo ipsa ossa collecta sunt Dirces, emanat. Antiopam verrucosam Persius dixit, quae apud Dircen servitio oppressa in squalore fuit. sic 'illuvie corporis et coma promissa impexa conglomerata atque horrida'. verrucae papulae eminentes. 80

sartago metaphora pro garrulitatis ardore et argutae sine sensu. qualis est strepitus sartaginis. 82 Trossulum oppidum fuit

Etruriae non longe a Volsiniis. hoc equites Romani sine peditibus expugnaverunt Numio quodam duce. unde equites Romani trossuli dicti sunt. aut torosi adulescentes. trossulus id est brevis et compactae naturae. 85 Pedius quidam illo tempore

damnatus est pecuniarum repetundarum. cui cum crimen obiectum esset furti, non se fortiter respondendo purgavit, sed ex compositione versuum favorem quaerebat, figuris dictionum serviens, securus criminum diversorum. 86 antitheta sunt haec: 'fortia neglecti velabant colla capilli: et per neglectos velabant colla capillos',

'aut quotiens umbra porrexi brachia mota: aut quotiens umbra reduxi brachia mota'. antitheta dicuntur contrariae figurae, ut 'semper egentes, multos autem locupletantes' [2 *Corinth.* 6, 10]. dicuntur etiam antitheta, quae contra se ponuntur ut 'hac parte pudor pugnat, illinc petulantia; hinc pudicitia, illinc stuprum' [*Cicero Catil.* 2, 25]. 87 ceves molles et obscaenos clunium

81 istut C 85 rosis α 86 doctus Scaliger 87 laudatu
 cum r in fine super adiecta C laudatis α laudatus schoda Bobiensis

men moveat? quippe et cantet si naufragus, assem
protulerim; cantas, cum fracta te in trabe pictum
ex umero portes? verum, nec nocte paratum 90
plorabit, qui me volet incurvasse querella.

‘sed numeris decor est et iunctura addita crudis.
cludere sic versum didicit “Berecynthius Attis”
et “qui caeruleum dirimebat Nerea delphin”,
sic “costam longo subduximus Appennino”. 95
‘arma virum’ — nonne hoc spumosum et cortice pingui,
ut ramale vetus, vegrandi subere coctum?
‘quidnam igitur tenerum et laxa cervice legendum?
“torva Mimalloneis implerunt cornua bombis,

motus significat. an tu, Romane, vir non es? 89 apud veteres
passi naufragia tabulam, qua fuerant liberati, pingebant, ne omni-
bus cladem suam mendicantes cogerebatur narrare. 90 verum
nomen pro adverbio vere. 92 obiectio: sed vide, quia versus
nisi levigatus sit, pro nihilo est. quemadmodum cibus semi-
crudus interficit, sic et versus semicrudus lacerat mentem. sar-
casmos. 93 hi versus exempli causa ponuntur. non sunt autem

Persii, sed poetae nescio cuius graecissantis, qui cum mare de-
scriberet, ita dixit delphin in extremitate versuum. 95 sic
robur latinae eviravimus linguae intermiscendo graecas glossulas.

omnia heroicorum carmina ita fere sunt composita, ut proxi-
mus pes ab ultimo dactylus sit, exceptis admodum paucis quos
spondiazontas appellant, ut apud Cornelium Severum ‘pineae frondosi
coma murmurat Appennini’. longum Appenninum, non quod a
supero mari ad inferum extenditur, sed quod duobus spondeis ter-
minetur. 96 nonne, inquit, in hoc est laudandus Virgilius, quod
ita inchoaverit: arma virumque cano. 99 mimallones ministrae
Liberi patris ἀπὸ τῆς μιμήσεως id est furore dictae. unde et
maniam dicimus et compositione eumenis nominamus. hi ver-
sus Neronis sunt. Calandrus Illyricorum rex ad Macedoniam cum
exercitu venit. illi cum magnam partem exercitus non haberent,
plurimas mulieres cothurnis et thyrsis in modum baccharum orna-
verunt. illi credentes exercitum adventare discesserunt. dicuntur
et bombisonae et Mimallones. bombus autem raucus sonus est

bellum hoc bellum α ‘tempore futuro ceves’ Probi cath. GLK.
IV p. 37, cevis GLK. VI p. 489 88 moneat α 90 portes vel
portas C 91 querellas scheda Bob. 92 cruris α 93 claudere C
si α dedicat α didici C 94 delphi α 95 si αC 96
cortice A: vertice B *tice C 97 vegrandi Porphyrio Hor. sat. 1
2, 129: praegrandi αC 99 torvam mallonis α

et raptum vitulo caput ablatura superbo 100
 Bassaris et lyncem Maenas flexura corymbis
 Euhion ingeminat, reparabilis adsonat echo".
 haec fierent, si testiculi vena ulla paterni
 viveret in nobis? summa delumbe saliva
 hoc natat in labris, et in udo est Maenas et Attis, ✓ 105
 nec pluteum caedit, nec demorsos sapit unguis.
 'sed quid opus teneras mordaci radere vero
 auriculas? videsis ne maiorum tibi forte
 limina frigescent, sonat hic de nare canina
 littera.' per me equidem sint omnia protinus alba. 110

tubarum nec valde acutus. mimallo dicitur Bacchus. ipse
 Persius finxit hos versus in aliorum imitationem, quorum scripta
 sonum grandem habent, sensum nullum. 100 et raptum vi-
 tulo. Pentheum significat Agauae et Echionis filium, qui Liberum
 patrem negabat deum, quem mater Libero faciente sub imagine
 vituli trucidavit. 101 Bassarides omnes bacchae dictae sunt,
 sed et ipse Liber pater ab ea veste talari qua utitur, quam Thraces
 bassarin vocant. quidam a vulpibus, quarum pellibus bacchae suc-
 cinguntur. vulpes Thraces bassares dicunt. lynx est animal
 Libero consecratum, quod currui eius subiungebatur. 103 haec
 fierent quasi increpantis verba. id est, talia poemata a quo-
 quam scriberentur, si quicquam in nobis virilitatis esset, vel si ali-
 quam partem haberemus, qua patres esse possemus? alii tradunt,
 si non degenerassemus a nostris parentibus. 105 hoc pro-
 verbialiter dicitur, posita esse in udo, in lingua. et soluta sunt
 et nihil rigidi et astricti habentia. in udo, in palato. 106
 quomodo potest sensatum esse carmen scribentis, cum ingenium
 levitas, non pondus sequatur? quod nec diu cogitatum est nec
 fricatum manu quaerentis aliquid mirificum afferre. aut unguis
 sursum indignatione rosi. nam qui cum cura scribunt, ita in-
 tenduntur animo, ut pulpitem vel tabulam feriant, interdum unguis
 corrodunt. 108 cave ne denuntietur tibi potentum familia-
 ritas, ut excludaris de domo eorum, cum vis vera dicere. limina
 frigescent, non calefacta frequentatione tua. vel frigus tibi afferant
 id est mortem. sis apud antiquos pro suis ponebatur, ut sos pro
 suos, sas pro suas detracta u littera. interdum sis pro si vis.
 109 hic, in domo divitum. nam canes lacessiti sic hirriunt ut
 videantur r litteram minitabundi exprimere. 110 alba, sicut malum

101 lyncae C licet α	corimpis α	104 summe α	105
aitis α	107 verbo C	108 sis om. α	109 camaena α
110 abba α			

nil moror. euge omnes, omnes bene, mirae eritis res.
 hoc iuvat? 'hic' inquis 'veto quisquam faxit oletum'.
 pinget duos anguis: 'pueri, sacer est locus, extra
 meite': discedo. secuit Lucilius urbem,
 te Lupe, te Muci, et genuinum fregit in illis; 115
 omne vafer vitium ridenti Flaccus amico
 tangit et admissus circum praecordia ludit,
 callidus excusso populum suspendere naso:
 me muttire nefas? nec clam? nec cum scrobe? nusquam?
 hic tamen infodiam. vidi, vidi ipse, libelle: 120

dicimus nigrum. unde Iuvenalis [3, 30] 'maneant qui nigrum in
 candida vertunt'. 112 faxit prisca consuetudine dixit pro faciat.

113 mos erat, ut tabernarii cupientes summovere pueros ne
 mingerent super stationum suarum angulos pingerent duos angues,
 deinde interdicerent micturientibus, ostendentes eis religionem loci.

115 genuinus proprie dicitur dens qui sub genis est. a
 Graecis *σωφρονιστήρ* vocantur. ultimus molaris est, qui post
 vicesimum annum accrescit. urbem autem ideo dixit secuit, quia
 tribus omnes XXXV laceravit, ex quibus urbs tota constat. 116

Horatius non ut Lucilius hominum vitia castigavit, sed ut rideret
 etiam is qui emendabatur. 118 excusso naso, emuncto, unde
 intelligitur prudenti, ut e contrario qui stulti sunt, mucosi dicun-
 tur. 119 proverbialiter dicitur. dicimus 'muttum nullum' id
 est nullum emiseric verbum.

Mida rex Lydiae fuit cognitor ad-
 hibitus a Marsya et Apolline decertantibus inter se, quorum audita
 cantilena praeposuit Marsyam. iratus Apollo damnavit eius stul-
 titiam auribus asininis, quas cum ab omnium conspectu corona
 imposita prohiberet, dum tonderetur a suo liberto, metuens divul-
 gari ei poenam imposuit. qui cum silentium intra se continere
 non posset, scrobem fecit et quod viderat intus narravit. in qua
 nata est canna, ex qua fistulam fecerunt pastores, et cum cantare
 vellent, fistula verba tonsoris narrabat. 120 dicitur Neronem

et Claudium tetigisse sub allegoria Midae. 121 Persius sic
 scripsit: auriculas asini Mida rex habet, sed Cornutus hoc mutavit,
 ita ponens: auriculas asini quis non habet? veritus, ne Nero in se
 dictum putaret. hoc carmen meum, quod latens est et obscu-
 rum, nullius momenti et ridiculosum et ineptum, quo rideo, quo
 delector, non tibi dabo, si mihi Iliada Labeonis aut Neronis Troicon
 tradas. scripsit enim Nero Troicon.

111 mureore α euge omnes bene αC. *distinxi post bene*
 113 pinguedo sanguis α exita α 114 mei cedis (mercedis B) sevit
 cedo lucilius α 118 collidus α 119 men c5 scribe α

auriculas asini quis non habet? hoc ego opertum,
 hoc ridere meum, tam nil, nulla tibi vendo
 Iliade. audaci quicumque afflate Cratino
 iratum Eupolidem praegrandi cum sene palles,
 aspice et haec, si forte aliquid decoctius audis. 125
 inde vaporata lector mihi ferveat aure:
 non hic, qui in crepidas Graiorum ludere gestit
 sordidus, et lusco qui possit dicere 'lusce',
 sese aliquem credens, Ítalo quod honore supinus
 fregerit heminas Arreti aedilis iniquas; 130
 nec qui abaco numeros et secto in pulvere metas
 scit risisse vafer, multum gaudere parátus,
 si cynico barbam petulans nonaria vellat:
 his mane edictum, post prandia Calliroen do.

123 unicuique suum epitheton dedit. audacem Cratinum dicit, iratum Eupolidem, Aristophanem praegrandem, quia nullus eum poeta satirographus antecedit. et hoc dicit: qui afflatus es Cratino et palles legendo Aristophanem et Eupolidem, et mea carmina lege. 128 naturalia vitia sunt, ut homo sit luscus. qui sapiens est, naturale vitium non reprehendit. 129 nec mihi sit auditor, qui se putat honoratum, quod meruit dignitatem aediliciam in aliquo oppido fracturus inaequales mensuras.

131 abacus dicitur mensa, in qua geometrae designant loca vel mensuras. 132 ille stultus paratus gaudere, si viderit meretricis manum delicatam philosophi barbam tenentem. quod de Diogene cynico dicitur et Laide meretrice. 133 nonaria dicta est meretrix, quia apud veteres a nona hora prostabant, ne mane omissa exercitatione militari illo irent adulescentes. 134 in usu fuit, ut praetores edicta proponerent certis temporibus compellentia debitores satisfacere creditoribus. dem illis cantandam tragoediam poetae cuiusdam indocti, qui Calliroen vel aliquam historiam pueriliter et indocte scripsit. vel ut alii dicunt, haec Calliroe nympa fuit, quam Paris ante Helenae raptum habebat, quae deserta multum dicitur rupti amoris flevisse dulce consortium. hanc comœdiam Asinius Celer scripsit pueriliter. nolo me legant circulatores, qui mane edictum consulis vel imperatoris populo recitant, meridie levia carmina dicunt.

121 auricula α 123 afflante cradina α 124 eupolidem C
 127 cratorum laudere A oratorum audere B 128 es A possis α
 129 seque C 131 qui in abato α in *om.* α 134 parandia α
 Calliroen do *om.* α

II

Hunc, Macrine, diem numera meliore lapillo,
 qui tibi labentis apponit candidus annos.
 funde merum genio. non tu prece poscis emaci,
 quae nisi seductis nequeas committere divis.
 at bona pars procerum tacita libabit acerra. 5
 haud cuivis promptum est murmurque humilisque susurros
 tollere de templis et aperto vivere voto.
 'mens bona, fama, fides' haec clare et ut audiat hospes;
 illa sibi introrsum et sub lingua murmurat 'o si
 ebulliat patruus, praeclarum funus' et 'o si 10

II 1 hanc satiram ad Plotium Macrinum de bona mente scribit, significatque eo die eiusdem Macrini natalem esse, quem diem laetitiae albo calculo more Cretensium iudicat assignandum, quod Cretenses definientes vitam ex laetitia constare dies laetos albo lapillo et tristes nigro indicabant, postea computo facto lapillorum videbant, quantos dies laetos in anno viderint, et eos se vixisse testificabantur. nam etiam in tumultu cuiusdam [*Similis apud Dionem Cass.* 69, 19] ita scribebatur: 'vixit annos tot, duravit tot'. est autem hic sensus et in Horatio [*od.* 1, 36, 10]: 'Cressa ne careat pulchra dies nota.' alloquitur Macrinum, hominem sane eruditum et paterno se affectu diligentem, qui in domo Servilii didicerat, a quo agellum comparaverat indulto sibi pretio aliquanto. 3 non tu, inquit, ea poscis emaci prece, quae nisi secreto optari non possunt propter turpitudinem ipsius voti; sed illa scilicet aperte petis, quae bonae fidei sunt. et notandum prece numero singulari, ut Horatius [*od.* 1, 2, 26]: 'prece qua fatigent virgines sacrae minus audientem'. 4 quia putant impia postulantes promissis votis deorum redimere voluntates. 5 acerra, patera in qua libatur. Vergilius [*Aen.* 5, 745]: 'et plena supplex veneratur acerra'. aut acerra arca turis. tacita acerra autem ait pro ipsis tacitis, qui ideo palam non orant, ne iniqua eorum petitio audiat. 10 hypallage. non praeclarum funus, sed quia praeclaram dat hereditatem, vel praeclarum funus si patruus ebulliat. ebullire autem proprie expirare, metaphora sumpta a bulla, quae aliquo venti tenore sustentatur. quae bullae cum in aqua fiunt,

II ad Macrinum de vitae honestate α ad Plotium Macrinum de bona mente C 2 quid α apponet C 3 murum α 5 ad C libavit C 6 aut α murmur humilisque α susurros om. C 7 aperte α a perito C 10 ebullit αc ebullet C patruī α patru* C

sub rastro crepet argenti mihi seria dextro
 Hercule. pupillumve utinam, quem proximus heres
 inpello, expungam, nam et est scabiosus et acri
 bile tumet; Nerio iam tertia conditur uxor'.
 haec sancte ut poscas, Tiberino in gurgite mergis 15
 mane caput bis terque et noctem flumine purgas.
 heus age, responde — minimum est quod scire laboro —
 de Iove quid sentis? estne ut praeponere cures
 hunc — cuinam? cuinam? vis Staio? an scilicet haeres?
 quis potior iudex, puerisve quis aptior orbis? 20
 hoc igitur, quo tu Iovis aurem inpellere temptas,
 dic agedum Staio: 'pro Iuppiter, o bone' clamet
 'Iuppiter'. at sese non clamet Iuppiter ipse?

cadentibus guttis rumpuntur et spiritum quo continentur emittunt.
 ex quo etiam proverbialiter dicitur: 'homo bulla est'. 11 seria
 dolium fictile oblongum. 12 non utique cuius tutor sit, sed
 puerum adhuc intra pupillares annos constitutum et nondum suae
 tutelae, cuius secundus heres substitutus est, si efferatur. quem
 scabiosum biliosumque et vitiosum ideo dicit, tanquam ex hoc speret
 celerius moriturum. 13 tractum a militibus, qui expuncti di-

cuntur, dum foras a militia emittuntur. metaphora a bello, in
 quo cadente qui primus est, succenturiatur alius. itidem in stipen-
 diis pro meritis accipiunt mercedem, et primo mortuo secundus
 succedit. 14 nomen fictum est. Nerius quidam morte coniu-

gum locupletatus faenerator factus est notissimus, de quo Horatius
 ait [*sat.* 2, 3, 69]: 'scribe decem Nerio'. ille, inquit, nobilitatus
 coniuges tumultando, mea uxor nec aegrotare patitur. dos enim a
 cive Romano data, non ex patrio dicta nomine, si repudium non
 intervenerit, post mortem uxoris ad maritum pertinet.

15 tempore quo haec postulas tu, quisquis es avarus, putas
 te caste petere, si lotus petieris, lotus propterea quod nocturno
 coitu sis inquinatus. 19 nomen fictum, quomodo supra Nerio.

Aelius Staius in Iuniano iudicio et consortio sedit, qui pecuniam a
 reo et accusatore acceperat, deceperatque utrumque. erat ergo inter
 notissimos cives. Staius autem praetor tutelarius fuit, Gutta et
 Albus et ceteri praepositi fuerunt iudices, qui in Iuniano iudicio
 corrupti Oppianicum damnaverunt. 23 referuntur haec ad vota,

quae ad funus patruum et pupilli pertinent. at sese: facete exit. sen-

11 crepat α 12 quam α 13 expungas α nam et est α :
 nam est C namque est ζ 15 poscat α mergit α 16 nocte α
 purgat α 18 est ut α 19 hunc cuinam vis αC hunc cui-
 quam? cuinam vis ζ iaio C 21 quod α 22 iaio C 23 ad αC

ignovisse putas, quia cum tonat, ocius illex
 sulphure discutitur sacro quam tuque domusque? 25
 an quia non fibris ovium Ergennaque iubente
 triste iaces lucis evitandumque bidental,
 idcirco stolidam praebet tibi vellere barbam
 Iuppiter? aut quidnam est, qua tu mercede deorum
 emeris auriculas? pulmone et lactibus unctis? 30
 ecce avia aut metuens divum matertera cunis
 exemit puerum, frontemque atque uda labella
 infami digito et lustralibus ante salivis
 expiat, urentis oculos inhibere perita;

sus autem est: Iovi non videatur importunum quod Staio videtur?

25 sulfure pro fulmine. quia dum fulmen ceciderit, loca vicina odore sulfuris implentur. unde sacrum dixit. 26 in usu fuit, ut augures vel aruspices adducti de Etruria certis temporibus fulmina transfigurata in lapides infra terram absconderent, cuius in paratione rei oves immolabantur. hoc ergo dicit: et quia necdum te fulmine perculsum sepelivit caesis hostiis Ergenna, ideo derides Iovem? Ergennae nomen aruspiciis fictum secundum morem Etruscorum.

27 bidental dicitur locus secundo percussus fulmine, qui bidente ab aruspibus consecratur, quem calcare nefas est. ergo bis eadem de caelo tacta, quae expiari non possunt nisi bidente, bidental; cetera fulgura immolata qualibet hostia procurantur. 30 lactes sunt loca in lateribus sub umbilico pube tenus adeo delicata, ut plagam ferre non possint. inde est quod lactidiatum dicimus, qui male sit calce percussus. vel certe lactibus intestinis pinguibus. vel ut alii dicunt, membranae sunt quibus cohaerent inter se intestina.

31 sunt aviae quaedam et materterae, quae statim puerum a cunabulis solutum votis suis diis caelestibus commendant, postulantes ei divitias, formam, vires, eloquium. in hoc petendo ostendit vota hominum nimium esse importuna. metuens divum, ut Terentius [*Phorm.* 623] 'fugitans litium' id est timens lites. transit iterum ad vanas superstitiones mulierum, quae dum ad nutriendum infantes acceperint, eos digito turpi, id est medio, vel salivis expiari fascino putant.

33 infami digito ait medio, qui obscaenitatis est, ut ait Iuvenalis [10, 52]: 'cum Fortunae ipse minaci praeberet laqueum mediumque ostenderet unguem'. sunt autem nomina digitorum pollex, salutaris, infamis, medicinalis, ultimus. lustralibus salivis, purgatoriis liberantibus puerum ex omni malo, quod dicunt mulieres, fascino. 34 urentes fasci-

tunc manibus quatit et spem macram supplice voto 35
 nunc Licini in campos, nunc Crassi mittit in aedis:
 'hunc optet generum rex et regina, puellae
 hunc rapiant; quidquid calcaverit hic, rosa fiat'.
 ast ego nutrici non mando vota. negato,
 Iuppiter, haec illi, quamvis te albata rogarit. 40
 poscis opem nervis corpusque fidele senectae.
 esto, age. sed pingues patinae tuccetaque crassa
 adnuere his superos vetuere Iovemque morantur.
 rem struere exoptas caeso bove Mercuriumque

nantes. inhibere perita, id est prohibere ne fascinent. 36 Li-
 cinius Crassus inter Romanos locupletissimus fuit, ideo dives cog-
 nominatus. huius ergo divitias optat puero. alii volunt Licinum
 tonsorem ac libertum Augusti Caesaris significari praedivitem, cuius
 monumentum est pretiosi operis via Salaria prope urbem ad lapi-
 dem secundum. de hoc homine non invenustum Varronis epigramma
 fertur: 'marmoreo Licinus tumulo iacet, at Cato parvo, Pompeius
 nullo: credimus esse deos?' synecdochicos autem metri causa fecit
 dihaeresin nominis et a nomine cognomen disiunxit, ut Vergilius
 [*Aen.* 3, 161]: 'non haec tibi littora suasit Delius aut Cretae ius-
 sit confidere Apollo'. interdum epitheton a nomine, ut [*Aen.* 3,
 628]: 'nec talia passus Vlixes oblitusve sui est Ithacus discrimine
 tanto.' ordo est: spem macram voto supplici modo in campos modo
 in aedes Licinii Crassi mittit dicens: da illi quantum Crassus habuit.

39 ast ego, inquit, contemptor divitiarum nolo a diis talia mihi
 impetrare nutricem, arguitque imperitos, qui nesciunt quid sit con-
 sequens optare. non mando: verbo usus est aruspicum, cum eis
 dicitur: 'mando tibi ut maximum Iovem audias', ut quemadmodum
 procurationis assertio fit, ita fiat et in sacris et in prece. 41
 corpusque fidele, validum quod sustineat senectam quae morbis
 omnibus abundat, unde dictum est [*Seneca ep.* 108, 29]: 'senectus
 ipsa morbus est.' 42 tucceta. apud Gallos Cisalpinos bubula di-
 citur condimentis quibusdam crassis oblita ac macerata, et ideo toto
 anno durat. solet etiam porcina eodem genere condita servari. aut
 assaturarum iura. hinc Plotius Vergilii amicus in eadem regione est
 nominatus Tucca. iterum de hominum optationibus, cum petant ut
 fortes sint corpore et eadem fortitudo usque perseveret in senectam.
 sed hoc a diis non potest concedi, dum cotidie crapula ipsorum
 corpus corrumpit. 44 sunt alii qui poscunt sibi patrimonia augeri

35 quant *A* quarit *B* 36 lini α hedis α 37 optent *C*
 39 non nutrici mando *C* primo 40 haec om. α rogabit α
 41 poscit α 42 pingens α grandes *C* 43 mirantur *C*

accersis fibra: 'da fortunare penatis,
da pecus et gregibus fetum'. quo, pessime, pacto,
tot tibi cum in flammis iunicum omenta liquescant?
at tamen hic extis et opimo vincere ferto
intendit: 'iam crescit ager, iam crescit ovile,
iam dabitur, iam iam' — donec deceptus et exspes
nequiquam fundo suspiret nummus in imo.

45

50

si tibi creterras argenti incusaque pingui
auro dona feram, sudes et pectore laevo
excutiat guttas laetari praetrepidum cor.

non sine damno, et petentes divitias ipsi prius impendunt sacrificiis
deorum. et bene ad invidiam caeso bove dixit, quasi auctore rei
familiaris, cultura enim boum ditescunt homines. Mercurio ideo
dixit sacrificium facere, quod deus est lucri, quomodo supra dixit
Herculem [v. 10]: 'et o si sub rastro crepet argenti mihi seria
dextro Hercule'. sed illum dixit absconditi lucri esse praesidem,
Mercurium autem evidentis lucelli.

47 iunices dicuntur aetate
viridiores vaccae, inter vitulas et vaccas. iunices feminae, iuveni
masculi dicuntur. omenta sunt membranae quae exta continent.

48 fertum genus est panis vel libi, quod diis infertur a pontifi-
cibus in sacrificio. dictum autem fertum a ferendo. alii vas di-
cunt, quod ornatum certis speciebus sacris et refertum diis infer-
tur. cum haec clamantem deus non audiat, tamen perseverat in
voto et effecturum se putat, quod improbe petit, donec omni re
consumpta ad unicum redactus nummus, quem in exhausta arca
sine censu invenit, superstitionem suam gemens excrucietur. non
cessat deos sacrificiis fatigare, et sperando divitias futuras arcam
suam exhaurit, quamdiu nullus nummus in fundo arcae suspiret.

50 decepta expectatione et spe accessionis quae erat, dum
pecunia usque ad ultimum consumpta nummus non defecerat, po-
situm in imo, id est in fundo arcae frustra iam gemitu et su-
spirio prosequente parium suorum. aut certe ipse suspiret, quia
nihil videt in imo fundo nummorum, tropicos, ut [v. 5] 'tacita liba-
bit acerra' pro ipse tacitus.

52 incusa dicit caelata, unde incus
dicitur, a cudendo. 53 ideo laevo dixit pectore, quia in parte
sinistra pectoris cor habemus. ut Iuvenalis [7, 158]: 'culpa do-
centis scilicet arguitur, quod laeva in parte mamillae nil salit'.

54 laetari praetrepidum. propter sudorem prae gaudio natum
toto corpore trepidabis. vel quod ad laetitiam festinet.

45 accessis α fibram C de α 48 et C festo α 49
aser α 51 fundo nummus in imo aut nequiquam f. n. in i. ex
suspirantis persona alii 52 crateras C incusasque C 53 laeto
 C 54 praetrepidum α

hinc illud subiit, auro sacras quod ovato
 perducis facies. nam fratres inter ahenos, 55
 somnia pituita qui purgatissima mittunt,
 praecipui sunt sitque illis aurea barba.
 aurum vasa Numae Saturniaque impulit aera,
 Vestalisque urnas et Tuscum fictile mutat. 60

55 ut auro putes numina delectari, quod tu diligis, et his
 vultus deaurandos existimes. ovato sive quod ovo perfunduntur
 statucae, ut brattea melius inhaerescat, sive quod brattea talis est,
 qualis ovi membrana. 56 Acron tradit, quod in porticu quon-
 dam Apollinis Palatini fuerint L Danaidum effigies, et contra eas
 sub divo totidem equestres filiorum Aegypti. ex iis autem statu-
 quaedam dicebantur postulantibus per somnum dare oracula. alii
 autem fratres aenos Pollucem et Castorem, qui utique fratres fue-
 runt, et aliquando nocte Persen Macedoniae regem nuntiaverunt
 victum, in quorum templo somniorum interpretes haberi solent, qui
 puros a pituita visus hominum exponebant. aliter. cum Romani
 pestilentia laborarent, Castor et Pollux in somniis populum monu-
 erunt, quibus remediis morbi curarentur, et licet eorum multae
 essent statucae Romae, tamen cum non essent, paratae sunt illis
 similes, quas postea Romani deauraverunt. 57 pituita est pur-
 gatio cerebri. vel morbus gallinarum qui ex edacitate nascitur.
 unde evenit ut gravati homines somno non bona somnia videant.

59 Numa Pompilius, rex Romanorum, vasis fictilibus usus est
 etiam ad religionem deorum. ex quo Numa dictus est, quod numi-
 nibus deserviret. nam primus religiones invenit. Saturno
 enim in Italia regnante aes in usu fuit, quod etiam postea in aede
 Saturni condebatur. unde aerarium dictum est. nondum enim
 fuerat argentum neque aurum. illud autem aes una parte capite
 lani notatum erat, altera nave qua Saturnus fugiens ad Italiam
 vectus est. bene autem in illo nummo geminum erat signum,
 et hospitalitatis lani et adventus Saturni. quod aes postea, ut
 dictum est, in aede Saturni condebatur nondum argento auroque
 signato, unde aerarium nomen accepit. fuit autem assis libralis,
 hoc est libra appensus, et dipondius duarum librarum. quod
 hodieque in usu remansit, et solet pensari potius quam numerari
 unde et dispensatores dicti prorogatores. et est sensus: mysteria
 innocentium ac simplicium vasorum paupertatem auri caeca remo-
 vit ambitio. 60 virgines Vestales vasis fictilibus in sacrificiis

55 subit *αC* 56 perducit *α* 57 purgantissima *C* 58
 sit illis *α* 59 auri *α* 60 facile *B*

o curvae in terris animae et caelestium inanis,
 quid iuvat hoc, templis nostros immittere mores
 et bona dis ex hac scelerata ducere pulpa?
 haec sibi corrupto casiam dissolvit olivo,
 haec Calabrum coxit vitiato murice vellus,
 haec bacam conchae rasisse et stringere venas
 ferventis massae crudo de pulvere iussit.
 peccat et haec, peccat: vitio tamen utitur. at vos
 dicite, pontifices, in sancto quid facit aurum?

65

usae sunt. Tuscum fictile, sive quod in Etruria creber usus
 vasorum fictilium fuerat, sive quod Tusci deorum simulacra fictilia
 fecerunt. 61 exolevisse dicit in terris spiritum divinum ho-
 minibus natura inditum et intelligentiam summam, animosque nostros
 originis divinae immemores factos et more pecudum humum spec-
 tantes, ut Salustius ait [*Cat.* 1]: 'quae natura prona atque ventri
 oboedientia finxit'. 62 quid prodest, ut credamus deos cupi-

ditate aliqua vel ambitione sicut homines tangi? ut ex humano
 corpore credamus deos luxuria id est pompa aut ambitiosis de-
 lectari carnalibus et felicitatem deorum in auro positam esse?

63 pulpa est caro sine pinguedine, dicta quod palpitet. haec
 eadem pulpa id est hoc corpus nostrum omnium vitiorum causa
 est. quod detractive sceleratum appellavit. 64 casiam, quam

in terra orienti proxima homines toto corpore contecto, paulum
 oculis relictis intectis ad visum propter multitudinem avium infesta-
 rum quae sunt vespertilionum similes, ex lacibus colligunt, colli-
 gentes aquarum superficiem in limi modum. haec casia olivo mixta
 unguentum facit. casia herba vel pigmenti genus, quo oleum

meliore odore inficitur. quod oleum odoribus vitiatur. 65

Apulam lanam conchylio inficit. ideo in Apulia, quod ibi oves
 plurimum nascuntur. vellus autem ob hoc dictum, quod prius
 lanae vellerentur, non tonderentur. 66 radere margaritas de

conchis marinis. uniones enim nascuntur in conchis, pro quibus
 baccas posuit, ut Horatius [*epod.* 8, 13]: 'quae rutundioribus onusta
 baccis'. 68 haec faciendo integritate sua mores humani va-

cillant. in quo tamen crimine saepe possumus hominibus ignoscere,
 illis scilicet concupiscentiis quibus utuntur. nam crimen est am-
 bitionem petere. utitur tamen ea; quamvis peccat supervacua re-
 periendo, habet tamen aliquem usum appetitorum. 69 diis

tam sunt opes supervacuae, quam Veneri puppae, quas virgines

61 terras *Lactantius inst. d. II 2* 62 hos ζ 63 ex *om. α*
 65 et calabrum *C* 66 vacam *C* 67 missae α 68 peccat-
 haec α 69 in sanctis *Lampridius vita Alex. Severi 44*

nempe hoc, quod Veneri donatae a virgine pupae. 70
 quin damus id superis, de magna quod dare lance
 non possit magni Messallae lippa propago?
 compositum ius fasque animo sanctosque recessus
 mentis et incoctum generoso pectus honesto:
 haec cedo ut admoveam templis, et farre litabo. 75

III

‘Nempe haec adsidue. iam clarum mane fenestras
 intrat et angustas extendit lumine rimas:
 stertimus, indomitum quod despumare Falernum

nubentes donant. solebant enim virgines antequam nuberent quae-
 dam virginitatis suae dona Veneri consecrare. hoc et Varro scribit.

71 feramus, inquit, ad templum dona conscientiam bonam, et
 sic fiet ut tantum mola salsa litantes exaudiant dii. quod potest
 et pauper. 72 Cottam Messalinum dicit, qui tam vitiosos

oculos in senectute habuit, ut palpebrae eius in exteriorem partem
 verterentur. fuit enim et multis deditus vitiis. hic ab Aurelio
 Cotta adoptatus Marcus Aurelius Maximus vocabatur, originem tra-
 hens a Valerio Messala, qui septies fuit consul, qui cum a quo-
 dam Gallo ad monomachiam vocaretur, corvus super galeam in ca-
 pite eius sedit, et victo hoste Corvinus appellatus est. 73 et

secretas cogitationes et sanctas et honesti tenacitatem, ut erui non
 possit. 75 haec cedo, ut admoveam templis. ce in hoc loco
 adiectio syllabica: nam in cedo verbo producit. hic quoque sensus
 ab Horatio sumptus est, qui ait [*od.* 3, 23, 17]: ‘immunis
 aram si tetigit manus, non sumptuosa blandior hostia mollivit aver-
 sos penates farre pio et saliente mica’.

III 1 hanc satiram poeta ex Lucili libro quarto transtulit
 castigans luxuriam et vitia divitum. 2 mane scilicet vel per
 rimas fenestrarum se tota lux infundit, ut capi non possit. 3
 indomitum Falernum. id est vinum multae virtutis, ut Vergilius
 ait [*g.* 4, 102]: ‘et durum Bacchi domitura saporem’. et Luca-
 nus [10, 163]: ‘indomitum Meroe cogens spumare Falernum’.
 sensus autem iste est: tam diuturno sopore deprimimur, ut pos-
 sint qui nimia ebrietate gravati sunt, tam longo somno crapulam

70 a om. α 72 messallae C messala α 73 animimo B
 animos C animi 5 Lactantius 74 honestum α 75 admoneam B
 admoveant C

III satyrarum III loquitur ad desidi B increpatio desidie humane
 C 1 sepe A seppe B

sufficiat, quinta dum linea tangitur umbra.
 en quid agis? siccas insana canicula messes 5
 iam dudum coquit et patula pecus omne sub ulmo est'
 unus ait comitum. 'verumne? itan? ocius adsit
 huc aliquis. nemon?' turgescit vitrea bilis,
 findor, ut Arcadiae pecuaria rudere dicas.
 iam liber et positis bicolor membrana capillis 10
 inque manus chartae nodosaque venit arundo.
 tunc querimur, crassus calamo quod pendeat umor,
 nigra sed infusa vanescat sepia lymphā;
 dilutas querimur geminet quod fistula guttas.
 'o miser inque dies ultra miser, hucine rerum 15
 venimus? a, cur non potius teneroque columbo
 et similis regum pueris pappare minutum
 poscis et iratus mammae lallare recusas?'

Falerni vini discutere. Falerna regio dicitur Campaniae, ubi vina optima nascuntur. 4 dum umbra medii stili, qui in horologio est, quintam lineam attigerit. ac per hoc, usque ad horam quintam.

9 Arcadiae pecuaria asinos dicit, qui primum in Arcadia nati sunt. ruditus proprie asinorum est. 10 ambiguitas est. aut enim bicolor membrana, quia quondam capillos habuit, aut quae bicolor facta est, ut posuit capillos. aut merito bicolor, quod pars crocea, pars glutinata apud antiquos erat. membrana de pelli-
 bus animalium antiquitus scribebatur in una parte, nunc vero in utra-
 que parte derasis tantum pilis. et notandum feminino genere mem-
 brana. 13 sepia pro atramento a colore posuit, quamvis non ex ea, ut Afri, sed ex fuligine ceteri conficiant atramentum. nigra sepia vanescit ex infusa lymphā, quia ita sepia piscis nigrum habet san-
 guinem, ut atramentum ex ea conficiatur. 14 fistula pro cannali calamo posuit exquisite. 15 voces mutilas imitaris, ut pappare pro comedere vel lallare pro dormire. nam qui parvulas aves nutriunt, commanducatos cibos diducto earum rostro inserunt. hoc genere nutrices etiam infantes delicatos instruunt. 16 columbos melius pueros intellegere est, quos quae nutriunt blandientes columbos et pullos et passerres vocant. aut cur non commanducatos cibos poscis aut non nutricis iussu dormire ploras? quae infantibus, ut dormiant, saepe dicere solent: 'lalla lalla lalla, aut dormi aut lacta', quod quasi irati infantes nolunt.

7 idanocius α ita nec ocius C 8 nemo A tigesit α 9
 oridas C credas § Eutyches GLK. V p. 471 12 querimus α quae-
 ritur c 13 vanescit C 14 querimus α quo C 15 hunc
 ine C 16 aut cur C at cur § palumbo α

‘an tali studeam calamo?’ ‘cui verba? quid istas
succinis ambages? tibi luditur. effluis amens, 20
contemnere: sonat vitium percussa, maligne
respondet viridi non cocta fidelia limo.
udum et molle lutum es, nunc nunc properandus et acri
fingendus sine fine rota. sed rure paterno
est tibi far modicum, purum et sine labe salinum — 25
quid metuas? — cultrixque foci segura patella.
hoc satis? an deceat pulmonem rumpere ventis,
stemma quod Tusco ramum millesime ducis,

20 a vase vitiato, quod nihil in se continet, quemadmodum
hic effusus per vitia nihil sapientiae in se continet. ut Teren-
tius in Eunucho [105]: ‘plenus rimarum sum, hac atque illac effluo’.

21 contemnere. haec ab Horatio male translata intempestiva
sunt. Horatius [sat. 2, 3, 13] ‘quin tu invidiam placare paras,
virtute relicta? contemnere miser’. et sonat vitium active dici-

mus, ut ‘nec vox hominem sonat’ [Verg. Aen. 1, 328], et maligne
pro acriter dici potest. hoc dicit: quomodo vas non bene coctum
non acutum sonum reddit vel tinnitum et prodit vitium suum, ita
et homo non bene sapientia politus vitium suum temptatus osten-

dit et apparet qualis futurus est, id est miser. allegoricos. 22
quod sono tam cruda quam cocta vasa explorantur. viridi limo.
creta non cocta vel adhuc habens limum id est argillam. sed
dubium utrum similitudine usus sit an allegoria. 23 udum

et molle lutum. figurate: adhuc crudus es et assidua exercitatione
formandus, ut fictilia circumactu rotae formantur. 24 sed rure

paterno. hic anthypophora usus est. sed inquires esse tibi rem
familiarem mediatae frugalitatis farre contentam et tibi posse suf-
ficere, etiamsi minus proficias. vel etiam per far modicum et sa-
linum ac patellam, quibus rebus in sacrificiis utimur, metonymicos
vota et spes non improbas se concipere dicit, unde securior sit
et minus timeat in rebus impetrabilibus et quae tolerare homo
frugi possit. 26 cultrixque foci. quia delibatae dapes in ea

positae ad focum feruntur. segura patella. qua in rebus di-
vinis utuntur. et non patella segura, sed ille quasi securus vel
sine debito. 27 hoc satis. potest et sic intellegi, tanquam

et modo anthypophora sit et ille adhuc respondeat. 28 an
oportet te arrogantia inflatum dissilire, quod in aliquo nobili Tusco
stemma millesimus a magno auctore numereris et ramum aliquem

20 et fluis αC 22 cocyta α 23 es] est B 24 rupe
paturno α 26 fori α patella est C

censoremve tuum vel quod trabeate salutas?
 ad populum phaleras, ego te intus et in cute novi. 30
 non pudet ad morem discincti vivere Nattae.
 sed stupet hic vitio et fibris increvit opimum
 pingue, caret culpa, nescit quid perdat, et alto
 demersus summa rursum non bullit in unda.
 magne pater divum, saevos punire tyrannos 35
 haud alia ratione velis, cum dira libido
 moverit ingenium ferventi tincta veneno:
 virtutem videant intabescantque relictæ.
 anne magis Siculi gemuerunt æra iuveni,
 et magis auratis pendens laquearibus ensis 40
 purpureas subter cervices terruit, "imus,

ac lineam quasi successionis a genealogico in stemmate notatus ob-
 tineas? vel quod in equitum Romanorum recognitione trabeatus
 censorem salutes? cognitio enim equitum Romanorum censoribus
 erat subiecta, quæ nunc consulum est officii. 31 discinctum
 dicit negligentem id est perditum, ut Horatius [*epod.* 1, 34]: 'dis-
 cinctus aut perdam nepos'. vel discinctum obesum et ventricosum
 luxuria, qui cingi non possit. nam ob pinguedinem calluisse hunc
 Nattam induxit. quod potest ab Horatio videri translatum, qui ait
 [*sat.* 1, 6, 123]: 'ungor olivo quo non fraudatis immundus Natta
 lucernis'. apud utrumque Natta nomen fictum est. alii putant
 Nattam fuisse quendam luxuriosum, qui patrimonium suum perdi-
 derit et nobilitatem male vivendo exturpaverit. 34 sicuti quos
 vorago caenosa absorbet, non remissos in altum undarum facies
 ebullit, ita hos quoque, quos magnitudo criminum mersit, necesse
 est vitiorum mole gravatos nescire quomodo virtutem agnoscant
 vel qua arte sceleribus careant. 37 nunc animi venenum ait.
 ideo ferventi. metaphora a lana, quæ corrupta ad pristinum colorem
 reverti non potest. 39 an maiora tormenta passi sunt ii, quos
 Phalaris Agrigentinarum tyrannus tauro æneo torquebat inclusos,
 aut gravior sollicitudo Democratem philosophum torsit, quem Dio-
 nysius tyrannus opes et felicitatem mirantem invitavit ad cenam
 appositoque apparatu omni magnis epulis frui iussit, sed ita ut
 gladius ligatus saeta ex laquearibus supra cervices eius penderet,
 quam torquentur huiusmodi cogitationibus, cum se decipi intelle-
 gunt nec tamen corriguntur et apud se ita murmurant, ut nec
 uxoribus credant, ut secretum eorum ea nesciat, quæ scire debuerat?

29 censoremve *C. Servius Aen. III 382 Priscianus GLK. III p.*
208 et 211: censoremque α 31 districti *α* 34 rursus *α* 37
 moverat *α*

imus praecipites” quam si sibi dicat et intus
palleat infelix, quod proxima nesciat uxor?

saepe oculos, memini, tangebam parvus olivo,
grandia si nollem morituri verba Catonis
discere et insano multum laudanda magistro,
quae pater adductis sudans audiret amicis.
iure etenim id summum, quid dexter senio ferret,
scire erat in voto, damnosa canicula quantum
raderet, angustae collo non fallier orcae,
neu quis callidior buxum torquere flagello.
haud tibi inexpertum curvos deprendere mores,

45

50

44 merito, inquit, mihi lippitudinem accersebam, ne Catonis
deliberativam orationem recitarem, utrum moreretur an non, aut
quibus verbis uti potuit, cum se destinaret interficere. oculi autem
oleo tacti perturbabantur ad tempus, ut turbatis oculis ad scholam
non iret.

46 non sano m. l. m. id est nimis sano, ut est
illud Vergilii [*Aen.* 3, 443]: ‘insanam vatem aspicies’ pro valde
sanam. aut certe insano, qui discipulorum suorum carmina lau-
dabat, cum aliorum debuerant iudicio comprobari.

48 dextrum
senionem dicit propitium, quia in iactu talorum semper boni ali-
quid affert. aut senio maior missus ut scaeva.

tali in hoc loco
tres tesserae sunt numerum impressum tenentes in alea. senio autem
et canicula et Venus propria nomina iactus tesserarum sunt. verbi
gratia, dum tres seni proveniunt, is iactus senio est. in quo no-
tandum quia interdum etiam est sinister. dum vero tres uni, cani-
cula. Venus autem, dum iactus iuxta rationem numeri optime
conectuntur, quam conexione unio id est canicula in fine tabulae
efficere solet.

49 canicula pro cane, quae in calculis ex omni
iactu talorum quinque detrahit, excepta Venere, in qua sola prod-
est. canicula genus aleae, quod de numero quinque subtrahat.

angustae collo non. collo amphorae ex distante loco ait nuces
mittere, ut manus non erret. qui ludus ubique celebratur. ita
praestat, cum extra eollum missas nuces colligat.

ludo nucum
orcae collum ponitur, et qui certo iactu iacit in eodem collo,
victor existit.

52 aut interrogative aut pronuntiative legen-
dum. non illi esse incognitum pravos et turpes et peccantes mores,
quos curvos appellavit a corpore curvo, corripere. ergone vidisti
dextrum litterae Pythagoricae? aut magis pronuntiative: certe
degustasti philosophiam.

45 morituro verba catoni C 46 dicere C et insano α: non
sano C 48 summo α fervet α 51 calidior α torquaeret
α 52 hinc nova satura incipit in C, cui titulus est ad eosdem

quaeque docet sapiens bracatis inlita Medis
porticus, insomnis quibus et detonsa iuventus
invigilat siliquis et grandi pasta polenta.

55

et tibi, quae Samios diduxit littera ramos,
surgentem dextro monstravit limite collem.
stertis adhuc, laxumque caput compage soluta
oscitat hesternum dissutis undique malis.

est aliquid quo tendis et in quod derigis arcum?

60

an passim sequeris corvos testaque lutoque
securus, quo pes ferat, atque ex tempore vivis?
helleborum frustra, cum iam cutis aegra tumebit,

53 quaeque docet sapiens. Atheniensium porticum dicit, in qua picta erat pugna Atheniensium et eorum, qui cum Xerxe Persa ad oppugnandam Graeciam venerant, gesta apud Marathonios campos. quam porticum sapientem dixit, quoniam sapientes in ea philosophabantur. ex qua etiam stoici dicti, graece enim porticus *στοά* dicitur. quam et *Πεισιανάκτειον* vocant. 55 natura-

libus cibus vivere contenta, id est leguminibus et farre. vel victu facili esuriem suam implens. aut quia philosophi non utantur carne, dicentes animas animabus non debere dari. unde Ovidius [*met.* 15, 88]: 'heu quantum scelus est, in viscere viscera condi, congestoque avidum pinguescere corpore corpus, alteriusque animam animantis vivere leto'.

56 quae Pythagoras Samo insula ortus praecepit, qui Y litteram ad modum humanae vitae figuravit. quae in infantia vel initio monitione paedagogi et paterno metu insecta est. at postquam in adulescentiam quis venerit, dividitur. et in sinistra parte rami velut vitia sunt, quae devexior faciem ad se praestat ascensum. est altera dextera, in qua virtutis opera celebrantur, arduum ac difficilem limitem pandens. quem qui evaserint, quieta sede excipiuntur. quas partes quisque ab anno sexto decimo obtinebat, in iis fuerat staturus. 58 crapula marcidus, vix caput sustinens iuncturis maxillarum extensis in rictum et vehementer patefactis.

59 oscitat hesternum. crapulam significat. 60 proposuistine tibi aliquod genus vitae, quod sequi debeas et in quo nervos animi extendas? an vagus sine proposito vitam peragrans, ut libuit, omnia facis et corvos lapidibus insectaris? quod est inertium et stultorum indicium. corvi enim instabiles sunt huc illuc transvolantes, et non curant aut in alta arbore sedere aut in palustribus in aquaticisque locis, et adulteros figurant. 63 stulte solent quidam inveteratis vitiis medendi remedia implorare, cum uti-

56 deduxit *αC* 57 collem *αC*: callem *ς* 59 hoscitat *α*
60 in quo *α* dirigis *αC* 62 bibis *α*

poscentis videas: venienti occurrere morbo.
 et quid opus Cratero magnos promittere montis? 65
 discite, o miseri, et causas cognoscite rerum:
 quid sumus et quidnam victuri gignimur, ordo
 quis datus aut metae qua mollis flexus et unde,
 quis modus argento, quid fas optare, quid asper
 utile nummus habet, patriae carisque propinquis 70
 quantum elargiri deceat, quem te deus esse
 iussit et humana qua parte locatus es in re.
 discite, nec invideas, quod multa fidelia putet
 in locuplete penu defensis pinguibus Vmbris
 et piper et pernae, Marsi monumenta clientis, 75
 maenaeque quod prima nondum defecerit orca.

que primo cavendum sit, ne quis sanis membris morbus irrepat.
 allegoricos. a medicis tractum. helleborum. medicaminis genus
 est, quod hydropici saepe hibunt, quod si nimium sumpserint,
 necat. 65 magnos promittere montes. in proverbio est 'mon-
 tes aureos'. quid prodest post morbos sera remedia quaerere
 et Cratero medico multa promittere? Craterus Augusti temporibus
 nobilis fuit. de quo Horatius dicit [*sat.* 2, 3, 161]: 'non est
 cardiacus, Craterum dixisse putato.' per hunc vult omnem medi-
 cum accipi. 66 discite, o miseri, et causas cogn. r. id est
 philosophiam. dicit unumquemque debere discere omnium rerum
 rationem, ut sciat, quid ipse est et ob quam causam natus est.
 sed et finem vitae debet intueri et quae fugiat, quae exoptet, quem
 modum in cupiditate teneat, quod bonum, quod malum asper num-
 mus habeat, vel quantum suis parentibus largiri oportet. 'felix qui
 potuit rerum cognoscere causas' [*Verg. g.* 2, 490]. discite ergo
 aut naturalem philosophiam aut moralem. 73 discite, subaudi
 philosophiam. et non invideas divitibus, quod sapientiae non est.
 in quorum cellariis tanta est dapum abundantia, ut etiam putres-
 cant epulae, quae consumi prae multitudine non possunt. quae
 cellaria muneribus pinguum Vmbrorum vel clientum referta sunt,
 quibus defensionem patrocinando praebent. inter cunctas
 quas tibi partes iniunxerit deus in convietu qui cum hominibus est,
 summa omnium est philosophari. nec te abstraxerit admiratio ab-
 undantiae et potentiae causidicorum, quod plerisque iuvenibus ac-
 cidit. 76 maena salsamenti genus est ex pisce minuto.

66 disciteque o aut discite et o m. causas § io *Barthius* vos
Guietus 67 gignimus α 68 au C mecae α quam C
 69 argenti *Augustinus civ. d. II* 6 71 largiri α *Augustinus*
 73 invidias α 74 defensio α 75 om. α in margine
 add. b luentis C clientis c

hic aliquis de gente hircosa centurionum
 dicat: "quod satis est sapio mihi. non ego curo
 esse, quod Arcesilas aerumnosique Solones
 obstipo capite et figentes lumine terram, 80
 murmura cum secum et rabiosa silentia rodunt
 atque exporrecto trutinantur verba labello,
 aegroti veteris meditantes somnia, gigni
 de nihilo nihilum, in nihilum nil posse reverti.
 hoc est, quod palles? cur quis non prandeat, hoc est?" 85
 his populus ridet, multumque torosa iuventus
 ingeminat tremulos naso crispante cachinnos.
 "inspice: nescio quid trepidat mihi pectus et aegris
 faucibus exsuperat gravis halitus: inspice, sodes"
 qui dicit medico, iussus requiescere, postquam 90
 tertia compositas vidit nox currere venas,

77 hircosa dixit aut ab odore corporis, quia ex multo labore
 et cibo et somno fetidum sudat, aut ad mores barbaros rettulit,
 quod eorum quidam dici putidi solent. 79 non curo esse hoc,
 quod Arcesilas philosophus aut Solon qui apud Athenienses philo-
 sophus et legislator erat. Solones sane more Romano dixit, ut Ca-
 tones Camillos Drusos. aerumnosi autem, quia frugalitas philo-
 sophorum misera videtur luxuriosis et prodigis. eo quod animum
 colentes corporis cultum abiciant. Arcesilas Scythi filius Pitanaeus,
 Cyrenaicus, perfectissimus philosophus, qui Academiam primus invenit.

80 obstipo. id est inclinato et gravitatem simulante et cum
 obliquitate fixo. 84 prima physicorum quaestio est et de qua
 inter omnes convenit, nihilum de nihilo nasci et nihil in nihilum
 solvi. negat centurio velle se discere et dicit ita: philosophi
 sibi oculis formant, de quibus scripturi sunt, ut sunt diuturna in-
 firmitate homines, quia siccitate febrium et insomnietate diversorum
 imagines oculis eorum formantur. Stoici asseverant non posse ad
 nihilum aliquid reverti et aliquid non in nihil resolvi. nam corpus
 atomis constat, cum decedit, in atomos dissolvitur. 86 aut
 multum ridet aut multum cachinnos ingeminat aut multum tremulos
 aut multum naso crispante. 89 sodes. aut sodalis aut anti-
 quae affectationis est, adeo ut soluto eo quidam usi sint, ut Plau-
 tus qui per resolutionem sic ait [*aul.* 170]: 'dic mihi, si audes,
 quae est ea quam ducere vis uxorem?'

78 dicta α quod sapio satis est mihi C 79 solonis α
 80 obsip vel opsip α obsti*po C figentis α 84 di n. α in
 nihilo α 90 posquam A 91 videt C

de maiore domo modice sitiente lagoena
 lenia loturo sibi Surrentina rogabit.
 "heus bone, tu palles." "nihil est." "videas tamen istuc,
 quidquid id est: surgit tacite tibi lutea pellis." 95
 "at tu deterius palles. ne sis mihi tutor.
 iam pridem hunc sepeli: tu restas?" "perge, tacebo."
 turgidus hic epulis atque albo ventre lavatur,
 gutture sulpureas lente exalante mefites.
 sed tremor inter vina subit calidumque trientem 100
 excutit e manibus, dentes crepuere relecti,
 uncta cadunt laxis tunc pulmentaria labris.
 hinc tuba, candelae, tandemque beatulus alto
 compositus lecto crassisque lutatus amomis

92 de nobili apotheca. lagoena non valde plena, quae non
 impleatur nisi usque ad collum. vel quod vetustate decoquatur ac
 per hoc sese tanquam sitiens ebibat. 93 Surrentum oppidum
 Campaniae, quod bona vina mittit. id est electa lenia vina Sur-
 rentina, cum sint fortissima. unde et Horatius [*sat.* 2, 4, 55]:
 'Surrentina vaser qui miscet faece Falerna.' 94 introducuntur
 monens et monitus loquentes, quorum alterna responsio est. 96
 aegrotus excandescit. ut dici solet: 'quid me mones? ego iam
 pridem tutorem meum extuli'. 99 sulfureas mefites a loco
 fetido dixit, qui in Italia graviter spirat. ut Vergilius [*Aen.* 7,
 84]: 'saevamque exhalat opaca mefitin.' per indigestionem vomit-
 us sulfurei. 100 dicit calicem talem qui tertiam partem
 sextarii capit. aut tres heninas capientem. 103 sepultura tubis
 apud antiquos celebrabatur. ut Vergilius [*Aen.* 11, 192]: 'it caelo
 clamorque virum clangorque tubarum.' candelae etiam in sepul-
 turis ante mortuos praecedebant. ut idem Vergilius [*Aen.* 11, 142]:
 'et de more vetusto funereas rapuere faces'. beatulus dicit, non
 quod beatus sit, sed quia nunquam splendidior habitu fuerit, quam
 eo lecto quo effertur. aut certe quia Romanae consuetudinis fuit
 simpliciter sepelire, merito etiam funeris ambitionem irridet. non
 quia μάχαρες et μαχάριοι dicuntur mortui, non est enim Roma-
 nae consuetudinis, sed quia pretiosiore in funeribus veste stragula
 ceteraque etiam pauperculi exponebantur. hypocorismos derisum
 significat. 104 multis oblitus unguentis foras exit mortuus
 de domo sua.

92 silente *C* lagoaena α 93 locupo α laturo *C* rogabis
 α rogavit *C* 94 tu *om.* α pallens *C* palles *c item v.* 96 istud
 α 95 hic est *A* 97 sepelii α sepellitur istas *C* (tu restas *c*)
 98 babatur *A* lobatur *B* 99 pulphereas α exilante α 100 in
 terra subiit α triental ζ 101 excidit α

in portam rigidas calces extendit. at illum 105
hesterni capite induto subiere Quirites.

tange, miser, venas et pone in pectore dextram.
"nil calet hic." summosque pedes attinge manusque.

"non frigent." visa est si forte pecunia sive
candida vicini subrisit molle puella, 110

cor tibi rite salit? positum est argente catino

durum holus et populi cribro decussa farina:

temptemus fauces; tenero latet ulcus in ore

putre, quod haud deceat plebeia radere beta.

alges, cum excussit membris timor albus aristas; 115

nunc face supposita fervescit sanguis et ira

scintillant oculi, dicisque facisque, quod ipse

non sani esse hominis non sanus iuret Orestes.'

106 hesterni, ait, a defuncto prius manumissi, id est liberti et cives Romani facti. capite induto, quia manumissi pilleati incedebant ante funus. subiere, quod plerumque ipsi manumissi manumissoris corpus portandum subirent. 108 digitorum

summitas sive in manibus sive in pedibus si frigida fuerit, infirmitatem insinuat. ergo nil calet et nil friget quod ait, aut ipsius aegrotum interrogantis verba sunt et aliter pronuntiandum est, quoniam ex cupiditate manuum summitates pedumque frigescent, aut verba sunt respondentis. 111 panem non deliciosius cribro

decussum, sed plebeium, de populi annona, id est fiscalem. algente catino. non pulmentarium habente, sed misero et egestuoso, quales sunt qui algent. positum est in catino olus, et posita farina. farinam nunc panem dicit, et hunc fingit gregalem et plebeium esse positum. 114 quod haut deceat, aut quod non oporteat, quod impatiens sit. radere hinc exasperare dicit ulcus. est alter

sensus: non levibus aut popularibus cibis tui fastidii ulcera possunt purgari. hoc est quod ait plebeia radere beta. beta genus est cibi. radere autem dicit extergere, ut Horatius [*sat.* 2, 2, 24]: 'hoc potius quam gallina tergere palatum'. 115 tremebundus efficeris et pilos erigis. aristas enim pro pilis posuit.

105 portas α	cales A	106 externi α	induto* C	107
dextra C	112 cribro A	decusa C	114 plebeia α	115
alget α	116 iram C	117 discique α	118 est α	

IV

'Rem populi tractas' barbatum haec crede magistrum
 dicere, sorbitio tollit quem dira cicutae
 'quo fretus? dic hoc, magni pupille Periclis.
 scilicet ingenium et rerum prudentia velox
 ante pilos venit, dicenda tacendaque calles. 5
 ergo ubi commota fervet plebecula bile,
 fert animus calidae fecisse silentia turbae
 maiestate manus. quid deinde loquere? "Quirites,
 hoc puta non iustum est, illud male, rectius illud."
 scis etenim iustum gemina suspendere lance 10
 ancipitis librae, rectum discernis ubi inter
 curva subit vel cum fallit pede regula varo,
 et potis es nigrum vitio praefigere theta.
 quin tu igitur, summa nequiquam pelle decorus,
 ante diem blando caudam iactare popello 15

IV 1 hic de iis dicit, qui honoris cupidi supra modum ae-
 tatis suae publici moderaminis gubernacula quaerunt suscipere,
 quod significat per Alcibiadem, qui relictus a patre sub tutela Pe-
 ricli, prae nobilitate et divitiis puer rem publicam Atheniensium
 administravit. et est sensus: cum puer es, possis rempublicam
 ministrare? 3 merito dicit pupille Pericli, quia sub tutela
 Periclis avunculi sui degebat, et tutores dicunt pupillos suos qui-
 bus tutelam gerunt. 5 pilos pro barba posuit. 8 Qui-
 rites abusive dixit. Quirites enim cives Romani sunt. 10 re-
 vera scis iustitiam in lance pensare, et ipsius dubiae lancis recti-
 tudinem calles discernere, et curvam regulam momentanae. regulam
 dicit ipsum momentanae stilum. aut regula nunc pro norma ab-
 usus est. est enim ea vara. 13 iudices litteram theta appo-
 nunt ad eorum nomina, quos supplicio afficiunt. merito *θῆτα*
ἀπὸ τοῦ θανάτου; id est a morte, et quod quasi habet telum
 suum, ideoque quod triste intellegitur. vel mortis signum. unde
 quidam ait: 'o multum ante alias infelix littera theta'. 15
 ante diem autem dicit in comitiis, quia comitiales dicebantur dies,
 in quibus ad futuros honores homines designabantur. translatio
 est a canibus, qui cum blandiuntur dominis, caudam movent.

IV de his qui ambigunt honores *B* *priori saturae continuat C*
 2 sorbiti tolli *α* dura *α* 3 quos *A* dic o *ζ* pericli *C*
 5 tacendave *C* cales *α* 9 illut *C* 10 geminae *C* 11 iter
A 13 est *αC* 14 puella *α*

desinis, Anticyras melior sorbere meracas?
 quae tibi summa boni est? uncta vixisse patella
 semper et adsiduo curata cuticula sole?
 expecta, haud aliud respondeat haec anus. i nunc,
 "Dinomaches ego sum" suffla "sum candidus". esto, 20
 dum ne deterius sapiat pannucia Baucis,
 cum bene discincto cantaverit ocima vernae.
 ut nemo in sese temptat descendere, nemo,
 sed praecedenti spectatur mantica tergo.
 quaesieris: 'nostin Vettidi praedia?' 'cuius?' 25
 'dives arat Curibus, quantum non miluus errat.'

16 Anticyra oppidum Phocidis, ubi helleborum nascitur. merito pluraliter Anticyras dixit, ut appareat eius tam magnae insaniae unam sufficere non posse. Anticyras tropicos dixit, neque enim ipsa civitas sorbetur, sed helleborum quod in ea nascitur. 18 curata c. s. chromatarii dicuntur, colorarii, qui toto die in arena sunt vel in sole. antiqui enim ungebant se et in sole erant, ut oleum corpus inbiberet. ut Iuvenalis [11, 203]: 'nostra bibat verum contracta cuticula solem effugiatque togam'. 19 suffla, inquit poeta, extende te et intumesce nobilitate, quod Cliniae et Dinomaches filius sis. quorum Alcibiades filius traditur. pannucea vulgariter pro pannosa dixit, id est pannis obsita. 22 praecincti tunica linteo amiciuntur. vernae dicuntur qui Romae nati sunt aut servi domi nati. 24 Aesopus apologorum scriptor dicebat unumquemque hominem duas manticas ferre vitiis plenas, et in ea, quae ante pectus est, aliena vitia, in ea vero, quae a tergo est, nostra. eoque evenit ut aliena potius delicta quam propria videamus. Zopyrus autem physiologos de vultu hominum mores agnoscebat. qui cum ad Socratem veniret, ait ei: 'libidinosus es'. at illum iniuriis discipuli afficere voluerunt, quod de magistro eorum iniuriose locutus sit. tunc ille ait: 'parcite, sum quidem libidinosus, sed meum est ipsam libidinem vincere'. 25 Vetidium quendam dicit in Sabinis possidentem praedia non pauca.

26 Curibus, quod nomen loci est, unde et Iuno Curitis dicitur, quia ibi vehementer colitur. quantum non milvus oberrat. secundum proverbium 'quantum milvi volant'. inducit ergo per Vetidium diis iratis et malo genio natos, qui cum divites sint, esuriunt et sale et caepe vescuntur et poscam etiam in sacrificio libant,

16 desinas α meracas α 19 in hunc AC 21 pannucea α 22 ocyma AC 23 nunc nemo c 25 quaesierit α
 quaesieri cum s super adiecta C vettidi A vectidi B vettidis C 26 miluus erat α oberrat ζ

'hunc ais, hunc dis iratis genioque sinistro,
 qui, quandoque iugum pertusa ad compita figit,
 seriolae veterem metuens deradere limum,
 ingemit "hoc bene sit" tunicatum cum sale mordens 30
 caepe, et farratam pueris plaudentibus ollam
 pannosam faecem morientis sorbet aceti?
 at si unctus cesses et figas in cute solem,
 est prope te ignotus, cubito qui tangat et acre
 despuat: 'hi mores, penemque arcanaque lumbi 35
 runcantem populo marcentis pandere vulvas.
 tunc, cum maxillis balanatum gausape pectas,
 inguinibus quare detonsus gurgulio extat?
 quinque palaestritae licet haec plantaria vellant
 elixasque nates labefactent forcipe adunca, 40
 non tamen ista filix ullo mansuescit aratro'.

dum non velint dolium vini reserare. 28 compita sunt loca
 in quadriuiis quasi turres, ubi sacrificia finita agricultura rustici
 celebrant. merito pertusa, quia per omnes quattuor partes pateant.
 vel vetusta. aut compita proprie a computando id est simul bi-
 bendo, pertusa autem, quia pervius transitus est et viris et feminis.
 vel compitum est non solum in urbe locus in quem plurimis viis
 itur, sed etiam viae publicae ac diverticuli aliquorum confinium, ubi
 aediculae consecrantur patentes. ideo pertusa ad compita. in his
 fracta iuga ab agricolis ponuntur velut emeriti et elaborati operis
 indicium, sive quod omne instrumentum existiment sacrum. vel
 compita dicuntur, ad quae plura itinera competunt. 29 seriola
 est orcarum ordo directus vel vas fictile vini. 30 tunica-
 tum multis coriis purgatum. 32 mira auxesis. non boni
 vini set in aceto morientis. saepe enim videmus ut evanescente
 sapore corrumpatur. quod vulgo vappa dicitur. 36 runcari
 proprie segetes vel herbae dicuntur, cum extirpantur. vulvas
 vero pro natibus posuit multo audacius, nam feminarum loca vul-
 vae sunt. 37 hoc dicit: cum barbam nutrias et unguento ma-
 didam pectas, quare inguina tua psilothro denudas? cum pexa
 barba delecteris, quam in maxillis tuis velut gausape habeas unguen-
 tatam et defricatam balano, cur pubem vulsam habes? 38
 gurgulionem nunc penem dicit, cum proprie in gutture sit gurgulio.
 hinc iterum translationes sunt fortes.

29 veteris α 30 mordes C 31 farratam α farrata C
 olla C 33 a si α frigas α figas C cui r et c super add. c
 34 tangit α 37 tu cum S pectes *Priscianus GLK. II p. 333*
 39 palestra α plantari α 40 fluxasque C forcice α 41
 felix C

caedimus inque vicem praebemus crura sagittis:
vivitur hoc pacto, sic novimus. ilia subter
caecum vulnus habes, sed lato balteus auro
praetegit. ut mavis, da verba et decipe nervos, 45
si potes. 'egregium cum me vicinia dicat,
non credam?' viso si palles, improbe, nummo,
si facis in penem quidquid tibi venit, amarum
si puteal multa cautus vibice flagellas,
nequiquam populo bibulas donaveris aures. 50
respue, quod non es; tollat sua munera cerdo.
tecum habita: noris, quam sit tibi curta supellex.

V

Vatibus hic mos est, centum sibi poscere voces,
centum ora et linguas optare in carmina centum,

42 allegoria a sagittariis, qui aliena crura sagittis feriunt et sua ferienda aliis praebent. 44 caecum vulnus habes. a gladiatoribus tractum, qui accepto vulnere * inaurato balteo tegunt. allegoricos expressum intellectum de gladiatoribus. nam et nos habitu et dignitate tegimus mala nostra, cum ipsi eis assentamur. 49 vibices dixit cicatrices allegoricos, quod faeneratores debitoribus suis usuras innovantes tanquam vulnere in eis cicatrices aperiant. flagellas dixit flagitas ad exigendum eos commovens. faeneratores ad puteal Scribonii Libonis, quod est in porticu Iulia ad Fabianum arcum, consistere solebant. multa vibice. id est multa et gravi usura, siquidem ut vibices, hoc est plagarum cicatrices, faciunt homines recordari, ita usurae damnum patrimonii facientes cogunt memorari debitores. 51 barbarus ille, imperitus, nescio quis ex populo sibi habeat, quod te laudat. aut unus ex vicinis, quem alloquitur, habeat falsum testimonium. per cerdonem plebeiam turbam significat. ita populus dictus ἀπὸ τοῦ κέρδους.

V 1 hanc satiram scribit ad Cornutum. in qua eos culpatur poetas, qui solent ad ornanda sua carmina, tanquam sint gravia et difficilia, centum linguas et centum voces exposcere, quodcumque opus velint scribere, sive bella sive tragoedias. dicit autem sibi iis

42 preplemus *B* 44 alta*eus *A* altareus *B* 46 potest
α dicta *α* 48 amorum *Ioh. Sarisberiensis* 50 vibulas *C*
51 respuat *α* est *α* 52 ut noris *α*
V ad magistrum equitum Cornutum *C*

fabula seu maesto ponatur hianda tragoedo,
 vulnera seu Parthi ducentis ab inguine ferrum.
 'quorsum haec? aut quantas robusti carminis offas 5
 ingeris, ut par sit centeno gutture niti?
 grande locuturi nebulas Helicone legunto,
 si quibus aut Procnes aut si quibus olla Thyestae
 fervebit saepe insulso cenanda Glyconi.
 tu neque anhelanti, coquitur dum massa camino, 10
 folle premis ventos, nec clauso murmure raucus
 nescio quid tecum grave cornicaris inepte,

vocibus opus non esse, uti qui mediam et vilem satirici carminis materiam scribit. superciliosa poemata scribentibus mos est forsitan intra se optare hoc, alioquin in nullo carminum notorum tale aliquid votum est. 3 hianda. a vocis magnitudine vel oris diminutione. vel etiam ab habitu personarum, quas acturi accipiunt.

4 specialiter Parthi nomine usus est, cum generaliter per Parthos barbaros significet. hoc et Horatius ait [*sat.* 2, 1, 15]: 'aut labentis equo descripsit vulnera Parthi'. 8 Procne ob stuprum sororis, quod a marito est compressa, dolens filios suos, quos de Tereo marito habuit, occidit et ei epulandos apposuit. similiter et Atreus Thyestis fratris filios interfecit propterea, quod eius uxoris adulterio utebatur, et ei de filiis suis epulas praeparavit. qui Atreus habere dicebatur agnum purpureis velleribus, de quo oraculo responsum fuerat tam diu imperaturum, donec esset qui eum immolaret. et cum eum adultera moeche tradidisset immolandum, ille re cognita filios adultero comedendos apposuit. ex quo maximo crimine scripta tragoedia est. 9 hic Glycon tragoedus fuit Neronis temporibus. alii Glyconem pantomimum significant. Glycon tragoedus populo mire placuit et ideo a Nerone manumissus est datis Vergilio tragoedo, domino eius pro parte dimidia quam possidebat, sestertiis trecentis milibus. nam dicunt * cum adhuc viveret, minax, staturae longae, corporis fusci, labio inferiori demisso, antequam subornaretur deformis, iocari nesciens. propter quod eum insulsum Persius dixit. 10 et Horatius ait [*sat.* 1, 4, 19]: 'at tu conclusas hircinis follibus auras usque laborantes, dum ferrum molliat ignis, ut mavis, imitare.' 12 cornicaris novum a poeta verbum compositum. submurmuras et quasi cornicis voces profers.

4 parchi α 5 carminur offas α 8 quibus C b; expun-
 xit c procnes α progenes C 9 invisio C cycloni C 10
 camini C 11 claso α raucos C 12 qui C

nec scloppo tumidas intendis rumpere buccas.
 verba togae sequeris iunctura callidus acri,
 ore teres modico, pallentis radere mores
 doctus et ingenuo culpam desigere ludo.

15

hinc trahe quae dicis, mensasque relinque Mycenis
 cum capite et pedibus, plebeiaque prandia noris.
 non equidem hoc studeo, pullatis ut mihi nugis
 pagina turgescat dare pondus idonea fumo.
 secreta loquimur. tibi nunc hortante Camena
 excutienda damus praecordia, quantaque nostrae

20

13 stloppo dixit metaphoricos a ludentibus pueris, qui buccas inflatas subito aperiunt et totum simul flatum cum sonitu fundunt.

14 verba togae sequeris. id est apta paci vel forensia, quibus causidici in sermone cottidiano utuntur. toga est dicta, quod velamento suo corpus tegat atque operiat. est autem purum pallium forma rotunda et fusiore atque inundante sinu. et sub dextro veniens super umerum sinistram ponitur. cuius similitudinem in operimentis simulacrorum vel picturarum aspicimus, easque statuas togatas vocamus. toga vero Romani in pace utebantur, belli autem tempore paludamentis. mensura togae iustae senas ulnas habebat. sic scribis, ut sermo tuus urbane atque apte iungatur.

bona compositione tantum, id est versificatione discedens a vulgo.

15 peritus mores obrectare vitiosos scribendo satiram et ob- iurgationis animadversione corrigere, ut medici radere dicuntur carnem de vulneribus putrem, dum ad vivum perveniant, quo facilius curent. 17 de moribus corrigendis scribe et tragoedias praetermitte.

18 cum capite et pedibus dixit ad superiorem sensum referens, ubi Atreum Thyestis filios coxisse commemoravit. cum ille minus quod comedebat agnosceret, capite et pedibus filiorum oblatis intellexit Thyestes filios proprios comedisse.

19 pullatas nugas tragoediarum ait propter tristes fabulas, et quod maxime pulla veste, id est lugubri, tragoedi utebantur. legitur et bullatis, id est ornatis.

pullatis, palliatis graecis. 22 ad Annaeum Cornutum philosophum, egregium virum, quia eius auditor fuit, loquitur. sententia a Pythagora tracta, ille enim interrogatus quid esset amicus, respondit quae Horatius sic posuit [*od.* 1, 3, 9]: 'et serves animae dimidium meae'. Persius autem ut aliquid scilicet novaret, permisit Cornuto aestimare, quantam vellet propriae animae partem suam dicere.

13 stloppo §
in margine α

21 secreti §

15 terens α
 plebique C

22 quantaque αc: quandoque C

rodere C

17 dicas §

18

19 bullatis § ampullatis *Iahnus*

pars tua sit, Cornute, animae, tibi, dulcis amice,
ostendisse iuvat. pulsa, dinoscere cautus
quid solidum crepet et pictae tectoria linguae. 25
hic ego centenas ausim deposcere fauces,
ut quantum mihi te sinuoso in pectore fixi,
voce traham pura, totumque hoc verba resignent,
quod latet arcana non enarrabile fibra.

cum primum pavidō custos mihi purpura cessit 30
bullaque succinctis Laribus donata pependit,
cum blandi comites totaque impune Subura
permisit sparsisse oculos iam candidus umbo,
cumque iter ambiguum est et vitae nescius error
deducit trepidas ramosa in compita mentes, 35
me tibi supposui. teneros tu suscipis annos
Socratico, Cornute, sinu. tum fallere sollers
adposita intortos extendit regula mores,

24 hoc dicit: scis enim intellegere, quid sit integrum aut vitio-
sum. ut idem supra [3, 22]: 'respondet viridi non cocta fidelia
limo'. 30 dicit se poeta mox praetexta deposita Cornutum
sequi. praetexta iuvenilis est vestis, qua usque ad sextum decimum
annum pueri utebantur. pavidō ait timenti, quod sub metu
paedagogorum praetextati sunt. 31 genus vestis puerilis est
bulla, quam solent pueri deposita pueritia diis penatibus donare.
vel certe ornamenti genus est quod ante pubertatem habent. ut
luvenalis [13, 33]: 'dic senior bulla dignissime', id est qui dignus
es dici puer. succinctis Laribus. quia Gabino cinctu dii penates
formabantur obvoluti toga supra umerum sinistrum et sub dextro.

32 Subura pars urbis frequentissima et illecebris plena.
33 candidus umbo synecdochicos pro toga. alioquin et in prae-
texta candidus umbo est. 34 secundum Pythagorae rationem,
qui Y litterae similem vitam nostram esse dicebat. 35 ramosa
compita dicit plures vias habentia, ut in stemmate rami sparsi solent
esse. 36 ineuntem adulescentiam meam sapientiae contubernio
et morali tuitione suscepisti. et bene hic suscipis dixit propterea
quod ait supra supposui. 37 sollers fallere ideo dixit, quia
cum stultus increpatur, sapientes oportet recte cognoscere, ut ipsa
emendatio lente ac sine tormento fiat, ne asperitatem doctrinae in
ipsis rudimentis impatienter ferant corrigendi.

24 pulsandi noscere C 26 his C auxim C fauces C:
voces α 28 puta α torum C 29 quo C arcanam C
30 cui α 31 succinctus α 33 sparsis B 35 deducit ♂ tra-
ducit Servius Aen. VI 136 36 seposui α seposui* C suspicis C
(picipis in ras.) 37 tunc C

et premitur ratione animus vincique laborat
 artificemque tuo ducit sub pollice vultum. 40
 tecum etenim longos memini consumere soles
 et tecum primas epulis decerpere noctes:
 unum opus et requiem pariter disponimus ambo
 atque verecunda laxamus seria mensa.
 non equidem hoc dubites, amborum foedere certo 45
 consentire dies et ab uno sidere duci
 nostra vel aequali suspendi tempora libra;
 Parca tenax veri seu nata fidelibus hora
 dividit in geminos concordia fata duorum,
 Saturnumque gravem nostro Iove frangimus una: 50
 nescio quod, certe est quod me tibi temperat astrum.
 mille hominum species et rerum discolor usus,
 velle suum cuique est, nec voto vivitur uno.

40 artificem vultum, per artem factum, secundum intellectionem simulacrorum quae ab artificibus pinguntur. 46 hoc secundum astrologos dicit, qui dicunt nativitates hominum in sideribus constare. 47 in diversa eiusdem librae lance impositi aequale examen habuerunt. libra autem significat unum ex duodecim signis. aequali libra, quia mensurae vice fungitur in aequinoctio. ut Vergilius [*g.* 1, 208]: 'libra die somnique pares ubi fecerit horas'. horam nostram fatum, quod mutari nescit, librae coniunxit. 48 quia tantum possunt gemini, quantum potest et libra circa mathematicos: ergo aut in libra sumus nati aut in signo geminorum, merito concordant mores et animi. in signum geminorum fata nostra dividit, id est dividendo coniungit. sensus ab Horatio tractus [*od.* 2, 17, 17]: 'seu libra seu me scorpius aspicit formidolosus'. 50 stella Saturni malefica est illis, quorum natalem diem aspicit, Iovis benefica, quae cum radiaverit, Saturni astrum frangit. 52 varios homines exprimit et quasi reprehendit, ut vultus esse dissimiles, ita actus diversos esse demonstrat. ut Horatius [*sat.* 2, 1, 27]: 'quot capitum vivunt, totidem studiorum milia' et Terentius [*Phorm.* 454]: 'quot capita, tot sententiae.' hoc dicit: cum variae hominum voluntates sint et diversa proposita, optimum est tuum, quod imbutus hortor etiam ceteros affectare.

40 artificemque α 41 memini me C 45 fodere α 47
 equalis α suspendi ζ : suspendit αC quod iungere solent cum Parca
 distinguentes post duci 48 perca α 50 iovem α imam α
 51 certum C

mercibus hic Italis mutat sub sole recenti
 rugosum piper et pallentis grana cumini, 55
 hic satur inriguo mavult turgescere somno,
 hic campo indulget, hunc alea decoquit, ille
 in venerem putris; sed cum lapidosa cheragra
 fecerit articulos veteris ramalia fagi,
 tunc crassos transisse dies lucemque palustrem 60
 et sibi iam seri vitam ingemuere relictam.
 at te nocturnis iuvat inpallescere chartis,
 cultor enim iuvenum purgatas inseris aures
 fruge Cleanthea. petite hinc puerique senesque
 finem animo certum miserisque viatica canis. 65
 'cras hoc fiet.' idem cras fiet. 'quid? quasi magnum
 nempe diem donas.' sed cum lux altera venit,
 iam cras hesternum consumpsimus: ecce aliud cras
 egerit hos annos et semper paulum erit ultra.
 nam quamvis prope te, quamvis temone sub uno 70

54 sensus ab Horatio tractus [*sat.* 1, 4, 29]: 'hic mutat merces surgente a sole'. et hoc dicit: hunc delectant mercimonii lucra, dum alias merces aliis mercibus mutat. 55 quod palidos faciat, non quod palleat. est enim contrarium sanguini, quo accepto tabescit sanguis et nascitur pallor. unde Horatius [*epist.* 1, 19, 17]: 'quod si pallerem casu, biberent exangue cuminum'.

57 alium studium aleae labefactat et re familiari spoliatur. unde decoctores rerum suarum venditores dicimus alieno aere cogente.

58 alter assiduo coitu enervis efficitur. ad concubitum inutilis et solutus et libidinosus et ipsa re infirmus. legitur et: in venerem putrit, id est putrescit, conficitur. lapidosam chiragram dicit articulare morbum manuum, quia chiragricorum articuli tubercula habent, quae lapidis duritiem exercent, et sunt ramorum fere tumiderum similitudine pares. legitur et [*fregerit*] curvaverit, sicut ventus arbores vel earum ramos. 63 tractum est ab agricolis, qui arbores infructuosas, ut sint fertiles, purgant et inserunt.

64 stoicorum praeceptis, cuius sectae Cleanthes philosophus fuit. 70 hunc locum poeta per similitudinem raedae, quod est genus vehiculi quattuor rotarum, exprimit dicens: licet sub

54 talis α 58 putri set *C* putrit set *c* 59 fregerit *C*
 faci α 60 palustre *C* 61 vita *C* relictia *C* 62 carthis
 αC 63 enim est *C* 64 cletheanthea α clantea *C* 65 mi-
 serique *C* 66 cras fiat α 67 diest α 68 externum *C* 69
 hos αc : hoc *C* 70 quam prope se α quamquam ζ temono
 corr. in temone α

vertentem sese frustra sectabere canthum,
cum rota posterior curras et in axe secundo.

libertate opus est. non hac, ut quisque Velina
Publius: emeruit, scabiosum tesserula far
possidet. heu steriles veri, quibus una Quiritem 75
vertigo facit. hic Damast non tressis agaso,
vappa lippus et in tenui farragine mendax:
verterit hunc dominus, momento temporis exit
Marcus Dama. papae. Marco spondente recusas
credere tu nummos? Marco sub iudice palles? 80
Marcus dixit, ita est. adsigna, Marce, tabellas.
haec mera libertas, hoc nobis pillea donant.
'an quisquam est alius liber, nisi ducere vitam

uno temone praecedens et subsequens rota decurrat, nunquam
tamen posterior praecedentem consequitur, licet parvo spatio inter-
posito. tantundem prior, quantum et posterior volvitur. ita nos
docet, quod diem, quem differendo doctrinam perdimus, nunquam
diei subsequenter studio reparamus. 73 ad sapientiam horta-

turus materiam hanc sibi delegit dicens solum liberum esse sapientem.
constat autem Aristippum sic iuvenes solere ad studium sapientiae hor-
tari. libertate opus est. tanquam si diceret, sapientia omnibus
necessaria est. non illam libertatem dicit, qua quis per manu-

missionem civis Romanus et tribu Velina censetur, quam sequitur
publicum frumentum habere, sed eam libertatem quae de studio
philosophiae nascitur. Velina tribus numero aliarum tribuum accessit.
nam qui circa Velinum lacum habitabant, Romam translati sunt.
Romae autem erat consuetudo, ut omnes qui ex manumissione cives
Romani fiebant, in numero civium Romanorum frumentum publicum
acciperent. sensus est: libertate utendum est, non autem illa, quam
Publius emeruit, qui per tesseram scabiosum far possidet, id est
corruptum et putre frumentum. 75 vertigo facit, quia quotiens

manumittebant, eos alapa percussos circumagebant et liberos confir-
mabant. unde manumissio dicta. eo quod manu emitteretur. Qui-
ritem autem singulariter abusive dixit, licentia poetica. nam sicut
pater conscriptus non dicitur, ita nec Quiritem dicere possumus.

76 agaso servus iumentorum minister. 82 pillea donant.
de servis qui beneficio dominorum manumittebantur, ut superius
dixit [3, 105]: 'at illum hesterni capite induto subiere Quirites'.

83 propositio talis est syllogismi: alius liber non est, nisi si

71 se *C* cantum *αC* 73 *distinguebant* quisque *ab* ut 75
viri *C* 76 damasus non *αC* 77 tenuit ferragine *C* 78 tem-
poris *α*: turbinis *C* 82 hec nobis *α* donat *C*

cui licet ut libuit? licet ut volo vivere: non sum
 liberior Bruto?' 'mendose colligis' inquit 85
 stoicus hic aurem mordaci lotus aceto
 'haec reliqua accipio, "licet" illud et "ut volo" tolle.'
 'vindicta postquam meus a praetore recessi,
 cur mihi non liceat, iussit quodcumque voluntas,
 excepto si quid Masuri rubrica vetavit?' 90
 disce, sed ira cadat naso rugosaeque sanna,
 dum veteres avias tibi de pulmone revello.
 non praetoris erat stultis dare tenvia rerum
 officia atque usum rapidae permittere vitae:
 sambucam citius caloni aptaveris alto. 95
 stat contra ratio et secretam garrit in aurem,
 ne liceat facere id, quod quis vitiabit agendo.
 publica lex hominum naturaeque continet hoc fas,
 ut teneat vetitos inscitia debilis actus.
 diluis helleborum, certo compescere puncto 100
 nescius examen? vetat hoc natura medendi.

cui licet vitam secundum suam voluntatem producere. assumptio
 est haec: mihi autem licet vivere, ut volo. deinde infertur con-
 clusio: sum ergo Bruto liberior. contradicit autem philosophis pro-
 positionibus huic Persius syllogismo, dicens falsam esse eius collec-
 tionem, quod omnis quidem, qui vivit sicut vult, liber sit, hic
 autem secundum quod in assumptione superius dixit, non voluntati
 suae serviens vivat, cum vitiis sibi dominantibus trahatur.

88 vindicta virga est, qua manumittendi a praetore in capite pul-
 santur, ideo dicta, quod eum vindicat libertati. hic Masurius Sa-
 binus legis consultus fuit. rubricam vocat minium, quo tituli legum
 adnotabantur.

91 disce, inquit, et desine irasci, quo possim,
 dum subsannationem posueris, aniles fabulas quas nutris, de tuis
 praecordiis extrahere. 95 calones dicuntur militares servi.

alto dixit quod alte cingantur. aut alto quia proceri eliguntur pro-
 pter belli necessitatem. aut certe alto quod superbi sint. significat
 autem rem ineptam facilius doceri quam necessariam. 96 re-

sistit ratio, id est sapientia, ne alicui liceat illud facere, quod
 agendo peius, vitiosum efficiat. 100 non ad trutinam, sed ad
 stateram rettulit, quae punctis et unciis signatur.

84 libuit α : voluit C sim C 85 liberio cum r super ad-
 dita C 87 hoc reliquum C illud detuo tolle C 90 expecto C
 mansuri α vetabit *Heinrichius* 92 veteres se abias α veteres
 aulas C in quo l derasit e scabies ζ 93 erit α tenua C 95
 sambucem B 97 id om. α vitiavit αC

navem si poscat sibi peronatus arator
 luciferi rudis, exclamet Melicerta perisse
 frontem de rebus. tibi recto vivere talo
 ars dedit? et veri speciem dinoscere calles, 105
 ne qua subaerato mendosum tinniat auro?
 quaeque sequenda forent, quaeque evitanda vicissim,
 illa prius creta, mox haec carbone notasti?
 es modicus voti, presso lare, dulcis amicis?
 iam nunc astringas, iam nunc granaria laxes, 110
 inque luto fixum possis transcendere nummum
 nec glutto sorbere salivam Mercurialem?
 'haec mea sunt, teneo' cum vere dixeris, esto
 liberque ac sapiens praetoribus ac Iove dextro.
 sin tu, cum fueris nostrae paulo ante farinae, 115
 pelliculam veterem retines et fronte politus

102 exclamet Melicerta nullum esse pudorem, templum enim pudoris est frons. 103 Melicertes deus marinus, Inus filius in deorum numerum relatus, qui graece *Παλαίμων*, latine Portunus dicitur. 104 licet possint simpliciter ad Cornutum dicta intellegi, manifeste tamen eironicos ad illum dicit, quem castigat. 105 ita callidus es similitudinem veritatis agnoscere, ut aes obvolutum auro percutiendo intellegas? sicut nummularii faciunt, qui nondum instructi denarios auro infectos pro auro accipiunt, quia usum dignoscendarum rerum earum non habent. 111 sordidum lucrum spernis. aut certe visum in luto nummum praetermittis. quia solent pueri, ut ridendi causam habeant, assem in silice plumbatum figere, ut qui viderint, se ad tollendum eum inclinent nec tamen possint evellere. quo facto pueri etiam acclamare solent. 112 cupidi pecuniae cum lucrum vident, veluti gulosi visis deliciis salivam glutunt. Mercurialem ideo dixit, quia ipsum deum lucri dicunt, unde et cum sacello pingitur et a negotiatoribus plurimum colitur. 113 tunc te liberum esse dico tam Iove quam praetore propitio. Iovem ad libertatem animi, id est ad sapientiam, praetorem autem dixit ad eam libertatem quae servitutis caret condicione. 115 nostrae farinae. dixit nostrae sectae. ac si diceret nostrae vitae. 116 pelliculam veterem, antiquum vitium. tractum est ab Aethiope qui non mutat pellem suam, nec pardus varietatem suam, sed in qua pelle natus est, in ea moritur.

102 perocinatus α perornatus C 103 exclamat C 104 rebi
 α callo A 105 veris ζ specimen α 106 oro α 108
 notasse α 109 et C 111 transcendere α 112 gluttu C
 115 nostro α 116 politas α

astutam vapido servas in pectore vulpem,
 quae dederam supra, relego funemque reduco:
 nil tibi concessit ratio; digitum exere, peccas,
 et quid tam parvum est? sed nullo ture litabis, 120
 haereat in stultis brevis ut semuncia recti.
 haec miscere nefas, nec cum sis cetera fossor,
 tris tantum ad numeros satyrum moveare Bathylli.
 'liber ego.' unde datum hoc sentis, tot subdite rebus?
 an dominum ignoras, nisi quem vindicta relaxat? 125
 'i puer et strigiles Crispini ad balnea defer'
 si increpuit, cessas nugator, servitium acre
 te nihil impellit, nec quicquam extrinsecus intrat
 quod nervos agitet? sed si intus et in iecore aegro
 nascuntur domini, qui tu inpunitior exis 130
 atque hic, quem ad strigiles scutica et metus egit erilis?
 mane piger stertis. 'surge' inquit Avaritia 'heia
 surge.' negas. instat, 'surge' inquit. 'non queo.' 'surge.'
 'et quid agam?' 'rogas? en saperdas advehe Ponto,
 castoreum, stuppas, hebenum, tus, lubrica Coa; 135
 tolle recens primus piper ex sitiente camello;
 verte aliquid; iura.' 'sed Iuppiter audiet.' 'eheu

118 ad me habenas licentiae, quas antea dederam, traho,
 dum libertatem quam tibi concesseram adimo. 119 digito
 sublato ostende victum te esse a vitiis. tractum a gladiatoribus,
 qui victi ostensione digiti veniam a populo postulabant. 123

Bathyllus pantomimus fuit Maecenatis libertus. ut impossibile est
 rustico pantomimum imitari, sic impossibile stulto sapientiam sequi.

124 transit ut doceat, quam multos stulti dominos habeant
 quamque nihil arbitrio suo sed iussu vitiorum efficiant. 126

strigiles dicuntur illa velaria, unde athletae post laborem terguntur.
 hoc est a tergendō, quod graece *στλεγγίζω* dicitur. 129 col-

ligit non minus servire eum qui vitio deditus est, quam eum qui
 a domino ob segnitiam ministerii potest verberari. quo pacto ergo
 te servum negas, cuius pectus animumque tot dominationes obsede-
 runt? id est avaritia, cupiditas aliaque vitia quae pro dominis po-
 suit. 134 saperda genus salsamenti quod ex pisce fit.

117 servans <i>C</i>	sub ζ	118 repeto ζ	finemque α
121 insultis <i>BC</i>	instultis <i>bc</i>	brevis et semuntiat α	123 numero <i>C</i>
bathyllo α	beatilli <i>C</i>	124 sumis <i>C</i>	127 nugator servi-
vium α	128 nequicquam α	129 pectore <i>C</i>	130 quid α
131 stringilis <i>C</i>	scutita α	(scutitet m. <i>B</i>)	scytice <i>C</i>
134 rogitas ζ .	fortasse rogan	seperdas <i>B</i>	saperdam ζ
136 et α	137 audiat <i>C</i>		135 rubrica α

baro, regustatum digito terebrare salinum
 contentus perages, si vivere cum Iove tendis.
 iam pueris pellem succinctus et oenophorum aptas, 140
 ocius ad navem, nihil obstat quin trabe vasta
 Aegaeum rapias — ni sollers Luxuria ante
 seductum moneat 'quo deinde, insane, ruis, quo?
 quid tibi vis? calido sub pectore mascula bilis
 intumuit, quod non extinxerit urna cicutae? 145
 tu mare transilias? tibi torta cannabe fulto
 cena sit in transtro, Veientanumque rubellum
 exalet vapida laesum pice sessilis obba?
 quid petis? ut nummi, quos hic quincunce modesto
 nutrieras, peragant avidos sudore deunces? 150
 indulge genio, carpamus dulcia, nostrum est
 quod vivis, cinis et manes et fabula fies,
 vive memor leti, fugit hora, hoc quod loquor inde est.
 en quid agis? duplici in diversum scinderis hamo.
 huncine an hunc sequeris? subeas alternus oportet 155
 ancipiti obsequio dominos, alternus oberres.
 nec tu cum obstiteris semel instantique negaris
 parere imperio, 'rupi iam vincula' dicas;

138 barones dicuntur servi militum qui utique stultissimi sunt,
 servi scilicet stultorum. 140 oenophorum vas vinum ferens,
οἶνος enim vinum est. de quo est illud [*Lucili*]: 'vertitur oeno-
 phori f. s. n.' 145 cicutia hic genus liquoris est, quod calorem
 in nobis frigoris sui vi extinguit. ideoque sacerdotes Cereris Eleu-
 siniae, quibus usus veneris interdicebatur, hoc liquoris genere un-
 gebantur, ut a concubitu se abstinerent. 147 Veientanum dixit
 vinum in Veiente natum. rubellum, id est russeum, sed non
 magni pretii. unde Horatius culpans avarum [*sat.* 2, 3, 143]: 'qui
 Veientanum festis potare diebus.' 148 obba genus vasis ex
 sparto factum. 149 cur navigas? an pecunia, quae tibi quin-
 cunces verecunde praestavit, cum periculo deunces praestet?
 153 fugit hora, hoc tempus, quod loquendo transigimus, de tuo
 perit.

138 varo α 141 octius α qui in α trabea C vestra
 α 142 nisi ζ 144 callido C 145 quam C 146 tun ζ
 tracias α 147 transtro (n *add. c*) vellentanumque C 148 vapidi
 α picem C sessilis α 149 nummis C nummos C . *F. Herman-*
nus 150 nutrieras *om. α add. b* pergant α avido ζ sua
 dare C sudore c decunces *conieci* 153 locor α 157 nec
 tuum α instantique αc instantibusque C

nam et luctata canis nodum abripit, et tamen illi,
 cum fugit, a collo trahitur pars longa catenae. 160
 'Dave, cito, hoc credas iubeo, finire dolores
 praeteritos meditor' crudum Chaerestratus unguem
 adrodens ait haec 'an siccis dedecus obstem
 cognatis? an rem patriam rumore sinistro
 limen ad obscaenum frangam, dum Chrysidis udas 165
 ebrius ante fores extincta cum face canto?'
 'euge puer, sapias, dis depellentibus agnam
 percuti.' 'sed censen, plorabit, Dave, relicta?'
 'nugaris; solea, puer, obiurgabere rubra;
 ne trepidare velis atque artos rodere casses, 170
 nunc ferus et violens, at si vocet, "haud mora" dicas.'
 'quidnam igitur faciam? nec nunc, cum accersat et ultro
 supplicet, accedam?' 'si totus et integer illinc
 exieras, nec nunc.' hic hic, quod quaerimus, hic est,
 non in festuca, lictor quam iactat ineptus. 175
 ius habet ille sui, palpo quem ducit hiantem

161 hunc locum de Menandri Eunucho traxit, in quo Davum
 servum Chaerestratus adulescens alloquitur tanquam amore Chry-
 sidis meretricis derelicto, idemque tamen ab ea revocatus ad illam
 redit. apud Terentium personae immutatae sunt. quod exemplum in-
 ducit ad similitudinem vitiorum, a quibus recedere non possumus. hoc
 et Horatius [*sat.* 2, 3, 259] et Terentius in Eunucho cum dicit [46]:
 'quid igitur faciam? non eam? ne nunc quidem, cum arcessor
 ultro?' 165 udas fores dixit, quas amatores solent unguento
 perfundere, et ante ianuam earum noctem vigiliis et cantu trans-
 igere. 167 sacrificia diis depulsoribus. 170 artos casses
 dixit spissa retia. tractum a feris quae inclusae retibus, dum ea
 rodunt, se magis implicant. 175 ille qui manumittitur, non
 in ea virga, qua a lictore percutitur, ius libertatis certissimum ac-
 cepit, cum in animo liber non sit, sed vitiis trahatur. praecipue
 tamen ei blanditur cretata ambitio, quasi pulchra et a superficie illita,
 ut largiendo honores a populo mereatur, quibus innotescat.
 177 sparge, inquit, populo cicer. hoc enim in ludis Florilibus inter
 cetera munera iactabatur, quando Terrae ludos colebant et omnia
 semina super populum spargebant, ut tellus muneribus suis placaretur.

159 arrumpit (um *adpunxit* c) at tamen C. 160 trahitur α
 163 atrodens α 167 depellentibus α 168 censem α ploravit
 dabere C 170 radere cassas C 171 voce et C aut α 172
 accessor α arcessat C 174 nunc nunc α ne nunc C quem ζ
 175 quem α 176 *distinguebant post* palpo que α ducit
 α tollit C

cretata ambitio? 'vigila et ciceringere large
 rixanti populo, nostra ut Floralia possint
 aprici meminisse senes.' quid pulchrius? at cum
 Herodis venere dies, unctaque fenestra 180
 dispositae pinguem nebulam vomuere lucernae
 portantes violas, rubrumque amplexa catinum
 cauda natat thynni, tumet alba fidelia vino,
 labra moves tacitus recutitaque sabbata palles.
 tum nigri lemures ovoque pericula rupto, 185
 tum grandes galli et cum sistro lusca sacerdos
 incussere deos infantis corpora, si non
 praedictum ter mane caput gustaveris ali.
 dixeris haec inter varicosos centuriones,
 continuo crassum ridet Pulfennius ingens 190
 et centum Graecos curto centusse licetur.

180 hic de superstitionibus tractat ostendens etiam qui superstitionibus sit deditus, servire. hic Herodes apud Iudaeos regnavit temporibus Augusti in parte Syriae. Herodis ergo diem natalem Herodiani observant. aut etiam sabbata, quo die lucernas accensas et violis coronatas in fenestris ponunt. 182 tunc rubrum fictile, quod est Arretinum, cauda thynni amplexitur. 184 recutitaque sabbata. instituta Iudaeorum significat propter circumcisionem, quam auctores suos secuti faciunt. 185 Lemures dicuntur dii manes, quos Graeci *δαίμονας* vocant, velut umbras quasdam divinitatem habentes. Lemuria autem dicuntur dies quando manes placantur. ovoque pericula rupto. sacerdotes qui explorandis periculis sacra faciebant, observare solebant ovum igni impositum, utrum capite an latere desudaret. si autem ruptum effluerat, periculum ei portendebat, pro quo factum fuerat, vel rei familiari eius. 186 sistrum sacerdotes Isidis portabant. lusca autem, quod omnes debiles aut deformes cum maritos non invenerint, ad ministeria deorum se conferant. vel quod Aegyptii tam deos quam sacerdotes de monstris habeant. 187 dicunt, si alium ieiuni gustaverint, contra artem magicam remedium esse. 189 si haec ante stultos milites dicas, qui solent etiam de sapientibus ridere, quantum cachinnis indulgebunt dicentes centum philosophos centum nummos non valere. varices sunt venae mixtae nervis in pedibus nimio labore tumentes. 191 curto. tanquam nonaginta novem.

177 citer α 178 ponsint α 179 at tum α 183 nat α
 tymni C 184 recutit atque C 185 periculo α 186 hinc
 grandes C lusca α 188 alit C tilli B 190 fulfennius α pulfe-
 nius C 191 cureo α ligetur α centus eligetur C corr. c

VI

Admovit iam bruma foco te, Basse, Sabino?
 iamne lyra et tetrico vivunt tibi pectine chordae,
 mire opifex numeris veterum primordia vocum
 atque marem strepitum fidis intendisse latinae,
 mox iuvenes agitare iocos et pollice honesto 5
 egregius lusisse senex? mihi nunc Ligus ora
 intepet hibernatque meum mare, qua latus ingens
 dant scopuli et multa litus se valle receptat.
 Lunai portum, est operae, cognoscite, cives:

VI 1 hanc satiram scribit ad Caesium Bassum lyricum poetam. quem fama est in praediis suis positum ardente monte Vesuvio et late ignibus abundante cum villa sua ustum. hic ergo dum viveret, Roma ad Sabinos secesserat, ubi hiemali tempore in loco calido carmina scribebat. se autem dicit Persius apud Liguriam fuisse in loco, ubi portus naturali flexu curvatus fluctus in se recipit. qui propter curvationem portus Lunae vocatur. cuius etiam Ennius in principio annalium suorum meminit hoc versu, quem etiam Persius carminibus suis iunxit et refert ab Ennio ablatum. 3 sensus est: o mirande opifex varietate numerorum, quam de metris graecis excerptis et masculos sonos latinis aptas carminibus. 4 masculum et fortem sonum, non quo solent quidam velut muliebri ac molli voce cantare. fidis, genus citharae, vel chordae, quod tam singulariter quam pluraliter dicitur. ut Horatius [*od.* 1, 17, 18]: 'et fide Teia dices laborantes in uno'. pluraliter, ut Vergilius [*Aen.* 6, 120]: 'Threicia fretus cithara fidibusque canoris'. 5 id est iuvenes iocos, ideo quod lyricum carmen de iuvenum sit amore compositum. et pollice honesto, quia citharizantes non solum plectro, verum etiam digito de chordis sonos educunt. ut Vergilius [*Aen.* 6, 647]: 'iamque eadem digitis i. p. p. e.' 6 se ipsum Persius significat secessisse in Liguriae fines, videlicet propter Fulviam Sisenniam matrem suam, quae post mortem prioris viri ibi nupta fuit. vel quod in brumalia tempora tepidum caelum Ligus ora praebeat. 7 hibernat, saevit vel a navigiis vacat. sicut enim naves hibernare dicimus, cum non navigant, sic et mare hibernare dicimus, dum non navigatur.

VI ode quinta B 2 neclyra α tricae C chordae om. α
 add. B 3 pr. rerum C sed idem corr. vocum 4 matrem B
 6 aegregius αC iussisse α senes S ligusyora α 7 hibet-
 natque α hiberna que C 9 luni α praetum cum o super addita
 C cognoscere C

cor iubet hoc Enni, postquam destertuit esse 10
 Maeonides, Quintus pavone ex Pythagoreo.
 hic ego securus vulgi et quid praeparet auster
 infelix pecori, securus et, angulus ille
 vicini nostro quia pinguior; et si adeo omnes
 ditescant orti peioribus, usque recusem 15
 curvus ob id minui senio aut cenare sine uncto
 et signum in vapida naso tetigisse lagoena.
 discrepet his alius. geminos, horoscope, varo
 producis genio: solis natalibus est qui
 tinguat holus siccum muria vafer in calice empta, 20
 ipse sacrum inrorans patinae piper; hic bona dente
 grandia magnanimus peragit puer. utar ego, utar,

10 hunc versum ad suum carmen de Ennii carminibus trans-
 tulit. merito ergo ait: 'cor iubet hoc Enni, postquam destertuit
 esse.' sic Ennius ait in annalium suorum principio, ubi dicit
 se vidisse in somnis Homerum dicentem fuisse quondam pavonem,
 et ex eo translatam in se animam esse, secundum Pythagorae philo-
 sophi definitionem, qui dicit animas humanas per *παλιγγενεσίαν*
 id est per iteratam generationem exeuntes de corporibus in alia
 posse corpora introire. ideo quintus dicit, propter eam opinionem
 quae dicit animam Pythagorae in pavonem translatam, de pavone
 vero ad Euphorbum, de Euphorbo ad Homerum, de Homero autem
 ad Ennium. 14 nec si humilium nati extiterint locupletiores,
 idcirco damno comminui senectutem desiderem. solent enim sibi op-
 tate mortem ii qui minorum substantiam crementari vident, ne quos
 oderunt, felices videant. 17 solent avari signum in vasis
 vinariis ponere et sic diligenter aspicere, ut oculos propius admo-
 vendo naso tangant. 18 dissentiat his rebus a me qui vult,
 prodige vel tenuiter vivat. licet horoscope sub una hora gemi-
 nos producas, dissimilibus tamen fatiis et voluntatibus eos in vitam
 trahis. 19 solis natalibus. avarum significat, qui tantummodo
 in diebus festis caules oleo unctos putans delicias comedit. 20
 muria dicitur liquamen malum vel liquaminis faeces vel quod pro-
 prium est, aqua mixta cum sale. 22 utar, nec maiores deli-
 cias clientibus meis apponam, nec adeo in hac re callidus sum, ut
 turdorum sapes discernam. solent enim quidam gulae dediti tan-
 tae subtilitatis habere palatum, ut cognoscant turdos, si acinarius
 an cellarius aut vivarius sit, et si masculus sit an femina. quos

11 pavonem *αC* 14 pinguior, etsi *volgo* 15 horti *αC*
 16 obit *αC* unto *α* 18 varro *α* 19 ingenio *C* es qui *C*
 20 eptam *B*

nec rhombos ideo libertis ponere lautus,
 nec tenuis sollers turdarum nosse salivas.
 messe tenus propria vive et granaria, fas est, 25
 emole. quid metuas? occa, et seges altera in herba est.
 ast vocat officium, trabe rupta Bruttia saxa
 prendit amicus inops remque omnem surdaque vota
 condidit Ionio, iacet ipse in litore et una
 ingentes de puppe dei iamque obvia mergis 30
 costa ratis lacerae: nunc et de caespite vivo
 frange aliquid, largire inopi, ne pictus oberret
 caerulea in tabula. sed cenam funeris heres
 negleget iratus, quod rem curtaveris; urnae
 ossa inhonora dabit, seu spirent cinnama surdum 35
 seu ceraso peccent casiae, nescire paratus.
 'tune bona incolumis minuas? et Bestius urget
 doctores Graios: "ita fit; postquam sapere urbi
 cum pipere et palmis venit nostrum hoc maris expers,

velut peritia procacis gulae facit in hac re attentos. turdarum abu-
 sive posuit, cum turdorum dicere debuerit, ut Horatius ponit [*sat.*
 1, 5, 72]: 'paene macros arsit dum turdos versat in igne'.
 26 occare est, cum rustici satione facta bobus dimissis grandes
 glaebas caedunt ac ligonibus frangunt. dicta occatio quasi occae-
 catio, quod quasi cooperiat semina. 30 navium tutelam dicit,
 quam in puppibus habent vel pingunt. 32 ne pictus oberret.
 quia solebant naufragi casus suos pingere in tabula, per quam ad
 misericordiam moverentur videntes. 33 verba avari vel in-
 misericordis ad Persium: hoc non faciam, ne heres meus mihi ira-
 scatur, quod largiendo hereditatem diminuam, aut funeri meo, ut
 solet fieri, ne cenam quidem impendat. 35 inodora dabit, id
 est sine odore, sine unguentis. aut inhonora, id est mortis honore
 carentia, sine sepultura. 36 solent pigmentarii ceraso casiam
 admiscere, sicut et alias merces adulterantes emptoribus vendunt.
 37 verba avari, 'quae sibi a suo herede dicta fingit. tune rem
 familiarem ad me morte defluxuram minuas? 38 eo modo contigit
 ut externam sapientiam pariter cum peregrinis mercibus emeremus.

23 scombros α lautis α 24 turdorum α cf. *Sergius et Pom-*
peius GLK. IV p. 494 et V p. 161 26 emule α metuis α
 27 avocat vel advocat *C corr. idem* brucia *B* 29 iovio α 30
 deliamque *C* mergit *A* 31 lacare *C* 34 neglegat *B* rem *om.*
 α 35 hossa α inodora *C* 36 picent α castae *C* 37 tune —
 minuas? et 41 haec — metuas? *transposuit Sinnerus, versus 37—40*
posterius huc accessisse coniecit C. F. Hermannus et α : sed *C*
 39 piper αC

faenisecae crasso vitiarunt unguine pultes." 40
 haec cinere ulterior metuas.' at tu, meus heres
 quisquis eris, paulum a turba seductior audi.
 o bone, num ignoras? missa est a Caesare laurus
 insignem ob cladem Germanae pubis, et aris
 frigidus excutitur cinis, ac iam postibus arma, 45
 iam chlamydes regum, iam lutea gausapa captis
 essedaque ingentesque locat Caesonia Rhenos.
 dis igitur genioque ducis centum paria ob res
 egregie gestas induco. quis vetat? aude.
 vae, nisi conives. oleum artocreasque popello 50
 largior. an prohibes? dic clare. 'non adeo' inquis
 'exossatus ager iuxta est.' age, si mihi nulla
 iam reliqua ex amitis, patruelis nulla, proneptis
 nulla manet patrui, sterilis matertera vixit,
 deque avia nihilum superest, accedo Bovillas 55

40 crasso unguine. quia cum rusticis oleum defuerit, adipem
 pecudum in pultes missum pro oleo accipiunt. 41 verba Persii
 ad avarum, qui se de verbis sui heredis, ne largiretur inopi, ex-
 cusabat. et hoc dicit: numquid postquam sepultus fueris, timeas
 ne sine odoribus heres tibi faciat sepulturam? 43 o mi heres,
 ne te scire dissimules, cognosce Caesaris grandem de Germanis trium-
 phum. propter quod templa donis et arae victimis ab omnibus cu-
 mulantur. et ego in honorem deorum vel principis genii sacrificiis
 praeparo omnia centena mactare, hoc est centum tauros et centum
 oves. 45 postibus arma. subaudi: Caesonia parat. quia capti-
 vorum arma ob indicium victoriae in postibus figebantur. 46
 ad splendorem triumphi vestes nobiles ipsius uxor principis parat
 Caesonia. gausapa genus est pillei, quo captivorum capita
 induebantur. 51 omnia populo expendam. 52 non audeo
 prohibere, quicquid velis de hereditate tua ut facias, quia ager plen-
 us lapidibus non longe est, quibus me contradicentem obruas.
 nam exossatus lapidibus plenus, secundum eos qui definiunt lapides
 esse ossa terrae, unde Ovidius [*met.* 1, 393]: 'lapides in corpore
 terrae ossa reor dici'. age si mihi nulla. hic poeta tangit here-
 dipetas, qui quamvis nulla cognatione testatoribus adhaereant, tamen
 propinquos vel heredes se videri volunt. 55 Bovillae sunt

40 crassa α 41 hic meride ulterior α 43 obenum ignoras
 α 44 *audem C erasa e 46 captis C Priscianus GLK. II p. 333
 et 350: victis α 47 ingentes sine que α rhenus α 48 paria
 om. C primo, patria α 49 egregia α 50 conlues α arco-
 creasque α 51 largiar α audeo C 54 patruis C 55 de
 quae C accede α

clivumque ad Virbi, praesto est mihi Manius heres.
 'progenies terrae?' quaere ex me, quis mihi quartus
 sit pater: haud prompte, dicam tamen; adde etiam unum,
 unum etiam: terrae est iam filius, et mihi ritu
 Manius hic generis prope maior avunculus exit. 60
 qui prior es, cur me in decursu lampada poscis?
 sum tibi Mercurius, venio deus huc ego ut ille
 pingitur. an renuis? vin tu gaudere relictis?
 'dest aliquid summae.' minui mihi, sed tibi totum est,
 quidquid id est. ubi sit, fuge quaerere, quod mihi quondam 65
 legarat Tadius, neu dicta 'pone paterna,
 faenoris accedat merces, hinc exime sumptus'.

vicus ad undecimum lapidem Appiae viae. quia aliquando in Albano
 monte ab ara fugiens taurus iam consecratus ibi comprehensus est,
 inde Bovillae dictae. 56 quattuor millibus abest Virbii clivus,
 qua iter est ad Ariciam et ad nemus Dianae, ubi Virbius colitur,
 id est Hippolytus, quod bis in vitam prolatus sit. nam cum Hip-
 polytus a Phaedra noverca ob pulchritudinem corporis amaretur,
 eam sprevit patrios thalamos nolens violare. et cum Hippolytus patri
 narraret, eum noverca verso crimine ultro Theseo marito accusavit.
 quo agnito Hippolytus fugit, et dum curru in littore exercetur,
 petiit a Neptuno Theseus, ut ei phocas, id est vitulos marinos im-
 mitteret. quo facto equi eius expavescentes eum iactaverunt, et
 mortuus est. dolens Diana speciosum venatorem amisisse, Asclepium
 medicinae auctorem petiit, ut eum sua arte ad vitam reduceret.
 quo facto Asclepius eum vivum Dianae restituit, et acceptum Diana
 in luco suo otiose ut viveret consecravit, et Virbium vocavit me-
 rito, quod bis in vitam prolatus esset. continuo mihi Manius
 occurrit, qui se heredem meum esse dicat, cum eum nesciam. aut
 certe Manium dicit deformem et ignotum hominem eo, quod maniae
 dicuntur indecori vultus personae, quibus pueri terrentur. 61
 apud Athenas ludi celebrabantur, in quibus cursu iuvenes certabant,
 et qui victor erat primus facem tollebat, deinde sequenti se trade-
 bat, et secundus tertio, similiter omnes faciebant et sibi invicem
 tradebant, donec currentium numerus compleretur. 62 quia eum
 cum saccello pleno pecuniae pingebant. 63 vis etiam tu gratus
 accipere et gaudere ad ea, quae tibi dimitto? 67 tractum est.
 hoc a patribus, qui dicunt filiis suis: hoc quod vobis lucri de

56 verbi *C* mannus *α* et in *ras.* *C*, item 60 57 que ex *α*
 58 haut *C* tamen *om. α* 59 si terrae *C* ritum *C* tecum
α 61 est *α* decursum *C* poscas *C* 62 hunc *α* illi
α 63 vis *C* relictus *α* 64 des *B* 66 cadius *α* oppone
aut repone *S.* mutavi distinctionem

'quid reliquum est?' reliquum? nunc nunc impensius ungue,
 ungue, puer, caules. mihi festa luce coquatur
 urtica et fissa fumosum sinciput aure, 70
 ut tuus iste nepos olim satur anseris extis,
 cum morosa vago singultiet inguine vena,
 patriciae immeiat vulvae? mihi trama figurae
 sit reliqua, ast illi tremat omento popa venter?
 vende animam lucro, mercare atque excute sollers 75
 omne latus mundi, nec sit praestantior alter
 Cappadocas rigida pinguis plausisse catasta:
 rem duplica. 'feci; iam triplex, iam mihi quarto,
 iam deciens redit in rugam: depunge, ubi sistam.'
 inventus, Chrysippe, tui finitor acervi. 80

faenore accessit, ad usum vitae vobis proficiat, reliquum vero pecuniae reservate integrum. 69 an ego fame moriar et festis diebus urtica vascar, et sinciput fumosum quod est dimidium caput porcinum, ut dum ego parce vivo, tuus nepos, id est tuus filius perditus haec omnia quae servo, impensius vivendo abligurriat et saturatus anserum iecinoribus in patriciarum turpibus stupris bona mea consumat, cum in eo libido exarserit? 73 trama figurae tractum a mulierum telis, quae sine stamine inanes dicuntur tramae.

74 popa venter pinguis. quia popana genera sunt panis, quibus sacerdotes et eorum ministri vescebantur, quibus assidue pasti pingues fiebant. 75 periculis obice te lucri causa, ut gladiatores faciunt, qui studio lucrandi animas suas morti opponunt. 77 gladiatores significat. apud antiquos venales in catasta ponebantur, ut in eis possent omnia membra conspici. vel quia Cappadoces dicerentur habere studium ad falsa testimonia proferenda. qui nutriti a pueritia in tormentis eculeum sibi facere dicuntur, ut in eo se invicem torquerent et cum in poena perdurarent, ad falsa testimonia se bene venundarent. plausisse. ut venales antequam in catasta imponantur, cantent universi pariter more gentis suae.

79 in rugam allegoricos dixit a vestibus, quod in rugam plicentur. depunge ubi sistam, id est pone modum cremento substantiae et dic quo usque substantiam augeam. 80 Chrysippus, philosophus stoicus, syllogismum soriten vocavit, quem per adiectionem et detractionem exacervatum acervi frumentarii similitudine ostendit.

68 inperisius α angue α surge C 69 coquetur α 71
 tuus hic α tusista C 73 innelat C 74 omentopaventur α
 76 ne C 77 pavisse α catastas C 79 depinge 5 80 iu-
 ventus αC corr. c explicit Persius Thebaidorum satura feliciter utere

Nec fonte labra prolui caballino,
 nec in bicipiti somniasse Parnaso
 memini, ut repente sic poeta prodirem;
 Heliconidasque pallidamque Pirenen
 illis remitto, quorum imagines lambunt
 hederae sequaces: ipse semipaganus
 ad sacra vaturn carmen affero nostrum.
 quis expedit psittaco suum chaere

5

ergo poeta hoc dicit: quantacunque avaro abundantia crescat substantiae, non satiatur, et sic in infinitum cupiditatis desiderium extendit, ut qui eius avaritiae finem voluerit ponere, facile videatur etiam syllogismum Chrysippi definire.

prologus. 1 caballino. *Ἱπποκρήνη*, quod Hesiodus dicit. dicitur enim Pegasus errando ad Heliconem pervenisse ibique siti oppressus ungula fodisse, ex quo loco fons editus Musis sit consecratus.

caballino autem dicit, non equino, eo quod satirae humiliora conveniant.

2 Parnasum Delphorum montem dicit, qui habet cacumina duo, Nysam Libero sacratum, Cirrham Apollini, unde Lucanus [5, 72]: 'cardine Parnasos gemino petit aethera colle, mons Phoebus Bromioque sacer'. tangit autem Ennium, qui dixit se vidisse per somnium in Parnaso Homerum sibi dicentem, quod eius anima in suo esset corpore.

4 Pyrene fons in Helicone Musis consecratus. pallidam autem ideo, quod poetae palleant scribendi lassitudine.

5 lambunt, quasi lingua tergunt. 6 hedera semper viridis est et ideo hedera coronabantur poetae, quia nomen poetae semper manet. sequaces, quod sine fine sequantur et repant.

semipaganus semipoeta. et hoc verbo humili satirico modo usus est. pagani dicuntur rustici, qui non noverunt urbem.

8 hoc dicit, quod non omnes natura sua sint poetae, sed ventris et egestatis necessitate cogantur, et hoc de avibus probat. nam hodieque videmus psittacos esurientes vocaliter strepere et *χαῖρε* dicere. suum autem quasi naturale.

semper felix C qui prologi loco exhibet sequentes choliambos. Persi Flacci satyrarum explicite feliciter. vita eiusdem α qui iam subiungunt choliambos

Choliambos in fine α ante I saturam C habet 3 memini me ut
 αC prodierim C 4 aeliconiadas α eliconiadas C omisso que
 sirenen α pyrenen C 5 ambiunt α 8 expediit α psittacho
 C cere supine α (Iahnio interprete χαῖρε σὺ πῖνε) kere C

picaeque docuit nostra verba conari?
 magister artis ingenique largitor
 venter, negatas artifex sequi voces.
 quod si dolosi spes refulgeat nummi,
 corvos poetas et poetridas picas
 cantare credas Pegaseium nectar.

10

9 conari. et blandiri legitur. 10 apologiam poeta facit et
 excusat se quodammodo non ideo scripsisse, ut poeta appareret, sed
 potius impulsu quodam ventris, quia videbat tunc multos poetriae
 incumbere. et per transitum ostendit se primum coepisse causa victus,
 ut salarium mereretur. nam salarium est victus unius diei. 12
 refulserit. et refulgeat. 14 Pegaseium melos. in aliis nectar.

9 picasque *aC* verba nostra *C* post 9 corvos quis olim
 concavum salutare *5* 10 ingenique *αC* 11 artifex *α* (artis
 sex *B*) 12 refulserit *C* sed geat *supra scriptum manu recenti*
 14 pegaseium *α* ppegaseium *C* melos *C*

VITA A. PERSII FLACCI DE COMMENTARIO PROBI VALERII SVBLATA

Aulus Persius Flaccus natus est pridie nonas Decembris
 Fabio Persico L. Vitellio coss. decessit VIII kalendas Decem-
 bris P. Mario Afinio Gallo coss.

5

natus in Etruria Volaterris, eques Romanus, sanguine et
 affinitate primi ordinis viris coniunctus. decessit ad octavum
 miliarium via Appia in praediis suis.

pater Flaccum pupillum reliquit moriens annorum fere
 sex. Fulvia Sisennia nupsit postea Fusio equiti Romano et 10
 eum quoque extulit intra paucos annos.

studuit Flaccus usque ad annum XII aetatis suae Volaterris,
 inde Romae apud grammaticum Remmum Palaemonem et
 apud rhetorem Verginium Flavum.

cum esset annorum XVI, amicitia coepit uti Annaei Cor- 15
 nuti, ita ut nusquam ab eo discederet. inductus aliquatenus
 in philosophiam est.

3 Aules *libri* 4 Vitellioque *libri* 5 Publio *Lipsius*: Rubio
vel Rubrio libri Asinio *libri* cf. *Klein fastorum cons. p. 39*
 9 pater eum Flaccus *libri* 10 se ipsum Persius significat secessisse
 in Liguria fines, videlicet propter Fulviam Sisenniam matrem suam,
 quae post mortem prioris viri ibi nupta erat *schol. 6, 6* Fuscio *vel*
 Ruscio *quidam libri*

amicos habuit a prima adolescentia Caesium Bassum poetam et Calpurnium Staturam, qui vivo eo iuvenis decessit. coluit ut patrem Servilium Nonianum. cognovit per Cornutum etiam Annaeum Lucanum aequaevum auditorem Cornuti. [nam Cornutus illo tempore tragicus fuit sectae poeticae, qui libros philosophiae reliquit. sed] Lucanus mirabatur adeo scripta Flacci, ut vix se retineret recitante eo de more quin illa esse vera poemata, sua ludos diceret. sero cognovit et Senecam, sed non ut caperetur eius ingenio. usus est apud Cornutum duorum
 10 convictu doctissimorum et sanctissimorum virorum acriter tunc philosophantium, Claudii Agathurni medici Lacedaemonii et Petroni Aristocratis Magnetis, quos unice miratus est et aemulatus, cum aequales essent Cornuti, minor ipse.

idem decem fere annis summe dilectus a Paeto Thrasea
 15 est, ita ut peregrinaretur quoque cum eo aliquando, cognatam eius Arriam uxorem habente.

fuit morum lenissimorum, verecundiae virginalis, formae pulchrae, pietatis erga matrem et sororem et amitam exemplo sufficientis.

20 fuit frugi, pudicus.

reliquit circa HS vicies matri et sorori scriptis tantum ad matrem codicillis. Cornuto rogavit ut daret sestertia, ut quidam dicunt, C, ut alii, L et argenti facti pondo viginti et libros circa septingentos Chrysippi sive bybliotheecam suam omnem. verum
 25 a Cornuto sublatis libris pecunia sororibus, quas heredes frater fecerat, relicta est.

scriptitavit et raro et tarde. hunc ipsum librum imperfectum reliquit. versus aliqui dempti sunt ultimo libro, ut quasi finitus esset. leviter retractavit Cornutus et Caesio Basso
 30 petenti, ut ipse ederet, tradidit edendum.

scripserat in pueritia Flaccus etiam praetextam et hodo-

1 hanc satiram scribit Persius ad Caesium Bassum lyricum poetam, quem fama est in praediis suis positum ardente monte Vesuvio et late ignibus abundante cum villa sua ustum *schol.* 6, 1 3 ut *om. libri* alloquitur Macrinum, hominem sane eruditum et paterno se affectu diligentem, qui in domo Servilii didicerat, a quo agellum comparaverat indulto sibi pretio aliquanto *schol.* 2, 1 4 nam — 6 sed *del. Bergkiius* 5 grammaticus *Martinius* stoicae *Pithoeus* 7 recitantem clamore quae illa *libri* 8 suo ludo faceret *libri*

11 agaturini vel agaturrini *libri*: Agathemerii *Reinesiius* Agathini *Osannus* 12 Aristocratis *Pithoeus*: aristotegratis *libri* 13 minores ipse *libri* 21 tamen *Iahniius* 22 quidam C (vel centies) ut alii volunt et *libri* 25 pecuniam — reliquit et *libri* 29 retractavit *Bouheriius*: contra et vel contraxit vel recitavit *libri* 31 et *ὁδοποιχῶν Pithoeus*: et necio et operio *Bernensis*, vescio et ope-

poricon librum unum et paucos in socrum Thraseae in Arriam matrem versus, quae se ante virum occiderat. omnia ea auctor fuit Cornutus matri eius ut aboleret.

editum librum continuo mirari homines et diripere coeperunt.

5

decessit autem vitio stomachi anno aetatis XXX.

sed mox ut a schola magistrisque divertit, lecto Lucili libro decimo vehementer saturas componere studuit. cuius libri principium imitatus est, sibi primo, mox omnibus detrectaturus cum tanta recentium poetarum et oratorum insectatione, ut etiam Neronem principem illius temporis inculpaverit. cuius versus in Neronem cum ita se haberet 'auriculas asini Mida rex habet', in eum modum a Cornuto ipso tantum nomine mutato est emendatus 'auriculas asini quis non habet?' ne hoc in se Nero dictum arbitraretur.

15

ricon *plurimi libri* 1 in socrum *Casaubonus*: sororum *libri*
6 XXIIIX *Reizius* 8 instituit *libri* 13 ipse tantum modo est
libri 14 Persius sic scripsit 'auriculas asini Mida rex habet', sed
Cornutus hoc mutavit ita ponens 'auriculas asini quis non habet?' veritus ne Nero in se dictum putaret *schol.* 1, 121.

QVINTILIANVS X 1, 94 multum et verae gloriae quamvis uno libro Persius meruit.

MARTIALIS IV 9, 7

saepius in libro numeratur Persius uno,
quam levis in tota Marsus Amazonide.

IOHANNES LYDVS *de mag.* I 41 Πέρσιος δὲ τὸν ποιη-
τὴν Σώφρονα μιμήσασθαι θέλων τὸν Ανκόφρονος παρῆλ-
θεν ἀμανρόν.

D. IVNII IVVENALIS
S A T V R A R V M
LIBRI V

P codex Montepessulanus 125, olim Pithoeanus
p codicis Pithoeani manus emendatrix
S scholiorum lectio aut ex scholiis ducta
ω codices reliqui omnes aut multi
ζ codicum reliquorum pars

IVVENALIS

S A T V R A R V M

LIBER PRIMVS

SATVRA I

Semper ego auditor tantum? numquamne reponam
vexatus totiens rauci Theseide Cordi?
inpune ergo mihi recitaverit ille togatas,
hic elegos? inpune diem consumpserit ingens
Telephus aut summi plena iam margine libri
scriptus et in tergo necdum finitus Orestes?

5

I cur saturas scribat. Iuvenalem aliqui Gallum propter corporis magnitudinem, aliqui Aquinatem dicunt. ea tempora Domitiani tyranni, quibus etiam ipse vixit, eo quod in aula ipsius plus histriones quam bonae vitae homines possent, graviter carpsit. hos autem libros in exilium missus ad civitatem ultimam Aegypti Hoasim ab ipso Domitiano scripsit. ideo autem in exilium missus est, quia dixit verum [7, 90] 'quod non dant procures, dabit histrio'. nunc autem hoc inducit, quasi carptum se praefigurans a miseris poetis, qui nil novum sed omnibus notas fabulas recitarent. et dicit magis ideo saturam se scribere, ut possit mores illius temporis demonstrando notare.

2 Cordus hic poeta fuit vitiosus, qui tragoediam, fabulam Thesei scripsit. de quo Virgilius dixit [*Aen.* 6, 617] 'sedet aeternumque sedebit infelix Theseus'.

3 togatae sunt comoediae latinae. quales Afranius fecit.

5 Telephus filius Heraclis et Auges a cerva nutritus est.

notandum marginem feminino genere dici. Ovidius [*met.* 1, 13] masculino.

6 Aegisthus Thyestis filius dum Clytemestram uxorem Agamemnonis adulteraret, illa amoris illius causa communicato cum eodem consilio venientem e Troiano bello maritum percussit. quam postea filius dicitur occidisse.

nota magis nulli domus est sua, quam mihi lucus
 Martis et Aeoliis vicinum rupibus antrum
 Vulcani; quid agant venti, quas torqueat umbras
 Aeacus, unde alius furtivae devehat aurum 10
 pelliculae, quantas iaculetur Monychus ornos,
 Frontonis platani convulsaeque marmora clamant
 semper et adsiduo ruptae lectore columnae.
 expectes eadem a summo minimoque poeta.
 et nos ergo manum ferulae subduximus, et nos 15
 consilium dedimus Sullae, privatus ut altum
 dormiret. stulta est clementia, cum tot ubique
 vatibus occurras, periturae parcere chartae.
 cur tamen hoc potius libeat decurrere campo,
 per quem magnus equos Auruncae flexit alumnus, 20
 si vacat ac placidi rationem admittitis, edam.
 cum tener uxorem ducat spado, Mevia Tuscum
 figat aprum et nuda teneat venabula mamma;
 patricos omnis opibus cum provocet unus,
 quo tondente gravis iuveni mihi barba sonabat; 25
 cum pars Niliacae plebis, cum verna Canopi
 Crispinus Tyrias umero revocante lacernas
 ventilet aestivum digitis sudantibus aurum
 nec sufferre queat maioris pondera gemmae,
 difficile est saturam non scribere. nam quis iniquae 30
 tam patiens urbis, tam ferreus, ut teneat se,

7 lucum Martis dicit qui Romae est in Appia, in quo sole-
 bant recitare poetae. aut illum qui apud Colchos est, in quo fuit
 pellis aurea. aut in quo Ilia peperit. 12 Frontonis. in Ho-
 ratiana domo, in qua poetae recitabant. 20 'Lucillium dicit
 ut sit Aurunca pro Italia synecdochicos posita. vel ut Probus ex-
 ponit, Turnum dicit Scaevae Memoris tragici poetae fratrem. Turnus
 hic libertini generis ad honores ambitione proventus est potens in
 aula Vespasianorum Titi et Domitiani. vel Lenium [Lenaenum *Casa-*
bonus] dicit, qui et ipse satiras scripsit. vel Silium et ipsum sui
 temporis satiricum. qui omnes ut Probus refert ex Aurunca fuerunt'
Valla. 26 Niliacus unus de consulibus liciniae ac de plebe
 Aegypti fuit, magnarum Romae postea facultatum. Canopus
 oppidum Aegypti dictum a gubernatore Menelai, qui ibidem morsu
 serpentis extinctus est. 28 per luxuriam enim anulos aesti-
 vos et hiemales invenerat.

causidici nova cum veniat lectica Mathonis
 plena ipso, post hunc magni delator amici
 et cito rapturus de nobilitate comesa
 quod superest, quem Massa timet, quem munere palpat 35
 Carus et a trepido Thymele summissa Latino?
 cum te summoveant qui testamenta merentur
 noctibus, in caelum quos evehit optima summi
 nunc via processus, vetulae vesica beatae?
 unciolam Proculeius habet, sed Gillo deuncem, 40
 partes quisque suas ad mensuram inguinis heres.
 accipiat sane mercedem sanguinis et sic
 palleat, ut nudis pressit qui calcibus anguem,
 aut Lugudunensem rhetor dicturus ad aram.
 quid referam, quanta siccum iecur ardeat ira, 45
 cum populum gregibus comitum premit hic spoliator
 pupilli prostantis et hic damnatus inani
 iudicio? quid enim salvis infamia nummis?
 exul ab octava Marius hibit et fruitur dis
 iratis, at tu victrix provincia ploras. 50

33 Heliodorum significat delatorem vel ceteros delatores. sic illi partem maximam proscripserunt, ex quorum bonis multa diriperunt. Heliodorum dicit stoicum philosophum, qui L. Iunium Silanum discipulum suum cum argueretur coniurationis, infitiatum domesticam delationem etiam testimonio oppressit. alii philosophum Traiani dicunt, qui Baream senatorem detulit et damnavit. nonnulli Demetrium causidicum dicunt, qui multos Neroni detulit. Soranum Baream Celer philosophus magister ipsius apud Neronem scelere delationis occidit, et ipse postea sub Vespasiano hoc ipsum Musonio Rufo accusante damnatus est. 35 Massa morio fuisse dicitur, et Carus nanus, Latinus vero actor mimicus. hi omnes Neronis fuerunt liberti et deliciae Augusti, sed et nequissimi delatores. Latinus autem mimus quasi conscius adulterii Messalinae, uxori Neronis, ab ipso occisus est. Massa autem et Carus Heliodoro deferente occisi sunt. cuius futuram delationem ita metuebant, ut ei munera darent. nam Latinus mimus Thymelen mimam summittebat ad mitigandum. 43 nimia coitus libidine fatigatus, aut expectatione hereditatis, aut metu adulterii. 47 non adeptis bonis. decisum dicitur sine litium aestimatione. 49 qui iudicio vacabant, decima hora cenabant. hic enim ab octava.

35 palpat *om. P add. p*
erasa u P 46 premat *5*

38 non tib. *P*
 47 at *p*

44 lug*dunensem

haec ego non credam Venusina digna lucerna,
 haec ego non agitem? sed quid magis? Heracleas
 aut Diomedearum aut mugitum labyrinthi
 et mare percussum puero fabrumque volentem,
 cum leno accipiat moechi bona, si capiendi 55
 ius nullum uxori, doctus spectare lacunar,
 doctus et ad calicem vigilanti stertere naso?
 cum fas esse putet curam sperare cohortis,
 qui bona donavit praesepibus et caret omni
 maiorum censu, dum pervolat axe citato 60
 Flaminiam puer Automedon? nam lora tenebat
 ipse, lacernatae cum se iactaret amicae.
 nonne libet medio ceras implere capaces
 quadrivio, cum iam sexta cervice feratur.
 hinc atque inde patens ac nuda paene cathedra 65
 et multum referens de Maecenate supino
 signator, falso qui se lautum atque beatum
 exiguis tabulis et gemma fecerit uda?
 occurrit matrona potens, quae molle Calenum
 porrectura viro miscet sitiante rubetam, 70
 instituitque rudes melior Lucusta propinquas

51 lucernam ideo dicit, quia satirici ad omnium vitia quasi
 lucernam admovent, et vel adurunt vel ostendunt crimina quae
 noverunt. Venusina autem ideo, quia haec fuit civitas Horatii.

'Venusinam a Venusia ubi laternae leves fuerunt, ut Probus
 inquit, quae vilissimi veniebant' *Valla*. 52 persequar, ut
 Virgilius [*Aen.* 5, 265] 'pallantes Troas agebat'. 53 socios
 Diomedis in aves conversos. 55 si facultatem maritus non
 habet, ut deprehendat spoliandos adulteros, quia nota est eius fraus,
 tamen coniventiam suam adulteris vendit. et sic intellegitur: si uxor
 eius iure impediatur adultero succedere, ipse maritus leno succedit
 adultero heres, ut per fideicommissum res adulteri ad adulteram
 veniant. 56 ut carius vendat adulterium. praesens est.

58 curam sperare cohortis. militum tribunatum. 59 propter
 equos hoc dixit et ea re Neronem tangit. 61 Automedon
 pro auriga. 62 satirice. nam habitu virili feminam describit.

'64 his rebus concitatus posset et in publico scribere.
 68 fecerit uda. saliva tacta propter signaculi impressionem. 70
 rubeta rana est, ex cuius pulmonibus vel sanguine fit venenum.
 71 Lucusta quaedam fuit in Galliis matrona venefica, quam Nero

55 sit capiendi *P* 63 non me *P* 67 falsi ω signato falso
Madvicus 68 fecerit *SW*: fecerat *P* 69 occurrat *Heinrichius*
 70 rubeta *P*

per famam et populum nigros efferre maritos.
 aude aliquid brevibus Gyaris et carcere dignum,
 si vis esse aliquid. probitas laudatur et alget,
 criminibus debent hortos praetoria mensas 75
 argentum vetus et stantem extra pocula caprum.
 quem patitur dormire nurus corruptor avarae,
 quem sponsae turpes et praetextatus adulter?
 si natura negat, facit indignatio versum,
 qualemcumque potest, quales ego vel Cluvenus. 80

ex quo Deucalion nimbis tollentibus aequor
 navigio montem ascendit sortesque poposcit,
 paulatimque anima caluerunt mollia saxa
 et maribus nudas ostendit Pyrrha puellas,
 quidquid agunt homines, votum timor ira voluptas 85
 gaudia discursus nostri farrago libelli est.
 et quando uberior vitiorum copia? quando
 maior avaritiae patuit sinus? alea quando
 hos animos? neque enim oculis comitantibus itur
 ad casum tabulae, posita sed luditur arca. 90
 proelia quanta illic dispensatore videbis
 armigero. simplexne furor sestertia centum
 perdere et horrenti tunicam non reddere servo?
 quis totidem erexit villas, quis fercula septem
 secreto cenavit avus? nunc sportula primo 95

exhibuit ad se propter venena conficienda, quoniam magnae famae
 erat. quam etiam in familiaritate sua habuit, ut etiam eum doceret
 venena miscere. inde ait Turnus in satura: 'ex quo Caesareas sub-
 oles Lucusta cecidit horrida cura sui verna nota Neronis'. haec
 increpitata a Nerone, quod lentum venenum Britannico parasset,
 tam efficax dedit, ut antequam poculum Britannicus exhauriret, in
 convivio Neronis expiraret. propinquas dicit tanquam a Lucusta
 doctas. quidam uxores dicunt. 73 insula ubi damnati mittebantur.

76 dicit emblematum opus. 80 Cluvenus delerus poeta vel
 indoctus. 82 a Themide, quae ante Apollinem responsa dabat.

83 mollia saxa. ut Virgilius [g. 1, 63] 'unde homines nati,
 durum genus'. et hic per consensum ostendit esse durissimum.

89 enlipsis, subauditur habuit. 92 metaphora a bellantibus.

id est qui arma praebet tesseras et tabulam. et ipse est qui num-
 mos ob pignora portat. 93 horrenti. trementi, nudo.

95 quis tuorum aut tam locuples aut tam luxuriosus fuit, ut tu

74 aliquis § 80 cluvidenus § 85 timor *add. p* 89
 ioculis *P*

limine parva sedet turbae rapienda togatae.
 ille tamen faciem prius inspicit et trepidat, ne
 suppositus venias ac falso nomine poscas:
 agnitus accipies. iubet a praecone vocari
 ipsos Troiugenae, nam vexant limen et ipsi
 nobiscum: 'da praetori, da deinde tribuno'.
 sed libertinus prior est. 'prior' inquit 'ego adsum.
 cur timeam dubitemve locum defendere, quamvis
 natus ad Euphraten, molles quod in aure fenestrae
 arguerint, licet ipse negem? sed quinque tabernae
 quadringenta parant. quid confert purpura maior
 optandum, si Laurenti custodit in agro
 conductas Corvinus oves, ego possideo plus
 Pallante et Licinis?' expectent ergo tribuni,

es? moris autem erat apud antiquos, ne quis adderet possessione
 suas aut ex illis minueret. 96 vult intelligi, quod apud veteres
 quamvis pauperes essent, tamen maiorem humanitatem fuisse; nun
 autem eam solam videri humanitatem, si detur sportula, et ipsi
 tenuissima, tamen ab honoratis non excludaris, qui ad eam sine
 pudore conveniunt. 100 patricios, qui nisi agniti fuerint non
 accipiunt, nedum humiles possint accipere. 102 arguit hominem
 qui in libertinorum corpus tribus relati sunt. 104 Mesopotamici
 tamen homines effrenatae libidinis sunt in utroque sexu. Salustius
 meminit. 106 quadringenta. qui erat census antea equitum Ro-
 manorum. quid confert purpura. Lucillius 'aurum atque am-
 bitiosum specimen virtutis'. purpura. laticlavium. 10
 'Pallas libertus, ut inquit Probus, Claudii Caesaris officium ratio-
 num administravit et in numerum praetorum relatus, quod parum
 per cunctantem Caesarem de incestu Agrippinae ad nuptias confir-
 masset, cum qua ipse consuetudinem stupri adeo palam fecerat, et
 in quodam simulacro Palatinae Minervae adscriptum sit: Pallas ὁ
 αἰτιῶνται' Valla. 'Licinus, inquit Probus, ex Germania puer
 captus tantae industriae fuit, ut reliquias cibariorum inter conserve
 faeneraret, et cui quid credidisset quali poterat chirographo pugil-
 laribus subnotaret. quos cum expeditione quadam transiturus flume
 in vestimentis recondidisset, C. Iulio Caesari quodam denegante
 pugillaribus quicquam annotatum barbarus lugens eos obtulit. sta-
 tim ad dispensationem est admissus, non multo post manu missus
 et deinde curationi Galliarum ab Augusto praepositus eas spoliavit
 et cum flagraret invidia basilicam sub nomine Gaii Iulii aedificavit

perneant divitiae, sacro ne cedat honori,
 110
 aufer in hanc urbem pedibus qui venerat albis,
 si quandoquidem inter nos sanctissima divitiarum
 crastestas, etsi funesta pecunia templo
 arundum habitat, nullas nummorum ereximus aras,
 et colitur Pax atque Fides Victoria Virtus
 115
 quaeque salutato crepitat Concordia nido.
 sed cum summus honor finito computet anno,
 sportula quid referat, quantum rationibus addat,
 quid facient comites, quibus hinc toga, calceus hinc est
 et panis fumusque domi? densissima centum
 120
 quadrantes lectica petit, sequiturque maritum
 languida vel praegnas et circumducitur uxor.
 hic petit absenti nota iam callidus arte
 ostendens vacuam et clausam pro coniuge sellam.
 'Galla mea est' inquit 'citius dimitte. moraris?
 125
 profer, Galla, caput. noli vexare, quiescet.'
 ipse dies pulchro distinguitur ordine rerum:
 sportula, deinde forum iurisque peritus Apollo
 atque triumphales, inter quas ausus habere

decessit sub Tiberio, proinde dives fuit quod Cassii opes exhausisset et dictus est habuisse fundos quantum milvi volant. unde Persius [2, 36]: 'nunc Licini in campos, nunc Crassi mittit in aedes' *Valla*.. 111 ostendit plus honoris videri in calceis quam in persona. illo enim tempore necdum senatores nigris calceis utebantur. nudis pedibus vel pulverulentis. vel bracis vel pedules
 113
 novos in bracis, quos pedornis dicunt. ut peregrinus.
 quoniam per scelera acquiritur. quod funerum faciendorum sit causa. quod per parricidia congeritur. 116 ciconia, quae contra templum Concordiae ex consilio rostri sonitum facit. saturice salutato nido, non templo. 119 quid faciunt parasiti, cum senatores sic avidi sint ad sportulam? 122 id est, quae non sufferunt uxores senatoris. ad accipiendam sportulam matrona sequitur virum. 126 profer Galla. qui erogat, dicit. noli vexare. maritus dicit. 128 aut quia iuxta Apollinis templum iuris periti sedebant et tractabant, aut quia bibliothecam iuris civilis et liberalium studiorum in templo Apollinis Palatini dedicavit Augustus. nam hic est Apollo, cuius et Horatius [*sat.* 1, 9, 78] meminit: 'sic me servavit Apollo'. 129 id est, itur ad rostra, ubi habere solent triumphales statuas viri magni sive quadrigas.

114 habitas *p*126 quiescit *p*

nescio quis titulos Aegyptius atque Arabarches, 130
 cuius ad effigiem non tantum meiere fas est.
 vestibulis abeunt veteres lassique clientes
 votaue deponunt, quamquam longissima cenae
 spes homini; caulis miseris atque ignis emendus.
 optima silvarum interea pelagique vorabit 135
 rex horum vacuisque toris tantum ipse iacebit.
 nam de tot pulchris et latis orbibus et tam
 antiquis una comedunt patrimonia mensa.
 nullus iam parasitus erit. sed quis ferat istas
 luxuriae sordes? quanta est gula, quae sibi totos 140
 ponit apros, animal propter convivia natum?
 poena tamen praesens, cum tu deponis amictus
 turgidus et crudum pavonem in balnea portas.
 hinc subitae mortes atque intestata senectus
 et nova nec tristis per cunctas fabula cenas: 145
 ducitur iratis plaudendum funus amicis.
 nil erit ulterius quod nostris moribus addat
 posteritas, eadem facient cupientque minores,
 omne in praecipiti vitium stetit. utere velis,
 totos pande sinus. dices hic forsitan 'unde 150
 ingenium par materiae? unde illa priorum
 scribendi quodcumque animo flagrante liberet
 simplicitas?' cuius non audeo dicere nomen?
 quid refert, dictis ignoscat Mucius an non?
 'pone Tigellinum: taeda lucebis in illa, 155

130 Arabarches. Arabiae princeps. 133 dum divites tarde
 recedunt, clientes expectant. quamquam tarda sit homini spes cenandi.
 aut si quis certe non multum habeat in domo sua quod cenet, tum
 non patitur divitum mensas spectare. 135 de venatione. quare
 optimum est hoc ex affectione et invidia parasitorum. 138
 mensis citreis, quas antiquitus in magno pretio habebant. aut de
 ebore. 141 apud antiquos munificentia videbatur apparitor,
 si in convivio cuiusdam aper integer fuisset exhibitus. 142
 poenam dicit quod solus voraverit, quod multis sufficere potuisset.
 144 id est mortuus est manducando. 146 insultant, quod
 de indigestione sit mortuus intestatus. de cuius testamento nihil
 consecuti sunt. 149 velis. dictionis dicit, hoc est saturae scriben-
 dae. 151 Lucilli et ceterorum. 155 C. Sophonius Tigil-

131 me*gere *erasa* n *P*: meiere *ω* *Priscianus Eutyches* 143
 crudus *P*: crudum *p* *Phocas schol. Persi* 144 infestata *Madvicus*
 149 stetis *P* 150 dices *P*: dicas *pω* 155 lucebit *P*

qua stantes ardent qui fixo pectore fumant,
et latum media sulcum deducis harena.²

qui dedit ergo tribus patruis aconita, velatur
pensilibus plumis atque illinc despiciet nos?

cum veniet contra, digito compesce labellum: 160
accusator erit qui verbum dixerit "hic est".

securus licet Aenean Rutulumque ferocem
committas, nulli gravis est percussus Achilles
aut multum quaesitus Hylas urnamque secutus:

ense velut stricto quotiens Lucilius ardens 165

infremuit, rubet auditor, cui frigida mens est
criminibus, tacita sudant praecordia culpa.

inde irae et lacrimae. tecum prius ergo voluta

haec animo ante tubas, galeatum sero duelli

paenitet.³ experiar quid concedatur in illos, 170

quorum Flaminia tegitur cinis atque Latina.

linus, patre Agrigentino Scyllaceum relegato, iuvenis egens verum
admodum pulcher, in contubernio M. Vinicio et Lucio Domitio maritis
Agrippinae et Iuliae sororum C. Caesaris, atque in utriusque uxoribus
suspectus, ob hoc urbe summotus piscatoriam in Achaia exercuit,
quoad accepta hereditate redditum sub condicione inpetravit, ut con-
spectu Claudii abstineret. quare saltibus in Apulia et Calabria com-
paratis cum studiose equos aleret quadrigarios, amicitiam Neronis
nactus primus illum ad studium circensium movit.

pone te vituperare Tigillinum, quem si laeseris, vivus ardebis, quemadmodum
in munere Neronis vivi arserunt. de quibus ille iusserat cereos fieri,
ut lucerent spectatoribus, cum fixa essent illis guttura, ne se cur-
varent.

156 Nero maleficos homines taeda et papyro et cera
supervestiebat, et sic ignem admoveri iubebat, ut arderent.

157 abductus enim cum per arenam traheretur, sulcum corpore
suo fecit vel fossam.

158 generaliter dicit carpens eos qui
veneno grassantur.

159 lectica plumis strata. 162 secu-

rus de mortuis loqueris, nec metues legem Iuliam, quae vivorum

vitia vetat carpi. 163 Virg. [*Aen.* 6, 57] 'Dardana qui Paridis

direxti tela manusque corpus in Aeacidæ'. 164 Virg. [*ecl.* 6,

44] 'ut litus Hyla, Hyla omne reclamationat'. 168 iracundia ac-

cenditur nocens criminum conscientia lacessitus. Virg. [*Aen.* 2, 97]

'hinc mihi prima mali labes'. 169 tarde paenitet indixisse bel-

lum, cum iam pugna commissa sit. 171 viae in quibus nobiles

sepeliebantur.

156 gutture *p*ω 157 deducit *P* 159 despiciat *P* despiciat

5 161 versus *P* verum *p* 169 animante tuba *p* anime ante tubas

Valla 170 qui *P* 171 legitur *P*

SATVRA II

Ultra Sauromatas fugere hinc libet et glaciale
 Oceanum, quotiens aliquid de moribus audent
 qui Curios simulant et Bacchanalia vivunt.
 indocti primum, quamquam plena omnia gypso
 Chrysippi invenias; nam perfectissimus horum, 5
 si quis Aristotelen similem vel Pittacon emit
 et iubet archetypos pluteum servare Cleanthas.
 frontis nulla fides; quis enim non vicus abundat
 tristibus obscaenis? castigas turpia, cum sis
 inter Socraticos notissima fossa cinaedos? 10
 hispida membra quidem et durae per brachia saetae
 promittunt atrocem animum, sed podice levi
 caeduntur tumidae medico ridente mariscae.
 rarus sermo illis et magna libido tacendi
 atque supercilio brevior coma. verius ergo 15
 et magis ingenue Peribomius; hunc ego fatis
 inputo, qui vultu morbum incessuque fatetur.
 horum simplicitas miserabilis, his furor ipse
 dat veniam; sed peiores, qui talia verbis
 Herculis invadunt et de virtute locuti 20
 clunem agitant. 'ego te ceventem, Sexte, verebor?'
 infamis Varillus ait 'quo deterior te?'
 loripedem rectus derideat, Aethiopem albus.

II de philosophis obscaenis. 1 Sarmatae ultimi ultra Pon-
 tum sunt, vicini Amazonum. unde Sauromatae appellantur. 3 id
 est qui sub figmento severitatis sunt inpudici. nam sacra Baccha-
 nalia ex SC. condemnata sunt, cum probatum esset senatui hone-
 stissimas feminas ad Stimulae deae lucum foede adulterari.
 5 imagines Chrysippi philosophi invenies apud eos factas de gipso.
 qui fuit stoicorum principes. 6 Aristotelis imaginem similem
 vel statuam. 10 Aristophanes lacerat Socratem et discipulos
 ipsius, cum sit et ipse peior plerisque. 13 nam invenientes
 stupri vestigia medici rident. id est intellegunt et denotant.
 16 Peribomius nomen archigalli cinaedi, quem magulum conspur-
 catum dicimus, qui publice inpudicitiam professus est. 21 in-
 clinatum ad stuprum et sustinentem.

quis tulerit Gracchos de seditione querentes?
 quis caelum terris non misceat et mare caelo, 25
 si fur displiceat Verri, homicida Miloni,
 Clodius accuset moechos, Catilina Cethegum,
 in tabulam Sullae si dicant discipuli tres?
 qualis erat nuper tragico pollutus adulter
 concubitu, qui tunc leges revocabat amaras 30
 omnibus atque ipsis Veneri Martique timendas,
 cum tot abortivis fecundam Iulia vulvam
 solveret et patruo similes effunderet offas.
 nonne igitur iure ac merito vitia ultima fictos
 contemnunt Scauros et castigata remordent? 35
 non tulit ex illis torvum Laronia quendam
 clamantem totiens 'ubi nunc lex Iulia? dormis?'
 atque ita subridens: 'felicia tempora, quae te
 moribus opponunt. habeat iam Roma pudorem,
 tertius e caelo cecidit Cato. sed tamen unde 40
 haec emis, hirsuto spirant opobalsama collo
 quae tibi? ne pudeat dominum monstrare tabernae.
 quod si vexantur leges ac iura, citari
 ante omnes debet Scantinia. respice primum
 et scrutare viros. faciunt hi plura, sed illos 45
 defendit numerus iunctaeque umbone phalanges:

27 Clodius C. Caesaris uxorem adulteravit et licet Ciceronis
 testimonio gravatus sit, tamen absolutus est. Clodius et Clodium
 accusabit? qui et in templo bonae deae Caesaris adulteravit uxorem.

28 proscriptorum. Caesar Pompeius et Crassus vel Augustus
 Lepidus Antonius.

29 Claudium Caesarem dicit, qui occisa
 Messalina uxore impudicissima Agrippinam fratris Germanici matrem
 Neronis revocatam ab insula in matrimonium accepit concessio iure
 talium nuptiarum ex SC. quam dicit etiam frequenter abortum fe-
 cisse, ne ex ipso coheredem Neroni filio pareret, cui illa praepa-
 ravit imperium. Domitianus fratris filiam Iuliam in adulterio

sumpserat maritam, cum ipse de adulteris leges severissimas pro-
 mulgaret.

32 haec potionem accipiens abortum faciebat, quippe
 quae per adulterium concipiebat.

35 quia severitatem Scauro-
 rum simulant.

40 multi fuerunt Catones, e quibus duo nobilis-
 simi, prior censor, posterior nepos ipsius, qui de mortis loco dictus
 est Uticensis Cato.

44 lex de infamibus puniendis. 46
 quia multi sunt, ideo non accusantur. ut Lucanus [5, 260] 'quic-

30 revocabat *P*: revocarat *pω*

31 ipsi *p*

38 ad quem *ς*

43 acturaecitari *P* (recitari *S*). at iure *Iahnus*

magna inter molles concordia. non erit ullum
exemplum in nostro tam detestabile sexu.

Media non lambit Cluviam nec Flora Catullam:

Hispo subit iuvenes et morbo pallet utroque.

50

numquid nos agimus causas, civilia iura
novimus aut ullo strepitu fora vestra movemus?

luctantur paucae, comedunt colyphia paucae.

vos lanam trahitis calathisque peracta refertis
vellera, vos tenui praegnantem stamine fustum

55

Penelope melius, levius torquetis Arachne,
horrida quale facit residens in codice paelex.

notum est, cur solo tabulas impleverit Hister

liberto, dederit vivus cur multa puellae.

dives erit, magno quae dormit tertia lecto.

60

tu nube atque tace: donant arcana cylindros.

de nobis post haec tristis sententia fertur?

dat veniam corvis, vexat censura columbas.

fugerunt trepidi vera ac manifesta canentem

Stoicidae; quid enim falsi Laronia? sed quid

65

non facient alii, cum tu multicia sumas,

Cretice, et hanc vestem populo mirante perores

in Proculas et Pollittas? est moecha Fabulla,

quid multis peccatur, inultum est.

50 et patitur et lambit.

53 athletarum cibum dicit.

56 Arachne virgo Lydia lani-

fica, quam Minerva pro invidia, quoniam ausa fuit in certamen se
provocare, in araneam convertit.

57 magno odio habetur apud

uxorem ea quae domino miscetur. ergo hanc insequens gravioribus
poenis domina catena vinctam infigit codici atque ita iubet facere
pensa.

58 Hister quidam infamis, qui omne patrimonium suum
vividonavit uxori. ob hanc scilicet causam, ut simul dormiat is
qui et illum corrumperet et illi misceretur.

60 quae videat
corrumpi senem et taceat cupiditate habendi.

'tertia. aut ordine
aut nomen proprium est, ut putat Probus. et dormis et eris legit
secundae personae' *Valla*.

61 gemmas pretiosissimas.

63 proverbium est.

discrevit sexum per aves.

65 qui sub

praetextu philosophiae infamiam exercent. dicit contumeliose, ut
Virg. [*Aen.* 9, 617] 'o vere Phrygiae'. Persius [1, 4] 'Troïades'.

66 vestes molliori textas subtemine, quibus solent uti puellae.

68 de centum una. de meretricibus.

49 mevia p tedia ω Vedia *Hermannus*. illud vel Μηδία vel Μα-
δία est 50 hispo pω: hi.po P hippo S hisppo *Vindobonensis*

damnetur, si vis; etiam Carfinia talem
 non sumet damnata togam. 'sed Iulius ardet,
 aestuo.' nudus agas: minus est insania turpis.
 en habitum, quo te leges ac iura ferentem
 vulneribus crudis populus modo victor et illud
 montanum positus audiret vulgus aratris.
 quid non proclames, in corpore iudicis ista
 si videas? quaero, an deceant multicia testem.
 acer et indomitus libertatisque magister,
 Cretice, perluces. dedit hanc contagio labem
 et dabit in plures, sicut grex totus in agris
 unius scabie cadit et porrigine porci
 uvaque conspecta livorem ducit ab uva.
 foedius hoc aliquid quandoque audebis amictu:
 nemo repente fuit turpissimus. accipient te
 paulatim, qui longa domi redimicula sumunt
 frontibus et toto posuere monilia collo
 atque bonam tenerae placant abdomine porcae
 et magno cratere deam. sed more sinistro
 exagitata procul non intrat femina limen:
 solis ara deae maribus patet. 'ite profanae'
 clamatur 'nullo gemit hic tibicina cornu'.
 talia secreta coluerunt orgia taeda
 Cecropiam soliti Baptae lassare Cotytun.
 ille supercilium madida fuligine tinctum
 obliqua producit acu pingitque trementes

71 minus nuditas quam infamis ignominia deridetur. 78
 hoc nomine vel quemlibet nobilem significat, vel Iulium Creticum,
 qui sub Caesaribus illustres causas egit. 81 et Virg. [ecl. 1,
 51] 'ne mala vicini pecoris contagia laedant'. hoc ex proverbio
 sumitur: 'uva uvam videndo varia fit'. 83 id est in numerum
 cinaedorum paulatim suscipiaris. 86 tenerae. id est novellae.
 89 deae. haec Cereris sacra faciunt. cum magis nefas sit ad
 hoc virorum quemquā accedere, viris patet et mulieres pelluntur.

92 Baptae titulus libri, quo impudici describuntur ab Eupo-
 lide, qui inducit viros ad imitationem feminarum saltantes.
 baptae autem molles. quo titulo Eupolis comoediam scripsit, ob
 quam ab Alcibiade, quem praecipue perstrinxerat, necatus est.
 Cotyton. ad exemplum Cotyti dicuntur Isiaca sacra celebrari.

69 *distinguebant post* Carfinia 71 infamia ζ 76 debeat
P 80 porrigine *p* ω : prurigine *P* 82 audebit *P* 90 cantu ζ
 92 cotyton *PS* Cotytto *volgo* 93 tactum ω

attollens oculos; vitreo bibit ille priapo 95
 reticulumque comis auratum ingentibus implet
 caerulea indutus scutulata aut galbina rasa
 et per Iunonem domini iurante ministro;
 ille tenet speculum, pathici gestamen Othonis,
 Actoris Aurunci spoliū, quo se ille videbat 100
 armatum, cum iam tolli vexilla iuberet —
 res memoranda novis annalibus atque recenti
 historia, speculum civilis sarcina belli.
 nimirum summi ducis est occidere Galbam
 et curare cutem, summi constantia civis 105
 Bedriacis campis spoliū adfectare Palati
 et pressum in facie digitis extendere panem,
 quod nec in Assyrio pharetrata Samiramis orbe,
 maesta nec Actiaca fecit Cleopatra carina —
 hic nullus verbis pudor aut reverentia mensae, 110
 hic turpis Cybeles et fracta voce loquendi
 libertas et crine senex fanaticus albo
 sacrorum antistes, rarum ac memorabile magni
 gutturis exemplum conducendusque magister.
 quid tamen expectant, Phrygio quos tempus erat iam 115
 more supervacuum cultris abrumpere carnem?

95 in vitreum penem. quos appellant drillopotas.
 97 polita tenuiter rasa. 98 ita, inquit, servi iurant, quomodo
 solebant ancillae matronis adulantes 'per Iunonem tuam'.
 99 occiso Galba imperatore Otho invasit imperium, qui tam pro-
 brosaе curae in polienda forma fuit, ut humecto pane faciem liniret
 ad sollicitandum candorem. utebatur et speculo. hunc incomparabilis
 vitae bello civili Vitellius vicit apud Bebriacum campum. horum
 bellum scripsit Cornelius, scripsit et Pompeius Planta, qui ait Be-
 briacum vicum esse a Cremona vicesimo lapide. 100 in domo
 Neronis invenerat. adlusit de Virgilio [*Aen.* 12, 94]. 103
 ironia, quando secum speculum portaret. 106 Bebriacus cam-
 pus inter Hostiliam et Cremonam, ubi pugnavit Otho cum exercitu
 Vitelliano et victus se ipsum iugulavit. occiso illo principe, ex
 quo Nero oppressus est, non multo post Otho effeminatus occu-
 pavit imperium, quem palato infamior occidit. 107 quia in-
 fames faciunt ad excandendam cutem. 108 Samiramis uxor
 Nini Babylonis civitatis conditrix a filio suo, cuius concubitus in-
 ceste concupierat, occisa est.

97 scutula aut *P* 106 bebriacis *PW*: *correxi* solium *Her-*
werdenus 107 facie* *P* (*erasa littera non fuit m*)

quadringenta dedit Gracchus sestertia dotem
 cornicini, sive hic recto cantaverat aere;
 signatae tabulae, dictum 'feliciter', ingens
 cena sedet, gremio iacuit nova nupta mariti. 120
 o proceres, censore opus est an haruspice nobis?
 scilicet horreres maioraque monstra putares,
 si mulier vitulum vel si bos ederet agnum?
 segmenta et longos habitus et flammea sumit,
 arcano qui sacra ferens nutantia loro 125
 sudavit clipeis ancilibus. o pater urbis,
 unde nefas tantum Latiis pastoribus? unde
 haec tetigit, Gradive, tuos urtica nepotes?
 traditur ecce viro clarus genere atque opibus vir,
 nec galeam quassas, nec terram cuspide pulsas, 130
 nec quereris patri? vade ergo et cede severi
 iugeribus campi, quem neglegis. 'officium cras
 primo sole mihi peragendum in valle Quirini.'
 quae causa officii? 'quid quaeris? nubit amicus
 nec multos adhibet.' liceat modo vivere: fient, 135
 fient ista palam, cupient et in acta referri.
 interea tormentum ingens nubentibus haeret,
 quod nequeant parere et partu retinere maritos.
 sed melius, quod nil animis in corpora iuris
 natura indulget: steriles moriuntur, et illis 140
 turgida non prodest condita pyxide Lyde,

118 'cornicini. et est metaphora. i. expertus, ut Probus in-
 quit, naturam eum grandem habere, cornu' *Valla*. 121 quo
 emendet aut quo expiet. 124 fimbriata. sive vittatas vestes
 quibus matronae novae nuptae cooperiuntur. 'ait Probus, seg-
 mentarii etiam nunc dicuntur qui vestes ex auro elaborant' *Valla*.

125 qui aliquando salius Martis fuit, nobilis enim erat Grac-
 chus, accepit vestem novae nuptae. 126 apostrophe cum in-
 dignatione ad Martem, auctorem generis Romani. 128 urtica
 pro prurigine. 132 recede de Martio campo, quem tenes, qui
 tibi coeperat aedificari. hic enim ager Tarquini superbi fuit, et pro
 illius fuga Marti consecratus dictus est Martius campus. 133 in
 valle colle Quirini. ad invidiam dixit in valle. 141 de
 Lydia, unde Arachne fuit conversa in araneam. haec inclusa in
 pyxide araneam texit. quae permixta potui fecundam mulierem de

130 nec quereris patri nec terram cuspide quassas *Priscianus GLK*.
III p. 275 et 326 133 in valle colle Quirini *PS* 140 morien-
 tur *ω*

nec prodest agili palmas praebere luperco.
 vicit et hoc monstrum tunicati fuscina Gracchi,
 lustravitque fuga mediam gladiator harenam
 et Capitolinis generosior et Marcellis 145
 et Catuli Paulique minoribus et Fabiis et
 omnibus ad podium spectantibus, his licet ipsum
 admoveas, cuius tunc munere retia misit.

esse aliquos manes et subterranea regna
 et pontum et Stygio ranas in gurgite nigras 150
 atque una transire vadum tot milia cumba
 nec pueri credunt, nisi qui nondum aere lavantur.
 sed tu vera puta. Curius quid sentit et ambo
 Scipiadae, quid Fabricius manesque Camilli,
 quid Cremerae legio et Cannis consumpta iuventus, 155
 tot bellorum animae, quotiens hinc talis ad illos
 umbra venit? cuperent lustrari, si qua darentur

sterili facit. turgida alludens. crassa simpliciter intellegen-
 dum est aut praegnans. 142 steriles mulieres februantibus
 lupercis se offerebant et ferula verberabantur. hoc nomine qui infra
 tectum multi seminis credit contractus, ob secunditatem dandam
 currit per civitatem. et in solio si qua post ipsum descenderit, sta-
 tim concipit. 143 qui toga deposita, qua utebantur senatores,
 tamquam lanista tunica utebatur. 144 Gracchi filius habitu

gladiatores plerumque ad infamiam aequabat. retiarius enim fuit.
 147 nobilibus Neronem. nam Nero et ipse pugnavit inter
 gladiatores et cantavit in scaena in habitu citharoedi et auriga fuit.

148 quia et Gracchus minor pugnavit. 149 esse ali-
 quos. ἐκφώνησις. 150 et pontum. Virg. [*Aen.* 6, 302]
 'ipse ratem conto subigit velisque ministrat'. [*Aen.* 6, 315] 'nunc
 hos nunc accipit illos'. hic comparisonem contra naturam inducit.

152 infantes. quia pueri non dant balneaticum. 155 qui
 apud Cremeram caesi sunt. ibi enim CCC Fabii occisi sunt victi a
 Veientibus, quos Camillus superavit. in Apulia vicus nomine
 Cannae, ubi Hannibal omnem exercitum Romanorum occidit victis
 Paulo et Varrone consulibus. tantum enim populum superavit, ut
 tribus modis anulorum impletis ad Carthaginem miserit. e quibus
 consulibus Varro fugit, Paulus occubuit. 156 Lucanus [6, 786]
 'inlustres bellis animas'. 157 Virg. [*Aen.* 6, 229] 'idem ter
 socios pura circumtulit unda'.

145 et Marcellis — minoribus *damnarat Iahnus* 146 catulis
 paulisque *pω* 150 et pontum *PS*: et contum *pω* Cocytum *Liut-*
prandus antapodosis 5, 8

sulpura cum taedis et si foret umida laurus
 illic. heu miseri, traducimur. arma quidem ultra
 litora Iuvernæ promovimus et modo captas 160
 Orcadas ac minima contentos nocte Britannos;
 sed quæ nunc populi fiunt victoris in urbe,
 non faciunt illi, quos vicimus. et tamen unus
 Armenius Zalaces cunctis narratur ephebis
 mollior ardenti sese indulsisse tribuno. 165
 aspice, quid faciant commercia: venerat obses,
 hic fiunt homines. nam si mora longior urbem
 indulsit pueris, non numquam derit amator.
 mittentur bracæ cultelli frena flagellum:
 sic praetextatos referunt Artaxata mores. 170

SATVRA III

Quamvis digressu veteris confusus amici,
 laudo tamen, vacuis quod sedem figere Cumis
 destinet atque unum civem donare Sibyllæ.
 ianua Baiarum est et gratum litus amoeni
 secessus. ego vel Prochyta præpono Suburæ; 5
 nam quid tam miserum, tam solum vidimus, ut non

160 id est vincendo ultra Britannias quoque transivimus. sed
 deteriores sumus his quibus imperamus. Iuberna insula Bri-
 tanniae est sita in Oceano mari. a qua non longe sunt XXX aliae
 Orcades insulae, quas Mela [3, 53] scribit. 161 circa solsti-
 tium in Britannia prope nox nulla est, hac scilicet causa, quia vicinus
 occasus et ortus ibidem solis. ex obliquo enim terrae margine lux
 redundat, et proximam sibi insulam et noctibus et diebus illustrem
 reddit. 164 unus qui in obsidatum datus fuerat, a quodam
 tribuno plebis corrumpebatur. 170 mores, quos filii senato-
 rum intra urbem habent, obsides in suis patriis redeuntes repor-
 tant, quos ceteri apud se ephebi discant. Artaxata civitas
 Armeniae.

III quare Vmbricius urbem deserat. 1 quia Roma relicta
 habiturus est Campaniam hortatu quem Iuvenalis dicit. ut Vir-
 gilius [*Aen.* 3, 482] 'digressu supremo'. 3 quia Sibylla Cu-
 mana fuit.

deterius credas horrere incendia, lapsus
 tectorum adsiduos ac mille pericula saevae
 urbis et Augusto recitantes mense poetas?
 sed dum tota domus raeda componitur una, 10
 substitit ad veteres arcus madidamque Capenam.
 hic, ubi nocturnae Numa constituebat amicae,
 nunc sacri fontis nemus et delubra locantur
 Iudaeis, quorum cophinus faenumque supellex;
 omnis enim populo mercedem pendere iussa est 15
 arbor et eiectis mendicat silva Camenis.
 in vallem Egeriae descendimus et speluncas
 dissimiles veris: quanto praesentius esset
 numen aquis, viridi si margine cluderet undas
 herba nec ingenuum violarent marmora tofum. 20
 hic tunc Vmbricius 'quando artibus' inquit 'honestis
 nullus in urbe locus, nulla emolumenta laborum,
 res hodie minor est, here quam fuit, atque eadem cras
 deteret exiguis aliquid, proponimus illuc
 ire, fatigatas ubi Daedalus exuit alas, 25
 dum nova canities, dum prima et recta senectus,
 dum superest Lachesi quod torqueat, et pedibus me
 porto meis nullo dextram subeunte bacillo.
 cedamus patria. vivant Artorius istic
 et Catulus, maneant qui nigrum in candida vertunt, 30

11 stetit expectans raedam, ubi solent proconsules iurare,
 in via Appia ad portam Capenam. id est ad Camenas. madi-
 dam ideo quia supra eam aquaeductus est, quem nunc appellant
 arcum stillantem. primum enim usque ibidem fuerunt portae.

12 Egeriae nympheae dicit. 16 templa Camenarum Iudaeis loca-
 bantur.

17 Egeria nympa quae colebatur in Aricino lacu,
 cum qua Numa et conubium et colloquium se habere simulavit
 super cultu religionum, quo armorum et pugnae studio flagrantem
 populum Romanum abstraheret.

18 quia non erant naturales,
 sed manu factae. quanto melius esset, si natura sua essent nym-
 phae quam marmoribus exornatae et pollutae a flagitiosis homini-
 bus.

23 res hodie minor est. pauperibus. de ipsa parva
 iam deminuit aliquid. 29 per Artorium et Catulum ignobiles
 et sordidos et malis artibus viventes homines vult intellegi, qui ex
 sordidis rebus divites sunt facti.

III ante 12 lacunam indicavit cum Ribbeckio et 17—20 trans-
 posuit Iahnus 16 electis P 19 aque pW 24 deterit Pri-
 scianus GLK. III p. 71

quis facile est aedem conducere flumina portus,
 siccandam eluviam, portandum ad busta cadaver,
 et praebere caput domina venale sub hasta.
 quondam hi cornicines et municipalis harenae
 perpetui comites notaeque per oppida buccae, 35
 munera nunc edunt et verso pollice vulgus
 quem iubet occidunt populariter; inde reversi
 conducunt foricas, et cur non? omnia cum sint,
 quales ex humili magna ad fastigia rerum
 extollit, quotiens voluit Fortuna iocari. 40
 quid Romae faciam? mentiri nescio; librum,
 si malus est, nequeo laudare et poscere; motus
 astrorum ignoro; funus promittere patris
 nec volo nec possum; ranarum viscera numquam
 inspexi; ferre ad nuptam quae mittit adulter, 45
 quae mandat, norunt alii; me nemo ministro
 fur erit, atque ideo nulli comes exeo tamquam
 mancus et extinctae, corpus non utile, dextrae.
 quis nunc diligitur nisi conscius et cui fervens
 aestuat occultis animus semperque tacendis? 50
 nil tibi se debere putat, nil conferet umquam,
 participem qui te secreti fecit honesti:
 carus erit Verri, qui Verrem tempore quo vult
 accusare potest. tanti tibi non sit opaci
 omnis harena Tagi quodque in mare volvitur aurum, 55
 ut somno careas ponendaque praemia sumas

31 ut publicani. 32 cloacam. qui locant se ut mortuos
 portent. 33 qui possunt a fisco vendi quasi debitores fisci.
 34 cornicines symphoniaci. parasitorum. aut gladiatorum aut
 venatorum comites fuerunt eorum qui in municipiis pugnaverunt,
 non in urbē. 36 ab his populus occiditur, quos ante populus
 iubebat, id est imperabat occidi. 38 stercora, hoc est vectigal.
 forire est pro deonerare ventrem, forire enim foras eicere. alii
 tabernas dicunt foro vicinas aut vectigal vinarium. 39 ἀνα-
 χόλουθον. dicere ante debuit 'tales' et sic 'quales'. 43 his,
 qui sub severo patre agentes de morte ipsius cogitant. 45 leno-
 cinium exercere non possum. 46 non possum assessor esse
 furis iudicis. bene adlusit de consiliariis. 54 nullae, inquit,
 divitiae tanti tibi sint, ut cum mala conscientia habeantur. 56
 quod deponere debeas, id est abicere et neglegere.

34 municipales *PS* 37 quem *pω*: quum *P* cum *ς* 38 po-
 ricas *P* *continuabant* non omnia? 40 locari *P* 48 extincta
 et dextra *Eremita*.

tristis et a magno semper timearis amico.

quae nunc divitibus gens acceptissima nostris,
et quos praecipue fugiam, properabo fateri,
nec pudor opstabit. non possum ferre, Quirites, 60
graecam urbem; quamvis quota portio faecis Achaei?
iam pridem Syrus in Tiberim defluxit Orontes
et linguam et mores et cum tibicine chordas
obliquas nec non gentilia tympana secum
vexit et ad circum iussas prostare puellas. 65
ite, quibus grata est picta lupa barbara mitra:
rusticus ille tuus sumit trechedipna, Quirine,
et ceromatico fert niceteria collo.
hic alta Sicyone, ast hic Amydone relicta,
hic Andro, ille Samo, hic Trallibus aut Alabandis 70
Esquilias dictumque petunt a vimine collem,
viscera magnarum domuum dominique futuri.
ingenium velox, audacia perdita, sermo
promptus et Isaeo torrentior. ede, quid illum
esse putes. quemvis hominem secum attulit ad nos: 75
grammaticus rhetor geometres pictor aliptes
augur schoenobates medicus magus, omnia novit
Graeculus esuriens; in caelum, iusseris, ibit.
in summa non Maurus erat neque Sarmata nec Thrax,
qui sumpsit pinnas, mediis sed natus Athenis. 80

60 exclamatio. 'porro Quirites'. 62 fluvius in Antiochia civitate, per quem Syros significat. ut Virg. [*Aen.* 8, 728] 'et pontem indignatus Araxes'. 67 ecce in quantum Romani rustici didicerunt luxuriam, et palaestris uti et phylacteriis ut athletae ad vincendum. vestimenta parasitica, vel galliculas graecas currentium ad cenam. 70 hae omnes urbes sunt et insulae Asiae, quarum amoenitas et caeli temperies dissolutiores efficit viros. quarum accolae in urbem Romam transisse significat. 72 interiores amici. 74 'Isaeus rhetor fuit Atheniensis, ut Probus inquit, illius temporis. cuius et Tranquillus meminit. alter Isocratis, ut ferunt, discipulus praeceptorque Demosthenis, ut quidam sentiunt, Atheniensis, ut alii, Chalcideus. sed Isaeum dixisse hunc credi par est, de quo Plinius in epistolis [2, 3]: 'magna Isaeum fama praecesserat, maior inventus est' *Valla*. 79 ad postremum, ut Virg. [*Aen.* 4, 237] 'haec summa est'.

61 achaei ♂ *schol. Lucani I 284*: achaeae P 66 tracta est
Vindobonensis 68 feret P 69 amidone P 78 iusseris pW:
miseris *Aroviensis*, erasa P 80 achivis p

horum ego non fugiam conchylia? me prior ille
 signabit fultusque toro meliore recumbet,
 advectus Romam quo pruna et cottona vento?
 usque adeo nihil est, quod nostra infantia caelum
 hausit Aventini baca nutrita Sabina? 85
 quid quod adulandi gens prudentissima laudat
 sermonem indocti, faciem deformis amici,
 et longum invalidi collum cervicibus aequat
 Herculis Antaeum procul a tellure tenentis,
 miratur vocem angustam, qua deterius nec 90
 ille sonat, quo mordetur gallina marito?
 haec eadem licet et nobis laudare, sed illis
 creditur. an melior, cum Thaida sustinet aut cum
 uxorem comoedus agit vel Dorida nullo
 cultam palliolo? mulier nempe ipsa videtur, 95
 non persona loqui; vacua et plana omnia dicas
 infra ventriculum et tenui distantia rima.
 nec tamen Antiochus nec erit mirabilis illic
 aut Stratocles aut cum molli Demetrius Haemo:
 natio comoeda est. rides, maiore cachinno 100
 concutitur; flet, si lacrimas conspexit amici,
 nec dolet; igniculum brumae si tempore poscas,
 accipit endromidem; si dixeris "aestuo", sudat.
 non sumus ergo pares: melior, qui semper et omni
 nocte dieque potest aliena sumere vultum 105
 a facie, iactare manus, laudare paratus,
 si bene ructavit, si rectum minxit amicus,
 si trulla inverso crepitum dedit aurea fundo.
 praeterea sanctum nihil est nec ab inguine tutum,

81 fucatos habitus et Romanae togae erubescendos. id est cap-
 pitium. purpuras, quas conchylia gignant. 90 id est gracilem.
 94 an melius aliquis agit comoediam Graeco, cum aut amicam aut
 uxorem aut ancillam imitatur? nonne ipsas praesentes creditis exhiberi
 personas? 96 dicas, inquit, in comoedi habitu nihil fucatum, quin
 ipse qui loquitur mulier videatur. omnia dicas. sine pene. id
 est inguina feminea. 97 naturam muliebrem significat.
 98 hi illius temporis comoedi fuerunt. 101 et risum et la-
 crimas imitatur. 102 si pallium quaesierit, et ipse poscit.
 103 lodicem qua se cooperiunt. 108 si pepederit. alii sic in-
 telligunt, ut si calix aureus crepitum dederit cadens e manu divitis.

94 pullo *Buchnerus*

98 tantum ♂

104 *damnarat Iahnus*109 est nec *om. P add. p*

non matrona laris, non filia virgo, neque ipse 110
 sponsus levis adhuc, non filius ante pudicus;
 horum si nihil est, aviam resupinat amici.
 scire volunt secreta domus atque inde timeri.
 et quoniam coepit Graecorum mentio, transi
 gymnasia atque audi facinus maioris abollae. 115
 stoicus occidit Baream delator amicum
 discipulumque senex ripa nutritus in illa,
 ad quam Gorgonei delapsa est pinna caballi.
 non est Romano cuiquam locus hic, ubi regnat
 Protogenes aliquis vel Diphilus aut Hermarchus, 120
 qui gentis vitio numquam partitur amicum,
 solus habet; nam cum facilem stillavit in aurem
 exiguum de naturae patriaeque veneno,
 limine summoveor, perierunt tempora longi
 servitii: nusquam minor est iactura clientis. 125
 quod porro officium, ne nobis blandiar, aut quod
 pauperis hic meritum, si curet nocte togatus
 currere, cum praetor lictorem impellat et ire
 praecipitem iubeat dudum vigilantibus orbis,

110 non domina domus. 112 si horum nullus invenia-
 tur qui possit corrumpi, si fuerit anus, ad ipsam se convertit.
 113 conscii volunt esse rei familiaris. 114 praetermittē minora
 eorum vitia et veni ad maiora. 115 proverbium. quasi ma-
 ioris togae, id est sceleris potioris. abolla species est maioris
 vestis, quasi pallii maioris. ergo abollae per ironiam dixit, quasi
 sanctioris philosophi. 116 detulit stoicus imperatori discipulum
 suum Baream dicens quasi in eius perniciem cum ceteris coniuras-
 set. hoc temporibus Neronis factum est. 117 apud Tarsum
 civitatem Ciliciae, quam praeterfluit amnis Cydnus. cuius urbis est
 conditor Perseus, qui nomen civitati ex facto dedit, quia ibi una
 ex talaribus pinnis ei excidit. 118 apud Tarson propter Per-
 seum et Pegasus, quod de sanguine Medusae equus natus sit Pega-
 sus. 121 Graeci enim soli volunt maioribus amici esse, hoc est
μονοφιλεῖς. 124 longi. quicquid ante obsecutus sum. 125
 minus nusquam damnum est in cliente perdendo. propter Graecum
 excluditur. 127 quid, inquit, pauper amplius facturum est,
 cum ipse patronus ad aliorum festinet obsequium? 129 ad
 quos heredipetae volant. quamvis praetor eos contemnat, festinat
 tamen. has orbis et divites vult intelligi.

113 *delebat Pinzgerus*
 127 curret ζ

117 discipulamque *Fr. Ritterus*

ne prior Albinam et Modiam collega salutet? 130
 divitis hic servo cludit latus ingenuorum
 filius; alter enim quantum in legione tribuni
 accipiunt, donat Calvinae vel Catienae,
 ut semel aut iterum super illam palpitet; at tu,
 cum tibi vestiti facies scorti placet, haeres 135
 et dubitas alta Chionen deducere sella.
 da testem Romae tam sanctum, quam fuit hospes
 numinis Idaei, procedat vel Numa vel qui
 servavit trepidam flagranti ex aede Minervam:
 protinus ad censum, de moribus ultima fiet 140
 quaestio. "quot pascit servos? quot possidet agri
 iugera? quam multa magnaue paropside cenat?"
 quantum quisque sua nummorum servat in arca,
 tantum habet et fidei. iures licet et Samothracum
 et nostrorum aras, contemnere fulmina pauper 145
 creditur atque deos dis ignoscentibus ipsis.
 quid quod materiam praebet causasque iocorum
 omnibus hic idem, si foeda et scissa lacerna,
 si toga sordidula est et rupta calceus alter
 pelle patet, vel si consuto vulnere crassum 150

131 aut in medium servum mittit aut in sinistra ambulat.
 132 cogitur, inquit, ingenuus currere cum servis, qui se facul-
 tatibus vincunt. quantum enim tribuni solent accipere stipendii, tan-
 tum servi meretricibus donant. 133 praetoris cuiusdam soror,
 quae se occidit tamquam infamis in fratre temporibus Claudii.
 136 inde sellariae dicuntur. id est a sella. unam meretricum a sella
 sua abducere conductam cunctaris, cum alii adulteria emant.
 137 Scipio Nasica, quem propter probitatem vitae suae senatus
 elegit, ut hospes esset matris deum, id est ut simulacrum eius domi
 suae haberet, dum ei templum fieret, quod simulacrum de Phrygia
 allatum est. hic est Scipio, qui oppressit Tiberium Gracchum
 leges agrarias ferre conantem. 138 L. Caecilium dicit Metellum
 pontificem maximum, qui ardente templo Vestae Palladium ex mediis
 ignibus rapuit ibique caecatus est. iste enim cum per Latinam viam
 proficisceretur, augurio corvi in oculos suos volantis revocatus est,
 et Palladium cum ex-incendio rapuisset, passus est caecitatem.
 143 Lucilius 'aurum atque ambitio specimen virtutis utrumque est.
 tantum habeas, tantum ipse sies tantique habearis'. 145 pau-
 peri enim quasi propter egestatem periuranti dii non irascuntur.

130 nec *P* aut modiam *p* 131 servi *pω* 136 asella *p*
 141 agros *P*. agri *pω* 142 iugera *om.* *P* add. *pω*

atque recens linum ostendit non una cicatrix?
 nil habet infelix paupertas durius in se,
 quam quod ridiculos homines facit. "exeat" inquit
 "si pudor est, et de pulvino surgat equestri,
 cuius res legi non sufficit, et sedeant hic 155
 lenonum pueri, quocumque ex fornice nati,
 hic plaudent nitidi praeconis filius inter
 pinnirapi cultos iuvenes iuvenesque lanistae":
 sic libitum vano, qui nos distinxit, Othoni.
 quis gener hic placuit censu minor atque puellae 160
 sarcinulis inpar? quis pauper scribitur heres?
 quando in consilio est aedilibus? agmine facto
 debuerant olim tenues migrasse Quirites.
 haud facile emergunt, quorum virtutibus obstat
 res angusta domi, sed Romae durior illis 165
 conatus: magno hospitium miserabile, magno
 servorum ventres, et frugi cenula magno.
 fictilibus cenare pudet, quod turpe negabis
 translatus subito ad Marsos mensamque Sabellam
 contentusque illic Veneto duroque cucullo. 170
 pars magna Italiae est, si verum admittimus, in qua

151 a sutriballo sutus. 155 Othonis lex, in qua iussit
 eos, qui quadringentorum sestertiorum habent redditus, in numero
 equitum esse. 158 divites de genere gladiatoris. a pinna.
 pinnis pavonum ornari solent gladiatores, si quando ad pompam
 descendunt. pinnirapos autem dicit lanistas. ex habitu gladiatorum.
 quia post mortem retiarii pinnam id est manicam rapit, ut osten-
 dat populo se vicisse. aut ideo pinnirapos, quia pinnae in galeis
 habebant, ut Lucilius 'cum septem incolumis pinnis redit ac recipit
 se'. 161 sarcinulis nunc doti. colligit autem quasi in-
 commoda paupertatis, ut non maritus uxori sit pauperior.

164 collecta, inquit, multitudine debuerant pauperes migrare
 ex urbe. nunc quasi non pauperes, sed quasi Romae mediocres
 gravius transient. 166 care manetur pensione. 167 medio-
 cris cenula caro comparatur. cibaria servorum care emuntur.

168 in urbe in fictilibus vasis manducare turpe videbatur.
 quod si apud Marsos aut Sabinos videris, negabis esse turpe.
 170 aut crasso habitu aut quales cucullos habent Perusini. vel a
 colore aut provincia venetos.

156 in fornice *pω*
 vit *ω*

164 mergunt *P*

168 necabis *P*: nega-

nemo togam sumit nisi mortuus. ipsa dierum
 festorum herboso colitur si quando theatro
 maiestas tandemque redit ad pulpita notum
 exodium, cum personae pallentis hiatum 175
 in gremio matris formidat rusticus infans,
 aequales habitus illic similesque videbis
 orchestram et populum, clari velamen honoris
 sufficiunt tunicae summis aedilibus albae.
 hic ultra vires habitus nitor, hic aliquid plus 180
 quam satis est interdum aliena sumitur arca.
 commune id vitium est, hic vivimus ambitiosa
 paupertate omnes. quid te moror? omnia Romae
 cum pretio. quid das, ut Cossum aliquando salutes?
 ut te respiciat clauso Veiento labello? 185
 ille metit barbam, crinem hic deponit amati;
 plena domus libis venalibus: accipe et istud
 fermentum tibi habe. praestare tributa clientes
 cogimur et cultis augere peculia servis.
 quis timet aut timuit gelida Praeneste ruinam 190
 aut positis nemorosa inter iuga Volsiniis aut
 simplicibus Gabiis aut proni Tiburis arce?

172 ut ei super lectum mittant, dum mortuus effertur.
 173 quoniam post longum tempus celebrantur ludi. 174 non
 novum aut exquisitum. 175 exodiarius apud veteres in fine
 ludorum intrabat, qui ridiculus foret, ut quicquid lacrimarum atque
 tristitiae, quae exissent ex tragicis affectibus, huiusque spectaculi
 risus detergeret. huius et Lucilius meminit: 'principio exitus dignus
 exodiumque sequetur'. 177 actores mimorum similes specta-
 toribus videas, ex vestis habitu pares. 178 orchestra spatium
 in quo saltat pantomimus. vel idem qui in orchestra procedit aut
 spectatur. 180 potest esse genitivus, huius habitus nitor. pos-
 sunt et singula pronuntiari nominativo casu. 184 tunc tem-
 poris nobilem et superbum. 188 fermentum. dulcium malum,
 quod stomachum indigestum praestat. praestare tributa. id est
 servis donare cogimur, ut admittamur ad salutationem dominorum.
 189 bene vestitis. quippe festo die suo. 190 aut ab
 aquarum abundantia dicit 'gelida', quia omnes aquae in urbem inde
 veniunt, aut frigosam. 192 non ornatis. in praeci-
 piti posita, ut Horatius [*od.* 3, 4, 23] 'clivumque supinum'.

182 ambitiosi *P*
 190 ruina *P*

186 amatur *P*

187 libis ζ : libris *P*

nos urbem colimus tenui tibicine fultam
 magna parte sui; nam sic labentibus obstat
 vilicus, et veteris rimae cum texit hiatum, 195
 securos pendente iubet dormire ruina.
 vivendum est illic, ubi nulla incendia, nulli
 nocte metus. iam poscit aquam, iam frivola transfert
 Vcalegon, tabulata tibi iam tertia fumant;
 tu nescis; nam si gradibus trepidatur ab imis, 200
 ultimus ardebit, quem tegula sola tuetur
 a pluvia, molles ubi reddunt ova columbae.
 lectus erat Codro Procula minor, urceoli sex
 ornamentum abaci nec non et parvulus infra
 cantharus, et recubans sub eodem marmore Chiro 205
 iamque vetus graecos servabat cista libellos,
 et divina opici rodebant carmina mures.
 nil habuit Codrus — quis enim negat? — et tamen illud
 perdidit infelix totum nihil. ultimus autem
 aerumnae est cumulus, quod nudum et frustra rogantem 210
 nemo cibo, nemo hospitio tectoque iuvabit.
 si magna Asturici cecidit domus, horrida mater,
 pullati proceres, differt vadimonia praetor.
 tunc gemimus casus urbis, tunc odimus ignem.
 ardet adhuc, et iam accurrit qui marmora donet, 215
 conferat impensas; hic nuda et candida signa,

193 tamquam tibicina. id est materia gracilis. 196 rup-
 turas parietum calce modica perfundunt et inquilinos iubent manere,
 tamquam si restaurassent ruinam. 199 ut Virg. [*Aen.* 2, 311]
 'iam proximus ardet Vcalegon'. fumant. superiora tecta et tri-
 stega. 202 quia super tecta columbaria fiunt. 203
 pauper poeta, cuius et supra [1, 2] meminit. 204 quod nos
 delphicam appellamus. 205 quemadmodum solent e marmoribus
 facere sigilla diversa. a posteriore parte recumbens hippocen-
 taurus. 207 opizin Graeci dicunt de his qui inperite locun-
 tur. alii opicos dicunt eos qui foedam vocem habent. 211 iuva-
 bit. suscepit. 212 nobilis senatoris. a parte totum,
 id est matronae. 213 pullati. cum nigris vestibis lugentes.
 214 tum gemimus casus. non incandiunt lares nostri aut prae-
 tristitia aut propter casum, nec focum in domo nostra fieri pati-
 mur, quod et lugentes observare solent. 216 statuas marmoreas.

197 est *om.* *P* 203 Codro — sex *om.* *P* add. *p* 210 est
expunxere pW frustra *PS* 214 geminus *P*

hic aliquid praeclarum Euphranoris et Polycliti,
 haec Asianorum vetera ornamenta deorum,
 hic libros dabit et forulos mediamque Minervam,
 hic modium argenti. meliora ac plura reponit 220
 Persicus orbis lautissimus et merito iam
 suspectus, tamquam ipse suas incenderit aedes.
 si potes avelli circensibus, optima Sorae
 aut Fabrateriae domus aut Frusinone paratur,
 quanti nunc tenebras unum conducis in annum. 225
 hortulus hic puteusque brevis nec recte movendus,
 in tenuis plantas facili diffunditur haustu.
 vive bidentis amans et culti vilicus horti,
 unde epulum possis centum dare Pythagoreis.
 est aliquid, quocumque loco, quocumque recessu 230
 unius sese dominum fecisse lacertae.
 plurimus hic aeger moritur vigilando, sed ipsum
 languorem peperit cibus imperfectus et haerens
 ardenti stomacho; nam quae meritoria somnum
 admittunt? magnis opibus dormitur in urbe. 235
 inde caput morbi. raedarum transitus arto
 vicorum inflexu et stantis convicia mandrae
 eripient somnum Druso vitulisque marinis.
 si vocat officium, turba cedente vehetur
 dives et ingenti curret super ora Liburno, 240

217 Athenienses caelatores fuerunt. 218 superstitiosae
 gentem nominavit. 219 armariam sive bibliothecam. 221
 Persicum quasi divitem posuit eo quod Persae divites. sic Horatius
 [*od.* 1, 38, 1]: 'Persicos odi'. Terentius [*Ad.* 915]: 'dinumeret
 nunc ille Babylo XX minas'. 222 ideo suspicati sunt ultro
 ipsum succendisse domui suae, quoniam meliora et ampliora ei col-
 lata sunt. 224 civitatum nomina Campaniae. 229 secta
 philosophorum, qui ab animalibus abstinent et olera tantum man-
 ducant. 231 notandum quia feminino genere dixit 'lacertae',
 cum Virgilius [*eccl.* 2, 9] masculino dixerit 'lacertos'. 234 ta-
 berna ab eo quod mercedes praestat. 235 magna potentia
 silentium imponitur vicinis tabernariis. vel magno pretio somnus
 constat. 237 mandrae. locus in quo porci includuntur.
 238 Drusus qui multum dormiebat. 239 si officium facien-
 dum sit consuli ac praetori, disponit. 240 liburna a. lectica

226 movendis *P* 227 defunditur *P* 232 sed illum *Priscia-*
nus GLK. II p. 409 et 427 et III p. 233 235 urbem *P*
 240 liburno *PCO*: liburna *S*

atque obiter leget aut scribeb vel dormiet intus;
 namque facit somnum clausa lectica fenestra.
 ante tamen veniet: nobis properantibus obstat
 unda prior, magno populus premit agmine lumbos
 qui sequitur; ferit hic cubito, ferit assere duro 245
 alter, at hic tignum capiti incutit, ille metretam.
 pingua crura luto, planta mox undique magna
 calcor, et in digito clavus mihi militis haeret.
 nonne vides, quanto celebretur sportula fumo?
 centum convivae, sequitur sua quemque culina. 250
 Corbulo vix ferret tot vasa ingentia, tot res
 inpositas capiti, quas recto vertice portat
 servulus infelix et cursu ventilat ignem.
 scinduntur tunicae sartae modo, longa coruscat
 serraco veniente abies, atque altera pinum 255
 plaustra vehunt, nutant alte populoque minantur.
 nam si procubuit qui saxa Ligustica portat
 axis et eversum fudit super agmina montem,
 quid superest e corporibus? quis membra, quis ossa
 invenit? obtritum vulgi perit omne cadaver 260
 more animae. domus interea secunda patellas
 iam lavat et bucca foculum excitat et sonat unctis
 strigilibus et pleno componit linthea guto.
 haec inter pueros varie properantur, at ille
 iam sedet in ripa taetrumque novicius horret 265
 magna. liburna significat gerulos liburnos. ipse 'tarde venisse Li-
 burnos' in secundo libro [6, 477]. 243 quo festinat, ante
 nos venit, cum ab omnibus illi locus transeundi detur. 245
 amite lecticae. lecticarios significat. 246 vas quod amphoram
 capit. 249 quanta inundatio fiet sportulam accipientium.
 fumo. quanta apparatione. 250 culina. pulmentaria portant
 secum comparata ex sportula. 251 alii dicunt athletam illius
 temporis fortem Corbulonem fuisse, alii genus navis. 255 vehi-
 cula nam materias portantia euntibus inpediunt. 257 nomen
 insulae. 260 minutatim concisum. 261 sicut animae
 non videntur, ita cadaver obteritur. 263 haec apparatus ad
 balnea ferre, si venerit, quem nescit peremptum. guto autem
 i. oleo ab eo quia guttam mittit. quos habent capsarii. stri-
 gula autem est quod xystram dicunt, unde oleum deteritur.
 265 id est, qui defunctus est, mox ad inferos pervenit. ut Vir-
 gilius [*Aen.* 6, 450] 'inter quas Phoenissa recens a vulnere Dido'.

porthmea nec sperat caenosi gurgitis alnum
infelix nec habet quem porrigat ore trientem.

respice nunc alia ac diversa pericula noctis:
quod spatium tectis sublimibus unde cerebrum
testa ferit, quotiens rimosa et curta fenestris 270
vasa cadant, quanto percussum pondere signent
et laedant silicem. possis ignavus haberi
et subiti casus improvidus, ad cenam si
intestatus eas: adeo tot fata, quot illa
nocte patent vigiles te praetereunte fenestrae. 275
ergo optes votumque feras miserabile tecum,
ut sint contentae patulas defundere pelves.
ebrius ac petulans qui nullum forte cecidit,
dat poenas, noctem patitur lugentis amicum
Pelidae, cubat in faciem, mox deinde supinus; 280
ergo non aliter poterit dormire, quibusdam
somnum rixa facit. sed quamvis improbus annis
atque mero fervens, cavet hunc, quem coccina laena
vitari iubet et comitum longissimus ordo,
multum praeterea flammaram et ahenea lampas. 285
me, quem luna solet deducere vel breve lumen
candelae, cuius dispenso et tempero filum,
contemnit. miserae cognosce prooemia rixae,
si rixa est, ubi tu pulsas, ego vapulo tantum.

266 Charonem porthmeum dicit, non angustum traiectum.

267 nummum, stipem. et nunc apud Athenienses mortuis solent
in ore nummum inmittere, ut apud inferos non tamquam inopes
errent. unde naulum Charo accipere solebat, ut Virg. [*Aen.* 6, 325]
'haec omnis, quam cernis, inops inhumataque turba est'. 269 unde
cerebro. id est coniuncte quanto in excelso sint insulae. 275
quasi per omnes fenestras iactare soleant et transeuntes occidere.

277 hoc tibi, inquit, opta pro vita ut stercore perfundaris
potius quam alio gravi pondere feriaris. 277 conchas in qui-
bus pedes lavant. aut vasa fictilia. ποδάριπτρα. 279 quo-
modo Achilles maestus fuit pro Patroclo, quando occisus est, sic
passivus, si neminem ceciderit. non potest dormire sine lite.

283 laena quod divites olim utebantur. coccina purpurea dixit, ut
Virg. [*Aen.* 4, 262] 'varioque ardebat murice laena'. aut antiqui am-
phimallum laenam appellabant. 287 cuius candelae papyrus
temporibus partior, ut duret. 289 ut Terentius [*Ad.* 213] 'ego
vapulando, ille verberando, usque ambo defessi sumus'.

269 cerebr., *P* 281 *delebat Heineckius. interrogationem pleri-
que faciunt*

stat contra starique iubet, parere necesse est; 290
nam quid agas, cum te furiosus cogat et idem
fortior? "unde venis?" exclamat "cuius aceto,
cuius conche tumes? quis tecum sectile porrum
sutor et elixi vervecis labra comedit?
nil mihi respondes? aut dic aut accipe calcem. 295
ede ubi consistas; in qua te quaero proseucha?"
dicere si temptes aliquid tacitusve recedas,
tantundem est: feriunt pariter, vadimonia deinde
irati faciunt. libertas pauperis haec est:
pulsatus rogat et pugnis concisus adorat, 300
ut liceat paucis cum dentibus inde reverti.
nec tamen haec tantum metuas. nam qui spoliat te
non derit, clausis domibus postquam omnis ubique
fixa catenatae siluit compago tabernae.
interdum et ferro subitus grassator agit rem; 305
armato quotiens tutae custode tenentur
et Pomptina palus et Gallinaria pinus,
sic inde huc omnes tamquam ad vivaria currunt.
qua fornace graves, qua non incude catenae?
maximus in vinclis ferri modus, ut timeas, ne 310
vomer deficiat, ne marrae et sarcula desint.
felices proavorum atavos, felicia dicas
saecula, quae quondam sub regibus atque tribunis
viderunt uno contentam carcere Romam.

293 conche tum. faba inflatus es. folia porri sive con-
dimentaria. 296 quidam nomen loci dicunt ad convivium constitu-
tum ex gaudio dictum. alii dicunt locum ad quem convenire solebant
mendici ad stipem petendam, alii tabernam in qua pauperes vivunt.

proseucha locus Iudaeorum, ubi orant. προσεύχεσθαι enim
graece orare dicitur. 298 haec est paupertatis miseria, ut

post caedem in se collatam et causas dicat. 304 fixa cate-
nata est. quia catenas grandes ferreas per singulas axes inducunt.

306 quotiens latrones praesidiis collocatis a solitis locis dei-
ciuntur, Romam quasi ad certas praedationes refugiant. 307

loca sunt abundantia latronibus in Campania. 308 id est ad
paratos pastus. 311 ferramenta sunt, quibus terra colitur.

313 quia post illos reges tribuni m. consulari potestate rem
publicam gubernarunt. 314 Tullianum scilicet, cuius aequae

et Salustius [*Cat.* 55] meminit.

296 ante 295 posuit Pinzgerus 304 catenaestluit tum ta super
a P 311 marra P

his alias poteram et pluris subnectere causas. 315
 sed iumenta vocant et sol inclinat, eundum est;
 nam mihi commota iandudum mulio virga
 adnuit. ergo vale nostri memor, et quotiens te
 Roma tuo refici properantem reddet Aquino,
 me quoque ad Helvinam Cererem vestramque Dianam 320
 converte a Cumis. saturarum ego, ni pudet illas,
 auditor gelidos veniam caligatus in agros.'

SATVRA IV

Ecce iterum Crispinus, et est mihi saepe vocandus
 ad partes, monstrum nulla virtute redemptum
 a vitiis, aegrae solaque libidine fortes
 deliciae, viduas tantum spernatur adulter.
 quid refert igitur, quantis iumenta fatiget 5
 porticibus, quanta nemorum vectetur in umbra,
 iugera quot vicina foro, quas emerit aedes?
 nemo malus felix, minime corruptor et idem
 incestus, cum quo nuper vittata iacebat

315 Vmbrii scilicet verba: poteram et alia incommoda urbis
 dicere, nisi animalia me vocarent. 317 innuit mulio raedae.

319 inde enim fuit Iuvenalis, de Aquino civitate Campaniae.

320 ibi namque apud Aquinum colunt numina earum dearum,
 quae colunt in Galliis.

IV de piscis magnitudine. de convivio Domitiani. 1 Cris-
 pinum dicit, qui sua terra Aegypto egentissimus fuit et postea factus
 est magister equitum Neronis. a me vocandus, id est qui saepe

vitiis ipsius excitor ut crimina ipsius dicam. ergo 'iterum Crispi-
 nus'. 2 aut ad partes quasi comoediae, quae multae sunt in
 una, aut ad partes quasi convivii et epulationis. ita et Serenus libro
 II ait: 'non dignus in quem debeam saturam calentem adcingere'.

ad vituperationem operis mei. metaphora a comoedis. aut certe
 quia scaenici ad partes suas solent vocari. 3 figura. quid est

Crispinus? 'aegrae solaque libidine fortes deliciae'. 6 viridiaria,
 ubi solent gestare. 7 hortos aut spatia dicit in suburbio.

9 haec virginibus Vestae poena fuerat decreta, ut si vitiatae fuis-
 sent, vivae in parietibus struebantur aut sub terra obruebantur.

320 elvinam ω

322 auditor P: adiutor pω

IV 2 ad patres P

4 aspernatur ω

8 damnarat Iahnus

9 vittata ζ: vitiata Pω

sanguine adhuc vivo terram subitura sacerdos. 10
 sed nunc de factis levioribus. et tamen alter
 si fecisset idem, caderet sub iudice morum;
 nam quod turpe bonis Titio Seioque, decebat
 Crispinum: quid agas, cum dira et foedior omni
 crimine persona est? nullum sex milibus emit, 15
 aequantem sane paribus sestertia libris,
 ut perhibent qui de magnis maiora loquuntur.
 consilium laudo artificis, si munere tanto
 praecipuam in tabulis ceram senis abstulit orbi;
 est ratio ulterior, magnae si misit amicae, 20
 quae velitur cluso latis specularibus antro.
 nil tale expectes: emit sibi. multa videmus,
 quae miser et frugi non fecit Apicius. hoc tu
 succinctus patria quondam, Crispine, papyro,
 hoc pretio squamam? potuit fortasse minoris 25
 piscator quam piscis emi; provincia tanti
 vendit agros, sed maiores Apulia vendit.
 qualis tunc epulas ipsum gluttisse putamus
 induperatorem, cum tot sestertia, partem
 exiguam et modicae sumptam de margine cenae, 30
 purpureus magni ructarit scurra Palati,

11 non ea obiciens, quae in eum turpissima sunt. 16
 sex librarum. 17 divites gluttones. 18 hoc argumento:
 utebatur ad caelibes, ut muneribus eos lautissimis corrumpens here-
 ditatem illorum captaret. 19 primam in qua heredes primi
 scribuntur. 20 est et alia ratio, quae eum cogeret grandem
 piscem emere, ut per eum matronam corrumpat. 21 lecticam
 mulieris aut sellam clausam. 22 non potest dici heredipeta.
 ventris sui cultor, luxuriosus est. 23 Apicius auctor prae-
 cipiendarum cenarum, qui scripsit de iuscellis. fuit nam exemplum
 gulae. 24 fuit nam Aegyptius Alexandrinus. in qua papyrus
 nascitur in Nilo. sicut vult Iuvenalis, Crispinus chartapola fuit.
 25 hoc pretio s. piscem. a parte totum. 27 anthypophora.
 quasi Crispinus hoc responderit: 'quid mihi invides? Apulia carius
 agros vendit'. vel maiores pisces vendit, quos tu provincialibus gra-
 tis abstulisti. 28 quantas, inquit, epulas princeps ipse con-
 sumpsit, cum extremae mensae epularum pars tanto constaret.
 et figura 'tot sestertia partem exiguam'.

13 Seioque *Calderinus*: serioque *PW* 15 multum *P* 25
 pretium *pW* squamam *S Valla*: squame *PW* 31 ructaret *W*

iam princeps equitum, magna qui voce solebat
vendere municipes fracta de merce siluros.

incipere, Calliope. licet et considerare: non est
cantandum, res vera agitur. narrate, puellae
Pierides. prosit mihi vos dixisse puellas.

35

cum iam semianimum laceraret Flavius orbem
ultimus et calvo serviret Roma Neroni,
incidit Adriaci spatium admirabile rhombi

ante domum Veneris, quam Dorica sustinet Ancon,
implevitque sinus; nec enim minor haeserat illis,

40

quos operit glacies Maeotica ruptaque tandem
solibus effundit torrentis ad ostia Ponti
desidia tardos et longo frigore pingues.

destinat hoc monstrum cumbae linique magister
pontifici summo. quis enim proponere talem

45

aut emere auderet, cum plena et litora multo
delatore forent? dispersi protinus algae
inquisitores agerent cum remige nudo

32 magister equitum Romanorum factus est scilicet. 33 id
est fracto vaso sardarum. eiusdem municipii, unde ipse, Aegyptios.
siluri nam pisces sunt Alexandriae unde fuit Crispinus, nullius pretii,
quos inopes in Aegypto venditant. 34 aut summis dicere,

aut proprie. res tenues dicere. 38 hoc convicium in Fl. Do-
mitianum Titi fratrem Vespasiani filium iactat, quia calvus fuit.

propterea quod Iuvenalis sub specie honoris relegatus est ad
cohortis curam in Aegypto Hoasa, ubi mortuus est. nam et
Suetonius [*Dom.* 18] refert quia calvus fuit. ultimum vero ideo dicit,
quia cum Vespasianus et Titus et Domitianus Flavia ex gente fuerint,
Domitianus ultimus illorum et dissimillimus imperavit. meminit hoc
Valerius Martialis in epigrammate his versibus finito: 'Flavia gens,
quantum tibi tertius abstulit heres. paene fuit tanti non habuisse
duos'. 40 ante templum. graeca civitas, quam Graeci in

Italia condiderunt. ideo Dorica. 41 retia. Virgilius [*Aen.* 10,
819] 'implevitque sinus sanguis'.

42 quia qui in Ponto et
Maeotia palude capiuntur pisces inmanes et pingues ex ipsa tarditate,
quoniam quando gelat, in glacie haerent. Salustius 'eaeque tempe-
state piscium vis Ponto erupit'. 43 torrentis. perfluentis, cur-
rentis. illic nam rheuma quaedam trahit mare. 46 ex ironia

summo. 47 et per littora et per omne mare delatores fuerunt,
non solum per foros.

33 fracta *SW*: facta *P*
43 torrentis *S*: torpentis *P*5

41 implevitque *SpW*: implevit *P*
47 litore *P*

non dubitaturi fugitivum dicere piscem 50
 depastumque diu vivaria Caesaris, inde
 elapsum veterem ad dominum debere reverti.
 si quid Palfurio, si credimus Armillato,
 quidquid conspicuum pulchrumque est aequore toto,
 res fisci est, ubicumque natat. donabitur ergo, 55
 ne pereat. iam letifero cedente pruinis
 autumno, iam quartanam sperantibus aegris
 stridebat deformis hiems praedamque recentem
 servabat. tamen hic properat, velut urgeat auster.
 utque lacus suberant, ubi quamquam diruta servat 60
 ignem Troianum et Vestam colit Alba minorem,
 obstitit intranti miratrix turba parumper.
 ut cessit, facili patuerunt cardine valvae;
 exclusi spectant admissa obsonia patres.
 itur ad Atriden. tum Picens 'accipe' dixit 65
 'privatis maiora focus; genialis agatur

50 hoc dicerent, inquit, calumniatores vel delatores: hic talis
 piscis de vivario Caesaris elapsus est, et quia ibi pastus est, eodem
 debet reverti. 53 Palfurius Sura, consularis filius, sub Nerone
 luctatus est cum virgine Lacedaemonia in agone. post inde a Vespasiano
 senatu motus transivit ad stoicam sectam, in qua cum prae-
 valeret et eloquentia et artis poeticae gloria, abusus familiaritate
 Domitiani acerbissime partes delationis exercuit. quo interfecto se-
 natu accusante damnatus, cum fuisset inter delatores potentes apud
 Domitianum hi, Armillatus, Demosthenes et Latinus archimimus, sicut
 Marius Maximus scribit. 56 ne pereat. quod distrahi non po-
 test. corrumpi ab aestu non poterat, quia autumno discedente
 hiems venit. Virg. [*g.* 4, 135] 'et cum tristis hiems'. 57 per
 autumnum nam vigeabant morbi. 60 id est cum prope
 lacus Albanenses iam venisset piscator. 61 Romani cum
 Tullo Hostilio rege cum diruissent Albam, sacra sublata Romam
 transtulerunt et deos penates. quorum penetrabile tam venerabile de-
 prehensum est, ut lapidatio de caelo caderet supra memorati pon-
 deris. propter quod prodigium ex libris Sibyllinis iussi pontifices
 ex SC. Albae sacra renovare. tanta enim repente, cum ea velient
 transferre, grando cecidit, ut intellegerent suis locis sacra non esse
 movenda. inde ibi perseverant. ideo et Vestam minorem dixit ad
 compositionem. 65 piscator de provincia ubi piscis fuerat
 captus.

iste dies; propra stomachum laxare sagina
et tua servatum consume in saecula rhombum;
ipse capi voluit.' quid apertius? et tamen illi
surgebant cristae; nihil est quod credere de se 70
non possit, cum laudatur dis aequa potestas.
sed derat pisci patinae mensura. vocantur
ergo in consilium procures, quos oderat ille,
in quorum facie miserae magnaeque sedebat
pallor amicitiae. primus clamante Liburno 75
'currite, iam sedit' rapta properabat abolla
Pegasus, attonitae positus modo vilicus urbi.
anne aliud tunc praefecti? quorum optimus atque
interpret legum sanctissimus omnia, quamquam
temporibus diris, tractanda putabat inermi 80
iustitia. venit et Crispi iucunda senectus,

67 saginam. alii sagittis, ut sit sensus acutis curis vel exer-
citatione sagittarum. digestionem inquit et harenis quibus vectari illum
debere dicit ob cibum futurum. legitur et saginis, id est escis fu-
turis stomachi indigestum praeparare. 69 hac laude intumescebat
imperator quamvis falsa. 75 simulatae amicitiae. Cicero 'nullae
sunt occultiores insidiae quam quae latent in simulatione officii'.
clamante Liburno. qui admissionibus praeerat. 77 Pegasus
filius trierarchi, ex cuius liburnae parasemo nomen accepit, iuris
studio gloriam memoriae meruit, ut liber vulgo, non homo diceretur.
hic functus omni honore cum provinciis plurimis praefuisset, urbis
curam administravit. hinc est Pegasianum SC. vilicus urbi.
elegantem sub Nerone urbis praefecturam iacuisse dicit. 80
quamquam optimus tum pro tempore omnia iniuste agenda credebat.

81 Lucanus [8, 476] 'fractisque modestior annis'. Crispus
municeps Vercellensis tirocinio suo in senatu ita coepit: 'patres
conscripti et tu Caesar'. propter quod simulata oratione plenissime
a Tiberio conlaudatus. plurimas sponte causas apud C. v. egit, pro
qua re in basilica Iulia eius statua posita est. consulatus duos gessit.
uxores habuit duas, primam Domitiam, deinde Agrippinam, illam
amitam, hanc matrem Neronis Caesaris. possedit bis milies sestertia.
omnium principum gratiam adpetivit, sed praecipue C. Caesaris, quem
iter facientem secutus est per Alpem. hic nullo audiente ab eodem
interrogatus, haberetne sicut ipse cum sorore germana consuetu-
dinem, 'nondum' inquit, quantumvis decenter et caute, ne C. aut

67 sagina *Buecheler*: saginam *P* saginis *SpW* sagittis *S* saginae
Iahnus 71 aequae *P* 78 *delebat Heinrichus* 79 quam-
quam *SpW*: quamque *P*

cuius erant mores qualis facundia, mite ingenium. maria ac terras populosque regenti quis comes utilior, si clade et peste sub illa saevitiam damnare et honestum adferre liceret 85 consilium? sed quid violentius aure tyranni, cum quo de pluviis aut aestibus aut nimbo vere locuturi fatum pendebat amici? ille igitur numquam derexit bracchia contra torrentem, nec civis erat qui libera posset 90 verba animi proferre et vitam inpendere vero. sic multas hiemes atque octogensima vidit solstitia, his armis illa quoque tutus in aula. proximus eiusdem properabat Acilius aevi cum iuvene indigno quem mors tam saeva maneret 95 et domini gladiis tam festinata; sed olim prodigio par est in nobilitate senectus, unde fit, ut malim fraterculus esse gigantis. profuit ergo nihil misero, quod comminus ursos figebat Numidas Albana nudus harena 100 venator. quis enim iam non intellegat artes patricias? quis priscum illud miratur acumen, Brute, tuum? facile est barbato inponere regi.

negantem eum argueret aut adsentientem sibimet mendacio dehonestaret. periit per fraudem Agrippinae, quam heredem reliquerat, et funere publico elatus est. 89 id est nunquam voluntatibus Neronis obstitit. 92 sic in vita diu multumque duravit, dum praeceptis Caesaris paret. 94 'Acilius Glabrionis filius consul sub Domitiano fuit Papinii Statii carmine de bello Germanico quod Domitianus egit probatus: 'lumina Nestorei mitis prudentia Crispi, et Fabius Veiento; potentem signat utrumque purpura, ter memores implerunt nomine fastos; et prope Caesareae confinis Acilius aulae' *Valla*. consul sub Domitiano fuit. indignus pati quae passus est. huius cum iuvenem Nero occideret, ipsum Acilium servavit, qui poenas sentiret orbitatis. Virgilius [*Aen.* 2, 561] 'ut regem aequaevum'. 98 id est ignobilis. 100 et iste iuvenis in lusorio Caesaris ursos saepe quasi venator occidit. 103 Tarquinio superbo. propexam enim barbam habuit, cum socer eius Servius Tullius adtonsam haberet, quem ipse occidit. dicit ergo cinaedum non facile posse falli.

83 terras *pΩ*: terra *P* terram *Iahnus* gerenti *P* 95 iam *P* 97 in *pΩ*: una littera aut duae erasae in *P*. cum *Pithoeus* 98 gigantum *§ Priscianus GLK. II p. 101*

nec melior vultu, quamvis ignobilis, ibat
 Rubrius, offensae veteris reus atque tacendae, 105
 et tamen improbius saturam scribente cinaedo.
 Montani quoque venter adest abdomine tardus,
 et matutino sudans Crispinus amomo
 quantum vix redolent duo funera, saevior illo
 Pompeius tenui iugulos aperire susurro, 110
 et qui vulturibus servabat viscera Dacis
 Fuscus marmorea meditatus proelia villa,
 et cum mortifero prudens Veiento Catullo,
 qui numquam visae flagrabat amore puellae,
 grande et conspicuum nostro quoque tempore monstrum, 115
 caecus adulator dirusque a ponte satelles,
 dignus Aricinos qui mendicaret ad axes
 blandaque devexae iactaret basia raedae.
 nemo magis rhombum stupuit; nam plurima dixit
 in laevum conversus, at illi dextra iacebat 120
 belua. sic pugnas Cilicis laudabat et ictus
 et pegma et pueros inde ad velaria raptos.
 non cedit Veiento, sed ut fanaticus oestro
 percussus, Bellona, tuo divinat et 'ingens

105 iste Rubrius aliquando Domitianum in pueritia corruperat, et verebatur ne pro hac mercede poenas ab ipso reposceret.

107 nam Montanus pinguis et ventrosus erat. et acerbe ventrem potius quam ipsum venire dixit. 110 qui levi susurro poterat alios deferens ad necem tradere. aut per leves suspiciones solitus sit homines iugulare.

112 Fuscus sub Domitiano exercitui praepositus in Dacia periit. notat autem eum, quia cum luxuria afflueret, inter delicias bellorum actus exercebat. praemia villa. in sua villa. qualis ille bellator, qui in hac luxuria bellorum fortia meditabatur.

113 utrum ad nocendum an ab sapientia rigidiore an adulandi peritus et temporum? 114 caecus nam amator fuit Catullus.

117 qui ad portam Aricinam sive ad clivum mendicaret inter Iudaeos qui ad Ariciam transierant ex urbe missi.

118 qui raedae ferenti mulieres oscula iaceret ut caecus. devexae. inclinatae, per clivum descendentem. 119 nemo magis rhombum.

quam Catullus caecus adulator. nam in sequentibus dixit 'non cedit Veiento', utique Catullo. 121 sic omnia quae non videbat, referebat.

122 peregre ad Romam. aut de pegmate excussos.

112 praei+ia *P* praemia *S*

113 vellentō *P* pro Veiento

116 dignus qui a ponte *Hauptius*

120 laevo *P* id est laevom

124 percussu *P* s add. *p*

omen habes' inquit 'magni clarique triumphi. 125
 regem aliquem capies, aut de temone Britanno
 excidet Arviragus. peregrina est belua, cernis
 erectas in terga sudes?' hoc defuit unum
 Fabricio, patriam ut rhombi memoraret et annos.
 'quidnam igitur censes? conciditur?' 'absit ab illo 130
 dedecus hoc' Montanus ait 'testa alta paretur,
 quae tenui muro spatiosum colligat orbem.
 debetur magnus patinae subitusque Prometheus.
 argillam atque rotam citius properate, sed ex hoc
 tempore iam, Caesar, figuli tua castra sequantur'. 135
 vicit digna viro sententia. noverat ille
 luxuriam imperii veterem noctesque Neronis
 iam medias aliamque famem, cum pulmo Falerno
 arderet. nulli maior fuit usus edendi
 tempestate mea; Circeis nata forent an 140
 Lucrinum ad saxum Rutupinove edita fundo
 ostrea, callebat primo deprendere morsu,
 et semel aspecti litus dicebat echini.
 surgitur et misso procures exire iubentur
 consilio, quos Albanam dux magnus in arcem 145
 traxerat attonitos et festinare coactos
 tamquam de Chattis aliquid torvisque Sycambris
 dicturus, tamquam ex diversis partibus orbis
 anxia praecipiti venisset epistula pinna.
 atque utinam his potius nugis tota illa dedisset 150
 tempora saevitiae, claras quibus abstulit urbi
 inlustresque animas inpune et vindice nullo.
 sed periit, postquam cerdonibus esse timendus
 coeperat. hoc nocuit Lamiarum caede madenti.

126 de isto vehiculo ad pedes supplex. falcatis nam cur-
 ribus. Britannorum rex Arbiragus. 129 Veiento. nam
 ipse est Fabricius. 131 patella in qua possit integer coqui.
 133 Prometheus saturice figulus. 138 libidines oris.
 per verum hoc ideo quia aviditas cibi sequitur nimiam per-
 potationem. 141 Rutupinove. locus in Britannia sive civitas.
 147 tamquam de Catthis. gentes Germanorum sive Franco-
 rum. 149 antea si quid nuntiabant consules in urbem per
 epistulas, si victoriae nuntiabantur, laurus in epistula figebatur, si
 autem aliquid adversi, pinna. 153 ignobilibus. cerdo est pro-
 prie turpis lucri cupidus. 154 in Lamiis indignatur satiricus.

133 pastinae *P* post 141 versus erasus in *P* 147 cat-
 this *S* cattis ζ : ****is *P* getis *p* ω 148 ec Ribbeckius: et *P* a ζ om. ω

SATVRA V

Si te propositi nondum pudet atque eadem est mens,
 ut bona summa putes aliena vivere quadra;
 si potes illa pati, quae nec Sarmentus iniquas
 Caesaris ad mensas nec vilis Gabba tulisset,
 quamvis iurato metuam tibi credere testi.

5

ventre nihil novi frugalius. hoc tamen ipsum
 defecisse puta, quod inani sufficit alvo:
 nulla crepido vacat? nusquam pons et tegetis pars
 dimidia brevior? tantine iniuria cenae?

tam ieiuna fames, cum possit honestius illic
 et tremere et sordes farris mordere canini?

10

primo fige loco, quod tu discumbere iussus
 mercedem solidam veterum capis officiorum.
 fructus amicitiae magnae cibus, inputat hunc rex,
 et quamvis rarum tamen inputat. ergo duos post
 si libuit menses neglectum adhibere clientem,

15

tunc periit, cum eum populus timere coepisset extincto iam senatu.

V de cenis contumeliosis. 1 de iuvene contumelioso in parasitos dicit. 3 Sarmentus natione Tuscus e domo Marci Favoni, incertum libertus an servus, plurimis forma et urbanitate promeritis eo fiduciae venit, ut equitem Romanum ageret, decuriam quoque quaestoriam compararet. quare per ludos quibus primum in XIII ordinibus sedit, haec a populo in eum dicta sunt: 'aliud scriptum habet Sarmentus, aliud populus voluerat. digna dignis: sic Sarmentus habeat crassos compedes. rustici ne nihil agatis, aliquis Sarmentum alliget'. dum autem causam usurpatae dignitatis dicit, precibus et gratia summo accusatore dimissus est, cum apud iudices nihil aliud docere temptaret, quam concessam sibi libertatem a Maecenate, ad quem sectio bonorum Favoni pertinuerat. iam autem senex in maximis necessitatibus, ad quas libidine luxurieque deciderat, coactus auctionari, cum interrogaretur cur scriptum quoque censorium venderet, non infacete bonae se memoriae esse respondit. 4 parasiti Caesaris fuerunt. 7 puta et hoc quod tibi paupertas dabat deficere potuisse, non potius mendicare quam hoc pati? 8 mattae pars in tegumen corpori factae. 11 panis sordidus canum est. 12 in prima pone iniuria, quia si iusserit ut recumbas, putat se in hoc totum solvisse, quicquid umquam obsequiis meruisti.

tertia ne vacuo cessaret culcita lecto,
 'una simus' ait. votorum summa. quid ultra
 quaeris? habet Trebius, propter quod rumpere somnum
 debeat et ligulas dimittere, sollicitus ne 20
 tota salutatrix iam turba peregerit orbem,
 sideribus dubiis aut illo tempore, quo se
 frigida circumagunt pigri serraca bootae.
 qualis cena tamen. vinum quod sucida nolit
 lana pati: de conviva Corybanta videbis. 25
 iurgia proludunt, sed mox et pocula torques
 saucius et rubra deterges vulnera mappa,
 inter vos quotiens libertorumque cohortem
 pugna Saguntina fervet commissa lagona.
 ipse capillato diffusum consule potat 30
 calcatanque tenet bellis socialibus uvam
 cardiaco numquam cyathum missurus amico;
 cras bibet Albanis aliquid de montibus aut de
 Setinis, cuius patriam titulumque senectus
 delevit multa veteris fuligine testae, 35
 quale coronati Thrasea Helvidiusque bibebant

17 apud veteres accubitorum usus non erat, sed in lectulis discumbentes manducabant. tres autem lectuli erant in quibus discumbabant, unde hodieque triclinia appellantur. 19 nomen parasi. 20 calciari, cum festinatione et ansas caligarum praetereant nonnullas. dictae autem ligulae a ligando. 23 ursae duae quae vocantur Helice et Cynosura. Bootes autem qui et Arcturus. quorum siderum Lucanus quoque sic meminit [2, 236]: 'sub nocte sopora Parrhasis obliquos Helice cum verteret axes'. 24 hoc est gustum vini mali. sic nam vinum malum mentem turbat, quomodo lana tincta mutatur. 27 id est cruentata mappa. 29 civitas Hispaniae, in cuius territorio malum vinum nascitur. 32 unde numquam amico vel cordolenti modicum dabit. 34 ita vetus, ut non possit nec ex superscriptione cognosci, quanti sit temporis.

36 'Helvidius post damnationem, ut inquit Probus, socii Paeti Thraseae interdicta sibi Italia Apolloniam concessit, sed post interfectum Neronem restitutus a Galba non aliter quam libero civitatis statu egit. hic tam industrius fuit, ut cum sub Nerone Achaia quaestor administraret, civitates quaedam quas non adierat inclamarent *καὶ ῥμείν πρόπον*. hic postea Vespasianum isto studio libertatis

17 ne *πω*: nec *P*
 27 mappa *P*

21 perregeret *P*

24 quo *P*

Brutorum et Cassi natalibus. ipse capaces
 Heliadum crustas et inaequales berullos
 Virro tenet phiala: tibi non committitur aurum,
 vel si quando datur, custos adfixus ibidem, 40
 qui numeret gemmas, unguet observet acutos.
 da veniam, praeclara illi laudatur iaspis;
 nam Virro, ut multi, gemmas ad pocula transfert
 a digitis, quas in vaginae fronte solebat
 ponere zelotypo iuvenis praelatus Iarbae. 45
 tu Beneventani sutoris nomen habentem
 siccabis calicem nasorum quattuor ac iam
 quassatum et rupto poscentem sulphura vitro.
 si stomachus domini fervet vinoque ciboque,
 frigidior Geticis petitur decocta pruinis: 50
 non eadem vobis poni modo vina querebar?
 vos aliam potatis aquam. tibi pocula cursor
 Gaetulus dabit aut nigri manus ossea Mauri
 et cui per mediam nolis occurrere noctem,
 clivosae veheris dum per monumenta Latinae: 55
 flos Asiae ante ipsum, pretio maiore paratus,
 quam fuit et Tulli census pugnacis et Anci
 et, ne te teneam, Romanorum omnia regum
 frivola. quod cum ita sit, tu Gaetulum Ganymedem
 respice, cum sities. nescit tot milibus emptus 60

offendit, ut putaret id optante avunculo Claudio pristinum libertatis statum posse revocari. quo nomine reus ac praeter spem absolutus est' *Valla*. 38 'in quibusdam est Beliadum, et ita legit Probus,

ut ad illud alludat Virgilianum [*Aen.* 1, 729] 'implevitque mero pateram qua Belus et omnes a Belo soliti' *Valla*. 38 inaequales

berullo. folias ex gemmis factas. 41 si tibi data fuerit fiola,

ponitur qui te et custodiat, ne ex ipsa aut gemmam rapias aut de unguibus aurum radas. 43 calices gemmatis facit.

45 figura diasyrtica. ut Virgil. [*Aen.* 4, 261]. id est tales gemmas mittit in calicibus, quales solebat Aeneas in vaginis gladii habere, qui antepositus est Iarbae a Didone. 46 quidam sutor fuit

Benevento, qui grandem nasum habuit. 48 ut solent sulphure

calices fractos sive calvariolas componere. 51 id est, non solum

quod aliud vinum bibitis, sed et aquam diversam. 56 pulcher

puer Asianus caro pretio comparatus. 59 Maurum pincernam.

38 berullos *P*: berullo *S* berillos *pω* 39 phialas *pω*

42 hiaspis *P* 43 ut *pω*: et *P* 46 beneventanis vitoris *P*

51 *delebat Pinzgerus* 54 nollis *P*

pauperibus miscere puer, sed forma, sed aetas
 digna supercilio. quando ad te pervenit ille?
 quando rogatus adest calidae gelidaeque minister?
 quippe indignatur veteri parere clienti,
 quodque aliquid poscas, et quod se stante recumbas; 65
 maxima quaeque domus servis est plena superbis.
 ecce alius quanto porrexit murmure panem
 vix fractum, solidae iam mucida frusta farinae,
 quae genuinum agitent, non admittentia morsum:
 sed tener et niveus mollique siligine fictus 70
 servatur domino. dextram cohibere memento,
 salva sit artoptae reverentia. finge tamen te
 inprobulum, superest illic qui ponere cogat
 'vis tu consuetis, audax conviva, canistris
 impleri panisque tui novisse colorem?' 75
 'scilicet hoc fuerat, propter quod saepe relictā
 coniuge per montem adversum gelidasque cucurri
 Esquillas, fremeret saeva cum grandine vernus
 Iuppiter et multo stillaret paenula nimbo?'
 aspice, quam longo distinguat pectore lancem 80
 quae fertur domino squilla, et quibus undique saepta
 asparagis qua despiciat convivia cauda,
 dum venit excelsi manibus sublata ministri:
 sed tibi dimidio constrictus cammarus ovo
 ponitur, exigua feralis cena patella. 85
 ipse Venafrano piscem perfundit: at hic, qui
 pallidus adfertur misero tibi, caulis olebit
 lanternam; illud enim vestris datur alveolis, quod
 canna Micipsarum prora subvexit acuta,
 propter quod Romae cum Boccare nemo lavatur, 90

62 quia et pulcher et iuvenis est, ideo superbit. 65 aegre
 hoc semper servi habent, quod illis stantibus amici sui domini dis-
 cumbunt. 75 qualem mereris manducare. 76 propterea
 semper manicasti per pluviam. 81 squilla. genus piscis aut
 cammari. 83 infertoris. 86 oleo bono. 88 vasis
 in quibus vos manducatis. 89 'Probus expenit cannā navem
 esse, quae gandeia dicatur, ut sit gandeia Micipsarum id est Afro-
 rum. gandeiam enim soli Afri id est Zamaei, vel ut alii, Byzaceni,
 ut alii, Barcaei invenerunt' *Valla*. 90 quidam illo tempore
 qui putenti oleo se unguebat in balneis.

63 post 64 positus in *P* gelicaeque *P* 66 *delebat Heinrichius*
 70 fictus *P*: factus *W* 73 inprobum *P* 77 cucurrit *§*
 80 distendat *W*

quod tutos etiam facit a serpentibus atris.
 nullus erit domini, quem misit Corsica vel quem
 Tauromenitanae rupes, quando omne peractum est
 et iam defecit nostrum mare, dum gula saevit,
 retibus adsiduis penitus scrutante macello 95
 proxima, nec patimur Tyrrhenum crescere piscem.
 instruit ergo focum provincia, sumitur illinc
 quod captator emat Laenas, Aurelia vendat.
 Virroni muraena datur, quae maxima venit
 gurgite de Siculo; nam dum se continet auster, 100
 dum sedet et siccatur madidas in carcere pinnae,
 contemnunt mediam temeraria lina Charybdim:
 vos anguilla manet longae cognata colubrae,
 aut glacie aspersus maculis Tiberinus, et ipse
 vernula riparum, pinguis torrente cloaca 105
 et solitus mediae cryptam penetrare Suburae.
 ipsi pauca velim, facilem si praebat aurem.
 nemo petit, modicis quae mittebantur amicis
 a Seneca, quae Piso bonus, quae Cotta solebat
 largiri; namque et titulis et fascibus olim 110
 maior habebatur donandi gloria. solum
 poscimus, ut cenes civiliter. hoc fac et esto,

94 in suburbicario mari. 100 iocatur. id est non flante
 austro. 104 nomen piscis. 105 de sordibus pinguis.
 qui in cloacis nutritus est. 109 'Seneca. hic, ut inquit Probus,
 sub Claudio quasi conscius adulteriorum Iuliae Germanici filiae in
 Corsicam relegatus post triennium revocatus est. qui etsi magno de-
 siderio Athenas contenderet, ab Agrippina tamen erudiendo Neroni
 in Palatium adductus saevum immanemque natum et sensit cito et
 mitigavit, inter familiares solitus dicere non fore saevo illi leoni quin
 gustato semel hominis cruore ingenita redeat saevitia. Piso
 Calpurnius, ut Probus inquit, antiqua familia, scaenico habitu tra-
 goedias actitavit, in latrunculorum lusu tam perfectus et callidus ut
 ad eum ludentem concurreretur. ob haec insinuatus C. Caesari re-
 pente etiam relegatus est, quia consuetudinem pristinae uxoris ab-
 ductae sibi ab ipso, deinde remissae repetisse existimabatur. mox
 sub Claudio restitutus et post consulatum materna hereditate dita-
 tus magnificentissime vixit meritis sublevare inopes ex utroque ordine
 solitus, de plebe vero certos quotquot annis ad equestrem censum
 dignitatemque provehere' *Valla*.

91 om. *P* *damnarat Iahnius* Afros ζ 96 patitur ζ
 105 torpente *Rutgersius* 110 titulis fascibus *P* 112 faciet *P*

esto, ut nunc multi, dives tibi, pauper amicis.⁷

anseris ante ipsum magni iecur, anseribus par
atilis, et flavi dignus ferro Meleagri 115

spumat aper. post hunc tradentur tubera, si ver
tunc erit et facient optata tonitrua cenas
maiores. 'tibi habe frumentum' Alledius inquit
'o Libye, disiunge boves, dum tubera mittas.'

structorem interea, nequa indignatio desit, 120
saltantem spectes et chironomunta volanti
cultello, donec peragat dictata magistri

omnia; nec minimo sane discrimine refert,
quo gestu lepores et quo gallina secetur.

duceris planta velut ictus ab Hercule Cacus 125

et ponere foris, si quid temptaveris umquam
hiscere, tamquam habeas tria nomina. quando propinat
Virro tibi sumitve tuis contacta labellis

pocula? quis vestrum temerarius, usque adeo quis
perditus, ut dicat regi 'bibe'? plurima sunt quae 130
non audent homines pertusa dicere laena.

quadringenta tibi si quis deus aut similis dis
et melior fatis donaret homuncio, quantus,
ex nihilo quantus fieres Virronis amicus.

'da Trebio, pone ad Trebium. vis, frater, ab ipsis 135
ilibus?' o nummi, vobis hunc praestat honorem,

vos estis fratres. dominus tamen et domini rex

si vis tu fieri, nullus tibi parvolus aula

luserit Aeneas nec filia dulcior illo;

iucundum et carum sterilis facit uxor amicum. 140

sed tua nunc Mycale pariat licet et pueros tres

115 Meleagri propter Calydonium aprum, quem irata Diana
propterea quia contempta esset ab Oeneo in sacrificiis, agris suis
inmiserat, quem Meleagrus filius suus occidit. 117 quia tubera

tonitruis dicuntur nasci, ut cocleae. 121 id est artificio in-
cidentem omnia. 127 tamquam habeas tria nomina. quamquam

habeas tria nomina. alii sic intellegunt dicentes tamquam fur sis. id
est pro tribus litteris tria nomina posuit. sed melius sic accipitur.
hisces tamquam nobilis sis, ut habeas tria nomina, ut Gaius Cornelius
Scipio et si quid simile. quando propinat. dat calicem in quo
ipse bibit. 134 id est si pecuniam haberes, statim amicus

unanimis fieres. 135 cuiuslibet nomen. 138 Virgilium ridet.

141 Mygale. nomen mulieris ex ipsa coitione. etymologia.

116 fumat $p\omega$ raduntur ω 138 tu ω : tunc P 140 de-
lebat *Iahnus* 141 mygale P Migale (*putes* Megale) S

in gremium patris fundat semel, ipse loquaci
gaudebit nido, viridem thoraca iubebit
adferri minimasque nuces assemque rogatum,
ad mensam quotiens parasitus venerit infans. 145
vilibus ancipites fungi ponentur amicis,
boletus domino, sed quales Claudius edit
ante illum uxoris, post quem nil amplius edit.
Virro sibi et reliquis Virronibus illa iubebit
poma dari, quorum solo pascaris odore, 150
qualia perpetuus Phaeacum autumnus habebat,
credere quae possis subrepta sororibus Afris:
tu scabie frueris mali, quod in aggere rodit,
qui tegitur parma et galea metuensque flagelli
discit ab hirsuta iaculum torquere capella. 155

forsitan impensae Virronem parcere credas.
hoc agit, ut doleas; nam quae comoedia, mimus
quis melior plorante gula? ergo omnia fiunt,
si nescis, ut per lacrimas effundere bilem
cogaris pressoque diu stridere molari. 160
tu tibi liber homo et regis conviva videris:
captum te nidore suae putat ille culinae,
nec male coniectat; quis enim tam nudus, ut illum
bis ferat, Etruscum puero si contigit aurum
vel nodus tantum et signum de paupere loro? 165
spes bene cenandi vos decipit. 'ecce dabit iam
semesum leporem atque aliquid de clunibus apri,
ad nos iam veniet minor altilis.' inde parato
intactoque omnes et stricto pane tacetis.
ille sapit, qui te sic utitur. omnia ferre 170
si potes, et debes. pulsandum vertice raso
praebebis quandoque caput nec dura timebis
flagra pati, his epulis et tali dignus amico.

143 armilausiam prasinam, ut simiae. 147 de Claudio
Nerone dicit, quia fungo uxore sua faciente mortuus est.
151 ridet de Homero. 152 de Hesperidis dicit. 154 quale
simia manducat. 160 dentibus pressis. 164 quoniam anti-
quitus nobilium pueri bullas aureas habebant, pauperum de loris.
signum libertatis. 171 etiam capite raso alapas accipies.

142 simul *pω* 145 at *P* 146 ponentur *pω*: potentur *PS*
(portentur *falso enotarant*) 148 postquam *P* 154 tegi *P*
158 gyla *P* 161 videris conviva *P* 166 caenendi *P* 169
iacetis *P*

IVVENALIS

S A T V R A R V M

LIBER SECVNDVS

SATVRA VI

Credo Pudicitiam Saturno rege moratam
 in terris visamque diu, cum frigida parvas
 praeberet spelunca domos ignemque laremque
 et pecus et dominos communi clauderet umbra,
 silvestrem montana torum cum sterneret uxor 5
 frondibus et culmo vicinarumque ferarum
 pellibus, haud similis tibi, Cynthia, nec tibi, cuius
 turbavit nitidos exstinctus passer ocellos,
 sed potanda ferens infantibus ubera magnis
 et saepe horridior glandem ructante marito. 10
 quippe aliter tunc orbe novo caeloque recenti
 vivebant homines, qui rupto robore nati
 compositive luto nullos habuere parentes.
 multa Pudicitiae veteris vestigia forsan
 aut aliqua exstiterint et sub Iove, sed Iove nondum 15
 barbato, nondum Graecis iurare paratis
 per caput alterius, cum furem nemo timeret
 caulibus et pomis, et aperto viveret horto.
 paulatim deinde ad superos Astraea recessit
 hac comite, atque duae pariter fugere sorores. 20
 anticum et vetus est alienum, Postume, lectum
 concutere atque sacri genium contemnere fulcri.
 omne aliud crimen mox ferrea protulit aetas:
 viderunt primos argentea saecula moechos.
 conventum tamen et pactum et sponsalia nostra 25
 tempestate paras, iamque a tonsore magistro
 pecterus, et digito pignus fortasse dedisti.
 certe sanus eras. uxorem, Postume, ducis?
 dic, qua Tisiphone, quibus exagitare colubris?

VI 8 matrona quaedam passerem plangens caeca facta est.
 26 tempore nostro uxorem disponis ducere. 28 furis, insanis.

VI 7 aut *P* (non *Priscianus*) 8 turbabit *P* 9 ubera manus
 sed manus post adiectum *P* 12 rupe et *Scholtius et Maehlius*
 13 compositive *Pithoeus*: compositi** *P* compositique *pΩ* 15 et
pΩ: ** *P* vel *Ribbeckius* 18 sed *C. Barthius* 22 pulchri *P*
 29 quibus primo omisum post exagitare add. *P*

ferre potes dominam salvis tot restibus ullam, 30
 cum pateant altae caligantesque fenestrae,
 cum tibi vicinum se praebeat Aemilius pons?
 aut si de multis nullus placet exitus, illud
 nonne putas melius, quod tecum pusio dormit?
 pusio, qui noctu non litigat, exigit a te 35
 nulla iacens illic munuscula, nec queritur, quod
 et lateri parcas nec quantum iussit anheles.

sed placet Vrsidio lex Iulia, tollere dulcem
 cogitat heredem, cariturus turture magno
 mullorumque iubis et captatore macello. 40
 quid fieri non posse putes, si iungitur ulla
 Vrsidio? si moechorum notissimus olim
 stulta maritali iam porrigit ora capistro,
 quem totiens textit perituri cista Latini?
 quid quod et antiquis uxor de moribus illi 45
 quaeritur? o medici, nimiam pertundite venam.
 delicias hominis. Tarpeium limen adora
 pronus et auratam Iunoni caede iuvencam,
 si tibi contigerit capitis matrona pudici.
 paucae adeo Cereris vittas contingere dignae, 50
 quarum non timeat pater oscula. necte coronam
 postibus et densos per limina tende corymbos:
 unus Hiberinae vir sufficit? ocius illud
 extorquebis, ut haec oculo contenta sit uno.
 magna tamen fama est cuiusdam rure paterno 55
 viventis. vivat Gabiis, ut vixit in agro,
 vivat Fidenis, et agello cedo paterno.
 quis tamen adfirmat nil actum in montibus aut in
 speluncis? adeo senuerunt Iuppiter et Mars?

30 id est, non te magis praecipitas aut laqueo suspendis?
 32 'Aemilius pons. Probus autem ibi quod lupanaria essent inquit'
Valla. 34 pungio dormit. a facto nomen. 'pusio Probus
 legit, interpretatur pueri nomen esse' *Valla.* 38 quae iubet
 eos hereditatem capere, qui filios habent. 44 qui totiens
 superveniente marito sub cista celatus est, ut in mimo.
 50 quae possunt sacerdotes Cereris esse. 51 quia et irru-
 mantur mulieres, dicit. 56 concedo et in agro castam fuisse.
 alii dicunt, perdo agrum ego paternum, si vivat illa recte.

34 et 35 pusio *pW*: pungio *PS* pugio *Σ* 35 a *pW* et in
rasura P (ex *lahnius*) 40 multorumque *P* 43 porrig** *P*
 52 tende *W*: necte *p* *erasum* in *P* 57 fidens *P*

porticibusne tibi monstratur femina voto 60
 digna tuo? cuneis an habent spectacula totis
 quod securus ames, quodque inde excerpere possis?
 chironomon Ledam molli saltante Bathyllo
 Tuccia vesicae non imperat, Appula gannit
 sicut in amplexu subito et miserabile longum, 65
 attendit Thymele; Thymele tunc rustica discit.
 ast aliae, quotiens aulaea recondita cessant
 et vacuo clusoque sonant fora sola theatro —
 atque a plebeis longe Megalesia — tristes
 personam thyrsunque tenent et subligar Acci. 70
 Urbicus exodio risum movet Atellanae
 gestibus Autonoes, hunc diligit Aelia pauper.
 solvitur his magno comoedi fibula, sunt quae
 Chrysogonum cantare vetent, Hispulla tragoedo
 gaudet: an expectas, ut Quintilianus ametur? 75
 accipis uxorem, de qua citharoedus Echion
 aut Glaphyrus fiat pater Ambrosiusque choraules.
 longa per angustos figamus pulpita vicos,
 ornentur postes et grandi ianua lauro,
 ut testudineo tibi, Lentule, conopeo 80
 nobilis Euryalum aut murmillonem exprimat. infans?
 nupta senatori comitata est Eppia ludum
 ad Pharon et Nilum famosaque moenia Lagi
 prodigia et mores urbis damnante Canopo.
 immemor illa domus et coniugis atque sororis 85

66 penem, ut habent in mimo. 70 subligar acne. vestem
 tragoedi. 72 quando Autonoen saltat. 73 ut cum comoe-
 dis concumbant. nam omnes pueri vocales fibulas in naturis habent
 ne coeant. 79 ad honorem nuptiarum. sic enim solent in
 nuptiis praeparare. 80 hoc est linum tenuissimis maculis ne-
 tum, quod latine culicare dicunt. sic Horatius [*epod.* 9, 15] ‘signa
 militaria sol aspicit conopeum’. 81 ut nascatur tibi filius si-
 milis gladiator. nomina lanistae et gladiatorum. 83 ad Alexan-
 driam dicit. quia ea Lagus tenuit pater Cleopatrae et Ptolomaei
 post magni Alexandri occupatus. Ptolomaeus cognominatus Lagus
 atque deinceps ceteri reges.

63 molli* (*erasa b.?*) *P* 65 subitum *pΩ*. *distinguebant ante*
 longum 69 *delebat Quietus* 70 acci *ω grammatici GLK. V*
p. 321 et VI p. 232: acne P actu p Hagni Ribbeckius 71 urbicus
edebat Iahnus 77 Ambrosiusve *ς* 81 euryalum aut m. *P (qui*
super scriptum aut habet) SΩ: aut om. volgo 82 ludum *ς*

nil patriae indulsit, plorantesque inproba natos,
 utque magis stupeas, ludos Paridemque reliquit.
 sed quamquam in magnis opibus plumaque paterna
 et segmentatis dormisset parvula cunis,
 contempsit pelagus; famam contempserat olim, 90
 cuius apud molles minima est iactura cathedras.
 Tyrrhenos igitur fluctus lateque sonantem
 pertulit Ionium constanti pectore, quamvis
 mutandum totiens esset mare. iusta pericli
 si ratio est et honesta, timent pavidoque gelantur 95
 pectore nec tremulis possunt insistere plantis:
 fortem animum praestant rebus, quas turpiter audent.
 si iubeat coniunx, durum est conscendere navem,
 tunc sentina gravis, tunc summus vertitur aer:
 quae moechum sequitur, stomacho valet. illa maritum 100
 convomit, haec inter nautas et prandet et errat
 per puppem et duros gaudet tractare rudentes.
 qua tamen exarsit forma, qua capta iuventa
 Eppia? quid vidit, propter quod ludia dici
 sustinuit? nam Sergiolus iam radere guttur 105
 coeperat et secto requiem sperare lacerto;
 praeterea multa in facie deformia, sicut
 attritus galea mediisque in naribus ingens
 gibbus et acre malum semper stillantis ocelli.
 sed gladiator erat. facit hoc illos Hyacinthos, 110

87 Paridem dicit illius temporis pantomimum, quem postea ob
 adulteratam uxorem ab eo suam Domitianus occidit. 89 seg-
 menta dicit vittam pendentem de vestibus. intexta auro. 91 ma-
 tronas. 94 id est de Tyrrheno mari ad Adriacum et de Adriaco
 ad Aegaeum transitura erat. 95 id est si causa sit navigationis
 digna, propter quam se periculis etiam committere debeant, tre-
 pidantes recusant nec se continere possunt. in rebus turpissimis
 sexum muliebrem abiciunt et animos viriles sumunt. 101 non
 solum quod non moleste feret navigationem, sed etiam in quo usus
 exegerit nautas in tempestate iuvat. 104 ludis serviens, gla-
 diatoris uxor. 105 Sergiolum nomine ex gladiatore amavit, qui
 et Ludor dictus est, qui sit diu demoratus in ludo. qui ut requiem
 gladiaturae haberet, Bellonarium se fecerat, quoniam mos est in ta-
 libus sacris lacertos suos secare. 108 galea. apparet eum se-
 cutorem fuisse.

87 stupeat *P*
 104 enpia *P*

92 sonorum *Bentleius*

93 ignium *P*

hoc pueris patriaeque, hoc praetulit illa sorori
atque viro. ferrum est, quod amant; hic Sergius idem
accepta rude coepisset Veiento videri.

quid privata domus, quid fecerit Eppia, curas?
respice rivales divorum, Claudius audi 115
quae tulerit. dormire virum cum senserat uxor
ausa Palatino tegetem praeferre cubili,
sumere nocturnos meretrix Augusta cucullos,
linquebat comite ancilla non amplius una
et nigrum flavo crinem abscondente galero. 120
intravit calidum veteri centone lupanar
et cellam vacuum atque suam. tunc nuda papillis
prostitit auratis, titulum mentita Lyciscae,
ostenditque tuum, generose Britannice, ventrem.
excepit blanda intransit atque aera poposcit, 125
et resupina iacens multorum absorbit ictus.
mox lenone suas iam dimittente puellas
tristis abit, et quod potuit tamen ultima cellam
clausit, adhuc ardens rigidae tentigine volvae,
et lassata viris necdum satiata recessit, 130

113 rudem, ut solent in amphitheatro accipere gladiatores.
115 ridens, quia imperatores inter deos referuntur. 116 Mes-
salina tantae libidinis fuit, ut se immutaret habitu et cum una an-
cilla descenderet de Palatio atque publice in circo prostaret per
noctem. quoniam antea meretrices propter sacrorum celebratio-
nem ab hora nona totam noctem prostabant, inde etiam nonariae
dictae sunt. haec vero Messalina ex Claudio Britannicum sustulit,
qui postea a Nerone, ut superius dixi [1, 71], veneno interfectus
est. haec est de qua dicit [2, 33] 'et patruo similes effunderet
offas'. 117 tegeste vel matta supellex cubilis obscaeni. aut forte
hoc tegeste quo tegitur domus mendicorum. 118 capitis indu-
menta quibus se cooperiebat. 120 crini superposito rotundo
muliebris capitis tegumento in modum galeae facto, quo utebantur
meretrices flavo, nigro nam crine matronae utebantur.
123 quoniam in cellis nomina meretricum fuerant superscripta.
124 ipse Britannicus, quem pro Messalinae matris necessitudine
conscia matre Agrippina Nero in convivio suo necavit. 127 id
est de meritoriis recedentibus puellis ipsa tristis efficiebatur, quod
per totam noctem adhuc non satiata, et ultima recedebat.

117 post 118 posuit Hermannus scribens et tegetem 120 et
ω Servius Aen. IV 698: sed P5 . 124 post 125 posuit Achaintrius
126 om. P5 et qui servarunt, varie collocant. damnarat Iahnus

obscurisque genis turpis fumoque lucernae
 foeda lupanaris tulit ad pulvinar odorem.
 hippomanes carmenque loquar coctumque venenum
 privignoque datum? faciunt graviora coactae
 imperio sexus minimumque libidine peccant. 135
 'optima sed quare Censennia teste marito?'
 bis quingena dedit. tanti vocat ille pudicam,
 nec pharetris Veneris macer est aut lampade fervet.
 inde faces ardent, veniunt a dote sagittae.
 libertas emitur. coram licet innuat atque 140
 rescribat; vidua est, locuples quae nupsit avaro.
 'cur desiderio Bibulae Sertorius ardet?'
 si verum excutias, facies, non uxor amatur.
 tres rugae subeant et se cutis arida laxet,
 fiant obscuri dentes oculique minores: 145
 'collige sarcinulas' dicet libertus 'et exi.
 iam gravis es nobis et saepe emungeris. exi
 ocus et propera'. sicco venit altera naso.
 interea calet et regnat poscitque maritum
 pastores et ovem Canusinam ulmosque Falernas — 150
 quantulum in hoc? — pueros omnes, ergastula tota;
 quodque domi non est, sed habet vicinus, ematur.
 mense quidem brumae, quo iam mercator Iason
 clausus, et armatis opstat casa candida nautis,

133 hippomanes quod de partu equarum rapitur a fronte pulli
 statim ut nascitur, quod mater ab eo delambit. quod datum in po-
 culum ad amatorias res facit. 134 graviora faciunt in aliis
 rebus, quam quod libido persuasit. 136 id est ἀνθυπογορά.

tamquam ab alio sit interrogatus 'quare ergo Censennia testimonium
 perhibente marito bona est?' respondet 'magnam dotem secum at-
 tulit, inde pudica audit'. avaritia enim mariti vitia uxoris extinguit.

140 ut peccante uxore contentus sit tacere propter avaritiam.
 ut Horatius [od. 3, 6, 29] 'et non sine conscio surgat marito'.

142 ἀνθυπογορά. ob quam rem Sertorius uxorem indotatam
 amat? respondet 'non pro moribus amatur, sed pro pulchritudine'.

146 statim mittitur foris. 150 id est greges in Calabria
 aut vineas in Falerno. 151 ergastula proprie dicuntur loca,

in quibus ad poenam victi homines opus faciunt. hic ergo erga-
 stula dixit rusticorum servientium multitudinem. 154 casa
 candida. illud significat quod Romae in porticu Traianarum therma-

136 Caesennia *Σ* 147 emunceris *P* 148 en propera *Ed.*
Muellerus 151 enim hoc *Hermannus* 153 cum *ω* iasum *P*

grandia tolluntur crystallina, maxima rursus 155
 murrina, deinde adamans notissimus et Berenices
 in digito factus pretiosior. hunc dedit olim
 barbarus incestae, dedit hunc Agrippa sorori,
 observant ubi festa mero pede sabbata reges
 et vetus indulget senibus clementia porcis. 160
 'nullane de tantis gregibus tibi digna videtur?'
 sit formosa decens dives fecunda, vetustos
 porticibus disponat avos, intactior omni
 crinibus effusis bellum dirimente Sabina,
 rara avis in terris nigroque simillima cyeno: 165
 quis feret uxorem, cui constant omnia? malo,
 malo Venustinam quam te, Cornelia, mater
 Gracchorum, si cum magnis virtutibus adfers
 grande supercilium et numeras in dote triumphos.
 tolle tuum, precor, Hannibalem victumque Syphacem 170
 in castris, et cum tota Carthagine migra.

rum tempore Saturnaliorum sigillaria sunt; tunc mercatores casas de
 linteis faciunt, quibus picturam obstruunt. ideo autem dicit 'mer-
 cator Iason', quoniam antea in porticu Agrippiana Romae sigillaria
 proponebantur, in qua porticu historia Argonautarum depicta est.
 et casae cum fierent, picturae obstabant. 155 sic et Cinna
 dicit 'atque imitata nives ludens legitur crystallus'. 158 bar-
 barum Ptolomaeum significat et Bernicen sororem eius. dedit
 hunc Agrippa sorori. Iuliam neptem Augusti significat, quae nupta
 Aemilio Paulo, cum is maiestatis crimine perisset, ab avo relegata
 est. post revocata cum semet vitis addixisset, perpetuo exilio dam-
 nata est. Agrippa frater propter morum feritatem in Siciliam ab
 Augusto relegatus est, post cuius mortem iussu Tiberii interfectus
 est. Beronice soror Ptolomaei, verum neptis Augusti Iulia, cum
 qua commisit incestum et propterea ab Augusto relegatus est.
 160 id est maioribus porcis parant, nam minores manducant.
 161 hoc ex persona dicentis cuiuslibet. 163 cuius avi trium-
 phantes in imaginibus picti sunt et positi in porticibus. 164 sit
 castior Sabinis, quae foedera inter Tatium et Romulum fecerunt, id
 est quae inter Romanos olim suosque parentes contractum bellum
 propter ipsarum raptum interventu suo diremerunt, ostendendo illis
 filios suos, his nepotes. 167 Venusinam. magis pauperem volo
 uxorem, quam nobilem et superbam, quae pro dote facta parentum
 et triumphos imputet.

156 bernices *PS* beronices *ω* 158 hoc *P* 159 mero *pω* :
 nudo *P* 167 venusinam *Pω* : *correxi*

'parce, precor, Paeon, et tu, dea, pone sagittas;
 nil pueri faciunt, ipsam configite matrem'
 Amphion clamat. sed Paeon contrahit arcum;
 extulit ergo greges natorum ipsumque parentem, 175
 dum sibi nobilior Latonae gente videtur
 atque eadem scrofa Niobe fecundior alba.
 quae tanti gravitas, quae forma, ut se tibi semper
 inputet? huius enim rari summiq[ue] voluptas
 nulla boni, quotiens animo corrupta superbo 180
 plus aloes quam mellis habet. quis deditus autem
 usque adeo est, ut non illam, quam laudibus effert,
 horreat inque diem septenis oderit horis?
 quaedam parva quidem, sed non toleranda maritis.
 nam quid rancidius, quam quod se non putat ulla 185
 formosam, nisi quae de Tusca Graecula facta est,
 de Sulmonensi mera Cecropis? omnia graece,
 cum sit turpe magis nostris nescire latine.
 hoc sermone pavent, hoc iram gaudia curas,
 hoc cuncta effundunt animi secreta, quid ultra? 190
 concumbunt graece. dones tamen ista puellis:
 tune etiam, quam sextus et octogensimus annus
 pulsat, adhuc graece? non est hic sermo pudicus
 in vetula. quotiens lascivum intervenit illud
 ζῶν καὶ ψυχή, modo sub lodice relictis 195
 uteris in turba; quod enim non excitet inguen
 vox blanda et nequam? digitos habet. ut tamen omnes
 subsidant pinnae, dicas haec mollius Haemo

172 commeruerunt. Lucanus [2, 108] 'crimine quo parvi cae-
 dem potuere mereri?' 174 Amphion Niobes fuit maritus.

horum filios Apollo et Diana, quia se his praeferrent, interemerunt
 sagittis. 175 bene dixit greges, quia plures fuerunt et di-

versi sexus, id est septem masculi et septem feminae. 181 plus

amaritudinis ex superbia quam dulcedinis ex castitate. 184 ali-

quanta vitia mulierum minima sunt quidem, sed molesta maritis.

190 quid amplius? etiam in lectulis graece loquuntur. 195 qui-

bus sermonibus graecae mulieres in concubitu solent blandiri.

196 etiam in publico haec verba loqueris, quae intra domum tuam.

ita potest excitari ad libidinem vir audiens talia verba, tam-
 quam si manu palpetur. 198 metaphora, quia ilia cessant.

172 dea pone *Graevius*: depone *PW* 176 gentem *P*
 177 scrofanio bene *P* 185 numquid *Heinrichius* 188 debebat
C. Barthius

quamquam et Carpophoro, facies tua computat annos.

si tibi legitimis pactam iunctamque tabellis 200

non es amaturus, ducendi nulla videtur

causa, nec est quare cenam et mustacea perdas

labente officio crudis donanda, nec illud,

quod prima pro nocte datur, cum lance beata

Dacicus et scripto radiat Germanicus auro. 205

si tibi simplicitas uxoriam, deditus uni

est animus, summitte caput cervice parata

ferre iugum. nullam invenies, quae parcat amanti;

ardeat ipsa licet, tormentis gaudet amantis

et spoliis; igitur longe minus utilis illi 210

uxor, quisquis erit bonus optandusque maritus.

nil umquam invita donabis coniuge, vendes

hac opstante nihil, nihil, haec si nolet, emetur.

haec dabit affectus, 'ille excludatur', amicus

iam senior, cuius barbam tua ianua vidit. 215

testandi cum sit lenonibus atque lanistis

libertas et iuris idem contingat harenae,

non unus tibi rivalis dictabitur heres.

'pone crucem servo.' 'meruit quo crimine servus

supplicium? quis testis adest? quis detulit? audi; 220

nulla umquam de morte hominis cunctatio longa est.'

'o demens, ita servus homo est? nil fecerit, esto:

199 Carpophoro. nomen scaenici effeminati sive histrionis.

201 si non potest inter vos esse concordia, ex superfluo vis dulcia gratis perdere.

203 discedentibus pransoribus,* qui officii causa conveniunt. solebant enim antea per nuptias recedentibus dulcia erogare pro apophoretis.

205 solidi ita signati, qui pro virginitate deposita novae nuptiae donantur.

206 si enim paratus es ad uxorem ducendam, para te ut subeas servitium deposita libertate.

209 quantumvis amet mulier, tamen poenis eius delectatur admodum, quem amat.

211 hic nam maxime ab uxore contemnitur.

215 ab ineunte aetate qui amicitiiis tuis inhaeserat.

216 cum omnibus liceat testamentum facere, tibi non licebit.

218 illius adulteros facies heredes illa summittente quos voluerit.

219 cum voluerit servum occidere, causam non quaerit.

220 id est si interrogaveris eam 'ob quam causam servum occidis aut quo deferente?' hoc tibi respondet: 'de nece ingenui nulla est dubitatio, an de servi morte causa quaerenda est?'

207 sumitite *P*

208 amantes *P*

213 nollet *P* nollit *p*

219 *fn.* servis *P*

hoc volo, sic iubeo, sit pro ratione voluntas.⁷
 imperat ergo viro. sed mox haec regna relinquit
 permutatque domos et flammea conterit, inde 225
 avolat et spreti repetit vestigia lecti;
 ornatas paulo ante fores, pendentia linquit
 vela domus et adhuc virides in limine ramos.
 sic crescit numerus, sic fiunt octo mariti
 quinque per autumnos, titulo res digna sepulcri. 230
 desperanda tibi salva concordia socru.
 illa docet spoliis nudi gaudere mariti,
 illa docet missis a corruptore tabellis
 nil rude nec simplex rescribere, decipit illa
 custodes aut aere domat. tunc corpore sano 235
 advocat Archigenen onerosaque pallia iactat.
 abditus interea latet et secretus adulter,
 inpatiensque morae silet et praeputia ducit.
 scilicet expectas, ut tradat mater honestos
 atque alios mores, quam quos habet? utile porro 240
 filiolum turpi vetulae producere turpem.
 nulla fere causa est, in qua non femina litem
 moverit. accusat Manilia, si rea non est.
 componunt ipsae per se formantque libellos,
 principium atque locos Celso dictare paratae. 245
 endromidas Tyrias et femineum ceroma
 quis nescit, vel quis non vidit vulnera pali?

224 repudiat virum. 225 flammea genus amicti quo se
 cooperiunt mulieres die nuptiarum. est enim sanguineum propter
 ruborem custodiendum. 226 a secundo marito iterum priorem
 repetit. 228 quibus per nuptias domus ornantur. 230 ut
 hoc sepulchro eius inscribatur, quod in quinquennio octo maritos
 habuit et omnes reliquit. 231 vivente socru tua nunquam
 cum uxore pacem es habiturus. 233 haec filiam suam lenat
 et docet eam moechis suis caute rescribere. 236 medicum ma-
 gnum illius temporis. a calore se discooperit. 238 'hic ver-
 sículas in quibusdam codicibus non est, inquit Probus' *Valla*.
 mora. hoc est metuit et manu sua penem fricat sibi. 242 uxor
 cum marito litigat. 243 ipsa ultro accusat, si non accusatur,
 hoc scilicet domus a foro non discedit. 245 oratori illius tem-
 poris, qui septem libros institutionum scriptos reliquit.

225 permulatque *P* 237 et *om.* *P* arcessitus *Henninius*
 238 *om.* ζ mora *P* silet *P\zeta*: pavet *SpW.* sedet *conieci*

quem cavat adsiduis rudibus scutoque lacessit
 atque omnes implet numeros dignissima prorsus
 Florali matrona tuba, nisi si quid in illo 250
 pectore plus agitat veraeque paratur harenae.
 quem praestare potest mulier galeata pudorem,
 quae fugit a sexu, vires amat? haec tamen ipsa
 vir nollet fieri, nam quantula nostra voluptas.
 quale decus, rerum si coniugis auctio fiat, 255
 balteus et manicae et cristae crurisque sinistri
 dimidium tegimen; vel si diversa movebit
 proelia, tu felix ocreas vendente puella.
 hae sunt, quae tenui sudant in cyclade, quarum
 delicias et panniculus bombycinus urit? 260
 aspice, quo fremitu monstratos perferat ictus
 et quanto galeae curvetur pondere, quanta
 poplitibus sedeat quam denso fascia libro,
 et ride, positis scaphium cum sumitur armis.
 dicite vos neptes Lepidi caecive Metelli, 265
 Gurgitis aut Fabii, quae ludia sumpserit umquam
 hos habitus, quando ad palum gemat uxor Asyli.
 semper habet lites alternaque iurgia lectus,
 in quo nupta iacet; minimum dormitur in illo.
 tum gravis illa viro, tunc orba tigride peior, 270

248 ferit ictibus. ferulis. in meditatione pugnandi. 249 hoc
 est, universa efficit dictata vel tantum curat in exercitio quantum
 gladiator. 250 meretrices nam Floralibus ludis armis certabant
 gladiatoris atque pugnabant. tuba qua committuntur ludi Florales,
 in quibus meretrices nudatis corporibus per varias artes ludendi dis-
 currunt. nam a Flora meretrice instituti sunt. in honorem Florae deae
 conditi quae floribus praeest, ludi sunt impudici. 251 nam
 vere vult esse gladiatrix, quae meretrix. 254 id est una uncia
 est libidinis in masculis et undecim in feminis. 255 fit nam
 et privatim auctio. si in auctione uxoris venient arma gladia-
 toria, *ποταπή ἀσχημοσύνη*; 258 ocreas. quas retiarii aut
 secutores habent. 260 id est etiam sericis vestibus gravatur.
 263 super poplites suos sedit. quod dicitur sedere et surgere.
 volumen in specie libri, id est longa fascia. 264 et cum
 posuerit arma post meditationem et ceperit vas ut bibat, ride.
 265 nomina nobilium. 267 Asylus nomen gladiatoris.

248 rudibus *P* (*r rasa*): sudibus *ω* 251 agitet *P* 270 cum
 gravis *P* tunc *ω*

cum simulat gemitus occulti conscia facti,
aut odit pueros, aut ficta paelice plorat,
uberibus semper lacrimis semperque paratis
in statione sua atque expectantibus illam,
quo iubeat manare modo: tu credis amorem, 275
tu tibi tunc, uruca, places fletumque labellis
exsorbes, quae scripta et quot lecture tabellas,
si tibi zelotypae retlegantur scrinia moechae.
sed iacet in servi complexibus aut equitis. dic,
dic aliquem, sodes, hic, Quintiliane, colorem. 280
haeremus. dic ipsa. 'olim convenerat' inquit
'ut faceres tu, quod velles, nec non ego possem
indulgere mihi. clames licet et mare caelo
confundas, homo sum.' nihil est audacius illis
deprensis, iram atque animos a crimine sumunt. 285
unde haec monstra tamen vel quo de fonte, requiris?
praestabat castas humilis fortuna Latinas
quondam, nec vitiis contingi parva sinebant
tectata, labor somnique breves et vellere Tusco
vexatae duraeque manus ac proximus urbi 290
Hannibal et stantes Collina turre mariti.
nunc patimur longae pacis mala, saevior armis
luxuria incubuit victumque ulciscitur orbem.

271 quando sibi est criminis conscia, tunc blanditur aut fingit
fletus dicens se a marito odiri et aliam eum amare, tunc et filios
persequitur. 274 metaphora a militibus, quoniam milites semper
ad ambulandum parati sunt, quacumque illis hora iubeatur.
276 uruca. mimologi stupidi nomen finxit, qui a femina sua fre-
quenter fallitur cum agit personam mariti. vel ut alii dicunt, genus
est animalis foedi spinosi, ut ericius. uruca autem est proprie illud
quod in faba nascitur, ut gurgulio. 280 Quintilianus orator
egregius illo tempore. ergo quasi ad ipsum loquitur: dic orator colo-
rem ad defensionem huius causae. 282 ita inter nos pacti, ut
quisque pro voluntate sua faciat. 285 id est quantum ingens
est crimen quod admittitur, tanto deprehensae maiorem induunt iram
ad defendendum. 287 paupertas antiqua castas cogeabat esse
mulieres, nunc divitiae et luxuriae inpudicas faciunt. 289 labor
nam custos est castitatis. 291 Collino monte. ut porta.

272 ficta P 274 *delebat Ribbeckius* 276 *curuca* *ω* *Vruca*
edebat Iahnus 277 *lecture pω: lectura P* 278 *zelotype legantur P*
282 *possum P* 285 *a ω Gelasius: * P spatium minore*
quam pro a littera, unde e Iahnus. de Dracontius

nullum crimen abest facinusque libidinis, ex quo
 paupertas Romana perit. hinc fluxit ad istos 295
 et Sybaris colles, hinc et Rhodos et Miletos
 atque coronatum et petulans madidumque Tarentum.
 prima peregrinos obscaena pecunia mores
 intulit, et turpi fregerunt saecula luxu
 divitiae molles. quid enim venus ebria curat? 300
 inguinis et capitis quae sint discrimina, nescit,
 grandia quae mediis iam noctibus ostrea mordet,
 cum perfusa mero spumant unguenta Falerno,
 cum bibitur concha, cum iam vertigine tectum
 ambulat et geminis exurgit mensa lucernis. 305
 i nunc et dubita, qua sorbeat aera sanna
 Tullia, quid dicat notae collactea Maurae
 Maura, Pudicitiae veterem cum praeterit aram.
 noctibus hic ponunt lecticas, micturiunt hic
 effigiemque deae longis siphonibus implent 310
 inque vices equitant ac Luna teste moventur,
 inde domos abeunt: tu calcas luce reversa
 coniugis urinam magnos visurus amicos.
 nota bonae secreta deae, cum tibia lumbos
 incitat et cornu pariter vinoque feruntur 315
 attonitae crinemque rotant ululantque Priapi

296 Sybarim in Italia Philoctetae comites condiderunt. quae
 urbs postea in tantum prolapsa est continua felicitate, ut nomen
 ad significationem in pudicitiae in omni obprobrio sufficere videatur.
 similiter Rhodos et Miletos luxuria diffluunt in Graecia civitates, ut
 hi in Italia vituperantur.

297 petulans autem dicit, quia ad-
 versum Romanos bellum saepe moverunt et se Pyrrho sociarunt.

301 quia ore obscaeno sunt. Horatius [*epod.* 8, 19] de huiusmodi
 feminis: 'quod ut superbo provoces ab inguine, ore adlaborandum
 est tibi'.

304 cum extra mensuram ad ebrietatem bibitur.

306 revocato naribus spiritu insultet ebria ac per hoc ronchos
 ducat.

309 apud Pudicitiam concumbunt et urinam faciunt.

312 inde ad suas domos revertuntur. tu enim cum mane proces-
 seris, lotium calcas uxoris tuae.

314 templum ubi intravit
 Clodius pro psaltria et cum uxore pontificis concubuit. 316 id
 est non Liberi patris bacchae, sed Priapi.

295 istos ζ : indos *P* istros ω 304 vertice *P* 306 inunget
P 307 om. *P* add. *p* damnarat *Iahnus*. post 308 transponunt ζ .
 distinguebant Maurae, Maura 308 ara *P* 310 implet *P*
 311 damnarat *Iahnus*

maenades. o quantus tunc illis mentibus ardor
 concubitus, quae vox saltante libidine, quantus
 ille meri veteris per crura madentia torrens.
 lenonum ancillas posita Saufeia corona 320
 provocat ac tollit pendentis praemia coxae,
 ipsa Medullinae fluctum crisantis adorat;
 palmam inter dominas virtus natalibus aequat.
 nil ibi per ludum simulabitur, omnia fient
 ad verum, quibus incendi iam frigidus aevo 325
 Laomedontiades et Nestoris hirnea possit.
 tunc prurigo morae inpatiens, tum femina simplex,
 ac pariter toto repetitus clamor ab antro
 'iam fas est, admitte viros'. iam dormit adulter:
 illa iubet sumpto iuvenem properare cucullo; 330
 si nihil est, servis incurritur; abstuleris spem
 servorum, venit et conductus aquarius; hic si
 quaeritur et desunt homines, mora nulla per ipsam,
 quo minus inposito clunem summittat asello.
 atque utinam ritus veteres et publica saltem 335
 his intacta malis agerentur sacra, sed omnes
 noverunt Mauri atque Indi, quae psalteria penem
 maiorem, quam sunt duo Caesaris Anticatones,
 illuc, testiculi sibi conscius unde fugit mus,
 intulerit, ubi velari pictura iubetur 340
 quaecumque alterius sexus imitata figuras.

320 aut feta corona. sacerdotis nomen. ad certamen Saufeia.

322 id est habet potiolem in obscaenis motibus. 323 vir-
 tutis obscaenae palma aequat in nobilitate dominas. 326 tanta
 lascivitas efficitur et dissolutio, ut etiam senes moveri possint.

329 si iam dormit adulter. expectans, si adulter dormitat, quemad-
 modum cumque ad stuprum vocatur. 335 quia habebant et
 privati sua sacra antea.

338 Caesar bello civili cognita Catonis
 morte, cuius virtutem dialogo illo cui inscripsit Cato Cicero etiam
 laudavit, libros duos famosissimos, vitam Catonis, edidit quos An-
 ticatones inscripsit. dicit autem Iuvenalis de Clodio, qui templum
 bonae deae ingressus habitu psalteriae adulterium admisit.

320 saufeia S: *au*feia P laufela p⁵ 322 ac tollit Iahnus:
 attollit P et tollit ω 322 post 323 transposuerat Iahnus
 323 palma P aequa est Iahnus 328 repperit P 329 iam
 dormit Pithoeus: si iam dormit PS iam del. p dormitat ω Priscianus
 GLK. II p. 404 332 veniet ω 335 336 delet Heinrichus
 338 Caesares P 339 illud testiculis P 341 figuram est pω

et quis tunc hominum contemptor numinis? aut quis
 simpuvium ridere Numae nigrumque catinum
 et Vaticano fragiles de monte patellas
 ausus erat? sed nunc ad quas non Clodius aras? 345
 audio, quid veteres olim moneatis amici:
 'pone seram, prohibe'. sed quis custodiet ipsos
 custodes? cauta est et ab illis incipit uxor.
 iamque eadem summis pariter minimisque libido,
 nec melior, silicem pedibus quae conterit atrum, 350
 quam quae longorum vehitur cervice Syrorum.
 ut spectet ludos, conducit Ogulnia vestem,
 conducit comites sellam cervical amicas
 nutricem et flavam, cui det mandata, puellam.
 haec tamen, argenti superest quodcumque paterni, 355
 levibus athleticis et vasa novissima donat:
 multis res angusta domi, sed nulla pudorem
 paupertatis habet nec se metitur ad illum
 quem dedit haec posuitque modum. tamen utile quid sit,
 prospiciunt aliquando viri, frigusque famemque 360
 formica tandem quidam expavere magistra:
 prodiga non sentit pereuntem femina censum.
 ac velut exhausta redivivus pullulet arca
 nummus et e pleno tollatur semper acervo,

343 simpuvium vas sacrificiis aptum, in quo pontifices libare
 solebant. simpuvium autem, quia omnes sacerdotes simul bibeant. inde
 simpuviatrix illa dicitur, quae porrigit poculum ipsum. 345
 Clodius aras. pro Clodius. licet nam per communionem uti, Clodius
 et Claudius, ut cotes et cautes, ut auriga qui origa. 'Probus
 autem legit: sed non ad quas nunc lodius aras, ut habitu ludionis
 ad aras accedi dicat, ut sit lodius pro ludius' *Valla*. 348 et
 ab illis incipit uxor. 'qui nunc lascivae furta puellae hac mercede
 silent: crimen commune tacetur.' 350 quae pedibus suis am-
 bulat. 351 id est in lectica, ut Cicero [*Verr.* 5, 11, 27] 'nam
 ut mos est, lectica octophoro ferebatur'. Syrorum. servorum.
 verbo usus est comico. nam antiquitus servis nomina ex gentibus
 suis ponebantur, ut apud Terentium frequenter legimus.
 354 flavam. puellam minorem, per quam adulteris suis mandat.
 362 nam mulieres patrimonium minuere non considerant, sed ita
 secum habent, tamquam si renascatur pecunia in eodem loco unde
 tollunt, aut cumulum plenum semper inveniant.

345 claudius *SW*
ticus GLK. VI p. 231

347 cohibe *ω*
 354 des *P*

353 conducunt *gramma-*

non umquam reputant, quanti sibi gaudia constant. 365
 sunt quas eunuchi inbelles ac mollia semper
 oscula delectent et desperatio barbae
 et quod abortivo non est opus. illa voluptas
 summa tamen, quod iam calida matura iuventa
 inguina traduntur medicis, iam pectine nigro; 370
 ergo spectatos ac iussos crescere primum
 testiculos, postquam coeperunt esse bilibres,
 tonsoris damno tantum rapit Heliodorus.
 conspicuus longe cunctisque notabilis intrat
 balnea nec dubie custodem vitis et horti 375
 provocat a domina factus spado. dormiat ille
 cum domina, sed tu iam durum, Postume, iamque
 tondendum eunucho Bromium committere noli.
 si gaudet cantu, nullius fibula durat
 vocem vendentis praetoribus. organa semper 380
 in manibus, densi radiant testudine tota
 sardonyches, crispo numerantur pectine chordae,
 quo tener Hedymeles operas dedit, hunc tenet, hoc se
 solatur gratoque indulget basia plectro.
 quaedam de numero Lamiarum ac nominis Appi 385
 et farre et vino Ianum Vestamque rogabat,
 an Capitolinam deberet Pollio quercum

365 'reputant. sed hic versus in quibusdam non est, ut inquit
 Probus' *Valla*. 366 inutiles ad concubitum. [*Verg. g.* 3, 98]
 'et si quando ad proelia ventum est, ut quondam stipulis magnus
 sine viribus ignis in cassum furit'. Horatius [*od.* 1, 6, 17] 'nos
 proelia virginum sectis in iuvenes unguibus acrium'. 373 ad
 illos rettulit, qui non habent barbam et in concubitu viri sunt.
 Heliodorus medicus illius temporis. 375 Priapum amplitudine
 penis sui provocat. 378 puerum ephebum et comatum non
 committes eunucho. 379 fibulam dicit circellos quos tragoedi
 sive comoedi in penem habent, ut coitum non faciant, ne vocem
 perdant. 382 crispo pulsanti. eburno scilicet pectine, qui
 crispet et agitet chordas. aut scutulato et pulcro. 383 hic
 citharoedus fuit. tener autem ad aetatem rettulit. 385 nominis
 Ap. Appiam significat. 386 id est sacrificabat nobilis matrona,
 utrum citharoedus Pollio, eius amatus, in agone Capitolino coronam
 accipere posset.

365 usquam *P rasa s* 369 cum iam *Ribbeckius* 372 bili-
 bros *P* 381 densi *cf. VII 143* 382 pulsantur *Marklandus*
 385 Appi *S*: ap* *P alti p* *W Aeli N. Heinsius*

sperare et fidibus promittere. quid faceret plus
 aegrotante viro, medicis quid tristibus erga
 filiolum? stetit ante aram, nec turpe putavit 390
 pro cithara velare caput, dictataque verba
 pertulit, ut mos est, et aperta palluit agna.
 dic mihi nunc, quaeso, dic, antiquissime divum,
 respondes his, lane pater? magna otia caeli;
 non est, quod video, non est quod agatur apud vos. 395
 haec de comoedis te consulit, illa tragoedum
 commendare volet, varicosus fiet haruspex.

sed cantet potius, quam totam pervolet urbem
 audax et coetus possit quae ferre virorum
 cumque paludatis ducibus praesente marito 400
 ipsa loqui recta facie siccisque mamillis.
 haec eadem novit, quid toto fiat in orbe,
 quid Seres, quid Thraces agant, secreta novercae
 et pueri, quis amet, quis diripiatur adulter;
 dicet, quis viduam praegnatem fecerit et quo 405
 mense, quibus verbis concumbat quaeque, modis quot.
 instantem regi Armenio Parthoque cometen
 prima videt, famam rumoresque illa recentis
 excipit ad portas, quosdam facit; isse Niphatem
 in populos magnoque illic cuncta arva teneri 410
 diluvio, nutare urbes, subsidere terras
 quocumque in trivio, cuicumque est obvia, narrat.

nec tamen id vitium magis intolerabile, quam quae
 vicinos humiles rapere et concidere loris

389 quid amplius erat factura, si de salute viri sui consuleret
 aegrotantis sive de filii? 392 pertulit. ad deos scilicet secun-
 dum consuetudinem. exta intuendo. 394 ἀποστροφῇ ad
 deos. 397 id est dum consulit deos aut exta consulit, multum
 stando varicosus efficitur. 398 sed potius est illam cantando de-
 linquere, quam nimium sapere et vagari per civitatem. 400 eun-
 tibus ad militiam, chlamydati scilicet. Sallustius 'togam paludamento
 mutavit'. 401 adhuc extantibus mamillis siccis. 407 huius
 stellae ortus magnum regibus portendit exitium. denique testis est
 Lucanus [1, 529]: 'et terris mutantem adstare cometem'. latine
 autem haec stella cincinnata dicitur. 411 inundasse Armeniae
 fluvium. 412 per omnes plateas quibuscumque occurrerit narrat.

414 pauperes vicinos rogata loris caedit, ceterum irata fustibus.

401 strictisque *§* 406 concubat *P* 409 nimphatem *P*
 410 arma *P* 413 quo *Schraderus*

exorata solet. nam si latratibus alti 415
 rumpuntur somni, 'fustes huc ocus' inquit
 'adferte' atque illis dominum iubet ante feriri,
 deinde canem. gravis occursu, taeterrima vultu
 balnea nocte subit, conchas et castra moveri
 nocte iubet, magno gaudet sudare tumultu, 420
 cum lassata gravi ceciderunt bracchia massa,
 callidus et cristae digitos inpressit aliptes
 ac summum dominae femur exclamare coegit.
 convivae miseri interea somnoque fameque
 urgentur. tandem illa venit rubicundula, totum 425
 oenophorum sitiens, plena quod tenditur urna
 admotum pedibus, de quo sextarius alter
 ducitur ante cibum rabidam facturus orexim,
 dum redit et loto terram ferit intestino.
 marmoribus rivi properant, aurata Falernum 430
 pelvis olet; nam sic, tamquam alta in dolia longus
 deciderit serpens, bibit et vomit. ergo maritus
 nauseat atque oculis bilem substringit optetis.
 illa tamen gravior, quae cum discumbere coepit,
 laudat Vergilium, periturae ignoscit Elissae, 435
 committit vates et comparat, inde Maronem
 atque alia parte in trutina suspendit Homerum.
 cedunt grammatici, vincuntur rhetores, omnis
 turba tacet, nec causicus nec praeco loquetur,
 altera nec mulier. verborum tanta cadit vis, 440

417 id est si ex latratu canum experrecta fuerit, irata iubet
 et canem et dominum rapi et fustes adferri, quibus crudelitatem
 suam in utrumque exercet. 418 in occursu et in visione ter-
 ribilis. ut Virgilius [*Aen.* 3, 621] 'nec visu facilis'. 421 halteras
 dicit, quibus utuntur athletae cum exercent. 423 quod fecerit,
 illa non exclamat, sed patienter tolerat. 424 expectantes dicit.
 cum venerit e balneis, oenophorum prendit quod urnam capit, et
 sic bibit. 427 ad pedes accipit. 429 cum coepit ebria
 reicere. 430 marmoribus. in triclinio marmoreo. 434
 Statilium Messalinam significat, quae post quattuor matrimonia diverso
 exitu soluta postremo Neroni nupsit. post quem interemptum et opi-
 bus et forma et ingenio plurimum vixit. consecrata est usum elo-
 quentiae usque ad studium declamandi. illo tempore duae Messali-
 nae fuerunt, haec et Valeria de qua Claudius Britannicum filium
 sustulit. 436 disputat de altioribus.

tot pariter pelves ac tintinnabula dicas
 pulsari. iam nemo tubas, nemo aera fatiget:
 una laboranti poterit succurrere lunae.
 inponit finem sapiens et rebus honestis;
 nam quae docta nimis cupit et facunda videri, 445
 crure tenus medio tunicas succingere debet,
 caedere Silvano porcum, quadrante lavari.
 non habeat matrona, tibi quae iuncta recumbit,
 dicendi genus, aut curvum sermone rotato
 torqueat enthymema, nec historias sciat omnes, 450
 sed quaedam ex libris et non intellegat. odi
 hanc ego, quae repetit volvitque Palaemonis artem
 servata semper lege et ratione loquendi,
 ignotosque mihi tenet antiquaria versus,
 nec curanda viris opicae castigat amicae 455
 verba: soloecismum liceat fecisse marito.
 nil non permittit mulier sibi, turpe putat nil,
 cum virides gemmas collo circumdedit et cum
 auribus extensis magnos commisit elenchos;
 intolerabilius nihil est, quam femina dives. 460
 interea foeda aspectu ridendaque multo
 pane tumet facies aut pingua Poppaeana

443 sonitu ferri, ut adsolet quando luna deficit. 444 et
 honestis rebus inponit finem sapiens. adde quod et turpibus. alii
 dicunt, etiam philosophiam tractat. 447 quia Silvano mulieres
 non licet sacrificare. 450 syllogismum non sciat uxor tua.
 non multos auctores legat. 451 legere tantum sciat.
 452 grammatici magistri Quintiliani oratoris. 453 lege. ana-
 logia. 454 id est quae antiquitatem tenet et ut antiquarius
 versus dicit. 455 nec curanda. quae viri neglegunt. in-
 peritae, male pronuntiantis. 459 comm. uniones, margaritas
 oblongas. 'commisit, comparavit elenchos quos magnarum gem-
 marum gerebant matronae, quos et titulos appellabant, inquit Pro-
 bus' *Valla*. 460 nil tam molestum est quam uxor ditior quam
 maritus. 462 medicamen ad tendendam faciem aut cutem magis.
 Poppaea uxor Neronis adeo diligens in excolenda forma fuit, ut eam
 quinquaginta asinae sequerentur missam in exilio, quarum lacte can-
 dorem corporis provocabat. earum natura fucata est. de-
 cessit calce a Nerone percussa. medicaminis ipsius autem nomen
 Iuvenalis Poppaeana dixit, quasi ab illa inventum sit.

452 qua *P* arte *P* 455 viris *SW*: mihi *P* 460 *delebat*
Paldamus 461—463 *post* 466 *transposuit Madvicus, lacunam su-*

spirat, et hinc miseri viscantur labra mariti:
 ad moechum lota veniunt cute. quando videri
 vult formonsa domi? moechis foliata parantur, 465
 his emitur, quidquid graciles huc mittitis Indi.
 tandem aperit vultum et tectoria prima reponit,
 incipit agnosci, atque illo lacte fovetur,
 propter quod secum comites educit asellas,
 exul Hyperboreum si dimittatur ad axem. 470
 sed quae mutatis inducitur atque fovetur
 tot medicaminibus coctaeque siliginis offas
 accipit et madidae, facies dicetur an ulcus?

est pretium curae penitus cognoscere, toto
 quid faciant agitentque die. si nocte maritus 475
 aversus iacuit, periit libraria, ponunt
 cosmetae tunicas, tarde venisse Liburnus
 dicitur et poenas alieni pendere somni
 cogitur, hic frangit ferulas, rubet ille flagello,
 hic scutica; sunt quae tortoribus annua praestent. 480
 verberat atque obiter faciem linit, audit amicas
 aut latum pictae vestis considerat aurum
 et caedit, longi relegit transversa diurni
 et caedit, donec lassis caedentibus 'exi'
 intonet horrendum iam cognitione peracta. 485
 praefectura domus Siculo non mitior aula.

465 unguenta foliis plena vel aliis aromatibus. 467 tan-
 dem remotis medicaminibus ad suam formam redit. 468 lacte
 asinino faciem linit, ut cutem tendat et candorem eliciat. 473 id
 est facies non debet illa dici sed vulnus, ad cuius impendia tanta
 ex pani et aliis rebus cataplasma facit. 477 eos dicit qui orna-
 mentis praesunt, non tamen ornatrices. tunicas. ut vapulent
 scilicet. gerulus lecticae quae liburnata est. 478 somnus
 mariti poenas praestat familiae. 480 id est salaria quaestio-
 nariis sive carnificibus. 483 ratiocinium diurnum accipit in
 transversa charta scriptum. 486 tyrannorum dicit Phalaris aut
 Dionysi. Phalaris Agrigentinus saevissimus tyrannus, qui sic crude-
 litates exercebat missis in aeneum taurum hominibus et subiecto
 igne torquebat. de quo Cicero dicit: 'inclusorum hominum gemitu
 mugiebat taurus'.

spicatus est Teuffelius 466 hic *P* 469 educit *PSW*. educet
Iahnus 471 qui conductis inducitur *Augustinus GLK. V p. 497*
 473 accipite facies madidae *P corr. W Augustinus* 474 penitus
 cogitur cognoscere *P* 475 dies in nocte *P rasa n priore* 480
 scytica *P*

nam si constituit solitoque decentius optat
 ornari et properat iamque expectatur in hortis
 aut apud Isiacae potius sacraria lenae,
 disponit crinem laceratis ipsa capillis 490
 nuda umero Psecas infelix nudisque mamillis.
 'altior hic quare cincinnus?' taurea punit
 continuo flexi crimen facinusque capilli.
 quid Psecas admisit? quanam est hic culpa puellae,
 si tibi displicuit nasus tuus? altera laevum 495
 extendit pectitque comas et volvit in orbem.
 est in consilio materna admotaque lanis
 emerita quae cessat acu; sententia prima
 huius erit, post hanc aetate atque arte minores
 censebunt, tamquam famae discrimen agatur 500
 aut animae. tanta est quaerendi cura decoris;
 tot premit ordinibus, tot adhuc compagibus altum
 aedificat caput. Andromachen a fronte videbis,
 post minor est, credas aliam. cedo, si breve parvi
 sortita est lateris spatium, breviorque videtur 505
 virgine Pygmaea nullis adiuta cothurnis,
 et levis erecta consurgit ad oscula planta.
 nulla viri cura interea, nec mentio fiet
 damnorum. vivit tamquam vicina mariti,
 hoc solo propior, quod amicos coniugis odit 510
 et servos, gravis est rationibus. ecce furentis
 Bellonae matrisque deum chorus intrat et ingens
 semivir, obscaeno facies reverenda minori,
 mollia qui rapta secuit genitalia testa
 iam pridem, cui rauca cohors, cui tympana cedunt, 515

489 quia in hortis templorum adulteria committunt. 491
 psecazin graece dicunt, quando minutum sive rarum pluit. ornatrices
 igitur componentes rarum ac parvum aquae solent mittere ac velut
 psecazin. ergo nominis etymologiam ab arte sumpsit. 495 altera
 componit crinem, dum illa caeditur. 497 lanipendia matris facta
 ornatrix quasi magistra. 498 quae non ornatrix est, sed iam
 quasi emerita cessat. 501 tantum ineunt consilium, quasi non
 de ornatu agatur, sed de pudoris aut vitae discrimine. 510 in hoc
 proxima est marito, quod amicos ipsius odit, quod vicina non facit.
 511 in lomentis et balnearia pecuniam erogando. 513 ideo re-
 verenda quia minorem penem habet. 515 Gallorum effeminatorum.

491 nudo *Rupertius* 493 crinem *P* 504 credo *P*
 510 coniungit *P* 511 gravi rationibus *P corr. p*

plebeia et Phrygia vestitur bucca tiara.
 grande sonat metuique iubet Septembris et austri
 adventum, nisi se centum lustraverit ovis
 et xerampelinas veteres donaverit ipsi,
 ut quidquid subiti et magni discriminis instat, 520
 in tunicas eat, et totum semel expiet annum.
 hibernum fracta glacie descendet in amnem,
 ter matutino Tiberi mergetur et ipsis
 verticibus timidum caput abluet; inde superbi
 totum regis agrum nuda ac tremibunda cruentis 525
 erepet genibus; si candida iusserit Io,
 ibit ad Aegypti finem calidaque petitas
 a Meroe portabit aquas, ut spargat in aede
 Isidis, antiquo quae proxima surgit ovili.
 credit enim ipsius dominae se voce moneri: 530
 en animam et mentem, cum qua di nocte loquantur.
 ergo hic praecipuum summumque meretur honorem,
 qui grege linigero circumdatus et grege calvo,

516 sacerdotis habitu. tiara nam galea sacerdotis est quae
 per malas veniens mento subligatur. tiara est frigium quod di-
 cunt. 519 'xerampelinas. subaudiendum vestes. quae ad usum
 matronarum, inquit Probus, fuerunt ampelini coloris qui inter coc-
 cinum et muriceum medius est' *Valla*. 522 descendat per gla-
 ciem. 525 Brutus agrum Tarquini superbi eo eiecto Marti con-
 secravit. unde hodieque campus Martius appellatur. 526 ereptet.
 genuis flexis pertrasit. Io Inachi fluvii filia quam Iuppiter stu-
 pravit. et deprehensus a Iunone in vaccam eam transfiguravit celare
 volens scilicet factum. quod Iuno sciens dono eam sibi petit et ac-
 cepit. quam acceptam Argo custodiendam tradidit. is Argus centum
 oculos dicitur habuisse. quem Mercurius iussus ab Iove occidit. hanc
 igitur Io in tantum persecuta est Iuno, ut per omnem mundum
 eam minaret. quae cum venisset errans in partibus Aegypti in Nilum
 fluvium, lassata coepit orare prout potuit requiem malorum. Iup-
 piter Iunonem flexit, et ita indulsit paelici, et reversa in suam figu-
 ram recepta inter deas Io ipsa est dea Isis. inde etiam sacra de
 Aegypto. 529 in Martio campo templum Isidis vetustum.
 ovili, quia ibi Romulus et pastores adsueverint pecora pascere. aut
 regiam dicit Romuli. vel Palatium. 533 sic enim sunt mystae,
 quando Osirim quaerunt.

518 nisi *supra versum add. P* 526 ereptet *P* 527 cali-
 dasque *ambigua tamen inter s et apicem specie P corr. p* 528
 potabit *P* aedem *Ω* 533 lanigero *P corr. p*

plangentis populi currit derisor Anubis.
 ille petit veniam, quotiens non abstinet uxor 535
 concubitu sacris observandisque diebus
 magnaue debetur violato poena cadurco
 et movisse caput visa est argentea serpens;
 illius lacrimae meditataque murmura praestant,
 ut veniam culpa non abnuat ansere magno 540
 scilicet et tenui popano corruptus Osiris.
 cum dedit ille locum, cophino faenoque relicto
 arcanam Iudaea tremens mendicat in aurem,
 interpretes legum Solymarum et magna sacerdos
 arboris ac summi fida internuntia caeli. 545
 implet et illa manum, sed parcius; aere minuto
 qualiacumque voles, Iudaei somnia vendunt.
 spondet amatorem tenerum vel divitis orbi
 testamentum ingens calidae pulmone columbae
 tractato Armenius vel Commagenus haruspex; 550
 pectora pullorum rimabitur, exta catelli,
 interdum et pueri; faciet, quod deferat ipse.
 Chaldaeis sed maior erit fiducia; quidquid
 dixerit astrologus, credent a fonte relatum

534 utrum quod ipse derideat, an quod aliis se praebeat deri-
 dendum? dictus Anubis hic est, qui caput caninum accepit per
 mysteria. 537 'cadurco. membrum mulieris, inquit Probus, in-
 telligitur cum sit membri muliebris velamen. vel ut alii, est instita
 qua lectus intenditur. unde ait Sulpicia: 'si me cadurcis dissolutis
 fasciis nudam Caleno concubantem proferat' *Valla*. 538 quae
 est in templo Isidis, movit caput. 542 ideo dixit [3, 18]
 'faenumque supellex'. quod his pulmentaria sua et calidam aquam
 die sabbati servare consuerunt. 546 implet et illa manus.
 accipit et ipsa nummos, sed non tantos quantos Gallus. 550 in-
 spiciens. ut Virg. [*Aen.* 4, 64] 'pectoribus inhians spirantia consulit
 exta'. 552 Egnatium philosophum significat, qui filiam Bareae
 Sorani cum ipse ad magicam discendam esset hortatus, detulit Neroni.
 ob quam rem mori cum patre iussa est a Nerone. Egnatium autem
 hic poeta ob delationem hanc ipsam saepe lacerat, ut superius [3,
 116] dixit: 'stoicus occidit Baream delator amicum discipulumque
 senex'. 553 maior fides adhibetur magis vel mathematicis.
 554 hoc est velut ab ipso Iove Hammone sit dictum. Apollo nam

538 si movisse *Iahnus dirimens hunc versum a superiore* 541
 orisis *P* 542 phanoque *P* 543 arcana *florilegium S. Galli* arca-
 num *Heinrichius* 546 manūs et *P* 547 omnia *P* 551 rima-
 tur et *pω* 553 et *P* 554 fronte *P*

Hammonis, quoniam Delphis oracula cessant, 555
et genus humanum damnat caligo futuri.
praecipuus tamen est horum, qui saepius exul,
cuius amicitia conducendaque tabella
magnus civis obit et formidatus Othoni.
inde fides artis, sonuit si dextera ferro 560
laevaue, si longo castrorum in carcere mansit.
nemo mathematicus genium indemnatus habebit,
sed qui paene perit, cui vix in Cyclada mitti
contigit et parva tandem caruisse Seripho.
consulit ictericae lento de funere matris, 565
ante tamen de te Tanaquil tua, quando sororem
efferat et patruos, an sit victurus adulter
post ipsam; quid enim maius dare numina possunt?
hae tamen ignorant, quid sidus triste minetur
Saturni, quo laeta Venus se proferat astro, 570
qui mensis damnis, quae dentur tempora lucro:
illius occursus etiam vitare memento,
in cuius manibus ceu pingua sucina tritas
cernis ephemeridas, quae nullum consulit et iam
consulitur, quae castra viro patriamque petente 575
non ibit pariter numeris revocata Thrasylli.

indignos homines putat quibus futura respondeat. magis sic intelli-
gitur, quod Alexander damnavit templum Apollinis in Delphis. ne
sint homines futurorum praescii. 557 deest fuerit. magorum
aruspicum mathematicorum praecipuus. 562 quasi ob nimiam
peritiam scilicet fuerit damnatus. 565 requirit de morte hie-
ricae matris cum mathematicis. 566 modo pro qualibet uxore
posuit nomen. haec autem Tanaquil fuit Tarquini prisci uxor, soceri
Servi Tullii, quae dicitur mathematicam artem optime scisse.
567 et p. an sit v. *κατὰ κοινὸν*. 569 nec tamen i. matronae
scilicet superstitiosae. Virg. [g. 1, 336] 'frigida Saturni sese quo stella
receptet'. Lucanus [1, 661] 'Veneris salubre sidus'. 572 sen-
sus hic est. tolerabilior tamen illa est mulier quae consulit alium, non
ferenda vero ea quae ipsa mathesin profitetur. 574 membrana
mathematicorum. ut actus diurnos. quae ex assidua tractatione colorem
suum mutavit et electrea facta est. 576 Thrasyllus multarum
artium scientiam professus postremo se dedit Platonicae sectae ac

558 559 om. *P* add. *p* (*superscriptum* vel *concidendaq.*) cf. *GLK*.

VII p. 544, 19 formidatam tabellam, pinacem 561 longa *P*

563 vis *P* 565 hic tetrice *P* 569 nec *P* haec *ω* ignorat *ω*
571 damnos et temporalia lucro *P* corr. *p*

ad primum lapidem vectari cum placet, hora
 sumitur ex libro; si prurit frictus ocelli
 angulus, inspecta genesi collyria poscit;
 aegra licet iaceat, capiendo nulla videtur 580
 aptior hora cibo, nisi quam dederit Petosiris.
 si mediocris erit, spatium lustrabit utrimque
 metarum et sortes ducet frontemque manumque
 praebebit vati crebrum poppysma roganti.
 divitibus responsa dabunt Phryx augur et Indae, 585
 conductus dabit astrorum mundique peritus
 atque aliquis senior, qui publica fulgura condit:
 plebeium in circo positum est et in aggere fatum;
 quae nudis longum ostendit cervicibus aurum,
 consulit ante falas delphinorumque columnas, 590
 an saga vendenti nubat caupone relicto.

hae tamen et partus subeunt discrimen et omnis
 nutricis tolerant fortuna urgente labores,

deinde mathesi. qua praecipue vigit apud Tiberium, cum quo sub
 honore eiusdem artis artissima familiaritate vixit. quem postea Tibe-
 rius in insula Rhodo praecipitare voluit in pelagum quasi conscium
 promissae dominationis. quem dolum cum praesensit, fugit.

579 et si oculum doleat, horam et collyrium ex ephemeride promit.

581 Petosiris alter auctor artis mathematices. 582 si pau-
 per erit, mulier superstitiosa in circo quaerit quos consulat. ibi nam
 antea proponere solebant huius artis professores. 'quia circu-
 latores, velut Probus inquit, hoc consueverint adhibere, ut delectis
 sibi locis duobus eos lustrent id est circueant, deinde per eos sortes
 id est taxillos iactitent, quo exinde quod suae geneseos signum se
 accommodaverit inspiciatur, numquid vivet, quando et paucis ex
 verbis ibidem conscriptis educunt sortes suas' *Valla*. 584 oris

pressi sonus vel labiorum in se collisorum strepitus. qua laetitia
 praedicere mala adsolet, vitare vota. 586 nomine Phryx, in-

quit, qui Romae moratur. sunt enim ob hoc quod ab ipsa Phrygia
 exhibiti sunt. 587 condi fulgura dicuntur, quotienscumque pon-

tifex dispersos ignes in unum redigit et quadam tacita prece locum
 figurata tumuli aggestione consecratum it. Lucanus [1, 607] 'et ta-
 cito cum murmure condit datque locis nomen'. 590 in spina.

hoc ideo quia illic pauperes sortes accipiunt. 592 tamen haec
 non solum partus periculum, sed etiam educationis subeunt laborem.

577 conplacet *P* 578 purit *P* 579 poscunt *P* corr. *p*
 585 inde *PW* (*copulabantur* inde conductus) Indus ♂ Indi *Ribbeckius*
 589 armum *Madvicus*. aureum capillum poeta dicit 592 haec *P*

sed iacet aurato vix ulla puerpera lecto.
 tantum artes huius, tantum medicamina possunt, 595
 quae steriles facit atque homines in ventre necandos
 conducit. gaude, infelix, atque ipse bibendum
 porrige quidquid erit; nam si distendere vellet
 et vexare uterum pueris salientibus, esses
 Aethiopis fortasse pater, mox decolor heres 600
 impleret tabulas numquam tibi mane videndus.
 transeo suppositos. et gaudia votaue saepe
 ad spurcos decepta lacus atque inde petitos
 pontifices, salios Scaurorum nomina falso
 corpore laturos. stat Fortuna inproba noctu 605
 adridens nudis infantibus, hos fovet omni
 involvitque sinu, domibus tunc porrigit altis
 secretumque sibi mimum parat; hos amat, his se
 ingerit utque suos semper producit alumnos.
 hic magicos adfert cantus, hic Thessala vendit 610
 philtra, quibus valeat mentem vexare mariti
 et solea pulsare natis. quod desipis, inde est,
 inde animi caligo et magna oblivio rerum,
 quas modo gessisti. tamen hoc tolerabile, si non
 et furere incipias ut avunculus ille Neronis, 615

594 vix est, inquit, ut puerperium sustineat dives mulier. nam
 sterilitatis aut abortus poculum sumit ab obstetrice. aut maleficia.
 puerpera dicitur puella quae primitus parit. 601 id est erit
 tibi heres talis, quem inter diem numquam vis tibi ostendi.

603 illuc nam deferebantur expositi partus atque ibi proiciebantur.

605 id est frequenter inde collecti infantes et suppositi ma-
 tronis ad imperium et alias potestates pervenerunt. 609 pro-
 ducit. tamquam suos tuetur. 610 Thessala vendit. dicticos

nescit qui alter qui cantus magicos novit quos matronis supersti-
 tiosis vendat. 612 ἀποστροφή ad maritum. 614 tamen

hoc tolerabile si non semper aquam portes rimosa ad dolia, semper
 istud onus subeas ipsis manantibus urnis, quo rabidus nostro Pha-
 larim de rege dedisti. sed hi tres versiculi in multis non sunt
 codicibus. quos in antiquissimo legimus codice et Probus etiam
 refert *Valla*. 615 Caligulam significat Caesarem, quem adeo

medicatis potionibus uxor Caesonia in amorem suum deduxit, ut de
 nimia impatientia furens saepe eam nudam amicis ostenderet.

603 lacus atque *pω* lacu sa*** *P* lacus saepe ζ 604 alios
P 606 omnis *vel* omnes *ω* ulnis *Marklandus* 612 desidis *P*
corr. p 615 avunculis *P*

cui totam tremuli frontem Caesonia pulli
 infudit; quae non faciet, quod principis uxor?
 ardebant cuncta et fracta compage ruebant,
 non aliter quam si fecisset Iuno maritum
 insanum. minus ergo nocens erit Agrippinae
 boletus, siquidem unius praecordia pressit
 ille senis tremulumque caput descendere iussit
 in caelum et longa manantia labra saliva.
 haec poscit ferrum atque ignes, haec potio torquet,
 haec lacerat mixtos equitum cum sanguine patres.
 tanti partus equae, tanti una venefica constat.
 oderunt natos de paelice; nemo repugnet,
 nemo vetet, iam iam privignum occidere fas est.
 vos ego, pupilli, moneo, quibus amplior est res,
 custodite animas et nulli credite mensae,
 livida materno fervent adipata veneno.
 mordeat ante aliquis, quidquid porrexerit illa,
 quae peperit; timidus praegustet pocula pappas.
 fingimus haec altum satura sumente cothurnum
 scilicet, et finem egressi legemque priorum
 grande Sophocleo carmen bacchamur hiatu,
 montibus ignotum Rutulis caeloque Latino?
 nos utinam vani. sed clamat Pontia 'feci,

616 pulli. modo scilicet nati equini, cui in fronte pilleum vel pellicula erepta praestat amorem. ut Vergilius [*Aen.* 4, 515] 'quaeritur et nascentis equi de fronte revulsus et matri praereptus amor'.

619 in multos saeviebat unius imperatoris insania, ut si per Iovis insaniam totus mundus agitur.

620 exemplum de Agrippina, quae principem Claudium maritum suum veneno necavit, ut filio suo Neroni conferret imperium.

623 ridens pro ad inferos. apotheosin deridet.

625 id est omnes ordines sine distinctione occisos.

626 hippomanes.

629 si alienos oderunt filios, ferendum est. hoc videris quid sit, quod et suis infestae sunt filiis atque eos venenis perimunt volentes ipsae hereditati succedere.

631 dulcia, placenta veneno plena.

632 'mordeat — pappas.

hi duo, inquit Probus, versiculi in aliis non sunt' *Valla*.

634 ἀνθυποφορά. dices forte, quod de proposita re egressus sum, id est saturam dimisi et ad tragoediam me contuli, et fingo dicta. sed Pontia non negat se fecisse.

638 Pontia Publi Petroni filia, quem Nero convictum in crimine coniurationis damnavit, defuncto

620 erat *Iahnus* 629 vos equo *P rasa q* 632 633 *om.*
Pζ add. pΩ damnarat Iahnus

confiteor, puerisque meis aconita paravi,
 quae deprensa patent; facinus tamen ipsa peregi'. 640
 tune duos una, saevissima vipera, cena?
 tune duos? 'septem, si septem forte fuissent.'
 credamus tragicis, quidquid de Colchide torva
 dicitur et Progne; nil contra conor. et illae
 grandia monstra suis audebant temporibus, sed 645
 non propter nummos; minor admiratio summis
 debetur monstris. quotiens facit ira nocentes
 hunc sexum, rabie iecur incendente feruntur
 praecipites ut saxa iugis abrupta, quibus mons
 subtrahitur clivoque latus pendente recedit: 650
 illam ego non tulerim, quae computat et scelus ingens
 sana facit. spectant subeuntem fata mariti
 Alcestim, et similis si permutatio detur,
 morte viri cupiant animam servare catellae.
 occurrent multae tibi Belides atque Eriphylae 655

marito filios suos veneno necasse convicta cum largis se epulis
 onerasset et vino, venis incisus saltans, quo maxime studio oblecta-
 batur, extincta est. 640 quae agnita videntur, ego feci.
 643 quidquid de Medea dicunt. 644 Progne quae filium suum
 occidit propter sororem a marito stupratam. 647 neque enim
 eas admirari convenit super talibus factis, quae causas prope iustas
 habuere peccandi. 649 id est sexus femininus zelandi causa
 omnia audet facere. [*Verg. Aen.* 5, 5] 'duri magno sed amore do-
 lores polluto, notumque furens q. f. p.' quibus mons. Virgil.
 [*Aen.* 6, 42] 'excisum Euboicae latus ingens'. 651 quae propter
 avaritiam peccat, ut Eriphyle, quam dicunt sollicitatam donis mari-
 tum coegisse ire ad bellum, et mortuus est. 653 id est in
 theatro spectant parapallium Alcestin pro suo marito morientem.
 quibus si detur similis condicio de vita mariti aut catuli, catellum
 magis eligunt. 655 Danaides quae pro patre suo maritos occi-
 derunt. Eriphyle uxor Eurypyli filii Telephi. qui Telephus cum
 venisset ad auxilium Priamo, plagatus est ab Achille et cum non
 posset curari, sortitus est ab Achille se solo posse curari. venit
 supplex, petit se curari. promisso hoc ut numquam iam auxilium
 ferat Troianis nec ipse nec de suis aliquis, curatus est, recessit.
 post mortem huius filius suus Eurypylus vir fortis fuit. hunc sae-
 pius ad auxilium petit Priamus. ille negavit monitus scilicet a patre
 suo. ergo cum non posset aliter Priamus eum sollicitare, fecit vitem

640 *del. Iahnius, item* 646 minor — 647 monstris 647 nocen-
 tem *pW* 648 rabiem iecur inpendere *P* 652 fata *pW*: et fata *I'*

mane, Clytaemnestram nullus non vicus habebit.
 hoc tantum refert, quod Tyndaris illa bipennem
 insulsam et fatuam dextra laevaue tenebat,
 at nunc res agitur tenui pulmone rubetae —
 sed tamen et ferro, si praegustabit Atrides
 Pontica ter victi cautus medicamina regis.

660

IVVENALIS

S A T V R A R V M

LIBER TERTIVS

SATVRA VII

Et spes et ratio studiorum in Caesare tantum.
 solus enim tristes hac tempestate Camenas
 respexit, cum iam celebres notique poetae
 balneolum Gabiis, Romae conducere furnos
 temptarent, nec foedum alii nec turpe putarent
 praecones fieri; cum desertis Aganippes
 vallibus esuriens migraret in atria Clio.
 nam si Pieria quadrans tibi nullus in umbra

5

ex auro et misit ad uxorem eius Eriphylen. haec accepto munere
 tanto marito persuasit. venit in Troia auxilium ferens. hunc occidit
 Pyrrhus filius Achillis. 659 ranae cuius viscera venenosa sunt.

660 aliquotiens gladio, si iam manducaverit maritus quod
 veneno obsit. 661 Mithridatem dicit, quem Lucullus et Sulla
 et Pompeius vicerunt. ideo ter victi. Mithridates nam tale sibi fecit
 medicamentum, ut non posset aliquando veneno perire.

VII 1 de sterilitate studiorum loquitur. talis est autem sensus.
 poeticae artis perisset industria, nisi propter egestatem in studia
 diversa tendentibus Caesaris subvenisset humanitas. 4 in alio,
 Gabiis ut mediastrinus fieret. 6 Aganippes. locus in Boeotia
 Musis sacer. Callimachus tamen dicit fontem esse Permesi fluminis.

7 id est ostiarius vel custos atriensis. 8 Pieria locus sub
 radicibus Olympi montis, cui Pierus poeta nomen dedit, qui primus
 sacrificasse Musis dicitur. unde et Pierides dictae.

656 clytemestram *P* 660 praegustarit *S* (-aret *pω*)

VII 2 ac *P* 4 gabis *P* conducere fornus *P*

ostendatur, ames nomen victumque Machaerae
et vendas potius, commissa quod auctio vendit 10
stantibus, oenophorum tripodes armaria cistas
Alcithoen Pacci, Thebas et Terea Fausti.
hoc satius, quam si dicas sub iudice 'vidi'
quod non vidisti, faciant equites Asiani
quamquam et Cappadoces faciant equitesque Bithyni, 15
altera quos nudo traducit gallica talo.
nemo tamen studiis indignum ferre laborem
cogetur posthac, nectit quicumque canoris
eloquium vocale modis laurumque momordit.
hoc agite, o iuvenes. circumspicit et stimulat vos 20
materiamque sibi ducis indulgentia quaerit.
siqua aliunde putas rerum spectanda tuarum
praesidia atque ideo croceae membrana tabellae
implentur, lignorum aliquid posce ocius et quae
componis, dona Veneris, Telesine, marito, 25
aut clude et positos tinea pertunde libellos.
frange miser calamum vigilataque proelia dele,
qui facis in parva sublimia carmina cella,
ut dignus venias hederis et imagine macra.
spes nulla ulterior; didicit iam dives avarus 30
tantum admirari, tantum laudare disertos,
ut pueri Iunonis avem. sed defluit aetas

12 Alchiteon. nomina fabularum aut malorum poetarum, qui
has fabulas scripserunt. 14 equites Romani ex Graecis facti.
15 equitesque Bitini. falsum testimonium dicant. 16 gallica talo.
id est Gallograeci qui nudis ambulant pedibus ac per hoc abiecti,
Galatae. 21 occasionem qua prosit poetis. 22 si aliunde
magis praesidium speras per carmina quam a principe, incende libros
tuos. 23 membrana implentur, quae croceam tabellam habe-
bant. id est paginae multae. videtur quod quae in tabulis scripta
sunt, in croceam dicat transferri membranam. 27 utrum quae
tu pugnans cum animo scripseris, an ea quae de pugna conscri-
bis? 29 corpore exilis. propter vigilias. quia poetae sic pin-
guntur quasi ad summam maciem a nimio labore confecti.
32 pavonem. ne omitte, inquit, Martem sectari, dum aetas opitulatur.

9 amens *P* utcumque *P* 12 alcitheon *P* 15 *delebat*
Pinzgerus. bitini *cum* asiani 14 *locum permutare voluit Hermannus*
16 gallia *p*ω 18 cogitur *P* canores *P* 20 o *primo omisum*
add. P vel nos *superscr. p* 22 exspectanda ω 23 crocea
P corr. p 24 impletur *p*ω 27 calamum *P*: calamos *p*ω

et pelagi patiens et cassidis atque ligonis.
 taedia tunc subeunt animos, tunc seque suamque
 Terpsichoren odit facunda et nuda senectus. 35
 accipe nunc artes. ne quid tibi conferat iste,
 quem colis et Musarum et Apollinis aede relictā,
 ipse facit versus atque uni cedit Homero
 propter mille annos, et si dulcedine famae
 succensus recites, Maculonis commodat aedes. 40
 haec longe ferrata domus servire iubetur,
 in qua sollicitas imitatur ianua portas.
 scit dare libertos extrema in parte sedentis
 ordinis et magnas comitum disponere voces:
 nemo dabit regum, quanti subsellia constant 45
 et quae conducto pendent anabathra tigillo
 quaeque reportandis posita est orchestra cathedris.
 nos tamen hoc agimus tenuique in pulvere sulcos
 ducimus et litus sterili versamus aratro.
 nam si discedas, laqueo tenet ambitiosi 50
 consuetudo mali; tenet insanabile multos
 scribendi cacoethes et aegro in corde senescit.
 sed vatem egregium, cui non sit publica vena,
 qui nil expositum soleat deducere, nec qui
 communi feriat carmen triviale moneta, 55
 hunc, qualem nequeo monstrare et sentio tantum,

35 ac per hoc et poema suum. 36 audi fraudes.
 38 dinumerato tempore fortasse usque ad aetatem suam poeta dixit
 mille annos fluxisse ex tempore Homeri. fuit autem Homerus annis
 ante urbem conditam CLX, post Ilium captum CCLX. 40 alii
 sordibus dix. alii pictas. 41 valde. tibi in dicendum.
 42 cum fuerint clausae, domini calamitate tristes effectas. propter
 incursionem hostium. 46 a Graeco tractum. id est subsellia
 super quae altius sedeatur. gradus superiores scansiles. 47 or-
 chestra c. spatium in theatro dicitur quia pantomimo saltanti vacat.
 eiusmodi autem et poeta eligit in quo stans recitet. aut tabulata.
 48 scribimus. metaphora ab arantibus. 52 mali mores vel
 mala consuetudo scribendi, quae oblivisci non potest. 53 com-
 munis sive vulgaris. mediocre ingenium. 54 abiectum. subtile et
 gracile. 55 metaphoricus. hoc est trivialiter scribat. 56 ordo
 hic est: poetam bonum facit omni sollicitudine vel tristitia carens

35 facundae inunda *P rasa n postrema* 38 ipsa *P ipsae p*
 39 sed *vel at vel* aut *§ tu Hermannus* 40 maculosas *S Heinrichius*
 maculonius *§* 46 anabitra *P* 50 ambitiosum *Iahnus versu*
 51 *damnato* 54 nihil *ω*

anxietate carens animus facit, omnis acerbi
 inpatiens, cupidus silvarum aptusque bibendis
 fontibus Aonidum. neque enim cantare sub antro
 Pierio thyrsumque potest contingere maesta 60
 paupertas atque aeris inops, quo nocte dieque
 corpus eget: satur est, cum dicit Horatius 'euhoe'.
 qui locus ingenio, nisi cum se carmine solo
 vexant et dominis Cirrhae Nysaeque feruntur
 pectora vestra duas non admittentia curas? 65
 magnae mentis opus nec de lodice paranda
 attonitae, currus et equos faciesque deorum
 aspicere et qualis Rutulum confundat Erinys.
 nam si Vergilio puer et tolerabile dasset
 hospitium, caderent omnes a crinibus hydri, 70
 surda nihil gemeret grave bucina: poscimus, ut sit
 non minor antiquo Rubrenus Lappa cothurno,
 cuius et alveolos et laenam pignerat Atreus?
 non habet infelix Numitor, quod mittat amico:
 Quintillae quod donet, habet; nec defuit illi, 75
 unde emeret multa pascendum carne leonem
 iam domitum; constat leviori belua sumptu
 nimirum; et capiunt plus intestina poetae.
 contentus fama iaceat Lucanus in hortis
 marmoreis, at Serrano tenuique Saleio 80
 gloria quantalibet quid erit, si gloria tantum est?
 curritur ad vocem iucundam et carmen amicae
 Thebaidos, laetam cum fecit Statius urbem

animus, ut nihil acerbi patiat. 58 cupidus. avidus. ut Hora-
 tius [od. 2, 19, 1] 'Bacchum in remotis carmina rupibus vidi do-
 centem'. 60 dicunt nam nisi insanum poetam esse non posse.

64 Apolline et Libero. 65 poeticae et egestatis.
 66 perfecta pecunia, unde codices emantur. 73 faeneratur. id
 est. qui Atreum scribit ut sumptus habeat et res suas. pignora dat.
 alveolum tabulam calculatorem, lusoriam. 74 animo, non
 facultatibus. nam dives fuit. 75 Quintile. meretrici. 77
 ironia. leo levius pascitur quam poeta. 79 ideo quia facile
 otium ad scribendum carmen habuit dives. 80 nomina sunt
 pauperum poetarum. Saleio. ut mendico. 83 laetam. ideo

58 avidusque *Iahnus tamquam ex S* vivendis *P* 60 plerio
P 61 cum *Ribbeckius* 63 quis *pω* 66 ne de lode *P* codice
S corr. pω 75 quintilae *P* 78 intestine *P* 79 taceat *P*
 80 salero *P* salino *ω*

promisitque diem; tanta dulcedine captos
 afficit ille animos, tantaque libidine volgi 85
 auditur; sed cum fregit subsellia versu,
 esurit, intactam Paridi nisi vendit Agauen.
 ille et militiae multis largitur honorem,
 semenstri digitos vatum circumligat auro.
 quod non dant proceres, dabit histrio. tu Camerinos 90
 et Baream, tu nobilium magna atria curas?
 praefectos Pelopea facit, Philomela tribunos.
 haud tamen invidias vati, quem pulpita pascunt.
 quis tibi Maecenas, quis nunc erit aut Proculius
 aut Fabius? quis Cotta iterum, quis Lentulus alter? 95
 tunc par ingenio pretium; tunc utile multis
 pallere et vinum toto nescire Decembri.
 vester porro labor fecundior, historiarum
 scriptores? perit hic plus temporis atque olei plus.
 nullo quippe modo millensima pagina surgit 100
 omnibus et crescit multa damnosa papyro;
 sic ingens rerum numerus iubet atque operum lex.
 quae tamen inde seges? terrae quis fructus apertae?
 quis dabit historico, quantum daret acta legenti?
 'sed genus ignavum, quod lecto gaudet et umbra.' 105
 dic igitur, quid causidicis civilia praestent
 officia et magno comites in fasce libelli.

quia libenter audiebat. est et poema ipsum delectabile, et ipse dici-
 tur bonam vocem habuisse. 87 id est post tantum favorem
 nisi cantionem inauditam pantomimo vendidisset, non habebat unde
 se sustentaret. salarium enim ob nimiam paupertatem ab eodem
 consequabatur. 89 equitum de numero. anulo. 'quidam se-
 mestre aurum sex mensium annonam pecuniariam volunt intelligi'
Valla. 91 nobiles illius temporis. 92 Neronem significat,
 qui scaenicis ob turpem libidinem haec petentibus praestabat. prop-
 ter hunc versum missus est in exilio a Claudio Nerone. 97 quo
 mense scilicet solet maxime lucubrar. 98 transit ad histori-
 cos. ironia. 103 metaphoricos. id est quid inde lucri habetis,
 qui scribitis historias? 104 quantum datur exceptori. 105
 historicorum fingamus genus ignavum, quia in uno loco sedere deside-
 rat: videamus quid consequuntur advocati. 107 breves significat.

89 semen strigidos vastum *P.* semenstri cum prioribus copulavit
Mommsenus. vatum digitos *ω* aëro *P.* 93 invidia sua aut (fuit
 aut) *P.* 99 petit *ω* post 104 quaedam excidisse videbantur *Iahnio*
 105 ignavum est *p*

ipsi magna sonant, sed tum, cum creditor audit,
 praecipue, vel si tetigit latus, acrior illo
 qui venit ad dubium grandi cum codice nomen. 110
 tunc immensa cavi spirant mendacia folles
 conspuiturque sinus: veram deprendere messem
 si libet, hinc centum patrimonia causidicorum,
 parte alia solum russati pone Lacertae.
 consedere duces, surgis tu pallidus Ajax 115
 dicturus dubia pro libertate bubulco
 iudice. rumpe miser tensum iecur, ut tibi lasso
 figantur virides, scalarum gloria, palmae.
 quod vocis pretium? siccus petasunculus et vas
 pelamydum aut veteres, Maurorum epimenia, bulbi 120
 aut vinum Tiberi devectum, quinque lagonae.
 si quater egisti, si contigit aureus unus,
 inde cadunt partes ex foedere pragmaticorum.
 Aemilio dabitur, quantum licet, et melius nos
 egimus. huius enim stat currus aheneus, alti 125
 quadriuges in vestibulis, atque ipse feroci
 bellatore sedens curvatum hastile minatur
 eminus et statua meditatatur proelia lusca.

108 id est scilicet, quod divites se esse dicant praesentibus
 creditoribus suis. 110 cautionem habens multorum temporum.
 ideo et dubium nomen dicit. et tetigit latus exacturus, acrior illo
 creditore. argentarium significat, qui instantius debitum petit,
 si ei debitor coeperit esse suspectus. 112 propter fascinum
 verborum. ter sibi in sinus spuunt et videntur fascinum arcere. ut
 Persius [2, 31] de matertera. a loquendo multum spuunt.
 114 Lacernae. nomen aurigae abiecti ex colore. 115 Aiace
 pro recitatu posuit advocato. 118 ad instar gladiatoriae vic-
 toriae. scalae sunt armariola advocatorum. vel ut quidam, casae
 et stationes. Cicero in Cornelianam 'conrepsit' inquit 'in scalas'.
 armaria nam advocatorum apud veteres scalas habebat. 120
 vocabulum piscium salsorum. graece dicitur epimenia. nam latine
 menstrua dicuntur dantium. 121 non transmarinum. id est
 cibarium. 122 id est in quattuor actionibus unum solidum.
 123 iurisperitorum qui negotiales causas agunt. 124 Aemilio
 dabitur. qui hoc pacto quintas acciperet in pretio. 128 lusca.
 cuius oculus introrsus cedit.

109 *damnat Iahnus* accrior *P altera c rasa* 110 quid
P 114 lacertae *ω: lacernae* *P* 115 surgis *pω: surdis ut vide-*
tur P 122 contingit *P* 124 quanti *Iahnus* petit *ω*
 128 statum *P*

sic Pedito conturbat, Matho deficit, exitus hic est
 Tongilii, magno cum rhinocerote lavari 130
 qui solet et vexat lutulenta balnea turba
 perque forum iuvenes longo premit assere Maedos
 empturus pueros argentum murrina villas;
 spondet enim Tyrio staltaria purpura filo.
 et tamen est illis hoc utile. purpura vendit 135
 caudicium, vendunt amethystina; convenit illi
 et strepitu et facie maioris vivere census,
 sed finem impensae non servat prodiga Roma.
 fidimus eloquio? Ciceroni nemo ducentos
 nunc dederit nummos, nisi fulserit anulus ingens. 140
 respicit haec primum qui litigat, an tibi servi
 octo, decem comites, an post te sella, togati
 ante pedes. ideo conducta Paulus agebat
 sardoniche, atque ideo pluris quam Gallus agebat,
 quam Basilus. rara in tenui facundia panno. 145
 quando licet Basilio flentem producere matrem?
 quis bene dicentem Basilum ferat? accipiat te
 Gallia vel potius nutricula caudiciorum
 Africa, si placuit mercedem ponere linguae.
 declamare doces? o ferrea pectora Vetti, 150
 cui perimit saevos classis numerosa tyrannos.
 nam quaecumque sedens modo legerat, haec eadem stans
 perferet atque eadem cantabit versibus isdem;
 occidit miseros crambe repetita magistros.
 quis color et quod sit causae genus atque ubi summa 155
 quaestio, quae veniant diversae forte sagittae,
 nosse volunt omnes, mercedem solvere nemo.
 'mercedem appellas? quid enim scio?' 'culpa docentis
 scilicet arguitur, quod laeva parte mamillae
 nil salit Arcadico iuveni, cuius mihi sexta 160
 quaque die miserum dirus caput Hannibal implet,

134 'staltaria. Probus exponit illecebrosa. Ennius 'et melior
 navis quam quae staltaria portat' i. multisonalis quae dicitur vulgo
 batalaria' *Valla*. 154 'proverbium teste Probo *δὲς ζοράβη*
θάνατος omnibus tritum' *Valla*. 160 asino ac per hoc stulto,
 hebeti.

130 Tongilii *Iahnus*: tongili *P* tongilli *pW* 136 illi *florilegium*
S. Galli et scheda Aroviensis, om. P: illis *pW* 138 *delebat Guetus*
 145 clara *P* 149 imponere *W* cf. VIII 246 151 cui *Iahnus*:
 cum *pW* 153 idem *Iahnus* 157 velunt *P* velint *Pithoeus*
 158 scit *Christensenus* 159 leve *P* i. laevae

quidquid id est de quo deliberat, an petat urbem
a Cannis, an post nimbos et fulmina cautus
circumagat madidas a tempestate cohortes.
quantum vis stipulare et protinus accipe, quid do 165
ut totiens illum pater audiat?' haec alii sex
vel plures uno conclamant ore sophistae
et veras agitant lites raptore relicto;
fusa venena silent, malus ingratusque maritus,
et quae iam veteres sanant mortaria caecos. 170
ergo sibi dabit ipse rudem, si nostra movebunt
consilia, et vitae diversum iter ingreditur,
ad pugnam qui rhetorica descendit ab umbra,
summula ne pereat, qua vilis tessera venit
frumenti. quippe haec merces lautissima. tempta, 175
Chrysogonus quanti doceat vel Polio quanti
lautorum pueros: artem scindes Theodori.
balnea sescentis et pluris porticus, in qua
gestetur dominus, quotiens pluit — anne serenum
expectet spargatque luto iumenta recenti? 180
hic potius, namque hic munda nitet ungula mulae —
parte alia longis Numidarum fulta columnis
surgat et argentem rapiat cenatio solem;
quanticumque domus, veniet qui fercula docte
componat, veniet qui pulmentaria condit. 185
hos inter sumptus sestertia Quintiliano,
ut multum, duo sufficient; res nulla minoris
constabit patri quam filius. 'unde igitur tot
Quintilianus habet saltus?' exempla novorum

163 cum a tertio lapide ab urbe castris positus fulmine territus
est quod propius accederet. 168 id est cum mercedes re-
poscunt. alii exponunt, transeundo ad causam veram relictis con-
troversiis scholasticis. 169 themata quae in auditoriis reci-
tantur deliberativarum et controversiarum. themata huiusmodi sunt
controversiarum: si uxor venenum triverit, maritus recipiat oculos.

174 summa via. ne annonam perdat. submola medium signi-
ficat gradilis panis. 181 hic potius. in porticu. 183 id
est solaria in superioribus hiemalia. 184 id est structor aut
cocus. 188 ἀνθροποφρά. unde tantum possidet Quintilianus,

162 quo liberat P 165 accipere P quid do P Priscianus
GLK. II p. 387 et III p. 275: quod do pω 174 summula ω:
sumavia P 175 temptat PS 177 scindes Iahnus: scindens
PSω 180 tumentia P 181 deletat Heinrichus 185 com-
ponit ζ condit Lachmannus

fatorum transi: felix et pulcer et acer, 190
 felix et sapiens et nobilis et generosus,
 adpositam nigrae lunam subtextit alutae;
 felix orator quoque maximus et iaculator,
 et si perfrixit, cantat bene. distat enim, quae
 sidera te excipiant modo primos incipientem 195
 edere vagitus et adhuc a matre rubentem.
 si Fortuna volet, fies de rhetore consul;
 si volet haec eadem, fiet de consule rhetor.
 Ventidius quid enim? quid Tullius? anne aliud quam
 sidus et occulti miranda potentia fati? 200
 servis regna dabunt, captivis fata triumphum.
 felix ille tamen corvo quoque rarior albo.
 paenituit multos vanae sterilisque cathedrae,
 sicut Thrasymachi probat exitus atque Secundi
 Carrinatis; et hunc inopem vidistis Athenae 205
 nil praeter gelidas ausae conferre cicutas.
 di, maiorum umbris tenuem et sine pondere terram
 spirantisque crocos et in urna perpetuum ver,
 qui praeceptorem sancti voluere parentis
 esse loco. metuens virgae iam grandis Achilles 210
 cantabat patriis in montibus, et cui non tunc
 eliceret risum citharoedi cauda magistri;
 sed Rufum atque alios caedit sua quemque iuventus,
 Rufum, quem totiens Ciceronem Allobroga dixit.
 si parum accepit? contingit ut unus sit fato felix orator.
 192 patricius senator est. hac lunula nam adsuta calceis discer-
 nuntur patricii a noviciis. 194 perfrixit. infrigidatus fuit.
 199 Ventidius ex mulione Caesaris dictatoris praetor fuit, ut Tullius
 in epistolis [10, 18, 3] et in Philippicis loquitur. opitulante Antonio
 ab Augusto usque eo proventus est, ut illi crederetur Parthicum
 bellum. is captivus in urbem perductus postea triumphavit.
 201 Servium Tullium et Ventidium significat. 204 sicut T. s.
 p. rhetoris apud Athenas qui suspensio perit. 205 sicut So-
 crates veneno perit, cum fugeret paupertatem. 208 notandum
 quia masculino genere dicit crocum. Virgilius [g. 4, 182] 'crocumque
 rubentem'. Salustius dicit neutro 'in qua crocum gignitur'.
 210 id est Chironem timebat Achilles. 214 Rufum. qui Gallus
 fuit et valde disertus.

192 *damnarat Iahnus* alutes *P* 194 perfrixit *P* *rasa* n
 198 fiet *P*: fies *p*ω 201 triumphos *p*ω 204 sicut ****machi
P lisimachi *p* thresimachi ζ. Tharsymachi *Ritschelius* 208 spiran-
 dis *P*

quis gremio Celadi doctique Palaemonis adfert, 215
quantum grammaticus meruit labor? et tamen ex hoc,
quodcumque est — minus est autem quam rhetoris aera —
discipuli custos praemordet acoenonoetus,
et qui dispensat, frangit sibi. cede, Palaemon,
et patere inde aliquid decrescere, non aliter quam 220
institor hibernae tegetis niveique cadurci,
dummodo non pereat, mediae quod noctis ab hora
sedisti, qua nemo faber, qua nemo sederet
qui docet obliquo lanam deducere ferro;
dummodo non pereat, totidem olfecisse lucernas, 225
quot stabant pueri, cum totus decolor esset
Flaccus et haereret nigro fuligo Maroni.
rara tamen merces, quae cognitione tribuni
non egeat. sed vos saevas inponite leges,
ut praeceptorum verborum regula constet, 230
ut legat historias, auctores noverit omnes
tamquam unguis digitosque suos; ut forte rogatus,
dum petit aut thermas aut Phoebi balnea, dicat
nutricem Anchisae, nomen patriamque novercae
Anchemoli, dicat, quot Acestes vixerit annis, 235
quot Siculi Phrygibus vini donaverit urnas.
exigite ut mores teneros ceu pollice ducat,

216 non igitur, inquit, tantum mercedis consecuntur grammatici, quantum labor eorum exposcit. 218 eunuchus paedagogus. aut communi carens sensu. 219 et qui erogat, de eadem sorte tollit sibi. 221 negotiator qui pro qualitate temporis mercem suam distrahit. sic Terentius [*Phorm.* 79] ‘scisti uti foro’.

cadurcum quidam cucullum dicunt candidum propter hiemes et nives comparatum. alii tabernaculum aut tentorium dix. esse, quibus merces suas protegere consuerunt. 223 faber ferrarius.

224 aut lanarius. 225 lucernas cum quibus nocte veniunt ad grammaticos, ut lectiones accipiant. 227 codex Horatii et Virgilii, in quibus legebant.

quia et Horatius et Virgilius nigri coloris dicuntur fuisse. ideo diasyrtyce dixit detrahendo. 228 raro sine lite magistris redduntur mercedes. 233 privatae balneae, quae Daphnes appellantur. 234 nutricem. Tisiphonem.

217 autem *pω*: om. *P* aeera *P* 218 acoenonoetus (ἀχοινώ-
ντρος) glossaria ut Parisinum Hildebrandi p. 3 Grangaeus 219
frangit *ς*: frangat *P* frangit *ς* 222 oram *P* 229 salvas *P*
231 storias *PS* 232 sit forte *p* 234 patriaeque *PS* 235 arche-
mori *PSω* 236 sicutis *P* sicutus *ω* 237 figite ut maiores *P*

ut si quis cera voltum facit; exigit ut sit
 et pater ipsius coetus, ne turpia ludant,
 ne faciant vicibus; non est leve tot puerorum
 observare manus oculosque in fine trementis.
 'haec' inquit 'curas, et cum se verterit annus,
 accipe, victori populus quod postulat, aurum'.

240

SATVRA VIII

Stemmata quid faciunt, quid prodest, Pontice, longo
 sanguine censeri, pictos ostendere vultus
 maiorum et stantis in curribus Aemilianos
 et Curios iam dimidios umerosque minorem
 Corvinum et Galbam auriculis nasoque carentem,
 quis fructus, generis tabula iactare capaci
 Corvinum, posthac multa contingere virga
 fumosos equitum cum dictatore magistros,
 si coram Lepidis male vivitur? effigies quo
 tot bellatorum, si luditur alea pernox
 ante Numantinos, si dormire incipis ortu
 luciferi, quo signa duces et castra movebant?
 cur Allobrogicis et magna gaudeat ara
 natus in Herculeo Fabius lare, si cupidus, si
 vanus et Euganea quantumvis mollior agna,
 si tenerum attritus Catinensi pumice lumbum

5

10

15

242 id est exposcunt a magistris ut etiam mores eorum cor-
 rigan et ne turpiter vivant aut corrumpant se, et post haec omnia
 in annum unum solidum accipit. 243 ut in theatro solent
 petere, quinque aureos. nam non licebat amplius dare.

VIII de claritate natalium. 1 in eos qui maiorum suorum
 nobilitate confisi nimis se iactitant, cum ipsi nihil suae virtutis osten-
 dant. 5 vetustate picturae ita effectum. aut quia brevior
 nasum habuit. 6 imagine perpetua. 7 multis fascibus.
 dignitate. 9 ante imagines Lepidorum. 12 Scipiones ab
 ortu quoque surgere. 13 magna ara. ad Herculem dicitur Ro-
 mae iuxta circum. 15 Tarentina Calabria. aut Veneta. 16
 Catina oppidum Siciliae usque ad probra dissolutum notatur. ut et
 Bibaculus 'Osce senex Catinaeque puer, Cumana meretrix'.

239 quetus P 240 241 'Iuvenalis non sunt' Valla 242 cura
 sed vel cures et 5 243 postulaturum P

VIII 1 in fine ngo add. p 2 vultus add. p 5 6 debet
 Hermannus 7 om. W damnarat Iahnus Fabricium 5 posse ac
 Withofius 16 attritis P lumbus P

squalentis traducit avos emptorque veneni
frangenda miseram funestat imagine gentem?
tota licet veteres exornent undique ceræ
atria, nobilitas sola est atque unica virtus. 20
Paulus vel Cossus vel Drusus moribus esto,
hos ante effigies maiorum pone tuorum,
praecedant ipsas illi te consule virgas.
prima mihi debes animi bona. sanctus haberi
iustitiaeque tenax factis dictisque mereris? 25
agnosco procerem; salve Gaetulice, seu tu
Silanus, quocumque alio de sanguine, rarus
civis et egregius patriae contingis ovanti;
exclamare libet, populus quod clamat Osiri
invento. quis enim generosum dixerit hunc, qui 30
indignus genere et praeclaro nomine tantum
insignis? nanum cuiusdam Atlanta vocamus,
Aethiopem Cycnum, pravam extortamque puellam
Europen; canibus pigris scabieque vetusta
levibus et siccae lambentibus ora lucernae 35
nomen erit pardus tigris leo, si quid adhuc est
quod fremat in terris violentius; ergo cavebis
et metues, ne tu sic Creticus aut Camerinus.

his ego quem monui? tecum est mihi sermo, Rubelli
Blande. tumes alto Drusorum stemmate, tamquam 40
feceris ipse aliquid, propter quod nobilis esses,
ut te conciperet, quae sanguine fulget Iuli,
non quae ventoso conducta sub aggere texit.
‘vos humiles’ inquis ‘volgi pars ultima nostri,

17 emptorque veneni. ἀπὸ κοινοῦ. 23 id est mores
boni fasces. 29 Tibullus [1, 7, 29] de Osiri dixit: ‘primus
aratra manu solerti fecit Osiris et teneram ferro sollicitavit humum,
primus inexpertae commisit semina terrae pomaque non notis legit
ab arboribus’. populus Aegypti invento Osiri dicit: εὐρήκαμεν
συνχαίρομεν. 32 ut cum indignus sit, maioris alicuius eum
nomine nuncupemus. ut si nanum gigantem vocemus κατὰ ἀντί-
φρασιν. 34 Europe. ut formosam. 38 hoc est ne sis
tantum nominibus nobilis ac turpiter vivas. 40 quia Blandus
Rubellius dicebatur superbus esse nobilitate generis tumidusque fere-
batur. 43 pauper in castris natus. 44 hoc velut e persona
alicuius nobilis loquitur poeta.

18 frangendam *P* 21 palus *P* 33 pravam *P* ut videtur
(*adrasis* ra) ξ : parvam ω 34 caveque *P* 38 sic *H. Iunius*: si *P*
sis ω 39 quae *P* 40 Plaute *Lipsius* 44 inquit *P* rasa t

quorum nemo queat patriam monstrare parentis, 45
 ast ego Cecropides'. vivas et originis huius
 gaudia longa feras. tamen ima plebe Quiritem
 facundum invenies, solet hic defendere causas
 nobilis indocti; veniet de plebe togata,
 qui iuris nodos et legum aenigmata solvat; 50
 hic petit Euphraten iuvenis domitique Batavi
 custodes aquilas armis industrius. at tu
 nil nisi Cecropides, truncoque simillimus Hermae.
 nullo quippe alio vincis discrimine, quam quod
 illi marmoreum caput est, tua vivit imago. 55
 dic mihi, Teucrorum proles, animalia muta
 quis generosa putet nisi fortia. nempe volucrem
 sic laudamus equum, facili cui plurima palma
 fervet et exultat rauco victoria circo;
 nobilis hic quocumque venit de gramine, cuius 60
 clara fuga ante alios et primus in aequore pulvis.
 sed venale pecus Coryphaei posteritas et
 Hirpini, si rara iugo victoria sedit;
 nil ibi maiorum respectus, gratia nulla
 umbrarum; dominos pretiis mutare iubentur 65
 exiguis, trito ducunt epiraedia collo
 segnipedes dignique molam versare nepotes.
 ergo ut miremur te, non tua, privum aliquid da,
 quod possim titulis incidere praeter honores,
 quos illis damus ac dedimus, quibus omnia debes. 70
 haec satis ad iuvenem, quem nobis fama superbum

45 id est plebeius aut peregrinus. 48 tu nobilis tantum
 et inperitus. nam de plebe, id est de humili familia eloquentes ex-
 eunt qui nobilium imperitorum causas defendunt. 51 hic p.
 id est nomen militiae dat. Vatavi. gens Galliarum. Lucanus
 [1, 431] 'Vatubique truces'. 52 curam cohortis sumit.
 53 effigies aeneae aut marmoreae sine manibus, quales videmus in
 circo. hermas Athenienses ante ianuas pro religione positos habuere.
 62 coryphaeorum, id est equorum, in Achaia prima nobilitas
 fuit. 63 in Sabinis Hirpinus mons est ubi optimi equi na-
 scuntur. 66 ornamenta raedarum. aut plaustra. 67 molere
 in pistrino. 70 quos imitari debes. id est parentes tuos.

49 veniat *P* corr. *p* 51 hinc *Weidnerus* batavi *p* *erasum*
in P 54 vincit *P* 57 volucre *P* 61 pulvis *pW* *Servius*:
 cuius *P* 62 coryte *P* 66 et trito *P* 67 nepotis *pW*
 68 privum *Salmastius*: primum *pW*

trahit et inflatum plenumque Nerone propinquo;
 rarus enim ferme sensus communis in illa
 fortuna. sed te censeri laude tuorum,
 Pontice, noluerim sic ut nihil ipse futurae
 laudis agas. miserum est aliorum incumbere famae,
 ne conlapsa ruant subductis tecta columnis.
 stratus humi palmes viduas desiderat ulmos.
 esto bonus miles, tutor bonus, arbiter idem
 integer; ambiguae si quando citabere testis
 incertaeque rei, Phalaris licet imperet ut sis
 falsus et admoto dictet periuria tauro,
 summum crede nefas, animam praeferre pudori
 et propter vitam vivendi perdere causas.
 dignus morte perit, cenet licet ostrea centum
 Gaurana et Cosmi toto mergatur ahenis.
 expectata diu tandem provincia cum te
 rectorem accipiat, pone irae frena modumque,
 pone et avaritiae, miserere inopum sociorum —
 ossa vides rerum vacuis exucta medullis —
 respice, quid moneant leges, quid curia mandet,
 praemia quanta bonos maneant, quam fulmine iusto
 et Capito et Numitor ruerint damnante senatu
 piratae Cilicum. sed quid damnatio confert?
 praeconem, Chaerippe, tuis circumspice pannis,
 cum Pansa eripiat, quidquid tibi Natta reliquit,

77 metaphora ab aedificio, quod columnae sustentant.

78 iterum metaphoram a vitibus fecit, quae ex arboribus pendent
 nec se possunt sustinere nisi fuerint adnexae. 81 qui tyrannus

ferebatur tauro aeneo candenti homines includere. 85 sic haben-

mus qui morte dignus est, quasi iam perierit, licet cottidie copiose
 vivat. 86 Cosmo. Cosmus luxuriosus fuit. qui solum in quod

descendebat, multis diversorumque unguentorum odoribus miscebat.

habeat licet tripodas aeneas et ostrea a lacu Lucrino.

94 bene Capitonem et Tutorem nescio quem repetundarum damna-
 tos a senatu piratas Cilicum poeta dixit. sive propter depraeda-
 tionem iniustam, sive ut eos facinerosiores ostenderet qui piratas
 olim Cilicas expoliaverint. 96 sensus hic est: quid tibi prodest,

Chaerippe, si damnatur iudex quem tu damnandum accusasti, cum
 illius successor plura ablaturus sit tibi? magis provide tibi prae-

72 plerumque *P* 74 te gens*seri *P* 78 in margine de-
 scinderet *P* 80 ambigua est quando *P* 86 cosmo *P* 88 accipiet
 ω 90 medullas *P* 91 mandat *P* 96 relinquit *P*

iamque tace; furor est post omnia perdere naulum.
 non idem gemitus olim neque vulnus erat par
 damnorum sociis florentibus et modo victis.
 plena domus tunc omnis, et ingens stabat acervus 100
 nummorum, Spartana chlamys, conchylia Coa,
 et cum Parrhasii tabulis signisque Myronis
 Phidiacum vivebat ebur, nec non Polycliti
 multus ubique labor, rarae sine Mentore mensae.
 inde Dolabella atque istinc Antonius, inde 105
 sacrilegus Verres referebant navibus altis
 occulta spolia et plures de pace triumphos.
 nunc sociis iuga pauca boum, grex parvus equarum,
 et pater armenti capto eripietur agello,
 ipsi deinde Lares, si quod spectabile signum, 110
 si quis in aedicula deus unicus; haec etenim sunt
 pro summis, nam sunt haec maxima. despicias tu
 forsitan inbellis Rhodios unctamque Corinthon,
 despicias merito; quid resinata iuventus
 cruraque totius facient tibi levia gentis? 115
 horrida vitanda est Hispania, Gallicus axis

conem et auctionem fac rerum tuarum quae superaverunt, ut in
 pecuniam totum conferas, ne et ipsos pannos tuos perdas qui
 remanserunt. nam nec accusatio tibi proderit et insuper naulum
 perdis. 98 non sic gemuerunt provinciae a Romanis afflictæ spo-
 liataeque iure bellorum, quando sunt victæ, quomodo nunc sub iudi-
 cibus deprædatae. 102 pictorum fictorum sculptorum sunt no-
 mina, qui apud veteres magni artifices fuerunt. 103 Phidias
 statuarius fuit. cum ἐκγονήσῃ pronuntiandum. ut signa vivere
 videantur. 104 sine toreumate. 105 inde Dolabella. Anto-
 nius trium Antoniorum corruptus ille. Salustius 'qui orae maritimæ
 qua Romanum esset imperium'. contrarius piratis. hi omnes socios
 et maxime Graecos Asiaticos ac Siculos fortunis omnibus spolia-
 verunt. cAntonius i. a Caesare accusatus. 106 qui Sici-
 liam deprædatus est. 109 taurus aut admissarius. 113 ut
 ostenderet has civitates gymnasio, hoc est exercitationi palaestrae
 deditas. 114 quia de resina sibi pilos tollebant ut cinaedi.
 116 his vel his parce gentibus, ne pro iniuria rebellare eas facias.

97 na*lu *P* naulon ζ 104 multos *P* raræ om. *P* add. *p*
 105 adque stinc cantonius *P*: atque hinc antonius ω atque de-
 hinc *Lachmannus* 109 eripietur *p*ω: eripi**** *P* eripiatuζ 110
 ipse *P* 111 112 *delebat Manso* 112 iam *conieci* 113 victam-
 que chorintho *P*

Illyricumque latus. parce et messoribus illis,
 qui saturant urbem circo scaenaeque vacantem;
 quanta autem inde feres tam dirae praemia culpaе,
 cum tenuis nuper Marius discinxerit Afros? 120
 curandum in primis, ne magna iniuria fiat
 fortibus et miseris. tollas licet omne quod usquam est
 auri atque argenti, scutum gladiumque relinques
 et iaculum et galeam; spoliatis arma supersunt.
 quod modo proposui, non est sententia: verum est, 125
 credite me vobis folium recitare Sibyllae.
 si tibi sancta cohors comitum, si nemo tribunal
 vendit acersecomes, si nullum in coniuge crimen,
 nec per conventus et cuncta per oppida curvis
 unguibus ire parat nummos raptura Celaeno, 130
 tu licet a Pico numeres genus, altaque si te
 nomina delectant, omnem Titanida pugnam
 inter maiores ipsumque Promethea ponas,
 de quocumque voles proavum tibi sumito libro.
 quod si praecipitem rapit ambitio atque libido, 135
 si frangis virgas sociorum in sanguine, si te
 delectant hebetes lasso lictore secures,
 incipit ipsorum contra te stare parentum
 nobilitas claramque facem praeferre pudendis.
 omne animi vitium tanto conspectius in se 140

enumerando enim singulas gentes poeta demonstrat, quas administrator fur vitare debet. quia facile scilicet accusant repetundarum.

subiungendo enim 'messoribus parcendum qui saturant urbem' Afros significat. 'tenues' autem dicendo vel 'discinxerit' hoc ostendit quod nuper eos Marius spoliaverit, de quo superius dixit [1, 49] 'exul ab octava Marius bibit et fruitur dis iratis.' 123 relin-
 quas. quibus facillime possit repugnare. 125 nuda verba. in sen-
 tentia nam solet interdum aliquid esse falsi. 128 ephebus in-
 tonsus. si non est puer pro quo sententia distrahatur. 131 hic
 sensus est. si, inquit, sis vir bonus, patiar ut falso licet, tamen ex
 quovis genere nobili tibi fingas originem aut numeres genus a Pico.
 [Verg. Aen. 7, 48] 'Fauno Pico pater'. 137 retunsae feriendo
 capita damnatorum. 139 hoc quod et Salustius [Iug. 80] dixit:
 'maiorum gloria posteris quasi lumen est, neque bona neque mala
 in occulto patitur'.

122 tollat *P* umquam *P* 123 relinquit*** *P* relinquit *S*
 124 debebat *Lachmannus* 131 tum *p* tunc *ω* 139 puendis *P*
 140 tanta *P*

crimen habet, quanto maior qui peccat habetur.
 quo mihi te solitum falsas signare tabellas
 in templis, quae fecit avus, statuamque parentis
 ante triumphalem? quo, si nocturnus adulter
 tempora Santonico velas adoperta cucullo?

145

praeter maiorum cineres atque ossa volucris
 carpento rapitur pinguis Lateranus, et ipse,
 ipse rotam astringit sufflamine mulio consul,
 nocte quidem, sed Luna videt, sed sidera testes
 intendunt oculos. finitum tempus honoris

150

cum fuerit, clara Lateranus luce flagellum
 sumet et occursum numquam trepidabit amici
 iam senis ac virga prior annuet atque maniplos
 solvet et infundet iumentis hordea lassis.

interea, dum lanatas robumque iuvenum

155

more Numae caedit, Iovis ante altaria iurat
 solam Eponam et facies olida ad praesepia pictas.

sed cum pervigiles placet instaurare popinas,

obvius adsiduo Syrophoenix unctus amomo

currit, Idumaeae Syrophoenix incola portae

160

hospitis adfectu dominum regemque salutat,

et cum venali Cyane succincta lagona.

defensor culpa dicet mihi fecimus et nos

141 pro persona crimen admissum culpatur. Salustius [*Cat.* 51]
 'qui magno imperio praediti'.

145 si operis caput vadens ad
 turpia loca. cucullo de birro Gallico scilicet. nam apud Santonas
 oppidum Galliae conficiuntur.

147 luxuriosus quidam.

148 sufflamen vinculum ferreum quod inter radios mittitur, dum
 clivum descendere coeperit raeda, ne celerius rotae sequantur et ani-
 malia vexent.

150 cum ei fuerit successum in consulatu.

154 manus faeni. avenae nam solet fessis animalibus infundi hor-
 deum.

155 robumque i. robustum. rufum. unde Hercules robus
 dictus est.

157 quia mulio est qui consul fertur. Epona dea
 mulionum est.

159 unguento olens.

160 id est occurrit
 Damasippo tabernarius qui prope portam manet, tabernam volenti
 intrare.

162 nomen tabernariae. pro qualibet. scortum.

142 signa ** bellas *P* 148 sufflamine mulio *S* ad 157 *florilegium*
S. Galli grammaticus GLK. VI p. 231: multo sufflamine P (immo p) W

152 nusquam ζ 155 robum *S florilegium: torvum pW erasum*
in P 159 adsiduu***rophoenix *P* udus *pW* 160 *damnarat*

Iahnius idimeae *P* 162 cyanis *P* 163 dicet *pW: dic*t P*
 dicat *Iahnius*

haec iuvenes'. esto, desisti nempe nec ultra
 fovisti errorem. breve sit, quod turpiter audes; 165
 quaedam cum prima resecentur crimina barba.
 indulge veniam pueris: Lateranus ad illos
 thermarum calices inscriptaque lintea vadit
 maturus bello Armeniae Syriaeque tuendis
 amnibus et Rheno atque Histro. praestare Neronem 170
 securum valet haec aetas. mitte Ostia, Caesar,
 mitte, sed in magna legatum quaere popina;
 invenies aliquo cum percussore iacentem,
 permixtum nautis et furibus ac fugitivis,
 inter carnifices et fabros sandapilarum 175
 et resupinati cessantia tympana galli.
 aequa ibi libertas, communia pocula, lectus
 non alius cuiquam, nec mensa remotior ulli.
 quid facias talem sortitus, Pontice, servum?
 nempe in Lucanos aut Tusca ergastula mittas. 180
 at vos, Troiugenae, vobis ignoscitis, et quae
 turpia cerdoni, Volesos Brutumque decebunt.
 quid, si numquam adeo foedis adeoque pudendis
 utimur exemplis, ut non peiora supersint?
 consumptis opibus vocem, Damasippe, locasti 185
 sipario, clamosum ageres ut Phasma Catulli.

166 in prima aetate defini. 167 Lateranus ad illos. sive
 Damasippus. 168 hoc est pictis velis popinae succedit. aut
 linteis capsariciis tergiat. 170 Armeniam Tigris proluit, Eu-
 phrates Parthos, Hister Sarmatas et Ponto influit, Rhenus inter Ala-
 manniam et Gallos Oceano influit. 172 *παρὰ προσδοκίαν*
 pro castris. 175 ubi nobilis inter sceleratos potat. si san-
 daliorum, sutores ac per hoc abiectae sortis homines. si Sardana-
 pallos, infamis hominis nomen est. si sandapilarum, capulorum in
 quibus gladiatores mortui de amphitheatro eiciuntur. 176 ebrii.
 turpia patientis. 179 qualis est Damasippus scilicet. 182
 populari. passivo. graece dixit turpem vulgarem lucri cupidum.

id est si pauper adulterium committit, crimen admisisse dici-
 tur; si dives, iocōsus dicitur. 183 id est quidquid imitati fue-
 rimus, peius superest. 186 velum sub quo latent paradoxi
 cum in scaenam prodeunt, aut ostium mimi, aut quod appellant
 comicum. nomen est mimographi, et phasma nomen est fa-
 bulae.

165 errorem *P* 168 scriptaque *P* 175 sandaliorum *et* sar-
 danapalum *S* 182 volsos rut*umque *P* 183 quod *P*

Laureolum velox etiam bene Lentulus egit,
iudice me dignus vera cruce. nec tamen ipsi
ignoscas populo; populi frons durior huius,
qui sedet et spectat triscurria patriciorum, 190
planipedes audit Fabios, ridere potest qui
Mamercorum alapas. quanti sua funera vendant,
quid refert? vendunt nullo cogente Nerone,
nec dubitant celsi praetoris vendere ludis.
finge tamen gladios inde atque hinc pulpita poni, 195
quid satius? mortem sic quisquam exhorruit, ut sit
zelotypus Thymeles, stupidi collega Corinthi?
res haud mira tamen citharoedo principe mimus
nobilis. haec ultra quid erit, nisi ludus? et illic
dedecus urbis habes, nec murmillonis in armis 200
nec clipeo Gracchum pugnantem aut falce supina —
damnat enim tales habitus, sed damnat et odit,
nec galea faciem abscondit — movet ecce tridentem,
postquam vibrata pendentia retia dextra
nequiquam effudit, nudum ad spectacula vultum 205
erigit, et tota fugit agnoscendus harena.
credamus, tunicae de faucibus aurea cum se

187 hoc ideo quia in ipso mimo Laureolo figitur crux. unde
vera cruce dignus est Lentulus, qui tanto detestabilior est, quanto
melius gestum imitatus est scaenicum. hic Lentulus nobilis fuit et
suscepit servi personam in agendo mimo, et deprehensus in falso
cruci fixus est. 190 trisc. dictum quia tris simul exeant quam-
vis aliud quaerentes. 191 planipedes. nobiles neaniscologus.
194 ignobilioris quam ipsi sunt. 196 non debet aliquis mortem
sic horrere, ut non in arena se locet, sed ut mimum agat.
198 non est turpe nobilem mimum agere, cum ipse imperator
citharoedus sit et in scaena cantaverit. 199 nisi ut gladiatores
sint nobiles. 200 mirmillo armaturae Gallicae nomen ex pisce
inditum, cuius imago in galea fingitur. 201 per falcem supinam
armatura Thracum intellegenda est, quibus proprium telum sica est.

203 indicatur armatura Gracchi spernentis armaturam secutoris.

207 credamus tunicae. de funiculis. de faucibus. quidam
vestem gladiatoriam dicunt quam fibula pugnaturis mordet a fauci-
bus. alii, qua Salii utuntur in sacris in modum organi utrimque

187 etiam *pW Priscianus*: iam *P* 194 *delebat Rupertius*
Celsi *§* 197 *stupidis P rasa s* 198 *aut P* 202 *sed — abscon-*
dit delebat Hermannus 203 *stridenti P* 204 *bibrata P* 205
effundit P 207 *aurea ad tunicae referunt alii*

porrigat et longo iactetur spira galero.

ergo ignominiam graviorem pertulit omni

vulnere cum Graccho iussus pugnare secutor.

210

libera si dentur populo suffragia, quis tam

perditus, ut dubitet Senecam praeferre Neroni,

cuius supplicio non debuit una parari

simia nec serpens unus nec culleus unus?

par Agamemnonidae crimen, sed causa facit rem

215

dissimilem. quippe ille deis auctoribus ultor

patris erat caesi media inter pocula, sed nec

Electrae iugulo se polluit aut Spartani

sanguine coniugii, nullis aconita propinquis

miscuit, in scaena numquam cantavit Orestes,

220

Troica non scripsit. quid enim Verginius armis

debuit ulcisci magis aut cum Vindice Galba,

quod Nero tam saeva crudaque tyrannide fecit?

haec opera atque hae sunt generosi principis artes,

gaudentis foedo peregrina ad pulpita cantu

225

prostitui Graiaequae apium meruisse coronae.

maiorum effigies habeant insignia vocis,

ante pedes Domiti longum tu pone Thyestae

syrma vel Antigoniae personam vel Melanippae,

decrecentibus virgulis purpureis. studium habebant qui munera edebant, ut extremas partes tunicae ad guttur ornarent, quo famam haberent. 208 pilleo quem habent retiarii. galerus est umero inpositus gladiatoris. huiusmodi aliquid, quo citius sparsum funem vel iactatam retiam colligat. 213 hoc ideo quia parricidis in culleo clausis ad poenam simia et serpentes iungi solebant. a Nerone autem mater occisa est et amita et uxor et Antonia Claudii filia, quae illi pro harum morte nubere noluit. 217 apertius dixit quia et matrem et uxorem Octaviam eandemque sororem adoptivam et Britannicum fratrem adoptivum filium Claudii peremit. 218 Helenae vel Hermionae. 221 hoc ideo quia Nero Troados libros scripsit. unde et maxime insanivit, quia poeta fuit. Virgilius a. unus de coniuratis, qui Neronem occiderunt. 226 quia apud Isthmios agones victores apio coronantur. nam Nero Isthmiaco certamine inter citharoedos certabat et apio, uti mos erat, coronatus est. 229 in his nam personis Nero saltavit. Menalippus est qui Tydeum occidit.

208 iactetur *** spira P

212 perferre P

221 virgilius P

223 quod *Peyraredius* et *Madvicius*: quid PCW

tyrannice P

225 fin. vel saltu p

226 grataequae P

229 antigoniae personam

menalippi P antigoniae p. menalippes p antigones tu personam mena-

et de marmoreo citharam suspende colosso. 230
 quid, Catilina, tuis natalibus atque Cethegi
 inveniet quisquam sublimius? arma tamen vos
 nocturna et flammās domibus templisque paratis,
 ut braccatorum pueri Senonumque minores,
 ausi quod liceat tunica punire molesta. 235
 sed vigilat consul vexillaque vestra coercet;
 hic novus Arpinas, ignobilis et modo Romae
 municipalis eques, galeatum ponit ubique
 praesidium attonitis et in omni monte laborat.
 tantum igitur muros intra toga contulit illi 240
 nominis ac tituli, quantum non Leucade, quantum
 Thessaliae campis Octavius abstulit udo
 caedibus adsiduus gladio, sed Roma parentem,
 Roma patrem patriae Ciceronem libera dixit.
 Arpinas alius Volscorum in monte solebat 245
 poscere mercedes alieno lassus aratro,
 nodosam post haec frangebatur vertice vitem,
 si lentus pigra muniret castra dolabra;
 hic tamen et Cimbros et summa pericula rerum
 excipit et solus trepidantem protegit urbem. 250
 atque ideo, postquam ad Cimbros stragemque volabant

231 exempla omnia colligit, quibus nobiles nihil virtutis fe-
 cerunt. 234 Allobrogae Galli sunt. ideo autem dicti Allo-
 brogae, quoniam 'brogae' Galli agrum dicunt, 'alla' autem aliud.
 dicti autem Allobroges, quia ex alio loco fuerant translati.
 235 vestis ex charta facta pice inlita, in qua ignibus ad poenam
 addicti ardere solent. 239 et in omni monte l. quia in
 montibus condita est Roma. legitur et ponte l. propter Mulvium
 ubi Catilinae coniurati et Allobroges deprehensi sunt. 241 in
 Leucade q. propter Antonium et Cleopatram, quia bello navali
 sub Leucade promontorio Epiri devicti sunt ab Augusto. 242
 ibi nam ab Augusto victi sunt Brutus et Cassius, ut Pompeius a
 Caesare. 244 non per adulationem, ut Augustum. hoc nam
 differt ab Augusto Cicero, quia alter armatus, alter pacatus defen-
 derit libertatem et civitatem. ut Lucanus [7, 62] 'Romani maximus
 auctor Tullius eloquii cuius sub iure togaq.'. 247 a cen-
 turione vapulando suo vertice frangi patiebatur Marius vitem, cum
 militat. 251 corvis avibus fuit miraculum ire ad maiorum

lippes ω. seu *Iahnus* aut *Hermannus* ante personam, *ego* vel *post* p.
addidi 233 parastis ω 239 attoniti sed *P* monte et ponte *S*
erasum in *P* gente *pω* 241 non *pω*: in *P*

qui numquam attigerant maiora cadavera corvi,
 nobilis ornatur lauru collega secunda.
 plebeiae Deciorum animae, plebeia fuerunt
 nomina; pro totis legionibus hi tamen et pro 255
 omnibus auxiliis atque omni pube Latina
 sufficiunt dis infernis Terraeque parenti;
 pluris enim Decii, quam quae servantur ab illis.
 ancilla natus trabeam et diadema Quirini
 et fasces meruit, regum ultimus ille bonorum. 260
 prodita laxabant portarum claustra tyrannis
 exulibus iuvenes ipsius consulis et quos
 magnum aliquid dubia pro libertate deceret,
 quod miraretur cum Coclite Mucius et quae
 imperii fines Tiberinum virgo natavit: 265
 occulta ad patres produxit crimina servus
 matronis lugendus; at illos verbera iustis

cadaverum praedam, quia grandi statura sunt Galli. Virgilius [*Aen.* 8, 662] 'scutis protecti corpora longis'. 253 secundo lauro

dixit, quia secundo loco triumphavit post collegam suum.

254 Decii pater et filius somnio moniti pro incolumitate populi Romani se devoverunt, alter bello Latino, alter bello Gallico. nam pater cum esset collega Luci Manlii Torquati, essentque somnio admoniti eam partem victricem fore cuius dux in proelio ceciderit, tum Decius calcaribus equo incitato in medios hostes irruit ibique pugnans interfectus est. cuius cum corpus milites liberare contenderent, cum plena sunt reversi victoria. hoc exemplo patris pro bello Samnitico et Tusco ab hostibus est filius interemptus. de quibus et Virgilius [*Aen.* 6, 825] 'quin Decios Brutosque'. 259

Ocrisia Corniculana captiva. Servius Tullius. sextus a Romulo.

262 ipsius Bruti filii, qui a patre securi percussi sunt, portas aperiebant ut Tarquinius Superbus intraret. 264 Horatius Cocles cum fessos milites suos ab Etruscis videret, pontem Sublicium subduci iussit, ne protinus hostes ad urbem irent, et ipse solus interim exercitum Porsennae sustinuit, dehinc armatus Tiberim transnavavit ad suos. 265 Cloelia virgo. haec inter obsides data Porsennae

a Romanis simulans ritu patrio velle se in ripa Tiberis cum ceteris virginibus sacra facere, ablegatis custodibus transnavavit, et per legatos a Porsenna recepta in tanto honore habita est, ut cum ceteris obsidibus in patriam remitteretur. huius causa et statuam equestrem meruit inauratam. 267 Vindicius servus qui indicavit filios Bruti

253 lauro *pW* cf. VI 79
rasis issi 266 occult* *P*

259 trabea *P*
 267 ad *P*

260 altissimus *P*

adficiunt poenis et legum prima securis.

malo pater tibi sit Thersites, dummodo tu sis
 Aeacidæ similis Vulcanique arma capessas,
 quam te Thersitæ similem producat Achilles.
 et tamen, ut longe repetas longeque revolvās
 nomen, ab infami gentem deducis asylo;
 maiorum primus, quisquis fuit ille, tuorum
 aut pastor fuit aut illud quod dicere nolo.

270

275

SATVRA IX

Scire velim, quare totiens mihi, Naevole, tristis
 occurras fronte obducta ceu Marsya victus.
 quid tibi cum vultu, qualem depensus habebat
 Ravola, dum Rhodopes uda terit inguina barba?
 nos colaphum incutimus lambenti crustula servo.
 non erit hac facie miserabilior Crepereius
 Pollio, qui triplicem usuram præstare paratus
 circumit et fatuos non invenit. unde repente
 tot rugæ? certe modico contentus agebas
 vernam equitem, conviva ioco mordente facetus
 et salibus vehemens intra pomeria natis.

5

10

Tarquinio portas velle reserare. quos pater securi feriit, servum
 autem ut conservatorem patriæ manu misit et ut delatorem domi-
 norum cruci adfixit. quod factum matronæ planxerunt. 273
 Romulus ut augeret populum Romanum, secutus Atheniensium morem
 asylum in luco constituit. 275 servus aut infamis vel latro.
 fertur nam latronum aut perditorum collegisse populum.

IX querela de rege impudico. 1 in hac satura Naevulus
 philopygista queritur, quod divites cinaedi avarissimi sint, et nihil
 de obsequio libidinis possit adquirere. 2 Marsia victus. aut
 propriæ a deo, quem Apollo vicit. aut advocatus temporis illius.
 4 Rabula. a facto etymologiam nominis sumpsit poeta. 5 servus,
 inquit, colapho percutitur a nobis, si placentam linguat; Rabula
 autem cum lambeat inguina feminarum, impunitus incedit. cru-
 stula. species operis pistorii. Lucilius 'gustavi crustula solus'.
 8 qui ei scilicet pecunias credant non soluturo. 11 id est
 urbanus. pomeria loca appellantur, quæ intra muros sunt. hoc
 est pone muros.

269 thersites P 270 vulcanique pω]
 IX 5 delebat Guietus 6 erat ω

omnia nunc contra: vultus gravis, horrida siccae
 silva comae, nullus tota nitor in cute, qualem
 Bruttia praestabat calidi tibi fascia visci,
 sed fruticante pilo neglecta et squalida crura. 15
 quid macies aegri veteris, quem tempore longo
 torret quarta dies olimque domestica febris?
 deprendas animi tormenta latentis in aegro
 corpore, deprendas et gaudia; sumit utrumque
 inde habitum facies. igitur flexisse videris 20
 propositum et vitae contrarius ire priori.
 nuper enim, ut repeto, fanum Isidis et Ganymedem
 Pacis et advectae secreta Palatia matris
 et Cererem — nam quo non prostat femina templo? —
 notior Aufidio moechus scelerare solebas, 25
 quodque taces, ipsos etiam inclinare maritos.
 'utile et hoc multis vitae genus, at mihi nullum
 inde operae pretium. pingues aliquando lacernas,
 munimenta togae, duri crassique coloris
 et male percussas textoris pectine Galli 30
 accipimus, tenue argentum venaque secundae.
 fata regunt homines, fatum est et partibus illis,
 quas sinus abscondit. nam si tibi sidera cessant,
 nil faciet longi mensura incognita nervi,
 quamvis te nudum spumanti Virro labello 35
 viderit et blandae adsiduae densaeque tabellae
 sollicitent, αὐτὸς γὰρ ἐφέλκεται ἄνδρα κίναιδος.

14 fascia visci. psilothrum significat, dropacem quo solebat se
 accurare. 16 id est ita macer et decolor tamquam quartana-
 rius. 19 id est et laetitiae et aerumnarum. 22 statuae
 ad quas conveniebant cinaedi. 23 matris deum mysteria, cuius
 templum in Palatio est. 26 quodque t. quamquam non con-
 fiteris. 27 hoc autem Naevuli ex persona poeta refert, qui
 divites inclinans viros tam modica consequatur. 28 in alio
 pingues, ut ostendat grossas ac per hoc pluviales. 29 Veneti, ut
 albedine Cadurci. 31 modicum. aut leve, aerosum. 35 quam-
 vis, inquit, ille dives cinaedus penem tuum conspexerit et cupidi-
 tate blandis te epistolis et diptychis sollicitet, nihil tamen accipies
 nisi stellas in genesi bene positas habueris quae tibi hoc praestent.

14 brustia *P* tibi ζ *Salmasius*: circum *P* praestabat calidi
 circumlita fascia visci ω 15 fructificante *P* cruro *P* 25 cele-
 brare ω 26 quod (quid *p*) taceo atque *p\omega* erasa in *P* 27 ad
P nullo *P* 31 tenuem *P* 36 assidue ω 37 ἐφέλκεται
 ANA ΓΑCINAIΔOC *P*

quod tamen ulterius monstrum, quam mollis avarus?
 "haec tribui, deinde illa dedi, mox plura tulisti"
 computat et cevet. ponatur calculus, adsint 40
 cum tabula pueri; numera sestertia quinque
 omnibus in rebus, numerentur deinde labores.
 an facile et pronum est agere intra viscera penem
 legitimum atque illic hesternae occurrere cenae?
 servus erit minus ille miser, qui foderit agrum, 45
 quam dominum; sed tu sane tenerum et puerum te
 et pulchrum et dignum cyatho caeloque putabas.
 vos humili adseculae, vos indulgebitis umquam
 cultori, iam nec morbo donare parati?
 en cui tu viridem umbellam, cui sucina mittas 50
 grandia, natalis quotiens redit aut madidum ver
 incipit et strata positus longaue cathedra
 munera femineis tractat secreta kalendis.
 dic, passer, cui tot montis, tot praedia servas
 Apula, tot milvos intra tua pascua lassos? 55
 te Trifolinus ager secundis vitibus implet
 suspectumque iugum Cumis et Gaurus inanis,
 nam quis plura linit victuro dolia musto?
 quantum erat exhausti lumbos donare clientis
 iugeribus paucis? meliusne hic rusticus infans 60
 cum matre et casulis et conlusore catello

38 Virgilius [*Aen.* 3, 214] 'tristius haut illis monstrum nec saevior ulla'. 39 haec tribui d. in alio tulisti. verba divitis.
 40 cevet. crisat. 47 hoc est Ganymedi te comparas. 49 id
 est tenui clienti quemadmodum tu donabis, qui libidini tuae conferre dubitas? 50 gemmata dextrocheria. 51 Matronalibus scilicet. quae sunt kalendis Aprilibus quibus est natalis Veneris.
 52 cervicalibus stratis. scamnum dicit. 53 kalendis Martiis in quibus Iunonis sacra celebrantur a Romanis. et quia tunc Ilia compressa est a Marte. tunc nam Matronalia sunt. 55 vult ostendere magnitudinem possessionum poeta quam latae sint agris, quoniam nec milui transvolare eas possunt. 57 aut super exhausto. aut transacto vindemiarum tempore. aut quia vaporiferos specus habet. aut melius est sic intellegere, qui ab omni arbore expoliatus est et solis vinetis vacat. 58 multum duraturo.
 61 catello. ut solent infantes delectare.

38 quid *florilegium S. Galli* 40 cum putat *P* et ζ : atque
 cavet *p\omega* *erasum* in *P* ac *Iahnus* cauculus *P* 41 numeras *P*
 48 49 *delebat Ribbeckius* 50 in cultu *P* 53 tractat *P Servius*:
 tractas *p\zeta* 55 lassas *Haaptius* 61 casulis *p\omega*: catulis *P*

cymbala pulsantis legatum fiet amici?
 "inprobus es, cum poscis" ait. sed pensio clamat
 "posce", sed appellat puer unicus ut Polyphemi
 lata acies, per quam sollers evasit Vlixes; 65
 alter emendus erit, namque hic non sufficit, ambo
 pascendi. quid agam bruma spirante? quid, oro,
 quid dicam scapulis puerorum aquilone Decembri
 et pedibus? "durate atque expectate cicadas"?
 verum, ut dissimules, ut mittas cetera, quanto 70
 metiris pretio, quod ni tibi deditus essem
 devotusque cliens, uxor tua virgo maneret?
 scis certe, quibus ista modis, quam saepe rogaris
 et quae pollicitus. fugientem saepe puellam
 amplexu rapui; tabulas quoque ruperat et iam 75
 signabat, tota vix hoc ego nocte redemi
 te plorante foris; testis mihi lectulus et tu,
 ad quem pervenit lecti sonus et dominae vox.
 instabile ac dirimi coeptum et iam paene solutum
 coniugium in multis domibus servavit adulter. 80
 quo te circumagas? quae prima aut ultima ponas?
 nullum ergo meritum est, ingratis ac perfide, nullum,
 quod tibi filiolus vel filia nascitur ex me?
 tollis enim et libris actorum spargere gaudes
 argumenta viri. foribus suspende coronas: 85
 iam pater es, dedimus quod famae opponere possis,
 iura parentis habes, propter me scriberis heres,
 legatum omne capis, nec non et dulce caducum.
 commoda praeterea iungentur multa caducis,
 si numerum, si tres implevero.' iusta doloris, 90

62 archigalli. Gallo, inquit, legatario donabitur. 63 tribu-
 tum. aut quo in conducto maneat. 67 cum petunt calciarium,
 quid dicam? 74 id est volentem recedere de domo tua.
 75 dotaless tabulas frangentem et repudium volentem tibi dare sae-
 pius revocavi. 78 in coitu non tacentis, quod virgo erat, ut sit
 mariti maior infamia. 79 infirmum. erit exclamatio. 81 quo
 te veritas? ad haec quae dicturus es? 84 propter professionem
 scilicet, qua apud aerarium patres natorum deferebantur filiorum.
 87 haec omnia poeta ad ius civile rettulit. 89 nam et a tu-
 tela excusant liberi et in fascibus sumendis prior est qui praestat
 numero filiorum.

63 est *P* poscis *P*: poscit *p* 79 80 *delebat Pinzger*
 82 *fin.* nullum *om.* *P add. p* 84 titulis actorum *Servius georg. II 502*

Naevole, causa tui; contra tamen ille quid adfert?

'neglegit atque alium bipedem sibi quaerit asellum.

haec soli commissa tibi celare memento,

et tacitus nostras intra te fige querellas.

nam res mortifera est inimicus pumice levis;

95

qui modo secretum commiserat, ardet et odit,

tamquam prodiderim, quidquid scio. sumere ferrum,

fuste aperire caput, candelam adponere valvis

non dubitat. nec contempnas aut despicias, quod

his opibus numquam cara est annona veneni.

100

ergo occulta teges, ut curia Martis Athenis.'

o Corydon, Corydon, secretum divitis ullum

esse putas? servi ut taceant, iumenta loquentur

et canis et postes et marmora. claude fenestras,

105

vela tegant rimas, iunge ostia, tollite lumen,

e medio fac eant omnes, prope nemo recumbat:

quod tamen ad cantum galli facit ille secundi,

proximus ante diem caupo sciet, audiet et quae

finxerunt pariter libarius archimagiri

carptores. quod enim dubitant componere crimen

110

in dominos, quotiens rumoribus ulciscuntur

baltea? nec derit, qui te per compita quaerat

nolentem et miseram vinosus inebriet aurem.

illos ergo roges, quidquid paulo ante petebas

a nobis, taceant illi. sed prodere malunt

115

arcanum, quam subrepti potare Falerni,

pro populo faciens quantum Saufeia bibebat.

vivendum recte est, cum propter plurima, tunc est

95 periculosus est cinaedus iratus aut offensus. 99 id

est non tibi despectae sint quas habet cinaedus iras. 100 id

est quamvis cara annona veneni sit, tamen dat quanticumque dis-

trahatur. 101 quia in Ariopago primus accusatus est Mars a

Neptuno eo quod filium eius Halirrothion peremisset. 102 o

stulte. 110 infertores qui inlata carpunt. 111 servi loris

caesi confingunt plura cum rumoribus malis quasi verberant et ita

se putant vindicari, si crimina in dominos dicant. 117 sacri-

ficans virgo Vestae. Virgil. [ecl. 3, 77] 'cum faciam vitula pro

frugibus'.

97 ferrum om. P add. p 99 quod om. P add. p 100 cara...

P: careas pω 103 loquantur P 104 canes P 106 face eant

Hauptius: taceant P clament ω 109 libarius O. Hirschfeldius: libra-

rius Pω 116 portare P rasa r 117 vivebat P 118 tunc est

P: tunc (vel tum) his pω tunc et Lachmannus tum vel Iahnus

idcirco ut possis linguam contemnere servi,
 praecipue causis ut linguas mancipiorum 120
 contemnas. nec lingua mali pars pessima servi;
 deterior tamen hic, qui liber non erit illis,
 quorum animas et farre suo custodit et aere.

‘utile consilium modo, sed commune, dedisti.
 nunc mihi quid suades post damnum temporis et spes 125
 deceptas? festinat enim decurrere velox
 flosculus angustae miseraeque brevissima vitae
 portio; dum bibimus, dumserta unguenta puellas
 poscimus, obrepat non intellecta senectus.’

ne trepida, numquam pathicus tibi derit amicus 130
 stantibus et salvis his collibus. undique ad illos
 convenient et carpentis et navibus omnes,
 qui digito scalpunt uno caput. altera maior
 spes superest. tu tantum erucis inprime dentem.

‘haec exempla para felicibus. at mea Clotho 135
 et Lachesis gaudent, si pascitur inguine venter.
 o parvi nostrique Lares, quos ture minuto
 aut farre et tenui soleo exorare corona,
 quando ego figam aliquid, quo sit mihi tuta senectus
 a tegete et baculo? viginti milia faenus 140

126 id est iuventus decurrere et senectus properare. Virgil.
 [Aen. 10, 467] ‘breve et inreparabile tempus omnibus est vitae’.

131 id est septem montibus supra quos posita Roma est,
 Palatino Tarpeio Viminali Aventino Esquilino Caelio Vaticano.

133 altera maior. cinaedi cum muliebri more componunt caput.

134 spes s. multos inberbes habes tibi crescentes. tu
 tantum erucis. dicitur haec herba ad coitum inflammare et vires
 dare. 136 usque adeo infelix sum, ut vix industria inguinis ad
 victum sufficiat. 137 tus minutum manna vocant. 138

tenui corona exorare, id est coronatos floribus precari. 139 con-
 stituam, componam, habeam. aut certe quia in ceris vota figuntur
 apud templa. 140 a mendicitate. deest ‘ut sint’.

119 post 123 posuerunt ω, 120—123 damnarat Iahnus

120 id est διὰ τῶν ὑποκειμένων τὰ κατηγορούμενα διαλῶσαι. cave
 sis Lachmannus 121 nam lingua pω 122 illos P 128 vi-
 vimus P 134 inprima dente P post 134 gratus eris, tu tantum
 faucis inprime dentem P del. p. hunc versum (erucis) superioribus ad-
 dendum censuit Vahlenus, 133 s. in alio exemplari fuisse alter amator
 gratus erit ego conieceram. S vide ne plura habuerit maior spes super-
 est, [tota inberbes Roma tibi crescunt,] gratus eris: tu tantum
 139 fiam P

pigneribus positis, argenti vascula puri,
 sed quae Fabricius censor notet, et duo fortes
 de grege Moesorum, qui me cervice locata
 securum iubeant clamoso insistere circo;
 sit mihi praeterea curvus caelator, et alter 145
 qui multas facies pingit cito; sufficiunt haec.
 quando ego pauper ero? votum miserabile, nec spes
 his saltem; nam cum pro me Fortuna rogatur,
 adfixit ceras illa de nave petitas,
 quae Siculos cantus effugit remige surdo.' 150

IVVENALIS

S A T V R A R V M

LIBER QVARTVS

SATVRA X

Omnibus in terris, quae sunt a Gadibus usque
 Auroram et Gangen, pauci dinoscere possunt
 vera bona atque illis multum diversa, remota
 erroris nebula. quid enim ratione timemus
 aut cupimus? quid tam dextro pede concipis, ut te 5
 conatus non paeniteat votique peracti?

142 plus sibi decem libris argenti petit. Fabricius censor colle-
 gam suum notavit in senatu, quia supra decem libras argenti unam
 folam invenit. antea enim non licebat senatori plus habere.

143 nunc lecticarios ait. quorum laturas locem. alii, ut ipse ferar
 in lectica et securus circenses expectem.

146 qui multa f. id
 est opifices servi argentarii, laboriosi anaglypharii plastae. arche-
 typus.

147 non dico dives, set pauper, inquit, quando ero?
 nam modo nec pauper sum. ut Terentius [*haut.* 228] 'nam mihi
 nihil esse religio est dicere'.

149 ad auriculas. id est surda est.

150 Vlixis, ut periculum Sirenarum posset evadere.

X de votis contrariis. 1 *τρόπος συνεκδοχή*. a parte
 totum. nam cum occidentem significat aut orientem poeta, locum
 posuit breviter complexus orbem. nam Gades sunt in Atlantico mari
 Hispaniae proximae, ubi se angustissimo divortio inter columnas
 Herculis in mediterraneos sinus Oceanus infundit.

143 mosorum *P* locata *pω*: locatam *P* locatum *Heinrichius*
 146 multa *P* 148 togatur *P* 150 et fugit *P*

evertere domos totas optantibus ipsis
 di faciles. nocitura toga, nocitura petuntur
 militia; torrens dicendi copia multis
 et sua mortifera est facundia, viribus ille 10
 confisus periit admirandisque lacertis.
 sed plures nimia congesta pecunia cura
 strangulat et cuncta exuperans patrimonium census,
 quanto delphinis ballaena Britannica maior.
 temporibus diris igitur iussuque Neronis 15
 Longinum et magnos Senecae praedivitis hortos
 clausit et egregias Lateranorum obsidet aedes
 tota cohors: rarus venit in cenacula miles.
 pauca licet portes argenti vascula puri,
 nocte iter ingressus gladium contumque timebis 20
 et motae ad lunam trepidabis harundinis umbram:
 cantabit vacuus coram latrone viator.
 prima fere vota et cunctis notissima templis
 divitiae, crescant ut opes, ut maxima toto
 nostra sit arca foro. sed nulla aconita bibuntur 25
 fictilibus: tunc illa time, cum pocula sumes
 gemmata et lato Setinum ardebit in auro.
 iamne igitur laudas, quod de sapientibus alter
 ridebat, quotiens de limine moverat unum
 protuleratque pedem, flebat contrarius auctor? 30
 sed facilis cuivis rigidi censura cachinni:
 mirandum est, unde ille oculis suffecerit umor.

9 abundans eloquentia aut fluens. 12 ut Milo Crotoniates,
 qui cum arbores manibus scinderet, brachia eius occupata sunt, et
 a lupis consumptus est. 13 strangulat. apoplexin passi mo-
 riuntur. 14 metaphora. in Tiberium et divites. 21 et mota
 ad lunam. ut Virgil. [*Aen.* 2, 755] 'simul ipsa silentia terrent'.
 22 vult generaliter intelligi hoc poeta. figurate in Nerone.
 24 usque ad Cerealem praefectum in foro Traiani arcas habuerunt
 senatores, in quibus argentum aut pecunias tutius deponebant. prop-
 terea et locus ipse in quo erant arcae positae, Opes dictae sunt.
 25 bene poeta, ut ostenderet paupertatem innocuam a crimine
 et divitias malis oppressas, vasa potiora ad demonstrandam diversi-
 tatem posuit. 27 ideo quia vinum splendet in auro.
 29 duo sapientes philosophi Democritus et Heraclitus erant, quorum
 Democritus actus hominum omnes ridebat, Heraclitus vero flebat.

X 7 opstantibus *P rasa s priore* 11 perit *P* 16 prae di-
 vitiis horcos *P* 21 umbras *S* 31 cuius *P*

perpetuo risu pulmonem agitare solebat
 Democritus, quamquam non essent urbibus illis
 praetextae trabeae fascēs lectica tribunal. 35
 quid, si vidisset praetorem curribus altis
 extantem et mediū sublimem pulvere circi
 in tunica Iovis et pictae Sarrana ferentem
 ex umeris aulaea togae magnaeque coronae
 tantum orbem, quanto cervix non sufficit ulla? 40
 quippe tenet sudans hanc publicus, et sibi consul
 ne placeat, curru servus portatur eodem.
 da nunc et volucrem, sceptro quae surgit eburno,
 illinc cornicines, hinc praecedentia longi
 agminis officia et niveos ad frena Quirites, 45
 defossa in loculos quos sportula fecit amicos.
 tunc quoque materiam risus invenit ad omnis
 occursus hominum, cuius prudentia monstrat
 summos posse viros et magna exempla daturus
 vervecum in patria crassoque sub aere nasci. 50
 ridebat curas, nec non et gaudia vulgi,
 interdum et lacrimas, cum Fortunae ipse minaci
 mandaret laqueum mediumque ostenderet unguem.
 ergo supervacua aut quae perniciose petuntur?
 propter quae fas est genua incerare deorum? 55

33 quia ex splene risum dicunt gigni. 34 in civitatibus
 illis non erant praetextae, quarum Tarquinius Priscus usum invenit
 et Romae intulit. 38 mappam mittentem in circo consulem de-
 scribit poeta. nam tunicam Iovis togam palmatam dixit. vestem Tyria
 purpura confectam. hoc est Serrano ut Virg. [g. 2, 506] 'ut gemma
 bibat et Serrano dormiat ostro'. 39 eleganter aulaea, quasi
 latis velis. Cicero [Cat. 2, 22] 'velis amictos, non togis'. 43
 virgam quam consules portant, quia supra aquilast. 45 in can-
 didis togis officium facientes. 46 non amor verus. 47 tunc
 quoque invenit Democritus materiam risus, cum haec quae in urbe
 fiunt, necdum essent reperta. 50 Abderita nam fuit Democritus,
 ubi stulti solent nasci. 52 fortunam contemnere, nihil se habere
 quod ab ea expectaret. quin immo infami digito ei turpiter insul-
 tabat. 54 petuntur. ut Democritus dixit. 55 in signis.
 insignare. vota facere.

35 praetexta et trabeae *P* praetexta trabeae *florilegium S. Galli*
 praetexta et trabeae *p* 37 mediis sublimem *P* medio *p* 46 lo-
 culos *P*: loculis *ω* 47 tum *ζ* 50 verbaecum *P* 54 quae
addidi vel *Doederlinus* ut *Munro*. aut ne *p.* petantur *Lachmannus*
 55 incerate *Madvicus*

quosdam praecipitat subiecta potentia magnae
invidiae, mergit longa atque insignis honorum
pagina. descendunt statuae restemque sequuntur,
ipsas deinde rotas bigarum inpacta securis
caedit et inmeritis franguntur crura caballis, 60
iam strident ignes, iam follibus atque caminis
ardet adoratum populo caput et crepat ingens
Seianus, deinde ex facie toto orbe secunda
fiunt urceoli pelves sartago matellae.
pone domi laurus, duc in Capitolia magnum 65
cretatumque bovem: Seianus ducitur unco
spectandus, gaudent omnes. 'quae labra, quis illi
vultus erat. numquam, si quid mihi credis, amavi
hunc hominem. sed quo cecidit sub crimine? quisnam
delator quibus indicibus, quo teste probavit?' 70
nil horum; verbosa et grandis epistula venit
a Capreis. 'bene habet, nil plus interrogo. sed quid
turba Remi?' sequitur fortunam ut semper et odit
damnatos. idem populus, si Nortia Tusco
favisset, si oppressa foret secura senectus 75

57 aenea pagina quae ante imaginem eorum stans omnes
eorum gradus honorum inscriptos continet, quam nunc dicunt ta-
bulam patronatus. 59 si intacta, nova. si inpacta, percussa ab
eo quod est inpingo. 60 nam poeta equestres statuas et con-
sulares dixit inmerito poenam sustinere, aut ad restem trahi, quod
ait 'sequi', aut caedi et conflari, cum illi quorum fuerunt, propriis
moribus dignam sustinuerunt sententiam. 63 Seianus fuit Tiberio
usque adeo carus amicus, ut nihil esset quod ei a Tiberio petenti
negaretur. et iam de eo cogitavit necando dispositis coniurationis
sociis, ut occiso Tiberio ipse regnaret. cum hoc cognovisset Tiberius,
super eius crimine epistulam ad senatum misit. et sic per consules
damnatus est cum omni progenie sua, usque adeo ut filiam eius
virginem iuberet senatus a carnifice stuprari et sic occidi, ut iure
videatur fuisse occisa. secunda. quia praefectus urbi fuit. secun-
dus a Caesare. 64 sartago m. conchae breves aut vasa turpia.

66 candidum. ut Lucilius 'cretatumque bovem duc ad Capitolia
magna'. 71 multa nam superflua ad populum principes solent
scribere. 72 insula in Campania. ibi nam Nero habitabat. 74
Fortunam vult intelligi poeta, quae apud Nyrtiam civitatem colitur,
unde fuit Seianus. 75 si ut cogitabat Seianus occidere factione

59 intacta S 64 patellae S 67 om. P supplevit p
70 indicibus S 74 norsia p

principis, hac ipsa Seianum diceret hora
 Augustum. iam pridem, ex quo suffragia nulli
 vendimus, effudit curas; nam qui dabat olim
 imperium fâsces legiones omnia, nunc se
 continet atque duas tantum res anxius optat, 80
 panem et circenses. 'perituros audio multos.'
 nil dubium, magna est fornacula. 'pallidulus mi
 Bruttidius meus ad Martis fuit obviu aram;
 quam timeo, victus ne poenas exigit Ajax
 ut male defensus. curramus praecipites et 85
 dum iacet in ripa, calcemus Caesaris hostem.
 sed videant servi, ne quis neget et pavidum in ius
 cervice obstricta dominum trahat.' hi sermones
 tunc de Seiano, secreta haec murmura vulgi.
 visne salutari sicut Seianus, habere 90
 tantundem atque illi summas donare curules,
 illum exercitibus praeponere, tutor haberi
 principis augusta Caprearum in rupe sedentis
 cum grege Chaldaeo? vis certe pila cohortes
 egregios equites et castra domestica; quidni 95
 haec cupias? et qui nolunt occidere quemquam,
 posse volunt. sed quae praeclara et prospera tanti,
 ut rebus laetis par sit mensura malorum?
 huius, qui trahitur, praetextam sumere mavis,
 an Fidenarum Gabiorumque esse potestas 100

Tiberium potuisset favore Fortunae, modo Augustus esset. 77
 hoc est post Augusti monarchiam. ex quo nemo ambit ad populi
 honores. 83 aut patronus aut domnupraedius. 84 Tiberius
 Nero quasi insanus. 87 quoniam dederat servis potestatem, ut
 liceret dominos accusare in quibuslibet criminibus. 91 ut Seia-
 nus. et consules facere. 92 magistrum militum facere.
 93 Tiberius nam Nero eum secessum elegerat. de qua insula Augu-
 stus ἀπαραγόπολιν dixit quod ibi esset otii locus, ut ait Suetonius
 [Aug. 98]. significat et diu et turpiter vixisse in Capreis Ti-
 berium, qui Seianum veluti tutorem habuisset. 95 iuxta ag-
 gerem posuit primus castra Seianus. id est super Diocletianas. quae
 dicta sunt castra praetoria. 99 quid vis, inquit, consul esse
 et praefectus cum periculo, an securus minorem dignitatem admini-
 strare ut sis aedilis vel curator cuiuscumque parvae civitatis? ut
 iuberes tabernariis.

et de mensura ius dicere, vasa minora
 frangere pannosus vacuis aedilis Vlubris?
 ergo quid optandum foret, ignorasse fateris
 Seianum; nam qui nimios optabat honores
 et nimias poscebat opes, numerosa parabat 105
 excelsae turris tabulata, unde altior esset
 casus et impulsae praeceps immane ruinae.
 quid Crassos, quid Pompeios evertit et illum,
 ad sua qui domitos deduxit flagra Quirites?
 summus nempe locus nulla non arte petitus 110
 magnaue numinibus vota exaudita malignis.
 ad generum Cereris sine caede ac vulnere pauci
 descendunt reges et sicca morte tyranni.

eloquium aut famam Demosthenis aut Ciceronis
 incipit optare et totis quinquatribus optat, 115
 quisquis adhuc uno parcam colit asse Minervam,
 quem sequitur custos angustae vernula capsae.
 eloquio sed uterque perit orator, utrumque
 largus et exundans leto dedit ingenii fons.
 ingenio manus est et cervix caesa, nec umquam 120
 sanguine causidici maduerunt róstra pusilli.
 'o fortunatam natam me consule Romam':
 Antoni gladios potuit contemnere, si sic
 omnia dixisset. ridenda poemata malo,
 quam te, conspicuae divina Philippica famae, 125
 voveris a prima quae proxima. saevus et illum
 exitus eripuit, quem mirabantur Athenae
 torrentem et pleni moderantem frena theatri.
 dis ille adversis genitus fatoque sinistro,
 quem pater ardentis massae fuligine lippus 130

102 desertum Italiae oppidum. aut iuxta Romam. 109

Sullam. Cinnam. sive Caesarem. 112 ad inferos. Plutonem dicit.

115 diebus festis quibus Minerva colitur. aut quod intra quinque atria fit, aut atria abundat. nam dies quinque in uno festi.

116 vilioris pretii fictile Minervae signum. 118 ille nam a Philippo, hic ab Antonio occisus est. 120 Ciceronis exitium describit poeta, addit etiam versum. 129 Philippus rex Macedonum cum vicisset Athenienses et parceret civitati, Demosthenem sibi dari ad supplicium petivit. verum cum hoc ageretur, sumpto veneno se interemit. 130 nam filius fabri ferrarii fuit Demosthenes.

112 et sanguine pauci *Servius georg. II 498* 114 ac famam
pW 115 quinqu**** *P* 117 vernulae *P rasa e*

a carbone et forcipibus gladiosque paranti
incude et luteo Vulcano ad rhetora misit.

bellorum exuviae, truncis adfixa tropaeis
lorica et fracta de casside buccula pendens
et curtum temone iugum victaeque triremis 135
aplustre et summo tristis captivus in arcu
humanis maiora bonis creduntur. ad hoc se
Romanus Graiusque et barbarus induperator
erexit, causas discriminis atque laboris
inde habuit; tanto maior famae sitis est quam 140
virtutis. quis enim virtutem amplectitur ipsam,
praemia si tollas? patriam tamen obruit olim
gloria paucorum et laudis titulique cupido
haesuri saxis cinerum custodibus, ad quae
discutienda valent sterilis mala robora fici, 145
quandoquidem data sunt ipsis quoque fata sepulcris.
expende Hannibalem: quot libras in duce summo
invenies? hic est, quem non capit Africa Mauro
percussa oceano Niloque admota tepenti
rursus ad Aethiopum populos aliosque elephantos? 150
additur imperiis Hispania, Pyrenaeum
transilit. opposuit natura Alpemque nivemque:
diducit scopulos et montem rumpit aceto.
iam tenet Italiam, tamen ultra pergere tendit.
'actum' inquit 'nihil est, nisi Poeno milite portas 155
frangimus et media vexillum pono Subura.'
o qualis facies et quali digna tabella,
cum Gaetula ducem portaret belua luscum.
exitus ergo quis est? o gloria, vincitur idem
nempe et in exilium praeceps fugit atque ibi magnus 160

136 tabulatum ad decorandum superficiem navis adpositum.
alii dicunt rostra navis. ornamentum puppis. ἀφλάστα. 143 id
est Caesaris et Pompei et ceterorum. 145 in quibus saxis capri-
ficus nascitur. 150 duo sunt orientis et occidentis. in occa-
sum Garamantici degeneres, in ortum Macrobie praestantes aequi-
tate aetate virtute. qui iunguntur Mauritaniae. 153 nam dicitur
primus Hannibal per Alpem viam fecisse, dum saxa montium in-
gentia igni primum exureret. 158 qui in Alpibus a frigore
oculum perdidit.

134 casside *p erasum in P* 137 hos *P* 144 atque *P*
145 robula *P* 147 quod *P* 150 aliosque *ω Priscianus GLK.*
II p. 217: altosque P 152 inposuit *Priscianus GLK. II p. 328*
156 sibura *P*

mirandusque cliens sedet ad praetoria regis,
 donec Bithyno libeat vigilare tyranno.
 finem animae, quae res humanas miscuit olim,
 non gladii, non saxa dabunt nec tela, sed ille
 Cannarum vindex et tanti sanguinis ultor 165
 anulus. i demens et saevas curre per Alpes,
 ut pueris placeas et declamatio fias.
 unus Pellaeo iuveni non sufficit orbis,
 aestuat infelix angusto limite mundi
 ut Gyari clausus scopulis parvaque Seripho; 170
 cum tamen a figulis munitam intraverit urbem,
 sarcophago contentus erit. mors sola fatetur,
 quantula sint hominum corpuscula. creditur olim
 velificatus Athos et quidquid Graecia mendax
 audet in historia, constratum classibus isdem 175
 suppositumque rotis solidum mare, credimus altos
 defecisse amnes epotaque flumina Medo
 prandente et madidis cantat quae Sostratus alis.

161 post annos sedecim Hannibal Italia pulsus et in Africa
 victus ab Scipione et postea pulsus a civibus fugit ad Antiochum
 Syriae regem. quem male impulsum ad bellum Romanis inferendum
 victus cum regia classe deseruit. inde descendit ad Prusiam Bithyniae
 regem. quo cognito Romani legatum mittunt ad Prusiam Quintum
 Flaminium, ut sibi daretur perducendus ad urbem Romam. quod ne
 fieret, praevenit Hannibal hausto veneno, quod sub anuli gemma
 omni tempore habuerat. 167 deliberativa, Hannibal utrum de
 Alpibus recederet. 170 insulae angustae exulibus aptae.

171 Babylonem significat Persarum civitatem. quam condidit urbem
 Samiramis Nini uxor et coctili latere munivit, quem hodie dicimus
 ordinarium lapidem. in hac igitur urbe Alexander veneno periit. haec
 urbs sexaginta milium circuitu patet et latere cocto circumdata est
 muris quorum latitudo ducentos pedes detinet, altitudo quinquaginta.

174 Xersem dicit Persarum regem, qui Athonem montem
 in Achaia dicitur perforasse et inmisisse terris novum mare, pon-
 tum contabulasse navibus atque ita exercitum in Achaia trans-
 tulisse.

178 Sostratus poeta fuit. hic Xersis regis facta de-
 scripsit. madidis autem ideo quia omnes qui cum sollicitudine
 recitant, necesse est ut alae eis sudent. sic Horatius [s. 1, 9, 11]
 'sudor ad imos manabat talos'.

162 bythinio *P* 166 i *om. P* 170 gyare *P* 175 con-
 structum *P* *rasa c altera* cum stratum *§*

ille tamen qualis rediit Salamine relictâ,
 in corum atque eorum solitus saevire flagellis 180
 barbarus Aeolio numquam hoc in carcere passos,
 ipsum conpedibus qui vinxerat Ennosigaeum —
 mitius id sane, quod non et stigmate dignum
 credidit — huic quisquam vellet servire deorum?
 sed qualis rediit? nempe una nave, cruentis 185
 fluctibus ac tarda per densa cadavera prora.
 has totiens optata exegit gloria poenas.
 'da spatium vitae, multos da, Iuppiter, annos'
 hoc recto vultu, solum hoc et pallidus optas.
 sed quam continuis et quantis longa senectus 190
 plena malis. deformem et taetrum ante omnia vultum
 dissimilemque sui, deformem pro cute pellem
 pendentesque genas et talis aspice rugas,
 quales, umbriferos ubi pandit Thabraca saltus,
 in vetula scalpit iam mater simia bucca. 195
 plurima sunt iuvenum discrimina, pulchrior ille
 hoc atque ille alio, multum hic robustior illo:
 una senum facies. cum voce trementia membra
 et iam leve caput madidique infantia nasi,
 frangendus misero gingiva panis inermi; 200
 usque adeo gravis uxori natisque sibique,
 ut captatori moveat fastidia Cosso.
 non eadem vini atque cibi torpente palato
 gaudia. nam coitus iam longa oblivio, vel si
 coneris, iacet exiguus cum ramice nervus 205
 et quamvis tota palpetur nocte, iacebit.
 anne aliquid sperare potest haec inguinis aegri
 canities? quid quod merito suspecta libido est,

183 ironia. quia non cecidit ne maculam ferret notae secundum ius. 184 quia pontem mari superposuit, finxerunt illi servisse Neptunum, quemadmodum Laumedonti regi Phrygiae.

189 laetus et tristis vitam longam optas. 194 opacas silvas esse in Africa poeta dicit in regione Thabracena, in quibus simiae nascuntur. 199 ita nam senibus umor de naso ut infantibus pendet. 200 quia dentes ruerunt. gingiva panis frangendus est.

204 ut Virgilius [g. 3, 97] 'frigidus in venerem senior'.

208 ut infames dicunt, qui adpetunt feminam cum coire non possint.

180 chorum *P* servire *P* 184 quid? et credidit? *Weberus*
 189 hoc alto recto *P* 194 umbrifero *P* 195 buccis *grammaticus GLK. IV p. 494*
 197 ille *om. P* 199 madidaque *P* 202 captori moveant *P* 205 coneris *pO Priscianus: conversi P*

quae venerem adfectat sine viribus? aspice partis
 nunc damnum alterius. nam quae cantante voluptas, 210
 sit licet eximius, citharoedo sive Seleuco
 et quibus aurata mos est fulgere lacerna?
 quid refert, magni sedeat qua parte theatri,
 qui vix cornicines exaudiet atque tubarum
 concentus? clamore opus est, ut sentiat auris, 215
 quem dicat venisse puer, quot nuntiet horas.
 praeterea minimus gelido iam in corpore sanguis
 febre calet sola, circumscilicet agmine facto
 morborum omne genus, quorum si nomina quaeras,
 promptius expediam, quot amaverit Oppia moechos, 220
 quot Themison aegros autumnus occiderit uno,
 quot Basilus socios, quot circumscripserit Hirrus
 pupillos, quot longa viros exorbeat uno
 Maura die, quot discipulos inclinet Hamillus,
 percurram citius, quot villas possideat nunc, 225
 quo tondente gravis iuveni mihi barba sonabat.
 ille umero, hic lumbis, hic coxa debilis; ambos
 perdidit ille oculos et luscis invidet; huius
 pallida labra cibum accipiunt digitis alienis,
 ipse ad conspectum cenae diducere rictum 230
 suetus hiat tantum ceu pullus hirundinis, ad quem
 ore volat pleno mater ieiuna. sed omni
 membrorum damno maior dementia, quae nec
 nomina servorum nec vultum agnoscit amici,
 cum quo praeterita cenavit nocte, nec illos, 235
 quos genuit, quos eduxit. nam codice saevo
 heredes vetat esse suos, bona tota feruntur

216 dicat v. quia per aetatem nec videt. 217 ut Virgilius
 [*Aen.* 5, 395] 'gelidus tardante senecta sanguis hebet'. 219
 id est omne genus aegritudinis. ut Terentius dicit [*Phorm.* 574]
 'rogas? senectus ipsa morbus est'. 220 Oppia moechos. facilius
 dicam numerum moechorum quos amavit Eppia. 221 archiater
 illius temporis, cui detrahit. 222 Basilus. advocatum illo tem-
 pore praevaticatorem. 225 quot villas habeat ex tonsore hodie
 senator factus. 229 cheragra debilis, qui ab alio cibatur.
 233 ad postremum quod desipes efficiuntur.

211 sitve Seleucus *ω* cf. *A. Pal.* VI 10 216 220—225 quod
 P 217 in *om.* 5 221 uno tutor P (*scholion adiectum ad Hirrus*)
 232 materiae luna P

ad Phialen; tantum artificis valet halitus oris,
 quod steterat multis in carcere fornicis annis.
 ut vigeant sensus animi, ducenda tamen sunt 240
 funera natorum, rogos aspiciendus amatae
 coniugis et fratris plenaque sororibus urnae.
 haec data poena diu viventibus, ut renovata
 semper clade domus multis in luctibus inque
 perpetuo maerore et nigra veste senescant. 245
 rex Pylius, magno si quidquam credis Homero,
 exemplum vitae fuit a cornice secundae.
 felix nimirum, qui tot per saecula mortem
 distulit atque suos iam dextra computat annos,
 quique novum totiens mustum bibit. oro, parumper 250
 attendas, quantum de legibus ipse queratur
 fatorum et nimio de stamine, cum videt acris
 Antilochi barbam ardentem, cum quaerit ab omni
 quisquis adest socius, cur haec in tempora duret,
 quod facinus dignum tam longo admiserit aevo. 255
 haec eadem Peleus, raptum cum luget Achillem,
 atque alius, cui fas Ithacum lugere natantem.
 incolumi Troia Priamus venisset ad umbras
 Assaraci magnis sollemnibus, Hectore funus
 portante ac reliquis fratrum cervicibus inter 260
 Iliadum lacrimas, ut primos edere planctus
 Cassandra inciperet scissaque Polyxena palla,
 si foret exstinctus diverso tempore, quo non
 coeperat audaces Paris aedificare carinas.
 longa dies igitur quid contulit? omnia vidit 265
 eversa et flammis Asiam ferroque cadentem.
 tunc miles tremulus posita tulit arma tiara

238 ad Phialen t. inpuram hanc fuisse demonstrat poeta in
 meritorio et artificem ad inquietandum senis inguinem, quoniam diu
 ex eo prostiterit. 242 urnae vasa in quibus mortuorum ossa

componebantur, postquam corpus arsisset. 246 Nestorem dicit

qui dicitur tertiam usque aetatem vixisse, id est trecentos annos,
 ut dicit Homerus. 253 filium suum ploravit Antilochum, quem

Memnon auxilium patri ferentem occidit in Troia. 257 Laertes
 propter Vlixen. 264 bene audaces, quia Helenam alienam

uxorem ablaturae erant. 267 tiara id est corybantio. ut Virg.

238 orbis *P* rasa b 240 sint *P* 241 funeratorum *P*
 245 senescat *P* 247 fulta a *P* corr. *p* 257 fas sit ithacum *P*
rasa voce ultima 259 magni *P* 261 sedere *P*

et ruit ante aram summi Iovis ut vetulus bos,
 qui domini cultris tenue et miserabile collum
 praebebat, ab ingrato iam fastiditus aratro. 270
 exitus ille utcumque hominis, sed torva canino
 latravit rictu, quae post hunc vixerat uxor.
 festino ad nostros et regem transeo Ponti
 et Croesum, quem vox iusti facunda Solonis
 respicere ad longae iussit spatia ultima vitae. 275
 exilium et carcer Minturnarumque paludes
 et mendicatus victa Carthagine panis
 hinc causas habuere; quid illo cive tulisset
 natura in terris, quid Roma beatius umquam,
 si circumducto captivorum agmine et omni 280

[*Aen.* 2, 509] 'arma diu senior desueta trementibus aevo circum-
 dat nequiquam umeris'. 271 excaecato Polymestore Hecuba

cum saxis impelleretur a populo Thracum, versa in canem fertur.

273 Mithridates cum per quadraginta annos adversus Romanos
 dimicasset, cum Pharnacem filium suum apud ceteros eius fratres
 voluisset occidere, ab omni relictus est exercitu et exhausto veneno
 periit accepto frequenter antidoto, ut perire non posset. postea
 vero Pharnaces successit eius imperio. 274 cum enim inter-

rogatus fuisset Solon a Croeso, si aliquem vidisset tam gloriose
 regnantem, ille dixit debere vitae ultimae eventum expectari. quem
 cum Cyrus captum victor vivum iussisset in rogo inponi, clamare
 coepit Solonem non sibi esse mentitum. 276 cum Sulla

cum Iugurtha in Africa pugnaret, Marius supra ipsum ambiit et
 missus est. illo remoto vicit. postea cum denuo ad Mithridatem
 Sulla mitteretur et profectus esset in Campania, iterum coepit ambire
 supra eum. exinde discordia inter eos nata est, verum cum Sulla
 reverteretur, ob hanc causam Marius fugit et latuit in algis in
 Minturnarum paludibus. qui cum fuisset ibidem agnitus, in carcerem
 missus est. et cum carnifex ad occidendum eum missus esset, visa
 circa eum tanta maiestate vel quod fortuitum esset, relicto gladio
 pavens fugit ac rettulit cognita his, a quibus missus fuerat. illi eum
 dimitti iusserunt. qui cum fuisset dimissus, in Africam abiit, id est
 Carthaginem. ibidem solutis ergastulis Romam venit et omnes Sul-
 lanos occidit et receptus a Cinna tunc consule tenuit urbem, postea
 consul VII fuit, Sulla posito in bello. qui ante adventum Sullae
 fato suo mortuus est. 277 ut Lucanus [2, 69]. et mendi-

catus aucta Carthagine pacis. Carthaginem pro Africa posuit, cuius
 partem Numidiam vicerat Marius sub Iugurtha.

bellorum pompa animam exhalasset opimam,
cum de Teutonico vellet descendere curru?
provida Pompeio dederat Campania febres
optandas, sed multae urbes et publica vota
vicerunt, igitur fortuna ipsius et urbis
servatum victo caput abstulit. hoc cruciatu
Lentulus, hac poena caruit ceciditque Cethegus
integer, et iacuit Catilina cadavere toto.

285

formam optat modico pueris, maiore puellis
murmure, cum Veneris fanum videt, anxia mater
usque ad delicias votorum. 'cur tamen' inquit
'corripas? pulchra gaudet Latona Diana.'

290

sed vetat optari faciem Lucretia, qualem
ipsa habuit; cuperet Rutilae Verginia gibbum
accipere atque suum Rutilae dare. filius autem
corporis egregii miseros trepidosque parentes
semper habet; rara est adeo concordia formae
atque pudicitiae. sanctos licet horrida mores
tradiderit domus ac veteres imitata Sabinos,
praeterea castum ingenium vultumque modesto
sanguine ferventem tribuat natura benigna

295

larga manu — quid enim puero conferre potest plus
custode et cura natura potentior omni? —
non licet esse viro. nam prodiga corruptoris
inprobitas ipsos audet temptare parentes;
tanta in muneribus fiducia. nullus ephebum
deformem saeva castravit in arce tyrannus,
nec praetextatum rapuit Nero loripedem nec

300

305

281 de triumpho Gallico. 283 nam dicitur Pompeius mox
quam suscepit bellum civile contra Caesarem, in Capua vehementer
aegrotasse. et qui non potuit febri emori, servatus est ut a Caesare
occideretur. 287 Lentulus qui proditor fuit, et Cethegus coniur-
ratus Catilinae. laqueo quasi coniurati, non gladio perierunt.
292 Latona Diana. a maiore ad minus. 294 Virginiam Appius
decemvir adamatam clienti quem ob hoc subornaverat, in servitutem
addixerat. propter quod eam pater Virginius interemit. decemviris
imperium abrogatum, Appius in carcere necatus est. 301 fer-
ventem. cito erubescensem. 304 inter viros permanere formo-
sus non potest.

282 te*tonico P 284 publice P 288 catillina P 293
optaris faciem lueret in P 294 virginea P 295 ad quae suum P
suam ω 301 sanguinem P 304 viro Iahnus: viros P viris ω
308 Nero loripedem nec in rasura p. vel ζ

strumosum atque utero pariter gibboque tumentem.
i nunc et iuvenis specie laetare tui, quem 310
maiora expectent discrimina. fiet adulter
publicus, et poenas metuit quascumque mariti
irati debet, nec erit felicius astro
Martis, ut in laqueos numquam incidat. exigit autem
interdum ille dolor plus, quam lex ulla dolori 315
concessit; necat hic ferro, secat ille cruentis
verberibus, quosdam moechos et mugilis intrat.
sed tuus Endymion dilectae fiet adulter
matronae. mox cum dederit Servilia nummos,
fiet et illius, quam non amat, exuet omnem 320
corporis ornatum; quid enim ulla negaverit udis
inguinibus, sive est haec Oppia sive Catulla?
deterior totos habet illic femina mores.
'sed casto quid forma nocet?' quid profuit immo
Hippolyto grave propositum, quid Bellerophonti? 325
crubuit nempe haec ceu fastidita repulso,
nec Stheneboea minus quam Cressa excanduit, et se
concussere ambae. mulier saevissima tunc est,
cum stimulos odio pudor admovet. elige, quidnam
suadendum esse putes, cui nubere Caesaris uxor 330
destinat. optimus hic et formosissimus idem
gentis patriciae rapitur miser extinguendus

314 Martis. qui cum Venere deprehensus est in adulterio.

317 piscis grandi capite, in postremis exilis. qui in podicem
moechorum deprehensorum solebant inmitti. 318 tuus pulcher.

Endymion pastor quem Luna adamavit. 319 Servilia. nomen

cuiusdam mulieris turpissimae. 322 Op. quaelibet nobilis ma-

trona. 323 deterior totos. nihil aliud praeter libidinem spectat.

326 fastidita repulso. Phaedra Minois filia, uxor Thesei no-
verca Hippolyti. 327 Proeti uxor quae amavit Bellerophontem.

330 uxor Claudii Messalina quae Gaio Silio palam nupsit in-
ducto etiam Claudio ut ad tabulas dotales obsignaret, quod quasi
de industria signarentur ad avertendum periculum quod imminere
ipsi per quaedam portenta ostenderetur.

311 expectent *P*: expectant ω 312 metuet ω maritis iratis
Rigaltius mariti ira sibi *Madvicus*. poenas irati quascumque metuit
debet 313 debent ω 322 vatulla *P*. Catulla deterior alii con-

iungunt 323 debebat *Heinrichius* 325 grave positum *P*

326 hac *Hauptius*. non melius hoc repulsa *p\omega* *Hauptius*. tanquam
fastidiose repulsa cum ipsa reppulisset Hippolyti propositum

327 excanduit res se *P* hę se *p*

Messalinae oculis; dudum sedet illa parato
 flammeolo Tyriusque palam genialis in hortis
 sternitur et ritu decies centena dabuntur 335
 antiquo, veniet cum signatoribus auspex.
 haec tu secreta et paucis commissa putabas?
 non nisi legitime vult nubere. quid placeat, dic.
 ni parerè velis, pereundum erit ante lucernas;
 si scelus admittas, dabitur mora parvula, dum res 340
 nota urbi et populo contingat principis aurem.
 dedecus ille domus sciet ultimus; interea tu
 obsequere imperio, si tanti vita dierum
 paucorum. quidquid melius leviusque putaris,
 praebenda est gladio pulchra haec et candida cervix. 345
 nil ergo optabunt homines? si consilium vis,
 permittes ipsis expendere numinibus, quid
 conveniat nobis rebusque sit utile nostris.
 nam pro iucundis aptissima quaeque dabunt di;
 carior est illis homo, quam sibi. nos animorum 350
 impulsu et caeca magnaue cupidine ducti
 coniugium petimus partumque uxoris, at illis
 notum, qui pueri qualisque futura sit uxor.
 ut tamen et poscas aliquid voveasque sacellis
 exta et candiduli divina tomacula porci, 355
 orandum est, ut sit mens sana in corpore sano.
 fortem posce animum mortis terrore carentem,
 qui spatium vitae extremum inter munera ponat
 naturae, qui ferre queat quoscumque labores,
 nesciat irasci, cupiat nihil, et potiores 360
 Herculis aerumnas credat saevosque labores
 et venere et cenis et pluma Sardanapalli.

336 auspices, ut solebant nuptiis interesse. 337 clanculo
 celebrari. 342 interea dum ad illum pervenit crimen admissum,
 tu illi vel tibi fac satis. nam sive induleris sive negaveris, tantun-
 dem erit. 346 obiectio cum interrogatione. 350 ipsi non
 petiti bona praestabunt. plus enim nos ipsis cariores sumus quam
 nobis. 355 pingua quaedam viscera. 359 labores. quic-
 quid imperat natura. 361 id est laborum gloriam praeferat
 deliciis. 362 Sardanapallus rex Assyriorum luxuriosus. de quo
 Tullius in tertio de re publica sic ait: 'Sardanapallus ille vitiis
 multo quam nomine ipso deformior'.

334 ortis *P* 338 dic placeat quid *florilegium S. Galli*
 343 sit *P* 344 melius *om. P* levius meliusque *p* 351 ducit *P*.
 359 dolores *Rupertius* 361 savusque *P*

monstro, quod ipse tibi possis dare; semita certe
tranquillae per virtutem patet unica vitae.

nullum numen habes, si sit prudentia, nos te,
nos facimus, Fortuna, deam caeloque locamus.

365

SATVRA XI

Atticus eximie si cenat, lautus habetur:

si Rutilus, demens. quid enim maiore cachinno

excipitur vulgi, quam pauper Apicius? omnes

convictus thermae stationes, omne theatrum

de Rutilo. nam dum valida ac iuvenalia membra

5

sufficiunt galeae, dumque ardet sanguine, fertur

non cogente quidem, sed nec prohibente tribuno

scripturus leges et regia verba lanistae.

multos porro vides, quos saepe elusus ad ipsum

creditor introitum solet expectare macelli,

10

et quibus in solo vivendi causa palato est.

egregius cenat meliusque miserrimus horum

et cito casurus iam perlucente ruina.

interea gustus elementa per omnia quaerunt

numquam animo pretiis opstantibus; interius si

15

attendas, magis illa iuvant, quae pluris ementur.

ergo haud difficile est perituram arcessere summam

lancibus oppositis vel matris imagine fracta,

et quadringentis nummis condire gulosum

365 ne quidem deos, qui sapiat, timebit.

XI de comparatione victus.

1 ad Persicum scribit in eos

qui ultra vires familiaris rei pretiosas epulas comparent ad extruenda
convivia.

2 nunc poeta nomina duo posuit, cum de generali-
tate loquatur. per Atticum vero divitem vult intelligi quemlibet, per
Rutilum autem pauperem.

3 convictus th. s. s. deest: loquun-
tur omnes.

8 id est se auctoraturus aut haec scripturus, quae
iuris et consuetudinis erat ab hisdem scribi, qui accepto pretio se in
ludo distrahebant.

9 id est frequenter delusi ex pollicitatione
redhibitionis ibi eos expectant, ubi res aptae luxuriae distrahuntur.

19 hypallage. nam gulosum dixit pro eo quod gulosus para-

365 abest *p* te in *rasura P*

XI 3 omnis *P* *Prasa* i

4 statione sell* theatru *P* statione solemne

florilegium S. Galli

6 ardet *Guietus*; ardenti *P* ardens *p* *ω* ardent

Barthius

16 emuntur *p* *ω*

fictile; sic veniunt ad miscellanea ludi. 20
 refert ergo, quis haec eadem paret; in Rutilo nam
 luxuria est, in Ventidio laudabile nomen
 sumit et a censu famam trahit. illum ego iure
 despiciam, qui scit, quanto sublimior Atlans
 omnibus in Libya sit montibus, hic tamen idem 25
 ignoret, quantum ferrata distet ab arca
 sacculus. e caelo descendit γνῶθι σεαυτὸν
 figendum et memori tractandum pectore, sive
 coniugium quaeras vel sacri in parte senatus
 esse velis — neque enim lorica poscit Achillis 30
 Thersites, in qua se traducebat Vlixes —
 ancipitem seu tu magno discrimine causam
 protegere adfectas, te consule, dic tibi qui sis,
 orator vehemens an Curtius et Matho buccae.
 noscenda est mensura sui spectandaque rebus 35
 in summis minimisque, etiam cum piscis emetur,
 ne mullum cupias, cum sit tibi gobio tantum
 in loculis. quis enim te deficiente crumina
 et crescente gula manet exitus, aere paterno
 ac rebus mersis in ventrem faenoris atque 40
 argenti gravis et pecorum agrorumque capacem?
 talibus a dominis post cuncta novissimus exit
 anulus, et digito mendicat Pollio nudo.
 non praematuri cineres nec funus acerbum
 luxuriae, sed morte magis metuenda senectus. 45
 hi plerumque gradus: conducta pecunia Romae

tur, fictile autem patinam accipiens vel caccabum gulosis cibis compositum. 20 id est cum non habeant unde manducant, distrahent se ad ludum. miscellanea cibus gladiatorum. id est ultima cena. ideo miscellanea, quia omnia quae apponuntur eis miscent et manducant. 24 id est pauper qui novit quantum distet a divite et tamen non se agnoscit et quasi dives luxuriatur. 27 Socratis philosophi dictum. 31 transducebat Vlixes. idoneum existimabat, transferebat. 34 et Matho buccae. iactantiaculi qui tantum buccas inflant et nihil dicunt. 39 qui eventus subsequitur comestorem, cum crumenam non habeat? id est patrimonium. 44 id est non magis metuenda mors in iuventa luxuriantibus quam senectus.

21 rutilionam *P* 24 scis *P* 26 ignorat ζ 34 an Matho
 ω 35 suis *P* 38 te *om.* *P* c***ina *P* crumena *p* ω : culina ζ
 41 pecoris *P* 42 43 post 45 ponit *Kiaerius* 44 praema-
 tur in *P*

et coram dominis consumitur; inde ubi paulum
nescio quid superest et pallet faenoris auctor,
qui vertere solum, Baias et ad ostrea currunt.
cedere namque foro iam non est deterius, quam 50

Esquillas a ferventi migrare Subura.
ille dolor solus patriam fugientibus, illa
maestitia est, caruisse anno circensibus uno.
sanguinis in facie non haeret gutta, morantur
pauci ridiculum et fugientem ex urbe pudorem. 55

experire hodie, numquid pulcherrima dictu,
Persice, non praestem vita nec moribus et re,
si laudem siliquas occultus ganeo, pultes
coram aliis dictem puero sed in aure placentas.
nam cum sis conviva mihi promissus, habebis 60

Euandrum, venies Tirynthius aut minor illo
hospes, et ipse tamen contingens sanguine caelum,
alter aquis, alter flammis ad sidera missus.
fercula nunc audi nullis ornata macellis.

de Tiburtino veniet pinguiissimus agro 65
haedulus et toto grege mollior, inscius herbae
necdum ausus virgas humilis mordere salicti,
qui plus lactis habet quam sanguinis, et montani

51 id est tantum est illis deserere patriam suam vel forum,
quantum si qui a Subura, frequentissima regione, ad Diocletianas
migret, ubi solitudo est. 57 intelleges, inquit, Persice, utrum

praeceptis meis vita conveniat necne. dum ego parcimonium laudo.
ideo siliquas posuit. [*Syrus*] 'luxuriae rictu'. 58 si laudem sili-
quas. id est parcitatem. nam proprie siliqua est qua legumina con-
tinentur.

61 nunc poeta vult hoc intelligi. cum, inquit, sis
vir magnus, exciperis tamen a me hospitio paupere ut scilicet Her-
cules ab Euandro aut Aeneas. [*Aen.* 8, 362] 'haec, inquit, limina
victor Alcides'.

63 Aeneas qui in Numicium fontem lapsus creditur
consecratus. ideo ait aquis. flammis vero Hercules qui in Oeta
monte se incendit non tolerans ardorem vestis, quam in sanguine
Nessi Centauri tinctam causa paelicis Deianira ad vestiendum por-
rexit.

64 id est ordinem convivii hodierni quod tibi exhibiturus
sum, exponam. 66 lactans qui adhuc herbam non contigit.

68 montani. quia sunt et in hortis.

49 hostria *P* 51 ferventis *P* 55 et fugientem ζ *Priscia-*
nus GLK. II p. 389 et III p. 361: effugientem *PW* 56 dictum *P*

57 nec ζ : *** *P* vel *pW* 58 si *P*: sed *pW* caneo *P*
63 missis *P* 68 quis *P*

asparagi, posito quos legit vilica fuso.
 grandia praeterea tortoque calentia faeno 70
 ova adsunt ipsis cum matribus, et servatae
 parte anni, quales fuerant in vitibus, uvae,
 Signinum Syriumque pirum, de corbibus isdem
 aemula Picenis et odoris mala recentis
 nec metuenda tibi, siccatum frigore postquam 75
 autumnum et crudi posuere pericula suci.
 haec olim nostri iam luxuriosa senatus
 cena fuit. Curius parvo quae legerat horto
 ipse focis brevibus ponebat holuscula, quae nunc
 squalidus in magna fastidit compede fossor, 80
 qui meminit, calidae sapiat quid vulva popinae.
 sicci terga suis rara pendentia crate
 moris erat quondam festis servare diebus,
 et natalicium cognatis ponere lardum
 accedente nova, si quam dabat hostia, carne. 85
 cognatorum aliquis, titulo ter consulis atque
 castrorum imperiis et dictatoris honore
 functus, ad has epulas solito maturius ibat
 erectum domito referens a monte lignonem.
 cum tremerent autem Fabios durumque Catonem 90
 et Scauros et Fabricium, postremo severos
 censoris mores etiam collega timeret,
 nemo inter curas et seria duxit habendam

70 recentia ova cum ipsis gallinis. 72 uvae quas sus-
 pensas servavimus. 77 id est veteres qui licet adhuc parce
 viverent, tamen iam anticum parcimonium egrediebantur. 78
 de hoc Cicero in Catone maiore [55]: 'Curio ad focum sedenti
 magnum auri pondus Samnites cum obtulissent, repudiati sunt. non
 enim aurum habere praeclarum sibi videri dixit, sed his qui habent
 aurum imperare'. 82 grate. in grate pendens laridum. 89 et
 rectum d. r. sola dignitate clari. 91 Fabium censorem dicit cui
 in censura Maximi nomen obvenit. qui luxuriam rei publicae dam-
 nans a collega Publio Decio postulavit ut aut ipse, quemadmodum
 ei videretur, mores hominum emendaret priorum censorum negle-
 gentia perditos, aut pateretur se revocare pristinum civitatis statum,
 quorum si neutrum faceret, minitatus abdicaturum se magistratu.
 Decius ergo exterritus permisit ut quemadmodum vellet, rem publi-
 cam administraret se consentiente.

81 sapiat qui *P* 82 grate *P* 85 carnem *P* *rasa* *m*
 91 Fabricios rigidique s. *ω* 93 habendam *P*: habendum *pω*

qualis in Oceano fluctu testudo nataret,
 clarum Troiugenis factura et nobile fulcrum, 95
 sed nudo latere et parvis frons aerea lectis
 vile coronati caput ostendebat aselli,
 ad quod lascivi ludebant ruris alumni;
 tales ergo cibi, qualis domus atque supellex.
 tunc rudis et Graias mirari nescius artes 100
 urbibus eversis praedarum in parte reperta
 magnorum artificum frangebat pocula miles,
 ut phaleris gauderet equus caelataque cassis
 Romuleae simulacra ferae mansuescere iussae
 imperii fato, geminos sub rupe Quirinos, 105
 ac nudam effigiem clipeo venientis et hasta
 pendentisque dei perituro ostenderet hosti.
 ponebant igitur Tusco farrata catino:
 argenti quod erat, solis fulgebat in armis.
 omnia tunc, quibus inideas, si lividulus sis; 110
 templorum quoque maiestas praesentior, et vox
 nocte fere media mediamque audita per urbem
 litore ab Oceani Gallis venientibus et dis
 officium vatis peragentibus his monuit nos;
 hanc rebus Latiis curam praestare solebat 115
 fictilis et nullo violatus Iuppiter auro.
 illa domi natas nostraque ex arbore mensas
 tempora viderunt; hos lignum stabat ad usus,
 annosam si forte nucem deiecerat eurus.
 at nunc divitibus cenandi nulla voluptas, 120
 nil rhombus, nil damma sapit, putere videntur
 unguenta atque rosae, latos nisi sustinet orbes
 grande ebur et magno sublimis pardus hiatu

94 ut lectum testudineum haberet. 98 rustici infantes.
 99 talia convivia eorum quales et res familiares. 105 a dis,
 ut pueros nutrirer Remum et Romulum. 106 Martis ad Iliam
 venientis ut concumberet. 108 cibos ex farre. qui cibus pri-
 mus antiquorum fuit. 112 conturbantibus Gallis Senonibus re-
 pente vox monentis audita est, hostem caverent. itaque hostibus
 pulsus restituta urbe templum constitutum est et consecratum deae
 Monetae.

94 oceano ζ : oceana P oceani $p\omega$ 99 *delebat Heinrichius*
 100 ruris P 103 aecus P casis P 104 iustae P
 109 *om.* ζ 110 tunc in quibus P *rasa* in 114 *ante his distin-*
guebat Madvicius 115 latis P 118 hos ω : hoc P 121 nihil
P bis 123 ebeum *Iahnus*

dentibus ex illis, quos mittit porta Syenes
et Mauri celeres et Mauro obscurior Indus, 125
et quos deposuit Nabataeo belua saltu
iam nimios capitique graves. hinc surgit orexis,
hinc stomacho vires; nam pes argenteus illis,
anulus in digito quod ferreus. ergo superbum
convivam caveo, qui me sibi comparet et res 130
despiciat exiguas. adeo nulla uncia nobis
est eboris, nec tessellae nec calculus ex hac
materia, quin ipsa manubria cultellorum
ossea. non tamen his ulla umquam obsonia fiunt
rancidula aut ideo peior gallina secatur. 135
sed nec structor erit, cui cedere debeat omnis
pergula, discipulus Trypheri doctoris, apud quem
sumine cum magno lepus atque aper et pygargus
et Scythicae volucres et phoenicopterus ingens
et Gaetulus oryx hebeti lautissima ferro 140
caeditur et tota sonat ulmea cena Subura.
nec frustum capreae subducere nec latus Afrac
novit avis noster, tirunculus ac rudis omni
tempore et exiguae furtis inbutus ofellae.

125 nam et apud Mauritaniam interiorem dicuntur nasci elephanti. unde et Hannibal habuit. praeterea hoc nam addunt, quod cum senserit se grandes habere dentes, in terram eos figat et inde abducto capite eos dimittat. 126 locus in India ubi nascuntur elephanti.

127 libido vescendi. 129 ut est, inquit, nobis vilis anulus ferreus, ita illis mensae pes argenteus, nisi fuerit elephanti dente composita. 137 pergula. coquina in qua boletaria ponuntur.

138 pygargus fera est in specie cervi quae retriores partes albas habet. ideo et dictus est pygargus, quia graece nates *πυγῇ* dicuntur et album *ἄργόν*. aut si pygargus avis genus, dagalopes appellatur. 139 Phasianus, *ἀπὸ τῆς Φάσιδος*. genus avis quae habet pennas colore phoenicio, in aqua semper est, abundans in Africa. huius rostrum tam prolixum est et curvum, ut nisi merso capite aqua in os ipsius non possit intrare. 140 oryx animal minus quam bubalus, quem Mauri uncem vocant. cuius pellis ad caetras proficit, scuta Maurorum minora. 141 quia lanionum codices maxime ex ulmis sunt. 142 infertor noster furtum facere ignorat, neque aut capreae carnis particulam aut alicuius avis subtrahens aliud novit rapere nisi ofellam.

130 comparat *ω* 132 cauculus *P* 133 materiam *P* 136 credere *P* 138 sumite *P* 141 tota *om. P add. p* 142 caprae *P*

plebeios calices et paucis assibus emptos 145
 porriget incultus puer atque a frigore tutus.
 non Phryx aut Lycius, non a mangone petitus
 quisquam erit: in magno cum posces, posce latine.
 idem habitus cunctis, tonsi rectique capilli
 atque hodie tantum propter convivia pexi. 150
 pastoris duri hic est filius, ille bubulci.
 suspirat longo non visam tempore matrem,
 et casulam et notos tristis desiderat haedos,
 ingenui vultus puer ingenuique pudoris,
 quales esse decet quos ardens purpura vestit, 155
 nec pupillares defert in balnea raucus
 testiculos, nec vellendas iam praebuit alas,
 crassa nec opposito pavidus tegit inguina guto.
 hic tibi vina dabit diffusa in montibus illis,
 a quibus ipse venit, quorum sub vertice lusit; 160
 namque una atque eadem est vini patria atque ministri.
 forsitan expectes, ut Gaditana canoro
 incipiant prurire choro, plausuque probatae
 ad terram tremulo descendant clune puellae —
 spectant hoc nuptae iuxta recubante marito, 165
 quod pudeat narrare aliquem praesentibus ipsis —
 inritamentum veneris languentis et acres
 divitis urticae, maior tamen ista voluptas
 alterius sexus; magis ille extenditur, et mox
 auribus atque oculis concepta urina movetur. 170

148 quisquam erit i. m. quales vendunt care manciparii.
 150 deducti pectine capilli. 155 qui praetextati sunt.
 156 quales habent hi qui patres non habent, scilicet tumentes
 in licentia pueritiae. sed castus est. 159 hinc tibi vina. talis puer
 pincerna. 162 id est speras forsitan quod incipiant saltare
 delicatae ac pulchrae puellae Syriae. quoniam de Syris et Afris Gadis
 condita est. nunc, inquit, expectas apud me pantomimas aut
 lyristrias de Gadibus quod lasciviant. Martialis [5, 78] ita: 'nec
 de Gadibus inprohīs puellae vibrabunt sine fine prurientes lascivos
 docili tremore lumbos'. 163 incipiant pr. ch. quae suo motu
 faciunt barbato pati pruriginem. 170 urina movetur. irritata
 scilicet clunibus saltantium puellarum.

146 porrigit *P* a om. *P* 147 non — magno *delebat* *Guietus*
 148 et magno *ω* pasce *P* 151 hic om. *P* add. *p* est hic *ω*
 159 hinc *P* 161 *delebat* *Marklandus* 163 incipiat *ω* in-
 cipia* *P* 165 166 post 159 vel 160 vel 162 vel 171 vel 202 ponunt
 aut om. *ζ* 165 exspectant *P* 166 aliquid *P*

non capit has nugas humilis domus. audiat ille
 testarum crepitus cum verbis, nudum olido stans
 fornice mancipium quibus abstinet, ille fruatur
 vocibus obscaenis omnique libidinis arte,
 qui Lacedaemonium pytismate lubricat orbem; 175
 namque ibi fortunae veniam damus. alea turpis,
 turpe et adulterium mediocribus: haec eadem illi
 omnia cum faciant, hilares nitidique vocantur.
 nostra dabunt alios hodie convivia ludos,
 conditor Iliados cantabitur atque Maronis 180
 altisoni dubiam facientia carmina palmam.
 quid refert, tales versus qua voce legantur?
 sed nunc dilatis averte negotia curis
 et gratam requiem dona tibi: quando licebat
 per totum cessare diem? non faenoris ulla 185
 mentio, nec prima si luce egressa reverti
 nocte solet, tacito bilem tibi contrahat uxor,
 umida suspectis referens multicia rugis
 vexatasque comas et vultum auremque calentem.
 protinus ante meum quidquid dolet exue limen, 190
 pone domum et servos et quidquid frangitur illis
 aut perit, ingratos ante omnia pone sodales.
 interea Megalesiacae spectacula mappae
 Idaeum sollemne colunt, similisque Triumpho
 praeda caballorum praetor sedet, ac mihi pace 195

171 audeat ille. res aut luxurias. 172 testis nam antea
 percutiebant saltantibus pantomimis, quoniam hoc non erat ut meso-
 chori percuterent manibꝯ. 175 qui expuit supra marmor Lacedaemonium quo stratum est pavementum. 180 conducitur Iliados. Virgilii sive Homeri versus. 186 mire nec uxori pepercit poeta. 187 et ita regressa est ut se prodat signis quibusdam concubuisse cum moechno. solent enim aures et vultus stupratis rubere.

188 Terentius [*Eun.* 645] 'postquam ludificatus est virginem, vestem scidit'. 193 hoc ideo quia Megalesia circenses ante solem prope edebantur. 194 de Ida matrem deum. 195 quoniam circensibus illis quos praetores edunt, unus est missus qui ordinarius dicitur. ideo praeda caballorum. quia hordeum pro illo die aurigae tollunt equorum. aut ideo 'praeda' dixit, quoniam multi equi frangebantur in isdem circensibus.

171 audeat *P* 175 pytismatae *P* 178 faciunt ζ 180
 condi...tur *P* conducitur *S* 184 licebit *p*ω. *efferebant sine inter-*
rogatione 187 acito *P* vilem *P* 191 domant** *P*

immensae nimiaeque licet si dicere plebis,
 totam hodie Romam circus capit, et fragor aurem
 percutit, eventum viridis quo colligo panni.
 nam si deficeret, maestam attonitamque videres
 hanc urbem veluti Cannarum in pulvere victis 200
 consulibus. spectent iuvenes, quos clamor et audax
 sponsio, quos cultae decet adsedis puellae:
 nostra bibat vernum contracta cuticula solem
 effugiatque togam. iam nunc in balnea salva
 fronte licet vadas, quamquam solida hora supersit 205
 ad sextam. facere hoc non possis quinque diebus
 continuis, quia sunt talis quoque taedia vitae
 magna; voluptates commendat rarior usus.

SATVRA XII

Natali, Corvine, die mihi dulcior haec lux,
 qua festus promissa deis animalia caespes
 expectat. niveam reginae ducimus agnam,
 par vellus dabitur pugnanti Gorgone Maura,
 sed procul extensum petulans quatit hostia funem 5
 Tarpeio servata Iovi frontemque coruscat,

198 qui colligo p. id est prasini ex clamore magno intelligo
 victoriam. 199 nam si defecerit. id est si vinceretur prasinus
 aut hoc spectaculum deficeret ut non essent circenses, sic tristem
 urbem videres ut si esset bello victa. 201 Varronem Teren-
 tium dicit et Paulum, quorum Paulus semet occidit, Varro autem
 fugit. cui triumphus decretus est, quia non penitus desperavit.
 202 quia antiquitus solebant mulieres cum viris omnibus interesse
 spectaculis indifferenter. 204 salva. bene hisdem poeta verbis
 verecundiam expressit. 208 parior usus. quidquid fit rariter,
 magis delectat.

XII de reditu Catulli. 3 Iunoni. alii Fortunae.
 4 Minervae similis agna. quoniam in Mauritania iuxta Atlantem a
 Perseo est occisa Gorgon Medusa. 6 movet sicut telum quod
 coruscat.

post 196 lacunam significarat Iahnus 197 aurem P 199
 videret P 200 victi P corr. p 202 ac sedisse P 203 vivat P
 combibet aestivum c. c. s. Priscianus GLK. II p. 106 205 quam
 quod P 208 parior P
 XII 2 diis P 4 bellus P purante P rasa r

quippe ferox vitulus templis maturus et arae
 spargendusque mero, quem iam pudet ubera matris
 ducere, qui vexat nascenti robora cornu.
 si res ampla domi similisque affectibus esset, 10
 pinguior Hispulla traheretur taurus et ipsa
 mole piger nec finitima nutritus in herba,
 laeta sed ostendens Clitumni pascua sanguis
 iret et a grandi cervix ferienda ministro,
 ob reditum trepidantis adhuc horrendaque passi 15
 nuper et incolumem sese mirantis amici.
 nam praeter pelagi casus et fulminis ictus
 evasit. densae caelum abscondere tenebrae
 nube una subitusque antemnas inpulit ignis,
 cum se quisque illo percussum crederet et mox 20
 attonitus nullum conferri posse putaret
 naufragium velis ardentibus. omnia fiunt
 talia tam graviter, si quando poetica surgit
 tempestas. genus ecce aliud discriminis audi
 et miserere iterum, quamquam sint cetera sortis 25
 eiusdem pars dira quidem, sed cognita multis
 et quam votiva testantur fana tabella
 plurima; pictores quis nescit ab Iside pasci?
 accidit et nostro similis fortuna Catullo.
 cum plenus fluctu medius foret alveus et iam 30
 alternum puppis latus evertentibus undis
 arboris incertae, nullam prudentia cani
 rectoris conferret opem, decidere iactu
 coepit cum ventis, imitatus castora, qui se

9 ut Virgilius [*g.* 3, 232] 'atque irasci in cornua discit arboris obnixus trunco'. 13 fluvius qui Trevis civitatem Flaminiae interfuit. 14 sacerdote. aut qui sacrificia occidunt, ministri.

27 quam naufragio liberati ponunt. antiquitus enim solebant qui naufragio liberati essent, pro voto pingere tabellas et in templo Isidis ponere. 31 latus dabat navis et arbore coacta.

34 castorem bebrum dicit, qui cum viderit se obsideri et non posse evadere, testiculos suos morsu avulsos proicit. intelligit enim ob hanc rem se capi. quia ad medicamina valde sunt necessarii.

8 ubera matris *om.* *P add. p* 13 laetas et *P* sanguis etiam *Servius Aen. VIII 106* 14 a *om. P* 23 quam quando *Schurtz-fleischius* 24 tempestatis *P rasa ultima syllaba* 29 damnarat *Iahnus* nos nostros similis *P* 32 arboris incerto ζ arbori incertae *Lachmannus iungentes cum* conferret 33 conferet *P* cum ferret ω

eunuchum ipse facit cupiens evadere damno 35
testiculi; adeo medicatum intellegit inguen.
'fundite quae mea sunt' dicebat 'cuncta' Catullus
praecipitare volens etiam pulcherrima, vestem
purpuream teneris quoque Maecenatibus aptam,
atque alias, quarum generosi graminis ipsum 40
infecit natura pecus, sed et egregius fons
viribus occultis et Baeticus adiuvat aer.
ille nec argentum dubitabat mittere, lances
Parthenio factas, urnae cratera capacem
et dignum sitiante Pholo vel coniuge Fusci; 45
adde et bascaudas et mille escaria, multum
caelati, biberat quo callidus emptor Olynthi.
sed quis nunc alius, qua mundi parte quis audet
argento praeferre caput rebusque salutem?
non propter vitam faciunt patrimonia quidam, 50
sed vitio caeci propter patrimonia vivunt.
iactatur rerum utilium pars maxima, sed nec
damna levant. tunc adversis urgentibus illuc
reccidit, ut malum ferro summitteret, ac se
explicat angustum: discriminis ultima, quando 55
praesidia adferimus navem factura minorem.
i nunc et ventis animam committe dolato
confisus ligno, digitis a morte remotus
quattuor aut septem, si sit latissima taeda;
mox cum reticulis et pane et ventre lagonae. 60

44 Parthenios caelatoris nomen. 45 unus de Centauris.
uxor Fusci ebriosa fuit. 46 mascaudas. vasa ubi calices lavantur.
et caccabos. 47 Philippus pater Alexandri magni, cui Olynthum
Macedoniae civitatem Lasthenes et Euthyrates prodiderunt. qui cum
a Philippo proditores se nuncupari saepe audissent, vitam laqueo
finierunt. 51 id est multi sunt qui ob hanc causam colligunt
patrimonia, ut tantum haec habeant, ut non utantur sed avaritiae
satisfaciant. 54 recidit. res pervenit ad hoc ut arborem bre-
viorem faceret ac per hoc succideret. 59 taedae. id est navis
de pinu. pro qualibet posuit materia. ut [*Aen.* 9, 85] 'pineae silva
mihi'. 60 cum reticulis. quod nautae ibi scilicet adsumptum
viaticum ponunt.

36 testiculi *§ Servius: testicul P testiculorum ω* 37 catullis
P 38 volens *om. P add. p* 42 adiuva-bit *P rasa syllaba ultima*
43 dubitat *P* 44 parthenios *P* 45 polo *P* 46 mascau-
das *P* 47 quod *P* pallidus *P* 50 51 *delebat Bentleius*
54 recidit *P* hac *§* 57 dolato *P* 59 lautissima taeda* *P*

aspice sumendas in tempestate secures.
 sed postquam iacuit planum mare, tempora postquam
 prospera vectoris fatumque valentius euro
 et pelago, postquam Parcae meliora benigna
 pensa manu ducunt hilares et staminis albi 65
 lanificae, modica nec multum fortior aura
 ventus adest, inopi miserabilis arte cucurrit
 vestibus extentis et quod superaverat unum,
 velo prora suo. iam deficientibus austris
 spes vitae cum sole redit. tunc gratus Iulo 70
 atque novercali sedes praelata Lavino
 conspicitur sublimis apex, cui candida nomen
 scrofa dedit, laetis Phrygibus miserabile sumen,
 et numquam visis triginta clara mamillis.
 tandem intrat positas inclusa per aequora moles 75
 Tyrrhenamque pharon porrectaque bracchia rursum,
 quae pelago occurrunt medio longeque relinquunt
 Italiam; non sic igitur mirabere portus,
 quos natura dedit. sed trunca puppe magister
 interiora petit Baianae pervia cumbae 80
 tuti stagna sinus. gaudent ibi vertice raso
 garrula securi narrare pericula nautae.
 ite igitur, pueri, linguis animisque faventes,
 sartaque delubris et farra inponite cultris
 ac mollis ornatu focos glaebamque virentem. 85
 iam sequar et sacro, quod praestat, rite peracto
 inde domum repetam, graciles ubi parva coronas

61 inter sitarchiam et securem necessarium puto ad navem
 vehendam. 68 vestibus funibus. aut vestibus velis accipe. ali-
 qui dicunt artemonem. 69 id est artemone solo velificaverunt.

71 Albam Longam significat quam condidit Iulus Ascanius
 concessa novercae sui nominis civitate, id est Lavinio. 73 aut
 mirabile quia XXX fetus habuit, aut miserabile quod miseratum sit
 Phrygibus. 76 quia Traianus portum Augusti restauravit in
 melius et interius tutiorem sui nominis fecit. 77 pelago c. r.
 m. l. r. intrant intra mare et dimittunt terram solidam. 78 id
 est non sunt ita mirandi portus naturales quam qui manu fiant.

84 coronas. immolatis hostiis. 86 rite peractum. sacrificio
 completo.

61 respice *Iahnus* 62 tacuit *P* 67 inopia *P* *rasa* a
 artes *P* *rasa* s 71 Lavinio *A. de Rooy* 73 miserabile *PS*:
 mirabile *WS* 75 equore *P* 77 currunt *P*: occurrunt *etiam Ser-*
vius relinquat *P* 81 ubi *W* 86 peracto *pW*: peractum *P*

accipiunt fragili simulacra nitentia cera.
 hic nostrum placabo Iovem Laribusque paternis
 tura dabo atque omnis violae iactabo colores. 90
 cuncta nitent, longos erexit ianua ramos
 et matutinis operatur festa lucernis.
 nec suspecta tibi sint haec, Corvine. Catullus,
 pro cuius reditu tot pono altaria, parvos
 tres habet heredes. libet expectare, quis aegram 95
 et claudentem oculos gallinam inpendat amico
 tam sterili, verum haec nimia est inpena, coturnix
 nulla umquam pro patre cadet. sentire calorem
 si coepit locuples Gallitta et Pacius orbi,
 legitime fixis vestitur tota libellis 100
 porticus, existunt qui promittant hecatomben,
 quatenus hic non sunt nec venales elephanti,
 nec Latio aut usquam sub nostro sidere talis
 belua concipitur, sed furva gente petita
 arboribus Rutulis et Turni pascitur agro, 105
 Caesaris armentum, nulli servire paratum
 privato, siquidem Tyrio parere solebant
 Hannibali et nostris ducibus regique Molosso
 horum maiores ac dorso ferre cohortes,
 partem aliquam belli et euntem in proelia turrem. 110
 nulla igitur mora per Novium, mora nulla per Histrum
 Pacuvium, quin illud ebur ducatur ad aras

90 violae nam multorum colorum sunt, purpureae albae aureae.

91 coronatae ianuae lauro. 92 sacrificat inde. ut Virg.

[*g.* 1, 339] 'laetis operatus in herbis'. 97 mirum est ut amico
 filios habenti aliquis amicorum tam inpensus obsequatur, cum haec
 pro hereditate capienda fieri soleat inpena. ironia. ad sterilitatem
 rettulit. 98 coturnix n. occiditur pro patre febricitante, non

ut dicam pro amico paupere. 103 in urbe Roma non invenitur.

104 fulva gente p. nigra. de India. 105 apud Lavinium,
 id est in Etruria. 108 Pyrrho Epirotarum regi, qui pro Taren-

tinis adversum Romanos bis pugnavit et victor his exsutus est castris.
 ex cuius nomine est pyrrica. et ipse dicit [10, 158] 'cum Gaetula
 ducem p. b. l.' et Pompeius elephantis vectus est per triumphum.

111 id est nulla mora erit heredipetis, si etiam hoc genus
 emere liceat et immolare, quin et ipsud faciant.

92 operantur *P* 93 ibi *P* 100 legitimi *P* 104 fulva *P*

108 rectique *P* 109 cohortis *P* 110 bellique et *ζ*

111 nulla per Histrum *om. P add. p* (istram) 112 pacubium

P. similiter 125 128

et cadat ante Lares Gallitae, victima sola
 tantis digna deis et captatoribus horum.
 alter enim, si concedas, mactare vovebit 115
 de grege servorum magna aut pulcherrima quaeque
 corpora, vel pueris et frontibus ancillarum
 inponet vittas, et si qua est nubilis illi
 Iphigenia domi, dabit hanc altaribus, etsi
 non sperat tragicae furtiva piacula cervae. 120
 laudo meum civem, nec comparo testamento
 mille rates; nam si Libitinam evaserit aeger,
 delebit tabulas inclusus carcere nassae
 post meritum sane mirandum atque omnia soli
 forsán Pacuvio breviter dabit, ille superbus 125
 incedet victis rivalibus. ergo vides, quam
 grande operae pretium faciat iugulata Mycenis.
 vivat Pacuvius, quaeso, vel Nestora totum,
 possideat quantum rapuit Nero, montibus aurum
 exaequet, nec amet quemquam nec ametur ab ullo. 130

IVVENALIS

S A T V R A R V M

LIBER QVINTVS

S A T V R A XIII

Exemplo quodcumque malo committitur, ipsi
 displicet auctori. prima est haec ultio, quod se
 iudice nemo nocens absolvitur, inproba quamvis
 gratia fallaci praetoris vicerit urna.
 quid sentire putas omnes, Calvine, recenti 5

113 et cadet ante Lares. ante aras deorum penatium.
 115 id est etiam aliquanti de his, si liceret, de servis sacrificium
 facerent. 118 etiam filiam devovet ad sacrificium, qum sciat
 non eam posse eripi a Diana ut Iphigeniam. 127 filia Agamemno-
 nis. veluti filia captatoris. ironia. 128 totum. tribus saeculis.

XIII 1 ita mali virtutem esse ait, ut displiceat quod male com-
 mittitur. 3 id est haec est magna poena, quod si qui pec-
 caverit, suo iudicio damnatur.

116 aut ζ : ut *P* et *p* ω quamque *P* 128 tantum *florilegium*
S. Galli ζ

XIII 5 homines *Ribbeckius*

de scelere et fidei violatae crimine? sed nec
tam tenuis census tibi contigit, ut mediocris
iacturae te mergat onus, nec rara videmus
quae pateris; casus multis hic cognitus ac iam
tritus et e medio fortunae ductus acervo. 10
ponamus nimios gemitus. flagrantior aequo
non debet dolor esse viri nec vulnere maior.
tu quamvis levium minimam exiguamque malorum
particulam vix ferre potes, spumantibus ardens
visceribus, sacrum tibi quod non reddat amicus 15
depositum? stupet haec, qui iam post terga reliquit
sexaginta annos, Fonteio consule natus?
an nihil in melius tot rerum proficit usu?
magna quidem, sacris quae dat praecepta libellis,
victrix fortunae sapientia, ducimus autem 20
hos quoque felices, qui ferre incommoda vitae
nec iactare iugum vita didicere magistra.
quae tam festa dies, ut cesset prodere furem,
perfidiam, fraudes atque omni ex crimine lucrum
quaesitum et partos gladio vel pyxide nummos? 25
rari quippe boni, numero vix sunt totidem quot
Thebarum portae vel divitis ostia Nili.
nunc aetas agitur peioraque saecula ferri
temporibus, quorum sceleri non invenit ipsa
nomen et a nullo posuit natura metallo. 30
nos hominum divumque fidem clamore ciemus,
quanto Faesidium laudat vocalis agentem
sportula? dic, senior bulla dignissime, nescis,
quas habeat veneres aliena pecunia? nescis,

11 pone quod debeas tristari, sed ita ut oportet, secundum
damnum. 16 id est haec seni nova videri non debent.
18 tanti temporis usus non tibi proficit? 22 translativè. qui
non reluctantur contra necessitatem. 25 puxide nummos.
veneno aut gladio. 27 quia septem portas habent Thebae et
septem ostia Nilus. et septem sunt sapientes. 32 ut ostendat
Faesidium conductos tunc habuisse qui eum agentem causas magna
voce laudarent. 33 inrivative. quasi iterum puer. hoc ex pro-
verbio graeco *ὅτις παῖδες οἱ γέροντες*. ceterum bullae qui usus
aut a quo inventus fuerit, supra [5, 164] dictum est.

6 fide *P* 12 veri *P* 18 ac *ζ* proficis *pω* usus *Iahnus*
ex S 26 sic *pω*: numerum si totidem *P*. numeres *Schurzfleischius*
numeremus si *alius* 28 nona aetas *pω*

quem tua simplicitas risum vulgo moveat, cum 35
 exigis a quoquam, ne peieret et putet ullis
 esse aliquod numen templis araeque rubenti?
 quondam hoc indigenae vivebant more, priusquam
 sumeret agrestem posito diademate falcem
 Saturnus fugiens, tunc cum virguncula Iuno 40
 et privatus adhuc Idaeis Iuppiter antris,
 nulla super nubes convivia caelicolarum,
 nec puer Iliacus formonsa nec Herculis uxor
 ad cyathos, et iam siccato nectare tergens
 brachia Vulcanus Liparaea nigra taberna, 45
 prandebat sibi quisque deus, nec turba deorum
 talis ut est hodie, contentaque sidera paucis
 numinibus miserum urgebant Atlanta minori
 pondere, nondum aliquis sortitus triste profundi
 imperium aut Siculo torvus cum coniuge Pluton, 50
 nec rota nec Furiae nec saxum aut vulturis atri
 poena, sed infernis hilares sine regibus umbrae.
 improbitas illo fuit admirabilis aevo,
 credebant quo grande nefas et morte piandum,
 si iuvenis vetulo non adsurrexerat et si 55
 barbato cuicumque puer, licet ipse videret
 plura domi fraga et maiores glandis acervos;
 tam venerabile erat praecedere quattuor annis,
 primaque par adeo sacrae lanugo senectae.
 nunc si depositum non infitietur amicus, 60
 si reddat veterem cum tota aerugine follem,
 prodigiosa fides et Tuscis digna libellis
 quaeque coronata lustrari debeat agna.

37 sanguinolentae. vel ex igni. 43 inrisiones per immu-
 tationes formarum. 44 exsiccato faeculento aut liquefacto.
 50 id est cum adhuc nec Iuppiter regnum caeleste teneret nec
 Neptunus mare nec Pluton inferna cum Proserpina. 51 rota
 in qua Ixion dicitur volvi. saxum quod Sisyphus volvit. vulturem
 qui iecur Tityi comedit. 57 deferebat puer iuveni, licet in domo
 sua esset ditior. divitiae autem in fragis et in glande taxabantur.
 59 primaque c. d. s. l. s. ita, inquit, videbatur venerabile aetas,
 ut pueri maioribus se annis quattuor deferri ut senibus adfectarent.
 61 aeris vitium aerugo dicitur, ferri rubigo.

36 ullis] ipsi *florilegium S. Galli* 49 aliquis *om. P add. p*
 50 torvos *P* 52 sed *om. tum add. P* 58 tum *Iahnus*
 59 cara deo *P*

egregium sanctumque virum si cerno, bimembri
 hoc monstrum puero et mirandis sub aratro 65
 piscibus inventis et fetae comparo mulae,
 sollicitus, tamquam lapides effuderit imber
 examenque apium longa consederit uva
 culmine delubri, tamquam in mare fluxerit amnis
 gurgitibus miris et lactis vertice torrens. 70

intercepta decem quereris sestertia fraude
 sacrilega. quid, si bis centum perdidit alter
 hoc arcana modo? maiorem tertius illa
 summam, quam patulae vix ceperat angulus arcae?
 tam facile et primum est superos contemnere testes, 75
 si mortalis idem nemo sciat. aspice, quanta
 voce neget, quae sit ficti constantia vultus.
 per Solis radios Tarpeiaque fulmina iurat
 et Martis frameam et Cirrhaei spicula vatis,
 per calamos venatricis pharetramque puellae 80
 perque tuum, pater Aegaei Neptune, tridentem,
 addit et Herculeos arcus hastamque Minervae,
 quidquid habent telorum armamentaria caeli.
 si vero et pater est, 'comedam' inquit 'flebile nati
 sinciput elixi Pharioque madentis aceto'. 85

sunt in fortunae qui casibus omnia ponant
 et nullo credant mundum rectore moveri,
 natura volvente vices et lucis et anni,
 atque ideo intrepidi quaecumque altaria tangunt.
 est alius metuens, ne crimen poena sequatur; 90
 hic putat esse deos et peierat, atque ita secum:
 'decernat quodcumque volet de corpore nostro
 Isis et irato feriat mea lumina sistro,
 dummodo vel caecus teneam quos abnego nummos.
 et phthisis et vomicae putres et dimidium crus 95
 sunt tanti. pauper locupletem optare podagram
 nec dubitet Ladas, si non eget Anticyra nec

66 prodigia quae bellum Caesaris et Pompei civile praecesserunt.

70 aut lacteis aut sanguineis. 78 Capitolini Iovis. 80

κατὰ νομόν. per omnes deos iurat. 89 sine ullo timore
 peierant. 94 id est si pro ingenti pretio ferenda est caecitas.

97 Ladas fuit inter nobilissimos cursores Olympico certamine,

65 et *P*: vel *p* aut ζ miranti *p ζ mirantis ζ 69 amnis *om.*
P add. *p* 70 miniis *Porso* 83 armentaria *P* 86 in *om. tum*
add. P 90 *damnarat Iahnus**

Archigene; quid enim velocis gloria plantae
 praestat et esuriens Pisaeae ramus olivae?
 ut sit magna, tamen certe lenta ira deorum est; 100
 si curant igitur cunctos punire nocentes,
 quando ad me venient? sed et exorabile numen
 fortasse experiar, solet his ignoscere. multi
 committunt eadem diverso crimina fato:
 ille crucem sceleris pretium tulit, hic diadema.' 105
 sic animum dirae trepidum formidine culpae
 confirmat, tunc te sacra ad delubra vocantem
 praecedit, trahere immo ultro ac vexare paratus.
 nam cum magna malae superest audacia causae,
 creditur a multis fiducia. mimus agit ille, 110
 urbani qualem fugitivus scurra Catulli:
 tu miser exclamas, ut Stentora vincere possis,
 vel potius quantum Gradivus Homericus: 'audis,
 Iuppiter, haec, nec labra moves, cum mittere vocem
 debueris vel marmoreus vel aheneus? aut cur 115
 in carbone tuo charta pia tura soluta
 ponimus et sectum vituli iecur albaque porci
 omenta? ut video, nullum discrimen habendum est
 effigies inter vestras statuamque Vagelli'.
 accipe, quae contra valeat solacia ferre 120
 et qui nec cynicos nec stoica dogmata legit
 a cynicis tunica distantia, non Epicurum

cui aemulus Talaris eandem gloriae palmam tulit, sed apud Elidem
 coronatus est. 99 aut quid praestat eum Olympia coronari in
 Elia, ubi athletae habent Olympiacum certamen? 105 ut Romulus
 pro commisso scelere non dedit poenas, sed imperium adeptus est.

109 nam cum, inquit, hominis qui malam causam habet, id est
 qui denegat alienum, visa fuerit improba contentio, audacia, creditur
 innocens, ut mimus urbani scurrae agere hac inrisione audaciae
 videatur. talis est enim mimus ubi servus fugitivus dominum suum
 trahit. Catullus mimographus fuit. 112 praeconem Grae-
 corum. quia antiqui tubas non habebant. 113 Mars cum plaga-
 tus est a Diomede. 119 inter vos et Vagellium qui, ut vos,
 stultissimam accepit statuam. 121 dicit cynicorum et stoicorum
 dogma convenire, tantum veste distare. nam cynica mater haeresis
 stoicae. cynici absque t. pallio exerto brachchio. 122 Epicurum.
 nam in hortis, otio et voluptate disputat.

103 is *P* 107 confirmat *S in cod. Sangallensi (non in P)*:
 confirmant *PO* ac delubra *P* 119 agelli *P*

suspicit exigui laetum plantaribus horti.
 curentur dubii medicis maioribus aegri:
 tu venam vel discipulo committe Philippi. 125
 si nullum in terris tam detestabile factum
 ostendis, taceo, nec pugnīs caedere pectus
 te veto nec plana faciem contundere palma,
 quandoquidem accepto claudenda est ianua damno,
 et maiore domus gemitu, maiore tumultu 130
 planguntur nummi quam funera; nemo dolorem
 fingit in hoc casu, vestem diducere summam
 contentus, vexare oculos umore coacto:
 ploratur lacrimis amissa pecunia veris.
 sed si cuncta vides simili fora plena querella, 135
 si deciens lectis diversa parte tabellis
 vana supervacui dicunt chirographa ligni,
 arguit ipsorum quos littera gemmaque princeps
 sardonichum, oculis quae custoditur eburnis,
 ten — o delicias — extra communia censes 140
 ponendum, quia tu gallinae filius albae,
 nos viles pulli nati infelicibus ovis?
 rem pateris modicam et mediocri bile ferendam,
 si flectas oculos maiora ad crimina. confer
 conductum latronem, incendia sulphure coepta 145
 atque dolo, primos cum ianua colligit ignes;
 confer et hos, veteris qui tollunt grandia templi
 pocula adorandae robiginis et populorum
 dona vel antiquo positas a rege coronas;
 haec ibi si non sunt, minor extat sacrilegus, qui 150
 radat inaurati femur Herculis et faciem ipsam
 Neptuni, qui bratteolam de Castore ducat —
 an dubitet solitus totum conflare Tonantem? —
 confer et artifices mercatoremque veneni

124 per allegoriam sufficere se dicit in solacium amico damnum
 maerenti. 133 lacrimis extortis. Terentius [*Eun.* 67] 'una hercle
 falsa lacrimula'. Virgilius [*Aen.* 4, 449] 'mens immota manet, lacrimae
 voluntur inanes'. 137 negant suas esse manus. 139
 quia in locellis eburneis gemmas solent reponere. 141 pro-
 verbium vulgare. 151 dropacistas dicit, qui cera de inauratis
 statuis aurum tollunt. 154 dubium, venditorem an emptorem dicat.

124 currentur *P* 125 veniam *P* corr. *p* 132 deducere *ω*
 139 post 140 positum habet *P* 141 quid? *Heinrichius* 144
 confert *P* 147 veteres *P* 153 cumflare *P*

et deducendum corio bovis in mare, cum quo 155
 clauditur adversis innoxia simia fatis.
 haec quota pars scelerum, quae custos Gallicus urbis
 usque a lucifero, donec lux occidat, audit?
 humani generis mores tibi nosse volenti
 sufficit una domus; paucos consume dies et 160
 dicere te miserum, postquam illinc veneris, aude.
 quis tumidum guttur miratur in Alpibus, aut quis
 in Meroe crasso maiorem infante mamillam?
 caerula quis stupuit Germani lumina, flavam
 caesariem et madido torquentem cornua cirro? 165
 nempe quod haec illis natura est omnibus una.
 ad subitas Thracum volucres nubemque sonoram
 Pygmaeus parvis currit bellator in armis,
 mox impar hosti raptusque per aera curvis
 unguibus a saeva fertur grue. si videas hoc 170
 gentibus in nostris, risu quatiare; sed illic,
 quamquam eadem adsidue spectentur proelia, ridet
 nemo, ubi tota cohors pede non est altior uno.
 'nullane peiuri capitis fraudisque nefandae
 poena erit?' abreptum crede hunc graviore catena 175
 protinus et nostro — quid plus velit ira? — necari
 arbitrio: manet illa tamen iactura, nec umquam
 depositum tibi sospes erit, sed corpore trunco
 invidiosa dabit minimus solacia sanguis.
 'at vindicta bonum vita iucundius ipsa.' 180
 nempe hoc indocti, quorum praecordia nullis
 interdum aut levibus videas flagrantia causis,
 quantulacumque adeo est occasio sufficit irae:
 Chrysippus non dicet idem nec mite Thaletis

156 simia et serpens clauditur cum parricida et in mare mittitur.
 157 nomen praefecti vigilum. qui institutus est, postquam Galli Capitolium paene ceperunt. 164 glaucos oculos et capillos rubeos.
 167 ad fluvium Strymonem. 168 aut quis debeat mirari Pygmaeos cum gruibus pugnantes? 'quorum hoc est studium semper'.
 174 ἀνθυπογορά. quasi obiectio. ergo nulla poena manet eos qui peierant? 178 id est etiamsi decolletur, nihil inde lucri habebis nisi invidiosam defensionem. sed dicis: bona res est vindicari. 184 non hoc praecipit philosophia, ut rependantur malis vices.

155 bobis *P*163 mero *P*164 qui *P*168 purvis *P*176 qui *P*182 fraglantia *P*183 *damnarat Iahnus*

ingenium dulcique senex vicinus Hymetto, 185
 qui partem acceptae saeva inter vincla cicutae
 accusatori nollet dare. plurima felix
 paulatim vitia atque errores exuit, omnes
 prima docet rectum sapientia. quippe minuti
 semper et infirmi est animi exiguique voluptas 190
 ultio. continuo sic collige, quod vindicta
 nemo magis gaudet quam femina. cur tamen hos tu
 evasisse putes, quos diri conscia facti
 mens habet attonitos et surdo verberare caedit
 occultum quatiente animo tortore flagellum? 195
 poena autem vehemens ac multo saevior illis,
 quas et Caedicius gravis invenit et Rhadamanthus,
 nocte dieque suum gestare in pectore testem.
 Spartano cuidam respondit Pythia vates
 haud inpunium quondam fore, quod dubitaret 200
 depositum retinere et fraudem iure tueri
 iurando. quaerebat enim, quae numinis esset
 mens, et an hoc illi facinus suaderet Apollo.
 reddidit ergo metu, non moribus, et tamen omnem
 vocem adyti dignam templo veramque probavit 205
 extinctus tota pariter cum prole domoque
 et quamvis longa deductis gente propinquis.
 has patitur poenas peccandi sola voluntas.

187 generaliter. quicumque felix, idemst doctus et sapiens.
 potior ergo est sapientia quam felicitas, siquidem illa paulatim amittit,
 haec statim purgat. 197 Caedicium aulicum Neronis crude-
 lissimum fuisse vult intelligi. satellitem Neronis. 199 Glaucum
 dicit genere Spartanum, qui creditum fidei suae thesaurum a Mile-
 sio quodam repetentibus hanc pecuniam heredibus filiis eiusdem
 Milesii reddere dubitavit, cum Apollinem consulisset quid sibi sua-
 deret, fraudaretne peiurio, quod ad sacramentum vocaretur, aut sine
 sacramento fidei commissum redderet. cui deus respondit poenas so-
 luturum ob hoc ipsum, quod dubitavit creditum restituere. quo
 responso Glaucus territus paravit se citra sacramentum reddere.
 haec narratio in VII. historia Herodoti est. reddidit ergo Glaucus quia
 timuit, non quia voluit, unde poenas dignas sceleris non effugit. hoc
 est apud Herodotum [6, 86]: ὅμνν, ἐπεὶ θάνατος καὶ εὐορκον
 μένει ἄνδρα. 208 qui, inquit, animo scelus cogitat, tamquam

187 plurima — 189 sapientia *delebat* *Quietus* 188 *comprehen-*
di solent exuit omnes 190 et *om. P* exiguique *P* 191 vitio
P 205 probavit *P* 208 sola *ω*: saeva *P* voluptas *P*

nam scelus intra se tacitum qui cogitat ullum,
facti crimen habet. cedo, si conata peregit. 210
perpetua anxietas, nec mensae tempore cessat
faucibus ut morbo siccis interque molares
difficili crescente cibo, sed vina misellus
expuit, Albani veteris pretiosa senectus
displicet; ostendas melius, densissima ruga 215
cogitur in frontem velut acri ducta Falerno.
nocte brevem si forte indulsit cura soporem
et toto versata toro iam membra quiescunt,
continuo templum et violati numinis aras,
et quod praecipuis mentem sudoribus urguet, 220
te videt in somnis; tua sacra et maior imago
humana turbat pavidum cogitque fateri.
hi sunt, qui trepidant et ad omnia fulgura pallent,
cum tonat, exanimis, primo quoque murmure caeli,
non quasi fortuitus nec ventorum rabie, sed 225
iratus cadat in terras et iudicet ignis.
illa nihil nocuit, cura graviore timetur
proxima tempestas velut hoc dilata sereno.
praeterea lateris vigili cum febre dolorem
si coepere pati, missum ad sua corpora morbum 230
infesto credunt a numine, saxa deorum
haec et tela putant. pecudem spondere sacello
balantem et Laribus cristam promittere galli
non audent; quid enim sperare nocentibus aegris
concessum? vel quae non dignior hostia vita? 235
mobilis et varia est ferme natura malorum;
cum scelus admittunt, superest constantia: quod fas

commiserit, sic eum conscientia sua torquet. 209 id est qui
iam cogitaverit scelus admittere, reus est tamquam si cogitata per-
petraverit. 216 aceto Falerno. 222 fateri. quod debet ut
reddat. 223 physici nam adserunt ex conflictu ventorum vel
nubium tonitrua vel fulgura fieri. nam ex nimio flatu vel certa-
mine ventorum nubes inter se conlissae tonitrua et coruscos faciunt
ac veluti saxa inter se conlisa ignem excutiunt. 237 cum ad
perpetrandum scelus venerint, in eadem constantia perstant ut spe-
rent etiam illicita debere omni modo fieri. peracto facinore ex ipsa
conscientia animi eorum ab illa deiciuntur audacia.

210 cognata P 213 Setina *Herelius et Withofius* 216
fontem *primo P* 225 abie P 226 terra sed P vindicet S
236 *damnarat Iahnus* fermentatura P 237 quid S

atque nefas, tandem incipiunt sentire peractis
 criminibus. tamen ad mores naturā recurrit
 damnatos fixa et mutari nescia. nam quis 240
 peccandi finem posuit sibi? quando recepit
 eiectum semel attrita de fronte ruborem?
 quisnam hominum est, quem tu contentum videris uno
 flagitio? dabit in laqueum vestigia noster
 perfidus et nigri patietur carceris uncum 245
 aut maris Aegaei rupem scopulosque frequentes
 exulibus magnis. poena gaudebis amara
 nominis invisi, tandemque fatebere laetus
 nec surdum nec Teresian quemquam esse deorum.

SATVRA XIV

Plurima sunt, Fuscine, et fama digna sinistra
 et nitidis maculam haesuram figentia rebus,
 quae monstrant ipsi pueris traduntque parentes.
 si damnosa senem iuvat alea, ludit et heres
 bullatus parvoque eadem movet arma fritillo. 5
 nec melius de se cuiquam sperare propinquo
 concedet iuvenis, qui radere tubera terrae,
 boletum condire et eodem iure natantis
 mergere ficedulas didicit nebulone parente
 et cana monstrante gula; cum septimus annus 10
 transierit puerum, nondum omni dente renato,
 barbatus licet admoveas mille inde magistros,
 hinc totidem, cupiet lauto cenare paratu
 semper et a magna non degenerare culina.
 mitem animum et mores modicis erroribus aequos 15

245 unco nam ferreo trahebantur a populo, qui merebantur
 sic puniri.

XIV de institutionibus. 1 sinistra contraria. mala institutio
 in naturam vertit. Horatius [*od.* 4, 4, 35] 'utcumque defecere mores,
 dedecorant bene nata culpa'. 5 pyxide cornea qui *φιδός* dici-
 tur graece. apud antiquos nam in cornu mittebant tesseras moven-
 tesque fundebant. aut fritillum pyrgum dixit. 12 philosophum
 licet ad erudiendum adhibeas, semel imbutum luxuria patris non
 posse revocari. 15 interrogative pronuntiari potest, sed melius
 ironicos. mitem animum praecepit Rutilius.

XIV 9 ficellas *Lachmannus* 10 gyla *P* 11 puero *ω*
 13 cupient *P*

praecipit atque animas servorum et corpora nostra
 materia constare putat paribusque elementis,
 an saevire docet Rutilus, qui gaudet acerbo
 plagarum strepitu et nullam Sirena flagellis
 comparat, Antiphates trepidi laris ac Polyphemus, 20
 tunc felix, quotiens aliquis tortore vocato
 uritur ardenti duo propter lintea ferro —
 quid suadet iuveni laetus stridore catenae,
 quem mire adficiunt inscripta, ergastula, carcer?
 rusticus expectas, ut non sit adultera Largae 25
 filia, quae numquam maternos dicere moechos
 tam cito nec tanto poterit contexere cursu,
 ut non ter deciens respiret? conscia matri
 virgo fuit, ceras nunc hac dictante pusillas
 implet et ad moechum dat eisdem ferre cinaedis. 30
 sic natura iubet: velocius et citius nos
 corrumpunt vitiorum exempla domestica, magnis
 cum subeunt animos auctoribus. unus et alter
 forsitan haec spernant iuvenes, quibus arte benigna
 et meliore luto finxit praecordia Titan, 35
 sed reliquos fugienda patrum vestigia ducunt
 et monstrata diu veteris trahit orbita culpa.
 abstineas igitur damnandis. huius enim vel
 una potens ratio est, ne crimina nostra sequantur
 ex nobis geniti, quoniam dociles imitandis 40
 turpibus ac pravis omnes sumus, et Catilinam
 quocumque in populo videas, quocumque sub axe,
 sed nec Brutus erit, Bruti nec avunculus umquam.
 nil dictu foedum visuque haec limina tangat,
 intra quae pater est; procul, a procul inde puellae 45

20 id est carnifex potius et latro domus suae quam dominus.
 Laestrygonum rex Antiphates et Polyphemus Cyclops, qui homines
 comedebant. 22 id est si servus cruciatur propter duo sabana.

24 adficiunt s. erg. quamquam ibi includuntur, inscripti sunt.

29 virgo fuit. ut haec disceret. iucunde pro aetate.

34 haec sperant. id est turpia. 35 Prometheus qui fuit Titanis
 filius Iapeti. 43 umquam. bonus, ut Cato Uticensis philoso-

phus. 45 intra quae. ubi filios habes.

16 utque et 17 putet conieci 18 rutilis P 24 scripta P.
 distinxi post inscripta cum Herverdeno 30 moechos ω Priscianus
 quater testatus 31 signatura P 33 subeant ω animis P
 34 sperant P 39 nec P 40 genitis P rasa s 43 um-
 quam P: usquam pω 45 puer ζ es S? a Cramerus: ac Pω

lenonum et cantus pernoctantis parasi.
 maxima debetur puero reverentia, siquid
 turpe paras, nec tu pueri contempseris annos,
 sed peccaturo obstat tibi filius infans.
 nam si quid dignum censoris fecerit ira 50
 quandoque et similem tibi se non corpore tantum
 nec vultu dederit, morum quoque filius et qui
 omnia deterius tua per vestigia peccet,
 corripies nimirum et castigabis acerbo
 clamore ac post haec tabulas mutare parabis? 55
 unde tibi frontem libertatemque parentis,
 cum facias peiora senex vacuumque cerebro
 iam pridem caput hoc ventosa cucurbita quaerat?
 hospite venturo cessabit nemo tuorum.
 verre pavementum, nitidas ostende columnas, 60
 arida cum tota descendat aranea tela;
 hic leve argentum, vasa aspera tergeat alter
 vox domini furit instantis virgamque tenentis.
 ergo miser trepidas, ne stercore foeda canino
 atria displiceant oculis venientis amici, 65
 ne perfusa luto sit porticus, et tamen uno
 semodio scobis haec emendat servulus unus:
 illud non agitas, ut sanctam filius omni
 aspiciat sine labe domum vitioque carentem?
 gratum est, quod patriae civem populoque dedisti, 70
 si facis ut patriae sit idoneus, utilis agris,
 utilis et bellorum et pacis rebus agendis.
 plurimum enim intererit, quibus artibus et quibus hunc tu
 moribus instituas. serpente ciconia pullos
 nutrit et inventa per devia rura lacerta: 75
 illi eadem sumptis quaerunt animalia pinnis.
 vultur iumento et canibus crucibusque relictis
 ad fetus properat partemque cadaveris adfert:

53 deterius te. aut eo deterius quoniam te magistro.

56 Terent. [*Phorm.* 1042] 'quo ore illum obiurgabis, dic mihi'.

58 id est a medicis. qui sanus non est. *σιχία*. 61 mun-
 dentur parietes. 62 anaglypha sigillis. Virgilius [*Aen.* 5, 267]
 'et aspera signis'. 67 scobis *ποίσματος*. 71 ut patria
 s. i. civem bonum. si eum ita institueris ut sit utilis patriae.

78 cadaveris adfert. hominum. nam antiqui crucibus figebant.

48 ne ζ ut *gnome* fieret 47 57 senes *P* 59 cessavit *P*

63 fremit aut fremat ω 67 emundat ζ contra *Eutychem GLK.*

V p. 473 71 patria *P* 78 adfectus *P*

hic est ergo cibus magni quoque vulturis et se
 pascentis, propria cum iam facit arbore nidos. 80
 sed leporem aut capream famulae Iovis et generosae
 in saltu venantur aves, hinc praeda cubili
 ponitur: inde autem cum se matura levarit
 progenies, stimulante fame festinat ad illam
 quam primum praedam rupto gustaverat ovo. 85
 aedificator erat Cretonius et modo curvo
 litore Caietae, summa nunc Tiburis arce,
 nunc Praenestinis in montibus alta parabat
 culmina villarum graecis longeque petitis
 marmoribus vincens Fortunae atque Herculis aedem, 90
 ut spado vincebat Capitolia nostra Posides.
 dum sic ergo habitat Cretonius, imminuit rem,
 fregit opes, nec parva tamen mensura relictæ
 partis erat. totam hanc turbavit filius amens,
 dum meliore novas attollit marmore villas. 95
 quidam sortiti metuentem sabbata patrem
 nil praeter nubes et caeli numen adorant,
 nec distare putant humana carne suillam,
 qua pater abstinuit, mox et praepudia ponunt;
 Romanas autem soliti contemnere leges 100
 Iudaicum ediscunt et servant ac metuunt ius,
 tradidit arcano quodcumque volumine Moyses,

87 in Campania Caleta. 90 apud Praeneste et Fortuna
 et Hercules habent aedes. aut certe quod in Capitolio post aedem
 Dianae et Iovis secundam de miraculo operis habent gloriam For-
 tunae atque Herculis aedes. Fortunae vero apud Praeneste aedem
 pulcherrimam ferunt fuisse. Herculis enim aedem Tiburis dicit.

91 hic Posides spado libertus Claudii imperatoris tantæ gratiæ et
 potentiæ fuit, ut eum Claudius in Britannico triumpho inter mili-
 tares viros hasta pura donaverit, cohortibus quoque et alis provin-
 ciaeque Iudaeae praeposuerit, lectica per urbem vectandi spectacula-
 que publice edendi ius tribuerit. legitur in Suetonio [*Claud.* 28].

99 id est *περιτομή*. 102 Moyses. sacerdos vel rex eius
 gentis. aut ipsius quidem religionis inventor. cuius Cornelius etiam
 Tacitus [*hist.* 5, 3] meminit.

82 haec *Lachmannus* 83 se *om. P add. p* levaret *P* leva-
 vit *Priscianus GLK. II p. 243* levabit *ς* 85 gustaverit *Priscianus*
ut videtur 86 cretonius *P* cetronius *pW. restituendum* Critonius aut
 Caetronius 87 caletae *P corr. p* 88 pararat *P rasa r altera*
 91 possidens *P* 92 cetonius *P* cretonius *pW* 102 tradit *P*

non monstrare vias eadem nisi sacra colenti,
quaesitum ad fontem solos deducere verpos.
sed pater in causa, cui septima quaeque fuit lux 105
ignava et partem vitae non attigit ullam.

sponte tamen iuvenes imitantur cetera, solam
inviti quoque avaritiam exercere iubentur.
fallit enim vitium specie virtutis et umbra,
cum sit triste habitu vultuque et veste severum, 110

nec dubie tamquam frugi laudetur avarus,
tamquam parcus homo et rerum tutela suarum
certa magis, quam si fortunas servet easdem
Hesperidum serpens aut Ponticus. adde quod hunc, de
quo loquor, egregium populus putat acquirendi 115
artificem; quippe his crescunt patrimonia fabris,
sed crescunt quocumque modo, maioraque fiunt
incude adsidua semperque ardente camino.

et pater ergo animi felicitis credit avaros,
qui miratur opes, qui nulla exempla beati 120
pauperis esse putat; iuvenes hortatur, ut illa
ire via peragant et eidem incumbere sectae.

sunt quaedam vitiorum elementa, his protinus illos
inbuit et cogit minimas ediscere sordes;
mox acquirendi docet insatiabile votum. 125

servorum ventres modio castigat iniquo
ipse quoque esuriens, neque enim omnia sustinet umquam
mucida caerulei panis consumere frusta,
hesternum solitus medio servare minutal
Septembri nec non differre in tempora cenae 130
alterius conchem aestivam cum parte lacerti

104 Iudaeos qui sine pellicula sunt. 105 causa huius
metus pater est. 106 quia semper sabbatis nihil faciunt.
113 tamquam ille qui aut mala aut pellem auream servabat.
118 metaphora a fabris ferrariis. 120 beati. qualis Apollinis
oraculo declaratus est felicissimus Aglaus Arcas qui numquam patrum
agellum excesserat. 122 perseverent in avaritia. 130 duo
negativi confirmativum faciunt. 131 id est fabam coctam quae
illi remansit, in alium diem cum sardina servat.

113 quasi *P* 114 de *om. P add. p* 117 *damnarat Iah-*
nus maiora *sine* que *P* 119 felices *P* 121 illam *ω Priscia-*
nus GLK. II p. 304 122 viam *ω Priscianus* peragant *P*: per-
gant *ω Priscianus* 123 illis *P* 125 *damnarat Iahnus*
128 frustra *P* 131 aestivi *pω*

signatam vel dimidio putrique siluro,
 filaque sectivi numerata includere porri;
 invitatus ad haec aliquis de ponte negabit.
 sed quo divitias haec per tormenta coactas, 135
 cum furor haud dubius, cum sit manifesta phrenesis,
 ut locuples moriaris, egentis vivere fato?
 interea pleno cum turget sacculus ore,
 crescit amor nummi, quantum ipsa pecunia crevit,
 et minus hanc optat qui non habet. ergo paratur 140
 altera villa tibi, cum rus non sufficit unum,
 et proferre libet fines maiorque videtur
 et melior vicina seges, mercaris et hanc et
 arbusta et densa montem qui canet oliva.
 quorum si pretio dominus non vincitur ullo, 145
 nocte boves macri lassoque famelica collo
 iumenta ad virides huius mittentur aristas,
 nec prius inde domum, quam tota novalia saevos
 in ventres abeant, ut credas falcibus actum.
 dicere vix possis, quam multi talia plorent, 150
 et quot venales iniuria fecerit agros.
 sed qui sermones, quam foedae bucina famae.
 'quid nocet haec?' inquit 'tunicam mihi malo lupini,
 quam si me toto laudet vicinia pago
 exigui ruris paucissima farra secantem'. 155
 scilicet et morbis et debilitate carebis,
 et luctum et curam effugies, et tempora vitae
 longa tibi posthac fato meliore dabuntur,
 si tantum culti solus possederis agri,
 quantum sub Tatio populus Romanus arabat. 160
 mox etiam fractis aetate ac Punica passis
 proelia vel Pyrrhum immanem gladiosque Molossos

134 negavit. quia mendici in pontis itinere sedent.
 143 semper avaris res alienae meliores et ampliores videntur.
 144 ὑπερβολή. id est integrum montem oliveti comparas. 147
 id est cum vicinum agrum non poterit pretio elicere, ita agit ut
 cogatur vicinus vendere non patiens inopportunitatem animalium, quae
 ille dimittit ut segetes ipsius depascantur. 149 falcibus altum.
 id est metitum. 151 molestia confinii potentis. 152 quam
 mala fama est avaris potentibus. 156 carebis. σχῆμα ὑπόνοια.

134 negavit *P* 136 aut *P* 139 fin. crescit *p* *florilegium S.*
Galli 147 mitentur *P* 149 habeant *P* 152 quid *P* foede *P*
 153 lupina *P*

tandem pro multis vix iugera bina dabantur
 vulneribus, merces haec sanguinis atque laboris
 nullis visa umquam meritis minor aut ingratae 165
 curta fides patriae; saturabat glaebula talis
 patrem ipsum turbamque casae, qua feta iacebat
 uxor et infantes ludebant quattuor, unus
 vernula, tres domini, sed magnis fratribus horum
 a scrobe vel sulco redeuntibus altera cena 170
 amplior et grandes fumabant pultibus ollae:
 nunc modus hic agri nostro non sufficit horto.
 inde fere scelerum causae, nec plura venena
 miscuit aut ferro grassatur saepius ullum
 humanae mentis vitium, quam saeva cupido 175
 immodici census. nam dives qui fieri vult,
 et cito vult fieri; sed quae reverentia legum,
 quis metus aut pudor est umquam properantis avari?
 'vivite contenti casulis et collibus istis,
 o pueri' Marsus dicebat et Hernicus olim 180
 Vestinusque senex 'panem quaeramus aratro,
 qui satis est mensis; laudant hoc numina ruris,
 quorum ope et auxilio gratae post munus aristae
 contingunt homini veteris fastidia quercus.
 nil vetitum fecisse volet, quem non pudet alto 185
 per glaciem perone tegi, qui summovet euros
 pellibus inversis: peregrina ignotaque nobis
 ad scelus atque nefas, quaecumque est, purpura ducit.'
 haec illi veteres praecepta minoribus, at nunc
 post finem autumnii media de nocte supinum 190
 clamosus iuvenem pater excitat: 'accipe ceras,
 scribe, puer, vigila, causas age, perlege rubras
 maiorum leges. aut vitem posce libello,
 sed caput intactum buxo naresque pilosas

164 deductis in colonia viris. 169 ante nam unum servum
 plures domini habebant. qui erant domi parvuli. 172 bene dixit
 plus nunc possideri in horto quam tunc in agro. 183 quia ante
 fraga et glandem homines comedebant. 186 Virgilius [*Aen.*
 7, 690] crudus tegit altera pero'. 189 posteris suis dabant.
 192 rubricas iuris. 193 ut centurio fias, da libellos. id
 est milita. vitis nam insigne centurionum est a Libero patre in-
 ventum, qui primus triumphavit et inventor vitis est.

163 vina *P* 168 quattuor et unus *P* 170 scrove *P*
 182, quis *P* roris *P* 191 accipet *P* *rasa t*

adnotet et grandes miretur Laelius alas; 195
dirue Maurorum attegias, castella Brigantum,
ut locupletem aquilam tibi sexagesimus annus
adferat. aut longos castrorum ferre labores
si piget et trepidum solvunt tibi cornua ventrem
cum lituis audita, pares quod vendere possis 200
pluris dimidio, nec te fastidia mercis
ullius subeant ablegandae Tiberim ultra,
neu credas ponendum aliquid discriminis inter
unguenta et corium; lucri bonus est odor ex re
qualibet. illa tuo sententia semper in ore 205
versetur dis atque ipso Iove digna poeta:
“unde habeas, quaerit nemo, sed oportet habere”.
hoc monstrant vetulae pueris repentibus assae,
hoc discunt omnes ante alpha et beta puellae.
talibus instantem monitis quemcumque parentem 210
sic possem adfari: ‘dic, o vanissime, quis te
festinare iubet? meliorem praesto magistro
discipulum. securus abi: vinceris, ut Ajax
praeteriit Telamonem, ut Pelea vicit Achilles.
parcendum est teneris, nondum implevere medullas: 215
naturae mala nequitia est. cum pectere barbam
coeperit et longae mucronem admittere cultri,
falsus erit testis, vendet periuria summa
exigua et Cereris tangens aramque pedemque.
elatum iam crede nurum, si limina vestra 220
mortifera cum dote subit. quibus illa premetur
per somnum digitis. nam quae terraque marique
adquirenda putas, brevior via conferet illi;
nullus enim magni sceleris labor. “haec ego numquam

195 comes Laelius. centurio sub quo militabis, ut evertas casas Maurorum. 197 ut signifer sis stipendiis emeritis anno sexagesimo quo stipendia deponebant sua. 204 ne contempnas viliorrem mercem aut quae puteat, id est coria. 206 id est Iovis dictum est. 208 assa nutrix dicitur quae lac non praestat infantibus, sed solum diligentiam et munditiam adhibet. [*Lucilius ut 207?*] ‘nutricula sicca vetusta infantibus monstrat.’ 213 id est ut illi in virtute parentes suos superaverunt, sic et iste te in avaritia. 222 id est quae per somnum offocabitur propter dotem.

196 brigantu *P* 199 trepido *pω* 208 209 *damnarat Iahnus*
208 reppentibus *P* 216 maturae *ς* nequitiae cum *pω*
nequitiae ast cum *ς*. *nulla erat post medullas distinctio* 217 longe
P: longi *pω* 224 haec ego numquam *om. P add. p*

mandavi" dices olim "nec talia suasi". 225
 mentis causa malae tamen est et origo penes te.
 nam quisquis magni census praecepit amorem,
 et laevo monitu pueros producit avaros,
 et qui per fraudes patrimonia conduplicare,
 dat libertatem et totas effundit habenas 230
 curriculo, quem si revoces, subsistere nescit
 et te contempto rapitur metisque relictis.
 nemo satis credit, tantum delinquere, quantum
 permittas; adeo indulgent sibi latius ipsi.
 cum dicis iuveni stultum, qui donet amico, 235
 qui paupertatem levet attollatque propinqui,
 et spoliare doces et circumscribere et omni
 crimine divitias adquirere, quarum amor in te,
 quantus erat patriae Deciorum in pectore, quantum
 dilexit Thebas, si Graecia vera, Menoeceus, 240
 in quorum sulcis legiones dentibus anguis
 cum clipeis nascuntur et horrida bella capessunt
 continuo, tamquam et tubicen surrexerit una.
 ergo ignem, cuius scintillas ipse dedisti,
 flagrantem late et rapientem cuncta videbis. 245
 nec tibi parceretur misero, trepidumque magistrum
 in cavea magno fremitu leo tollet alumnus.
 nota mathematicis genesis tua, sed grave tardas
 expectare colus; morieris stamine nondum
 abrupto. iam nunc obstas et vota moraris, 250
 iam torquet iuvenem longa et cervina senectus.
 ocus Archigenen quaere atque eme, quod Mithridates
 composuit; si vis aliam decerpere ficum
 atque alias tractare rosas, medicamen habendum est,

228 subtili monitu. 230 et nequitiam permittit. 233
 nemo se putat satis fecisse, nisi amplius delinquat quam non permittas.
 238 divitiarum et avaritiae tantum amoris habet, quam Decii
 habuerunt civitatis suae. qui pro civibus suis mortem elegerunt.
 241 Virgilius [*g.* 2, 141] 'satis inmanis dentibus hydri nec galeis
 densisque'. 247 filius. allegoricos. hoc est et in te malitiam
 cum scelere exercebit. 250 voto moraris. odiosus es filio.
 251 quos usque ad nongentos annos vivere dicunt. 252
 Archigenem. medicum.

229 *om. § damnarat Iahnus quoque* conduplicari *P* 230
 habenas *P* 232 *meritisque P rasis ri* 238 *atquirere P* 240
 veraque moenoeceus *P* 241 *quorum §* 250 *voto P*

sorbere ante cibum quod debeat et pater et rex.² 255
 monstro voluptatem egregiam, cui nulla theatra,
 nulla aequare queas praetoris pulpita lauti,
 si spectes, quanto capitis discrimine constant
 incrementa domus, aerata multus in arca
 fiscus et ad vigilem ponendi Castora nummi, 260
 ex quo Mars Ultor galeam quoque perdidit et res
 non potuit servare suas. ergo omnia Florae
 et Cereris licet et Cybeles aulaea relinquas;
 tanto maiores humana negotia ludi.
 an magis oblectant animum iactata petauro 265
 corpora quique solet rectum descendere funem,
 quam tu, Corycia semper qui puppe moraris
 atque habitas coro semper tollendus et austro,
 perditus ac vilis sacci mercator olentis,
 qui gaudes pingue antiquae de litore Cretae 270
 passum et municipes Iovis advexisse lagonas?
 hic tamen ancipiti figens vestigia planta
 victum illa mercede parat, brumamque famemque
 illa reste cavet: tu propter mille talenta
 et centum villas temerarius. aspice portus 275
 et plenum magnis trabibus mare: plus hominum est iam
 in pelago. veniet classis, quocumque vocarit
 spes lucri, nec Carpathium Gaetulaque tantum
 aequora transiliet, sed longe Calpe relictā
 audiet Herculeo stridentem gurgite solem. 280

260 pecunia, sacculi. 261 id est antea solebant arcas
 aeratas facere et ibi mittere pecuniam suam senatores, et sic in
 foro Martis ponere. verum per noctem a furibus expoliatae sunt
 arcae, et coeperunt ex eo ad templum Castoris ponere. ideo dicit
 'Mars ultor galeam perdidit'. perdidit et res. ex illo pecunia amota
 ex quo Mars a furibus expoliatus est. 263 ludos theatrales
 qui in honore dearum exhibentur. 267 Corycus civitas Isau-
 riae. 269 opobalsamum aut malabathrum. foetidae alicuius mer-
 cis. vel ex sententia tali: tu foetide. 271 Creticas. quia Iup-
 piter ibi natus est. 273 Horatius [*sat.* 1, 2, 6] 'frigus quo
 duramque famem depellere possit'. 279 urnae similis mons, inde
 Calpe, in extrema Hispania. 280 Gaditano Oceano sol mergens
 stridet, ut si ferrum candens in aqua tinguas. ultra Herculis
 columnas dicit ad mare mortuum, ultra quod navigare non conceditur.

255 sorbere et ante *P fortasse vere* 260 castura *P* 277
 vocarit *om.* *P add. p*

grande operae pretium est, ut tenso folle reverti
 inde domum possis tumidaque superbus aluta,
 Oceani monstra et iuvenes vidisse marinos.
 non unus mentes agitat furor. ille sororis
 in manibus vultu Eumenidum terretur et igni, 285
 hic bove percusso mugire Agamemnona credit
 aut Ithacum: parcat tunicis licet atque lacernis,
 curatoris eget, qui navem mercibus implet
 ad summum latus et tabula distinguitur unda,
 cum sit causa mali tanti et discriminis huius 290
 concisum argentum in titulos faciesque minutas.
 occurrunt nubes et fulgura: 'solvite funem'
 frumenti dominus clamat piperisve coempti
 'nil color hic caeli, nil fascia nigra minatur;
 aestivum tonat'. infelix hac forsitan ipsa 295
 nocte cadet fractis trabibus fluctuque premetur
 obrutus et zonam laeva morsuque tenebit.
 sed cuius votis modo non suffecerat aurum,
 quod Tagus et rutila volvit Pactolus harena,
 frigida sufficient velantis inguina panni 300
 exiguusque cibus, mersa rate naufragus assem
 dum rogat et picta se tempestate tuetur.
 tantis parta malis cura maiore metuque
 servantur, misera est magni custodia census.
 dispositis praedives amis vigilare cohortem 305
 servorum noctu Licinus iubet, attonitus pro
 electro signisque suis Phrygiaque columna
 atque ebore et lata testudine. dolia nudi
 non ardent cynici; si fregeris, altera fiet
 cras domus, atque eadem plumbo commissa manebit. 310
 sensit Alexander, testa cum vidit in illa
 magnum habitatorem, quanto felicior hic, qui

284 furens Orestes.

286 Ajax qui et ipse insanit.

287 si non conscindit, tamen insanit. 297 id est in qua fert
 solidos. 300 ~~n~~ada aut nuda. 302 in tabula ferens casus

sui historiam. 305 per translationem disciplinae militaris spar-
 teolorum Romae, quorum cohortes in tutelam urbis cum amis et
 cum aqua vigilias curare consuerunt vicis. 306 Licinus ille est
 de quo superius [1, 108] dixit 'ego possideo plus Pallante et Li-
 cinis'. 309 id est Diogenae. in dolio dormiebat.

285 torretur *p* 289 u.da *P* unda *p* 296 cadit *P* fluc-
 tumque *P* 305 prodives *P* 307 elec... *P* electro *p*

nil cuperet, quam qui totum sibi posceret orbem
 passurus gestis aequanda pericula rebus.
 nullum numen habes, si sit prudentia, nos te, 315
 nos facimus, Fortuna, deam. mensura tamen quae
 sufficiat census, si quis me consulat, edam:
 in quantum sitis atque fames et frigora poscunt,
 quantum, Epicure, tibi parvis suffecit in hortis,
 quantum Socratici ceperunt ante penates; 320
 numquam aliud natura, aliud sapientia dicit.
 acribus exemplis videor te cludere? misce
 ergo aliquid nostris de moribus, effice summam,
 bis septem ordinibus quam lex dignatur Othonis.
 haec quoque si rugam trahit extenditque labellum, 325
 sume duos equites, fac tertia quadringenta.
 si nondum implevi gremium, si panditur ultra,
 nec Croesi fortuna umquam nec Persica regna
 sufficient animo nec divitiae Narcissi,
 indulisit Caesar cui Claudius omnia, cuius 330
 paruit imperiis uxorem occidere iussus.

SATVRA XV

Quis nescit, Volusi Bithynice, qualia demens
 Aegyptos portenta colat? crocodilon adorat
 pars haec, illa pavet saturam serpentibus ibin.

324 id est gradibus equitum Romanorum. 328 Croesus
 ille est cui Solon dixit: *ὄρα τέλος μακροῦ βίου*. cuius filius,
 cum ipse Trallibus victus esset a Cyro rege Persarum, adulescens
 usque id mutus intentum iugulo patris gladium cum vidisset, subito
 exclamavit: 'homo Cyre, parce homini'. 329 Narcissus libertus
 Claudii Caesaris potentissimus idemque ditissimus.

XV de religionibus Aegypti. 1 ad Volusum scribit de
 Aegyptiorum sacris odio Crispini, qui Aegyptius erat egens et modo
 magister peditum atque equitum factus est. 3 ibin propterea
 Aegyptii vice numinis colunt, quod illi naturale cum serpentibus
 bellum est. nam cum Aegyptum Nilus etiam serpentibus inundaverit,
 illa eos omnes devorat simul et aspidēs. de huiusmodi animalium
 genere Cicero in libro de natura deorum primo [101] sic ait:
 'ipsi qui inridentur Aegyptii nullam beluam nisi ob aliquam utili-

effigies sacri nitet aurea cercopithecī,
 dimidio magicæ resonant ubi Memnone chordæ 5
 atque vetus Thebe centum iacet obruta portis.
 illic aeluros, hic piscem fluminis; illic
 oppida tota canem venerantur, nemo Dianam.
 porrum et caepe nefas violare et frangere morsu:
 o sanctas gentes, quibus hæc nascuntur in hortis 10
 numina. lanatis animalibus abstinet omnis
 mensa, nefas illic fetum iugulare capellæ:
 carnibus humanis vesci licet. attonito cum
 tale super cenam facinus narraret Vlixes
 Alcinoō, bilem aut risum fortasse quibusdam 15
 moverat ut mendax aretalogus. 'in mare nemo
 hunc abicit, saeva dignum veraque Charybdi,
 fingentem immanes Laestrygonas atque Cyclopas?
 nam citius Scyllam vel concurrentia saxa
 Cyaneis, plenos et tempestatibus utres 20
 crediderim, aut tenui percussum verbere Circes,
 et cum remigibus grunnisse Elpenora porcis.
 tam vacui capitis populum Phaeaca putavit?'
 sic aliquis merito nondum ebrius et minimum qui

tatem quam ex ea caperent consecraverunt, velut ibis maximam
 vim serpentum conficiunt, quæ sint aves excelsæ cruribus rigidis,
 corneo proceroque rostro. avertunt pestem ab Aegypto, cum volucres
 angues ex Libyæ vastitate vento Africano invectas interficiunt atque
 consumunt. e quo fit ut illæ nec morsu vivæ noceant nec odore
 mortuæ'. 5 Memnonis ex ære statua citharam tenens certis

horis canebat. hanc Cambyzes rex iussit aperiri existimans mechani-
 cum aliquod esse quod intra statuam lateret. nihilo minus aperta
 statua, quæ erat magice consecrata, horis statutis sonum reddidit.
 ideo dimidio dixit. id est aperto et diviso. 6 Thebas dicitur
 trans Aegyptum Liber condidisse. 13 usque adeo de Aegyptiis

vanum aut incredibile est, quæ vix Vlixī similia de Laestrygonibus
 referenti creditum fuerit in mensa Alcinoi. hæc cum exclamatione
 legenda sunt. 19 Symplegadas inter quas Argo evasit, quæ in
 Ponto concucurrisset dicuntur. numquid et ad has Vlixes accessit?

22 porcis a Circe factis. 23 inani capitis. *κενενχράνιος*.

XV 5 'quidam dimidium legunt' scholion Bobiense memnone
P memnona scheda Bobiensis 6 obrupta *P* 7 aeluros *Brodæus*:
aeruleos P caeruleos W 16 in ma**que nemo *P* 18 et cyclopas
scheda Bob. 21 ververe *P* 22 eipinora *P* 23 sic vacuum
cerebri Priscianus GLK. III p. 218 aut scriba posterior

de Corcyraea temetum duxerat urna; 25
 solus enim haec Ithacus nullo sub teste canebat.
 nos miranda quidem, sed nuper consule Iunco
 gesta super calidae referemus moenia Copti,
 nos vulgi scelus et cunctis graviora cothurnis;
 nam scelus, a Pyrrha quamquam omnia syrmata volvas, 30
 nullus apud tragicos populus facit. accipe, nostro
 dira quod exemplum feritas produxerit aevo.

inter finitimos vetus atque antiqua simultas,
 immortale odium et numquam sanabile vulnus
 ardet adhuc Ombos et Tentyra. summus utrimque 35
 inde furor vulgo, quod numina vicinorum
 odit uterque locus, cum solos credat habendos
 esse deos, quos ipse colit. sed tempore festo
 alterius populi rapienda occasio cunctis
 visa inimicorum primoribus ac ducibus, ne 40
 laetum hilaremque diem, ne magnae gaudia cenae
 sentirent positis ad templa et compita mensis
 pervigilique toro, quem nocte ac luce iacentem
 septimus interdum sol invenit. horrida sane
 Aegyptos, sed luxuria, quantum ipse notavi, 45
 barbara famoso non cedit turba Canopo.
 adde quod et facilis victoria de madidis et
 blaesius atque mero titubantibus. inde virorum
 saltatus nigro tibicine, qualiacumque
 unguenta et flores multaeque in fronte coronae: 50
 hinc ieiunum odium. sed iurgia prima sonare
 incipiunt animis ardentibus, haec tuba rixae.
 dein clamore pari concurritur, et vice teli

25 vinum de insula Phaeacum. 27 de se dicit Iuvenalis
 quia in Aegypto militavit, et ea promittit se relaturum quae ipse
 vidit. 'cons. Iunco. ut vincta et lenta videantur esse quae dicet'
schol. Bobiense. 30 tragoedias. vestes tragicas. 35 inter
 finitimos Ombos et Tentyra. accusativus pluralis ut Maenala.
 civitates Aegypti. 44 festivitas sacrorum per VII dies solet
 celebrari. 46 Canopo. Nilotica ripa. 48 ex parte ebriorum.

Terentius nam [*Eun.* 729] 'neque pes neque mens satis suum
 officium facit'. 49 Aethiope. 51 ab inimicis infesta sobrietas.

26 hic *P* 28 callidae *P* 35 Coptos *Pauwius* 44 horri-
 da — 48 titubantibus *delebat Franckius* horrida (horridi *p*) et sane
P 45 est Coptos *Marklandus* 47 madidis et *om. P add. p*
 52 ardentibus *P rasa d*

saevit nuda manus. paucae sine vulnere malae,
 vix cuiquam aut nulli toto certamine nasus 55
 integer. aspiceres iam cuncta per agmina vultus
 dimidios, alias facies et hiantia ruptis
 ossa genis, plenos oculorum sanguine pugnos.
 ludere se credunt ipsi tamen et puerilis
 exercere acies, quod nulla cadavera calcent. 60
 et sane quo tot rixantis milia turbae,
 si vivunt omnes? ergo acrior impetus, et iam
 saxa inclinatis per humum quaesita lacertis
 incipiunt torquere, domestica seditioni
 tela, nec hunc lapidem, qualis et Turnus et Ajax, 65
 vel quo Tydides percussit pondere coxam
 Aeneae, sed quem valeant emittere dextrae
 illis dissimiles et nostro tempore natae.
 nam genus hoc vivo iam decrescebat Homero,
 terra malos homines nunc educat atque pusillos; 70
 ergo deus, quicumque aspexit, ridet et odit.
 a deverticulo repetatur fabula. postquam
 subsidiis aucti, pars altera promere ferrum
 audet et infestis pugnam instaurare sagittis,
 terga fuga celeri praestantibus omnibus instans, 75
 qui vicina colunt umbrosae Tentyra palmae.
 labitur hinc quidam nimia formidine cursum
 praecipitans capiturque. ast illum in plurima sectum
 frustra et particulas, ut multis mortuus unus
 sufficeret, totum corrosis ossibus edit 80
 victrix turba. nec ardenti decoxit aheni
 aut veribus — longum usque adeo tardumque putavit
 expectare focos — contenta cadavere crudo.
 hic gaudere libet, quod non violaverit ignem,

61 bene scilicet credunt se ludere, ubi tot rixantibus nullus
 moritur. 64 competentia: vicina furori. nulla nam sic sunt
 domestica rixantibus tela, ut saxa. 72 propter excessum.
 74 commovere etiam sagittas. 82 nec in caccabis coacta nec
 in veribus fixa cocunt, sed cruda consumunt. 84 praestitit, in-
 quit, nobis, quod exta hominis focum communem non violarunt.

56 agmine *P* 64 seditioni *S*: seditione *PO* 65 alax *P*
 75 fugat celeri *P* fuga sceleri *p* praestantibus omnibus instans *p*
 p. o. instant *W*: praestan cum spatio quindecim aut duodeviginti litte-
 rarum *P* praestant instantibus *O*mbis *Mercerius* 76 tentura *P*
 77 hic *W* 78 in om. *P* 79 particula*** multis *P*

quem summa caeli raptum de parte Prometheus 85
donavit terris; elemento gratulor, et te
exultare reor. sed qui mordere cadaver
sustinuit, nil umquam hac carne libentius edit;
nam scelere in tanto ne quaeras et dubites, an
prima voluptatem gula senserit; ultimus autem 90
qui stetit, absumpto iam toto corpore, ductis
per terram digitis aliquid de sanguine gustat.
Vascones, haec fama est, alimentis talibus olim
producere animas. sed res diversa, sed illic
fortunae invidia est bellorumque ultima, casus 95
extremi, longae dira obsidionis egestas.
huius enim, quod nunc agitur, miserabile debet
exemplum esse cibi, sicut modo dicta mihi gens
post omnis herbas, post cuncta animalia, quidquid
cogebat vacui ventris furor, hostibus ipsis 100
pallorem ac maciem et tenues miserantibus artus,
membra aliena fame lacerabant, esse parati
et sua. quisnam hominum veniam dare quisve deorum
urbibus abnueret dira atque immania passis
et quibus illorum poterant ignoscere manes, 105
quorum corporibus vesebantur? melius nos
Zenonis praecepta monent, nec enim omnia quidam
pro vita facienda putant, sed Cantaber unde
stoicus antiqui praesertim aetate Metelli?
nunc totus Graias nostrasque habet orbis Athenas, 110
Gallia causidicos docuit facunda Britannos,
de conducendo loquitur iam rhetore Thyle.

86 gratulari te ipsum elemento, igni scilicet. 90 si ulti-
mus senserit voluptatem. 93 obsessi Saguntini ab Hannibale
coacti sunt cadaveribus suorum pasci. Lucanus [3, 350] 'obsessum
Poeni gessit quod Marte Saguntum'. caesis scilicet inbellibus. alii
nam non ab Hannibale sed a Metello obsessos dicunt. 96 cum
obsiderentur a Metello. 97 exemplum quod doleas, non quod
horreas. 107 Zenon stoicae sectae auctor, qui quod honestum
esset id summum vel solum bonum esse dicebat. 108 per
honestatem, sicut Stoici dicunt, melius erat mori quam cada-
veribus pasci. 110 Romanas litteras et Graecas. 112
civitas in Oceano insula. in qua brumae tempore dies nulli, perinde
solstitiali aestivo nox nulla.

85 promethea *P* 93 elementis *P* 97 98 *delebat Guetus*
100 vacuis *P* 104 urbibus *P* 97: viribus *p* ω ventribus *H. Valesius*
107 omnia, quaedam *p* ω 112 iam *om. P*

nobilis ille tamen populus, quem diximus, et par
virtute atque fide sed maior clade Zacynthos
tale quid excusat: Maeotide saevior ara 115
Aegyptos. quippe illa nefandi Taurica sacri
inventrix homines — ut iam quae carmina tradunt,
digna fide credas — tantum immolat, ulterius nil
aut gravius cultro timet hostia. quis modo casus
inpulit hos? quae tanta fames infestaque vallo 120
arma coegerunt tam detestabile monstrum
audere? anne aliam terra Memphitide sicca
invidiam facerent nolenti surgere Nilo?
qua nec terribiles Cimbri nec Brittones umquam
Sauromataeque truces aut immanes Agathyrsi, 125
hac saevit rabie inbelle et inutile vulgus,
parvula fictilibus solitum dare vela phaselis
et brevibus pictae remis incumbere testae.
nec poenam sceleri invenies, nec digna parabis
supplicia his populis, in quorum mente pares sunt 130
et similes ira atque fames. mollissima corda
humano generi dare se natura fatetur,
quae lacrimas dedit; haec nostri pars optima sensus.
plorare ergo iubet causam dicentis amici
squaloremque rei, pupillum ad iura vocantem 135
circumscriptorem, cuius manantia fletu
ora puellares faciunt incerta capilli.
naturae imperio gemimus, cum funus adultae
virginis occurrit vel terra clauditur infans
et minor igne rogi. quis enim bonus et face dignus 140
arcana, qualem Cereris vult esse sacerdos,

115 iuxta Maeotim paludem Taurici sunt, quorum rex Thoas
advenas immolare consueverat usque in adventum Orestis et Pyladis.
quibus agnitis Iphigenia, quae erat templi sacerdos, ablato inde Dia-
nae signo aufugit idque Ariciae consecravit. et Salustius 'namque
omnium ferocissimi ad hoc tempus Achei atque Tauri sunt, quod
quantum ego conisio, locorum egestate raptò vivere coacti'.

123 surgere Nilo. irrigare Aegyptum. 127 testeis navigiis.
talibus enim navigiis in Nilo utuntur. 136 circumscriptorem.
curatorem suum. 137 ut [*Horatius od. 2, 5, 22*] 'sagaces
falleret hospites discrimen obscurum'. capilli. id est tanquam
puellae. 141 inbutum sacris dicit. mystica. cum in templo

114 zacynthos *P* (g pro c p): saguntus *ω* 115 a meotide *P*

124 Bistones *ζ* 126 ravie *P* 132 dare p: care *P*

134 casum lugentis *ζ* 136 fletus *P* 138 advitae *P*

ulla aliena sibi credit mala? separat hoc nos
 a grege mutorum, atque ideo venerabile soli
 sortiti ingenium divinorumque capaces
 atque exercendis capiendisque artibus apti 145
 sensum a caelesti demissum traximus arce,
 cuius egent prona et terram spectantia. mundi
 principio indulsit communis conditor illis
 tantum animas, nobis animum quoque, mutuus ut nos
 adfectus petere auxilium et praestare iuberet, 150
 dispersos trahere in populum, migrare vetusto
 de nemore et proavis habitatas linquere silvas,
 aedificare domos, laribus coniungere nostris
 tectum aliud, tutos vicino limine somnos
 ut collata daret fiducia, protegere armis 155
 lapsum aut ingenti nutantem vulnere civem,
 communi dare signa tuba, defendier isdem
 turribus atque una portarum clave teneri.
 sed iam serpentum maior concordia, parcit
 cognatis maculis similis fera, quando leoni 160
 fortior eripuit vitam leo? quo nemore umquam
 expiravit aper maioris dentibus apri?
 Indica tigris agit rabida cum tigride pacem
 perpetuam, saevis inter se convenit ursis.
 ast homini ferrum letale incude nefanda 165
 produxisse parum est, cum rastra et sarcula tantum
 adsueti coquere et marris ac vomere lassī
 nescierint primi gladios extendere fabri.
 aspicimus populos, quorum non sufficit irae
 occidissem aliquem, sed pectora brachia vultum 170
 crediderint genus esse cibi. quid diceret ergo,

Cereris sibi invicem cursores facem tradunt. 145 exercendis.
 discendis artificii faciles. 146 quem alii animum esse dicunt
 partem caelicae divinitatis. 151 in unum colligere in civitate.
 160 id est nec serpens serpentem comedit nec fera sui ge-
 neris feram. 163 de India. ut Terentius [*Eun.* 413] 'elephantis
 quem Indicis praefecerat'. 168 nescierunt primi. primo tem-
 pore qui fuerunt regnante Saturno. 169 Aegyptios.

145 capiendis *supplevit p*: ****endis *P. fuit aliud verbum opinor*
ut pariendis 154 limite *P* 155 colata *P* 157 defendi** *P*
 163 raveda *P* 168 nescierant (a. corr. ex u) *florilegium S. Galli*
excudere § *Servius georg. II 539* 170 voltu* *P* 171 credide-
 rant *florilegium*

vel quo non fugeret, si nunc haec monstra videret
 Pythagoras, cunctis animalibus abstinuit qui
 tamquam homine et ventri indulsit non omne legumen?

SATVRA XVI

Quis numerare queat felicitis praemia, Galli,
 militiae? nam si subeuntur prospera castra,
 me pavidum excipiat tironem porta secundo
 sidere. plus etenim fati valet hora benigni,
 quam si nos Veneris commendet epistula Marti 5
 et Samia genetrix quae delectatur harena.

commoda tractemus primum communia, quorum
 haud minimum illud erit, ne te pulsare togatus
 audeat, immo etsi pulsetur, dissimulet nec
 audeat excussos praetori ostendere dentes 10
 et nigram in facie tumidis livoribus offam
 atque oculum medico nil promittente relictum.

Bardaicus iudex datur haec punire volenti
 calceus et grandes magna ad subsellia surae
 legibus antiquis castrorum et more Camilli 15
 servato, miles ne vallum litiget extra
 et procul a signis. iustissima centurionum
 cognitio est igitur de milite, nec mihi derit
 ultio, si iustae defertur causa querellae.

tota tamen chors est inimica, omnesque manipuli 20

173 Pythagoras Samius philosophus propter cognationem inter
 se mundi omnibus abstinuit animalibus, aversatus et fabam quae ex
 sanguine hominis orta esset. si sic ponatur, anastrophe. qui
 abstinuit. 174 qui et legumina timeret edere.

XVI de felicitate militum. ista a plerisque exploditur et
 dicitur non esse Iuvenalis. 3 me pavidum excipiat t. n. p. si
 sint pericula nulla, quamvis timidus sum, tamen eo ad militandum.

6 id est luno. 13 centurio. qui quasi inter illos milites
 militavit habentis stationem apud Bardos. est autem gens Galliae.

16 castra intra urbem erant militum quae Tiberius fecit.

172 nostra *florilegium* 174 homini *P* omnes *P* *omisso*
extremo verbo

XVI 1 galle *pω* 2 quod si *Priscianus GLK. II p. 399 et 435*
ante 3 lacunam statuerat Iahnus 12 oculos *ω* relictum
om. P relictos *pω* 13 Vard- *antiqui et Martialis* 18 cognito
P 20 tamen cohors *P* quod servandum censui: cohors tamen *ω*

consensu magno efficiunt, curabilis ut sit
vindicta et gravior quam iniuria. dignum erit ergo
declamatoris mulino corde Vagelli,
cum duo crura habeas, offendere tot caligas, tot
milia clavorum. quis tam procul absit ab urbe 25
praeterea, quis tam Pylades, molem aggeris ultra
ut veniat? lacrimae siccentur protinus, et se
excusaturos non sollicitemus amicos.
‘da testem’ iudex cum dixerit, audeat ille
nescio quis, pugnos qui vidit, dicere ‘vidi’, 30
et credam dignum barba dignumque capillis
maiorum. citius falsum producere testem
contra paganum possis, quam vera loquentem
contra fortunam armati contraque pudorem.
praemia nunc alia atque alia emolumenta notemus 35
sacramentorum. convallem ruris aviti
improbis aut campum mihi si vicinus ademit
et sacrum effodit medio de limite saxum,
quod mea cum patulo coluit puls annua libo,
debitor aut sumptos pergit non reddere nummos 40
vana supervacui dicens chirographa ligni,
expectandus erit qui lites inchoet annus
totius populi. sed tunc quoque mille ferenda
taedia, mille morae; totiens subsellia tantum
sternuntur, iam facundo ponente lacernas 45
Caedicio et Fusco iam micturiente parati
digredimur, lentaque fori pugnamus harena.
ast illis, quos arma tegunt et balteus ambit,
quod placitum est ipsis praestatur tempus agendi,
nec res atteritur longo sufflamine litis. 50
solis praeterea testandi militibus ius
vivo patre datur. nam quae sunt parta labore
militiae, placuit non esse in corpore census,
omne tenet cuius regimen pater. ergo Coranum

23 in alio Mutinensi. rhetor aliquis de Mutina. ignavus d. c.
mulino. 31 dico illum ex illis esse antiquis, si testimonium
tibi praebeat. 36 id est militiae. quia iurabant. 38 ter-
minum. 51 qui castrense peculium liberum habent.

23 mutinensi *SC* 24 dicrura *P* caligatos *PS* 29 duxerit
P 33 loquente *et* 34 pudore *P corr. p* 35 adquemolumenta *P*
aliae *add. p* 38 effodi *P* 48 illi *P* 52 lavare *P* 53
esset *P*

signorum comitem castrorumque aera merentem 55
quamvis iam tremulus captat pater; hunc favor aequus
provehit et pulchro reddit sua dona labori.
ipsius certe ducis hoc referre videtur,
ut qui fortis erit, sit felicissimus idem,
ut laeti phaleris omnes et torquibus, omnes 60

* * *

56 favor *Rupertius*: labor *PW* 60 in *P extremi quaternionis*
extremae paginae versus extremus. cetera desunt

TITVLVS AQVINAS *CIL. X 5382 (Henzen Or. 5599)* C[ere]ri
sacrum | [D. Iu]nius Iuvenalis | trib. coh. [I] Delmatarum | Ilvir
quinq. flamen | divi Vespasiani | vovit dedicav[itq]ue | sua pec.

MARTIALIS VII 24

Cum Iuvenale meo quae me committere temptas,
quid non audebis, perfida lingua, loqui?
te fingente nefas Pyladen odisset Orestes,
Thesea Pirithoi destituisset amor,
tu Siculos fratres et maius nomen Atridas
et Ledae poteras dissociare genus.
hoc tibi pro meritis et talibus inprecor ausis,
ut facias illud, quod, puto, lingua, facis.

idem VII 91

De nostro, facunde, tibi, Iuvenalis, agello
Saturnalicias mittimus ecce nuces.
cetera lascivis donavit poma puellis
mentula custodis luxuriosa dei.

idem XII 18

Dum tu forsitan inquietus erras
clamosa, Iuvenalis, in Subura
aut collem dominae teris Dianae,
dum per limina te potentiorum
sudatrix toga ventilat vagumque 5
maior Caelius et minor fatigant,
me multos repetita post Decembres
accepit mea rusticumque fecit
auro Bilbilis et superba ferro.
hic pigri colimus labore dulci 10
Boterdum Plateamque — Celtiberis
haec sunt nomina crassiora terris.
ingenti fruor improboque somno,
quem nec tertia saepe rumpit hora,
et totum mihi nunc repono quidquid 15
ter denos vigilaveram per annos.
ignota est toga, sed datur petenti
rupta proxima vestis a cathedra.
surgentem focus excipit superba
vicini strue cultus iliceti, 20
multa vilica quem coronat olla..

venator sequitur, sed ille quem tu
 secreta cupias habere silva.
 dispensat pueris rogatque longos
 levis ponere vilicus capillos. 25
 sic me vivere, sic iuvat perire.

VITA D. IVNII IUVENALIS. Iunius Iuvenalis, libertini locu-
 pletis incertum filius an alumnus, ad mediam fere aetatem de-
 clamavit animi magis causa quam quod scholae se aut foro
 praepararet. dein paucorum versuum satura non absurde com-
 posita in Paridem pantomimum poetamque eius semenstribus 5
 militiolis tumentem genus scripturae industrie excoluit. et
 tamen diu ne modico quidem auditorio quidquam committere
 est ausus. mox magna frequentia tantoque successu bis ac
 ter auditus est, ut ea quoque quae prima fecerat inferciret
 novis scriptis [7, 90] 10

quod non dant proceres, dabit histrio. tu Camerinos
 et Bareas, tu nobilium magna atria curas?

praefectos Pelopea facit, Philomela tribunos.

erat tum in deliciis aulae histrio multique fautorum eius cot-
 tidie provehebantur. venit ergo Iuvenalis in suspicionem, quasi 15
 tempora figurate notasset, ac statim per honorem militiae
 quamquam octogenarius urbe summotus est missusque ad prae-
 fecturam cohortis in extrema parte Aegypti tendentis. id sup-
 plicii genus placuit, ut levi atque ioculari delicto par esset.
 verum intra brevissimum tempus angore ac taedio periit. 20

adde scholia 1, 1 4, 38 7, 92 15, 27.

2 temporibus Claudii Neronis ad *vita cod. Voss.* 5 Domitiani
 pantomimum *Voss.* 14 apud Traianum imperatorem *vita cod. Bonon.*

16 extremis Domitiani temporibus missus in exilium *vita cod. Kulenkamp.*

17 Traianus fecit eum praefectum militum contra Scotos *cod. Bonon.* 20 tempus *θεὸς αὐτὸς* adscribitur divorum choro reverti-
 turque Iuvenalis Romam, qui tandem ad Nervae et Traiani principatum
 supervivens senio et taedio *Voss.* decessit longo senio confectus
 exul Antonino Pio imperatore *cod. Kulenkamp.*

SIDONIUS APOLLINARIS *carm.* IX 270

non qui tempore Caesaris secundi
 aeterno incoluit Tomos reatu,
 nec qui consimili deinde casu
 ad vulgi tenuem strepentis auram
 irati fuit histrionis exul.

IOHANNES MALALA *chron.* X p. 341 *Chilm.* ὁ δὲ [αὐτὸς βασιλεὺς] Δομετιανὸς ἐφίλει τὸν ὀρχηστὴν τοῦ πρασίνου μέρους [τῆς Ῥώμης] τὸν λεγόμενον Πάριδα, περὶ οὗ καὶ ἐλοιδορεῖτο ἀπὸ τῆς συγκλήτου [Ῥώμης] καὶ Ἰουβενάλιου τοῦ ποιητοῦ [τοῦ Ῥωμαίου ὡς χαίρων εἰς τὸ πράσινον]. ὅστις βασιλεὺς ἐξώρισε τὸν [αὐτὸν] Ἰουβενάλιον [τὸν ποιητὴν] ἐν Πενταπόλει ἐπὶ τὴν Αἰβύην, τὸν δὲ ὀρχηστὴν πλουτίσας ἔπεμψεν ἐν Ἀντιοχείᾳ· ὃς κτίσας οἶκον καὶ λουτρὸν ἔξω τῆς πόλεως ἐκεῖ τελευτᾷ.

SVIDAS Ἰουβενάλιος ποιητὴς Ῥωμαῖος. οὗτος ἦν ἐπὶ Δομετιανοῦ βασιλέως Ῥωμαίων. ὁ δὲ Δομετιανὸς *et cetera omīssis quae uncis inclusa sunt superius.*

RVTILIVS NAMATIANVS I 603

huius vulnificis satura ludente Camenis
nec Turnus potior nec Iuvenalis erit.

IOHANNES LYDVS *de mag.* I 41 Τοῦργος δὲ καὶ Ἰουβενάλιος καὶ Πετρώνιος αὐτόθεν ταῖς λοιδορίαις ἐπεξελθόντες τὸν σατυρικὸν νόμον παρέτρωσαν.

SVLPICIAE QVAE FERVENTVR

M editio Merulae a. 1498 et 1509
V editio Vgoleti a. 1499 et 1501

SVLPICIAE CARMEN LXX.

Musa, quibus numeris heroas et arma frequentas,
fabellam permitte mihi detexere paucis.
nam tibi secessi, tecum penetrale retractans
consilium. quare nec carmine curro Phalaeco,
nec trimetro iambo, nec qui pede fractus eodem 5
fortiter irasci discit duce Clazomenio;
cetera quin etiam, quot denique milia lusi
primaque Romanas docui contendere Graiis
et salibus variare novis, constanter omitto,
teque, quibus princeps et facundissima calles, 10
aggredior. precibus descende clientis et audi.
dic mihi, Calliope, quidnam pater ille deorum
cogitat? an terras et patria saecula mutat,
quasque dedit quondam, morientibus eripit artes,
nosque iubet tacitos et iam rationis egentes 15
non aliter, primo quam cum surreximus arvo,
glandibus et purae rursus procurrere lymphae?
an reliquas terras conservat amicus et urbes,
sed genus Ausonium Romulique exturbat alumnos?
quid reputemus enim? duo sunt, quibus extulit ingens 20
Roma caput: virtus belli et sapientia pacis.
sed virtus agitata domi et socialibus armis
in freta Sicaniae et Carthaginis exilit arces
ceteraque imperia et totum simul abstulit orbem.

Queritur de statu reip. et temporibus Domitiani *MV* 2 pacis
Heinsius 3 secessit *M* 4 phaleuco *V* 5 trimetro nec qui
fractus pede iambus eodem *Lachmannus* 6 didicit *Vinetus*
7 quod denique *MV*: quondam quae *Heinsius* 8 Romanas *Vinetus*:
romanos *MV* 10 et *MV*: o *Iahnus* 14 morientis coni. *Iahnus*
15 tacitas *V* egenos *V* post 15 ponunt *MV* 20 21 22, trans-
posuit *Vinetus* 16 aevo *Avancius* 17 procumbere *Pithoeus*
18 amicas *M* 19 Remulique *Scaliger* 23 exiit *Pithoeus* exciit
Lachmannus artes *M*

deinde velut stadio victor qui solus Achaeo 25
 languet et immota secum virtute facessit,
 sic itidem Romana manus, contendere postquam
 destitit et pacem longis frenavit habenis,
 ipsa domi leges et Graia inventa retractans
 omnia bellorum terra quaesita marique 30
 praemia consilio et molli ratione regebat.
 stabat in his, neque enim poterat constare sine ipsis,
 aut frustra uxori mendaxque Diespiter olim
 'imperium sine fine dedi' dixisse probatur.
 nunc igitur qui res Romanas imperat inter, 35
 non trabe sed tergo prolapsus et ingluvie albus,
 et studia et sapiens hominum nomenque genusque
 omnia abire foras atque urbe excedere iussit.
 quid facimus? Graios hominumque relinquimus urbes,
 ut Romana foret magis his instructa magistris: 40
 nunc, Capitolino veluti turbante Camillo
 ensibus et trutina Galli fugere relicta,
 sic nostri palare senes dicuntur et ipsi
 ut ferale suos onus extirpare libellos.
 ergo Numantinus Libycusque erravit in isto 45
 Scipio, qui Rhodio crevit formante magistro,
 ceteraque illa manus bello facunda secundo,
 quos inter prisci sententia dia Catonis
 scire deos magni fecisset, utrumne secundis
 an magis adversis staret Romana propago. 50
 scilicet adversis. nam cum defendier armis
 suadet amor patriae et captiva penatibus uxor,
 convenit, ut vespis, quarum domus arce movente,
 turba tegens strictis per lutea corpora telis;
 ast ubi apes secura redit, oblita suorum 55
 plebs fraterque una somno moriuntur obeso.

25 stadio *Tornaesiana*: studio *MV* 26 se cum *voluit opinor*
auctor fatiscit *Scaliger* 33 at *Buherius* haut *Cannegieter* post
 34 lacunam indicarat *Iahnus* 35 rex Romanos *Dousa* imperat
Scaliger: inferat *MV* 39 reliquimus *Cannegieter* 40 manus his
Burmannus 41 nunc *Scaliger*: non *MV* 42 fugiere *M* 43
 si *M* 44 suos onus *Scaliger*: suo sonus *MV* 45 Numantinus
 Libycusque *Tornaesiana*: numantinas libycasque *MV* 47 cetera et
 illa *edebatur* 49 deis *Iahnus* adeo *Pithoeus*. *nosse divinam volun-*
tatem 52 ut nunc *Itali locuntur, cattiva, ut Galli, chétive*
 53 monetae *V* cf. *Iliadis XII 167* 54 rigens *Scaliger* 55 apes
MV cf. *Priscianus GLK. II p. 241*: pax *edebatur* res *Luc. Muellerus*
 suorum *M*: favorum *V* laborum *Heinsius* 56 materque *Pithoeus*
 patresque *Dousa. tangitne monachos?*

Romulidarum igitur longa et gravis exitium pax.

hoc fabella modo pausam facit. optima, posthac,
 Musa, velim moneas, sine qua mihi nulla voluptas
 vivere, uti quondam Smyrna Lydusque peribat, 60
 nunc itidem migrare velit. vel denique quidvis
 ut dea quaere aliud: tantum Romana Caleno
 moenia iucundos pariterque averte Sabinos.
 haec ego, tum paucis dea me dignarier infit:
 'pone metus aequos, cultrix mea; summa tyranno 65
 haec instant odia et nostro periturus honore est.
 nam laureta Numae fontisque habitamus eosdem
 et comite Egeria ridemus inania coepta.
 vive, vale. manet hunc pulchrum sua fama dolorem;
 Musarum spondet chorus et Romanus Apollo.' 70

58 hoc *Pithoeus*: hac *MV* haec *Scaliger* 60 smyrnalibusque
MV cf. *Herodoti* I 94 Lydus (Lydis *Heinsius*) dum Smyrna peribat
Pithoeus 61 velint *Tornaesiana* velis *Burmannus* 62 ut *MV*:
 tu *Heinsius* 63 facundos *M* adverte *Scaliger* 66 ecce in-
 stant *Heinsius* 69 sua *Pithoeus*: tua *MV* 70 finiunt Sulpitiae
 dicta *MV*

PROBVS *Vallae ad Iuven.* VI 537 de cadurco: est instita qua
 lectus intenditur. unde ait Sulpicia
 si me Cadurcis dissolutis fasciis
 nudam Caleno concubantem proferat

Sulpicia si me *scripsi*: Sulpicius ne *Valla*. Sulpicia ne me *Pithoeus*
 cadurci *Munckerus* restitutis *Valla*. destitutam *Pithoeus* nu-
 dam *Pithoeus*: nudum *Valla* concubantem *Pithoeus*: concumbentem
Valla proferas *Munckerus*

MARTIALIS X 35

Omnes Sulpiciam legant puellae,
 uni quae cupiunt viro placere;
 omnes Sulpiciam legant mariti,
 uni qui cupiunt placere nuptae.
 non haec Colchidos asserit furorem, 5
 diri prandia nec refert Thyestae,
 Scyllam, Byblida nec fuisse credit,
 sed castos docet et probos amores,
 lusus, delicias facetiasque.
 cuius carmina qui bene aestimarit, 10
 nullam dixerit esse nequiorem,

nullam dixerit esse sanctiorem.
 tales Egeriae iocos fuisse
 udo crediderim Numae sub antro.
 hac condiscipula vel hac magistra 15
 esses doctior et pudica, Sappho;
 sed tecum pariter simulque visam
 durus Sulpiciam Phaon amaret.
 frustra, namque ea nec Tonantis uxor
 nec Bacchi nec Apollinis puella 20
 erepto sibi viveret Caleno.

idem X 38

O molles tibi quindecim, Calene,
 quos cum Sulpicia tua iugales
 indulsit deus et peregit annos.
 o nox omnis et hora, quae notata est 5
 caris litoris Indici lapillis.
 o quae proelia, quas utrimque pugnas
 felix lectulus et lucerna vidit
 nimbis ebria Nicerotianis.
 vixisti tribus, o Calene, lustris:
 aetas haec tibi tota computatur, 10
 et solos numeras dies mariti.
 ex illis tibi si diu rogatam
 lucem redderet Atropos vel unam,
 malles quam Pyliam quater senectam.

FVLGENTIVS *myth.* I p. 598 neque enim illas heroidarum
 arbitreris lucernas meis praesules libris, quibus aut Sulpicillae
 procacitas aut Psyches curiositas declaratur.

SIDONIVS APOLLINARIS *carm.* IX 262

non quod Sulpiciae iocus Thaliae
 scripsit blandiloquum suo Caleno.

T V R N V S

SCHOLIASTA *Iuvenalis* I 71 inde ait Turnus in satura
ex quo Caesareas suboles Lucusta cecidit
horrendi curas avertere nata Neronis.

quo *Probus Vallae*: qua *S* . soboles Locusta cecidit horrendum
curas dum liberat atra Neronis *Probus* soboles horrida locusta occidit
cura sui verna nota neronis *S*: *redegi in versus cf. Wernsdorfi PLM.*
III p. 82

PROBUS *Vallae ad Iuven.* I 20 Turnum dicit Scaevae Me-
moris tragici poetae fratrem. Turnus hic libertini generis ad
honores ambitione proventus est, potens in aula Vespasia-
norum Titi et Domitiani.

Scaevi Remoris *Valla corr. Pithoeus*

MARTIALIS VII 97, 7 *de Caesio Sabino*
nam me diligit ille proximumque
Turni nobilibus legit libellis.

idem XI 10

Contulit ad saturas ingentia pectora Turnus:
cur non ad Memoris carmina? frater erat.

RUTILIUS NAMATIANS I 603 *de Lucillo Decii Acinatii patre*
huius vulnificis satura ludente Camenis
nec Turnus potior nec Iuvenalis erit.

SIDONIUS APOLLINARIS *carm.* IX 266
non Lucilius hic Lucretiusque est,
non Turnus Memor Ennius Catullus
Stella et Septimius Petroniusque
aut mordax sine fine Martialis.

IOHANNES LYDVS *de mag.* I 41 Τοῦρνος δὲ καὶ Ἰουβενά-
λιος καὶ Πετρώνιος αὐτόθεν ταῖς λοιδορίαις ἐπεξελθόν-
τες τὸν σατυρικὸν νόμον παρέτρωσαν.

NOMINA PERSII

- Accius *tragicus* I 76
 Aegaeum V 142
 Anticyra IV 16
 Antiopa *Pacuvii* I 78
 Appenninus I 95
 Apula canis I 60
 Arcadiae pecuaria III 9
 Arceſilas III 79
 Arretium I 130
 Attis I 93 105
 Attius *Labeo* I 50
 Bassaris I 101
 Bassus *Caesius* VI 1
 Bathyllus *pantomimus* V 123
 Baucis *anus holera vendens* IV 21
 Berecynthius Attis I 93
 Bestius *ex Horatio* VI 37
 Bovillae VI 55
 Brisaeus Accius I 76
 Bruto liberior V 85
 Bruttia saxa VI 27
 Caesar *Gaius* VI 43
 Caesonia *Gai* VI 47
 Calabrum vellus II 65
 Calliroe *liber* I 134
 Camena V 21
 Cappadoces *in catasta* VI 77
 Cato *Vticensis* III 45
 Chaereſtratus *ex Menandro* V 162
 Chrysippus VI 80
 Chrysis *ex Menandro* V 165
 Cleanthea fruge V 64
 Coa lubrica V 135
 Cornutus *Annaeus* V 23 37
 Crassi aedes II 36
 Craterus *medicus* III 65
 Cratinus I 123
 Crispini balnea V 126
 Cures IV 26
 Dama agaso V 76
 Davus *ex Menandro* V 161 168
 Dinomaches *Alcibiades* IV 20
 Ennius VI 10
 Ergenna *haruspex* II 26
 Euhios I 102
 Eupolis I 124
 Falernum *vinum* III 3
 Flaccus *Horatius* I 116
 Floralia V 178
 Fulſennius *vide* Pulf-
 Germana pubes VI 44
 Glycon *tragoedus* V 9
 Grai I 127 VI 38 Graeci V 191
 Helicon V 7
 Heliconides *choli*. 4
 Hercules II 12
 Herodis dies V 180
 Hypsipyle *carmen* I 34
 Ianus I 58
 Ilias Atti I 50 nulla Iliade I 123
 Ionum *mare* VI 29
 Italo honore I 129 mercibus Italis
 V 54
 Iuppiter II 18 22 40 V 50 114 137
 Labeo *Attius* I 4
 Lares V 31
 Lemures V 185
 Licini campos II 36
 Ligus ora VI 6
 Lucilius I 114
 Lunae portus VI 9
 Lupus *ex I Lucili* I 115
 Macrinus *Plotius* II 1
 Maenas I 101 105
 Maenides *Homerus* VI 11
 Manius heres VI 56 60
 Marcus *civis R.* V 79
 Marsus cliens III 75
 Masurius *Sabinus* V 90
 Medi *Persae* III 53
 Melicerta V 103
 Mercurius II 44 VI 62 V 112
 Messallae propago II 72
 Mimallonei bombi I 99
 Mucius *ex II Lucili* I 115
 Musa I 68

- Mycenæ V 17
 Natta discinctus III 31
 Nereus *mare* I 94
 Nerius *ex Horatio* II 14
 Numae vasa II 59
 Orestes III 118
 Pacuvius *tragicus* I 77
 Palilia I 72
 Parca V 48
 Parnasus *choli.* 2
 Parthus V 4
 Pedius *Blaesus* I 85
 Pegaseium nectar *choli.* 14
 Periclis pupillus IV 3
 Phyllis *carmen* I 34
 Pirene *choli.* 4
 Polydamas *ex Homero* I 4
 Ponto *saperdae* V 134
 Procne V 8
 Publius *civitate donatus miles* V 74
 Pulfennius *centurio* V 190
 Pythagoreus pavo VI 11
 Quintius *ab aratro dictator* I 73
 Quintus *Ennius* VI 11
 Quirites III 106 IV 8 V 75
 Remus I 73
 Rhenus VI 47
 Roma I 5 8
 Romulus I 87
 Romulidae I 37
 Sabinus focus VI 1
 Samii ramī litterae III 56
 Saturnus *sidus* V 50 *Saturnia aera*
 II 59
 Siculus iuvenus III 39
 Socraticus sinus V 37
 Solones III 79
 Staius *bonus iudex* II 19 22
 Subura V 32
 Surrentina *vina* III 93
 Tadius *legator* VI 66
 Thyestae olla V 8
 Tiberinus *amnis* II 15
 Titi *trossuli* I 20
 Troiades I 4
 Tuscum stemma III 28 fictile II 60
 Veientanum *vinum* V 147
 Velina *tribus* V 73
 Venus II 70 V 58
 Vestales urnae II 60
 Vettidius *Curibus* IV 25
 Virbi clivus VI 56
 Vmbri pingues III 74

NOMINA IVVENALIS

- Acci *tragica ornamenta* VI 70
 Acestes VII 235
 Achaei III 61
 Achilles I 163 VII 210 VIII 271 X
 256 XI 30 XIV 214
 Acilius *Glabrio* IV 94
 Actiaca carina II 109
 Actor Auruncus II 100
 Aeacus I 10
 Aeacides *Achilles* VIII 270
 Aegaeum XIII 81 246
 Aegyptus VI 527 XV 2 45 116
 Aegyptius nescio quis I 130
 Aelia pauper VI 72
 Aemiliani VIII 3
 Aemilius pons VI 32 Aemilius *cau-*
sidicus VII 124
 Aeneas I 162 V 139 XV 67
 Aeoliae rupes I 8 X 181
 Aethiops II 23 VIII 33 X 150
 Afri V 152 VIII 120 XI 142
 Africa VII 149 X 148
 Agamemnon XIV 286
 Agamemnonides *Orestes* VIII 215
 Aganippe VII 6
 Agathyrsi XV 125
 Agaue *Statii* VII 87
 Agrippa *Iudaeus* VI 158
 Agrippinae boletus VI 620
 Ajax *Telamonis f.* VII 115 X 84
 XIV 213 XV 65
 Alabanda III 70
 Alba *Longa* IV 61 Albana arx IV 145
 100 V 33 Albanum *vinum* XIII 214
 Albina *orba* III 130
 Alcestis VI 653
 Alcinous XV 15
 Alcithoe Pacci VII 12
 Alexander *Magnus* XIV 311
 Alledius *gulosus* V 118
 Allobrox Cicero VII 214
 Allobrogici *Fabii* VIII 13

- Alpes X 166 XIII 162
 Ambrosius choraules VI 77
 Amphion VI 174
 Amydon III 69
 Anchemoli noverca VII 235
 Anchisae nutrix VII 234
 Ancon *Piceni* IV 40
 Ancus *rex* V 57
 Andromache VI 503
 Andros III 70
 Antaeus III 89
 Anticatones Caesaris VI 338
 Anticyra XIII 97
 Antigona persona VIII 229
 Antilochus X 253
 Antiochus *comoedus* III 98
 Antiphates XIV 20
 Antonius *raptor provinciae* VIII 105
 triumvir X 123
 Anubis derisor VI 534
 Aonides *musae* VII 59
 Apicius IV 23 XI 3
 Apollo I 128 VII 37 XIII 203
 Appi nominis VI 385
 Appula VI 64
 Apulia IV 27 praedia Appula IX 55
 Aquinum III 319
 Arabarches I 130
 Arachne II 56
 Arcadicus iuvenis *asinus* VII 160
 Archigenes *medicus* VI 236 XIII 98
 XIV 252
 Aricini axes IV 117
 Aristoteles II 6
 Armenia VIII 169 Armenius II 164
 VI 407 550
 Armillatus *delator* IV 53
 Arpinas *Cicero* VIII 237 *Marius*
 VIII 245
 Artaxata II 170
 Artorius III 29
 Arviragus *rex Britannorum* IV 127
 Asia V 56 X 266 Asiani di III 218
 equites VII 14
 Assaracus X 259
 Assyrius orbis II 108
 Astraea VI 19
 Asturici magna domus III 212
 Asylus *gladiator* VI 267
 Athenae III 80 VII 205 IX 101 X
 127 XV 110
 Athos X 174
 Atlas VIII 32 XIII 48 *mons* XI 24
 Atreus *Lappae* VII 73
 Atrides VI 660 *Domitianus* IV 65
 Atticus lautus XI 1
 Aventinus III 85
 Aufidius moechus IX 25
 Augustus mensis III 9 *princeps* X
 77 VI 118
 Aurelia *captata* V 98
 Aurora X 2
 Auruncae alumnus *Lucilius* I 20
 Auruncus Actor II 100
 Automedon *auriga* I 61
 Autonoes gestibus VI 72
 Bacchanalia III 3
 Baeticus aer XII 42
 Baiae III 4 XI 49 Baiana cumba
 XII 80
 Baptae *Eupolidis* II 92
 Bardaicus calceus XVI 13
 Barea *Soranus* III 116 VII 91
 Basilus *causidicus* VII 145 X 222
 Batavi VIII 51
 Bathyllus saltat Ledam VI 63
 Bedriaci campi II 106
 Belides multae VI 655
 Bellerophon X 325
 Bellona IV 124 VI 512
 Beneventanus sutor V 46
 Beronice *soror Agrippae* VI 156
 Bibula *pulcra* VI 142
 Bithyni VII 15 X 162
 Bithynicus Volusius XV 1
 Blandus Rubellius VIII 40
 Boccar V 90
 bona dea II 86 VI 314
 Bootes V 23
 Brigantes XIV 196
 Britanni II 161 XV 111 IV 126 bal-
 laena Britannica X 14
 Britannicus *Claudi f.* VI 124
 Brittones XV 124
 Bromius *ephebus* VI 378
 Bruti IV 103 VIII 182 V 37 XIV 43
 Brutteditus *rhetor Seiani amicus*
 X 83
 Bruttia fascia visci IX 14
 Cacus V 125
 Caedicius gravis XIII 197 facundus
 XVI 46
 Caesar *princeps* IV 51 135 VII 1
 VIII 171 X 86 330 XII 106 XIV
 330 *C. Iulius Caesar* V 4 VI 338
 Caesonia *Caligulae* VI 616
 Caieta XIV 87
 Calenum *vinum* I 69

- Calliope IV 34
 Calpe XIV 279
 Calvina III 133
 Calvinus *periurium querens* XIII 5
 Camenae III 16 VII 2
 Camerini VII 90 VIII 38
 Camillus II 154 XVI 15
 Campania X 283
 Cannae II 155 VII 168 X 165 XI 200
 Canopus I 26 VI 84 XV 46
 Cantaber XV 108
 Canusina ovis VI 150
 Capena *porta* III 11
 Capito *pirata Cilicum* VIII 93
 Capitolia X 65 XIV 91 Capitolina
quercus VI 387
 Capitolini II 145
 Cappadoces equites VII 15
 Capreae X 72 93
 Carfinia *moecha* III 69
 Carpathium aequor XIV 278
 Carpophorus *voce molli* VI 199
 Carrinas Secundus VII 205
 Carthago VI 171 X 277
 Carus *Mettius* I 36
 Cassandra X 362
 Cassius *et Bruti* V 37
 Castor XIII 152 XIV 260
 Catienna III 133
 Catilina II 27 VIII 231 X 288 XIV 41
 Catinensis pumex VIII 16
 Cato tertius II 40 durus XI 90
 Catulla *meretrix* II 49 X 322
 Catullus *Messalinus* IV 113 *mimo-*
graphus VIII 186 XIII 111 *amicus*
poetae XII 29 37 93
 Catulus *aliquis* III 30 Catuli mino-
 ribus II 146
 Cecropides VIII 46 53
 Cecropis VI 187 Cecropia Cotyto
 II 92
 Geladus *grammaticus* VII 215
 Celaeno VIII 130
 Celsus *Cornelius de rhetorica* VI 245
 Censennia *locuples* VI 136
 Ceres III 320 VI 50 IX 24 X 112
 XIV 219 263 XV 141
 Cethegus *Catilinae socius* II 27 VIII
 231 X 287
 Chaerippus *Cilicum defensor* VIII 95
 Chaldaei VI 553 X 94
 Charybdis V 102 XV 17
 Chatti IV 147
 Chione *prostibulum* III 136
 Chiro *centaurus* III 205
 Chrysippus II 5 XIII 184
 Chrysogonus *citharoedus* VI 74 VII
 176
 Cicero VII 139 214 VIII 244 X 114
 Cilix *gladiator* IV 121 *piratae Ci-*
licum VIII 94
 Cimbri VIII 249 XV 124
 Circe XV 21
 Circeis ostrea IV 140
 Cirrha VII 64 Cirrhaeus vates XIII 79
 Claudius Caesar V 147 VI 115 XIV
 330
 Cleanthas archetypus II 7
 Cleopatra II 109
 Clio VII 7
 Clitumni pascua XII 13
 Clodius *incestus* II 27 VI 345
 Clotho IX 135
 Cluvia II 49
 Cluvenius *poeta* I 80
 Clytaemnestra VI 656
 Cocles VIII 264
 Codrus *pauper* III 203
 Colchis *Medea* VI 643
 Collina turris VI 291
 Commagenus haruspex VI 550
 Concordia I 116
 Coptus calida XV 28
 Coranus *miles* XVI 54
 Corbulo *aptus laturis* III 251
 Corcyraea *Phaeacum* XV 25
 Cordi Theseis I 2
 Corinthos uncta VIII 113
 Corinthus stupidus VIII 197
 Cornelia mater Gracchorum VI 167
 Corsica mullum misit V 92
 Corvinus *nobilis* I 108 VIII 5 7
amicus poetae XII 1 93
 Corybanta videbis V 25
 Corycia puppis XIV 267
 Corydon *ex Vergilio* IX 102
 Coryphaeus *ecus* VIII 62
 Cosmi ahenum VIII 86
 Cossus *nobilis* III 184 VIII 21 cap-
 tator X 202
 Cotta *Ovidi patronus* V 109 VII 95
 Cotyto II 92
 Coa conchylia VIII 101
 Crassus *potens* X 108
 Cremera II 155
 Crepereius Pollio IX 6
 Cressa *Phaedra* X 327
 Cretae de litore passum XIV 270

- Creticus *nobilis orator* II 67 78
 VIII 38
 Cretonius aedificator XIV 86 92.
 Crispinus *praef. praet.* I 27 IV 1
 14 24 108
 Crispus *Vibius* IV 81
 Croesus X 274 XIV 328
 Cumae III 2 321 IX 57
 Curii II 3 153 VIII 4 XI 78
 Curtius bucca XI 34
 Cyane *copa* VIII 162
 Cyaneae XV 20
 Cybele II 111 XIV 263
 Cyclas *exulum* VI 563
 Cyclopes XV 18
 cynici XIII 121 XIV 309
 Cynthia *Propertii* VI 7
 Daci IV 111
 Dacicus *aureus* VI 205
 Daedalus III 25
 Damasippus *e nobili ludius* VIII 185
 December VII 97 aquilo IX 68
 Decii VIII 254 XIV 239
 Delphis oracula VI 555
 Demetrius *comoedus* III 99
 Democritus *ridens* X 34
 Demosthenes X 114
 Deucalion I 81
 Diana III 320 X 292 XV 8.
 Diomedaeae *epicorum* I 53
 Diphilus aliquis III 120
 Dolabella *inter raptores provin-*
 ciarum VIII 105
 Domitius *pater Neronis* VIII 228
 Dorica Ancon IV 40
 Doris *nuda* III 94
 Drusus *generosus* VIII 21 40 *som-*
 nulentus III 238
 Echion citharoedus VI 76
 Egeriae vallis III 17
 Electra VIII 218
 Elissa *Vergilii* VI 435
 Elpenor XV 22
 Endymion tuus X 318
 Ennosigaeus X 182
 Epicuri horti XIII 122 XIV 319
 Epona VIII 157
 Eppia nupta senatori VI 82 104 114
 Erinyes VII 68
 Eriphylae multae VI 655
 Esquiliae III 71 V 78 XI 51
 Etruscum aurum *bullae* V 164
 Euander XI 61
 Euganea agna VIII 15
 Eumenides XIV 285
 Euphranoris *aera* III 217
 Euphrates I 104 VIII 57
 Europe VIII 34
 Euryalus *ludius* VI 81
 Fabii II 146 VIII 14 191 XI 90 Fa-
 bius Gurgus VI 266 *poetarum pa-*
 tronus VII 95
 Fabrateria III 224
 Fabricius censor II 154 IX 142 XI
 91 Veiento IV 129
 Fabulla *moecha* II 68
 Faesidius agens *caussas* III 32
 Falernum *vinum* IV 138 VI 303
 430 IX 116 XIII 216 ulmi Faler-
 nae VI 150
 Fausti *poemata* VII 12
 Fidenae VI 57 X 100
 Flaccus *Horatius* VII 227
 Flaminia *via* I 64 171
 Flavius ultimus IV 37
 Flora *dea* XIV 262 *meretrix* II 49
 Fonteius consul *anni 67 p. Chr.*
 XIII 17
 Frontonis *domus* I 12
 Frusino III 224
 Furiae XIII 51
 Fuscinus *poetae amicus* XIV 1
 Fuscus *Cornelius* IV 112 *iudex vel*
 patronus XVI 46 sitiens coniux
 Fusci XII 45
 Gabba *scurra* V 4
 Gabii III 192 VI 56 VII 4 X 100
 Gades X 1 Gaditana *prurientia* XI
 162
 Gaetulice seu tu Silanus VIII 26
 Gaetuli V 53 59 X 158 XI 140 XIV
 278
 Galba *inter imagines* VIII 5 *Aug.*
 II 104 VIII 222
 Galla *coniux clientis* I 125
 Galli XI 113 Gallus textor IX 30
 Gallia VII 148 XV 111 Gallia? altera
 VII 16 Gallicus axis VIII 116
 Gallicus *praef. urbi* XIII 157
 Gallitta locuples orba XII 99 113
 Gallius *poetae amicus* XVI 1
 Gallus *causidicus* VII 144
 Ganges X 2
 Ganymedes Pacis IX 12 *pincerna*
 V 59
 Gaurus *vitiifer* IX 57 Gaurana ostrea
 VIII 86
 Germani caerula lumina XIII 164

- Germanicus *aureus* VI 205
 Geticae pruinæ V 50
 Gillo *vetulârum subactor* I 40
 Glaphyrus citharoedus VI 77
 Gorgo XII 4 Gorgoneus caballus III 118
 Gracchi II 24 VI 168 Gracchus *salius* II 117 143 VIII 201 210
 Gradivus II 128 XIII 113
 Grai VIII 226 X 138 XI 100 XV 110 Graeci III 61 114 VI 16 XIV 89 Graeculus III 78 VI 186 Graecia X 174 XIV 240
 Gurgus Fabius VI 266
 Gyra I 73 X 170
 Haemus *comoedus* III 99 *idemne* VI 198?
 Hamillus *pedico* X 224
 Hammonis fons VI 555
 Hannibal VI 170 291 VII 161 X 147 XI 108
 Héctor X 259
 Hedymeles *citharoedus* VI 383
 Heliadum crustae *electra* V 38
 Heliodorus *chirurgus* VI 373
 Helvidius *Priscus* V 36
 Helvina Ceres *Aquini* III 320
 Heracleae *epicorum* I 52
 Hercules II 20 III 89 V 125 X 361 XIII 43 151 XIV 90 Herculeus VIII 14 XIII 82 XIV 280
 Hermarchus aliquis III 120
 Hernicus XIV 180
 Hesperidum serpens XIV 114
 Hiberina *multivira* VI 53
 Hippolytus X 325
 Hirpinus *ecus* VIII 63
 Hirrus *tutor improbus* X 222
 Hispania VIII 116 X 151
 Hispo *cinaedus* II 50
 Hispulla VI 74 *pinguissima* XII 11
 Hister *amnis* VIII 170
 Hister II 58 Pacuvius *captator* XII 111
 Homerus VI 437 VII 38 X 246 XV 69
 Homericus Gradivus XIII 113
 Horatius *Flaccus* VII 62
 Hyacinthi *amasti pulcelli* VI 110
 Hylas urnam secutus I 164
 Hymetto vicinus *Socrates* XIII 185
 Hyperboreus axis VI 470
 Ianus VI 386 394
 Iarbas *ex Vergilio* V 45
 Iason mercator *in campo* VI 153
 Idaea *Iovis antra* XIII 41 Idaeum numen III 138 XI 194
 Idumaea porta VIII 160
 Ilias X 261 XI 180 Iliacus puer *Ganymedes* XIII 43
 Illyricum latus VIII 117
 Indi VI 337 466 XI 125 Indica tigris XV 163
 Io si iusserit VI 526
 Ionium late sonantem VI 93
 Iphigenia XII 119
 Isaëus *sophista* III 74
 Isis VI 529 IX 22 XII 28 XIII 93
 Isiaca lena VI 489
 Ister *vide* Hister
 Italia III 171 X 154 XII 78
 Ithacus Vlixes X 257 XIV 287 XV 26
 Iudaei III 14 VI 543 547 Iudaicum ius XIV 101
 Iulia *Titi f.* II 32
 Iulius *mensis* II 70 lex Iulia II 37 VI 38
 Iulus VIII 42 XII 70
 Iuncus consul *anni 127 p. Chr.* XV 27
 Iuno II 98 VI 48 619 VII 32 XIII 40
 Iuppiter V 79 VI 15 59 VIII 156 X 38 188 268 XI 116 XII 6 89 XIII 41 114 XIV 81 206 271
 Iuvernae litora II 160
 labyrinthi mugitus I 53
 Lacedaemonius orbis XI 175
 Lacerta russatus VII 114.
 Lachesis III 27 IX 136
 Ladas *cursor* XIII 97
 Laelius *militum dilector* XIV 195
 Laenas captator V 98
 Laestrygonæ XV 18
 Lagi moenia *Alexandria* VI 83
 Lamiae *nobilissimi* IV 154 VI 385
 Laomedontiades *Priamus* VI 326
 Lappa Rubrenus VII 72
 Larga adultera XIV 25
 Laronia *virorum castigatrix* II 36 65
 Lateranus cos. *a. 94* VIII 147 151 167 Laterani X 17
 Latinae *viae* monumenta I 171 V 55
 Latina pubes VI 287 637 VIII 256
 Latinus *archimimus* I 36 VI 44
 Latium XII 103 rebus Latis XI 115
 Latonae gens VI 176 X 292
 Lavina sedes *Iuli* XII 71
 Laurenti in agro I 107

- Laureolus *mimus* VIII 187
 Leda *saltata* VI 63
 Lentulus *Catilinarius* X 287 *poetarum patronus* VII 95 *mimum agens* VIII 187 *vir adulterae* VI 80
 Lepidi VI 265 VIII 9
 Leucade *caedes civium* VIII 241
 Libitinam evaserit aeger XII 122
 Liburnus ingens III 240 IV 75 VI 477
 Libye V 119 XI 25
 Licinus praedives I 109 XIV 306
 Ligustica saxa III 257
 Liparaea *Volcani* XIII 45
 Longinus *Cassianorum princeps* X 16
 Lucani *servorum carcer* VIII 180
 Lucanus contentus fama VII 79
 Lucilius I 165
 Lucretia X 293
 Lucrinum saxum *ostreosum* IV 141
 Lucusta *venefica* I 71
 Lugudunensis ara I 44
 Lycisca *prostibulum* VI 123
 Lycius puer XI 147
 Lyde *medica ad steriles* II 141
 Machaera *pro gladiatore* VII 9
 Maculonis aedes VII 40
 Maecenas I 66 VII 94 XII 39
 Maedi *lecticarii* VII 132
 Maeotis ara XV 115 *glacies Maeotica* IV 42
 Mamerci *patricii* VIII 192
 Manilia accusat VI 243
 Marcelli II 145
 Marius *Priscus* I 49 VIII 120
 Maro *Vergilius* VI 436 VII 227 XI 180
 Mars I 8 II 31 VI 59 IX 101 X 83 314 XIII 79 XIV 261 XVI 5
 Marsi III 169 XIV 180
 Marsya victus IX 2
 Massa *Baebius* I 35
 Matho caudicus I 32 VII 129 XI 34
 Maura *felatrix* VI 307 X 224
 Mauri III 79 V 53 VI 308 337 VII 120 X 148 XI 125 XIV 196
 Media *mulier impura* II 49
 Medullina crisans VI 322
 Medus *Xerxes* X 177
 Megalesia VI 69 XI 193
 Melanippae persona VIII 229
 Meleagri aper V 115
 Memnon *resonans* XV 5
 Memphitide terra XV 122
 Menoeceus Thebas dilexit XIV 240
 Mentor *caelator* VIII 104
 Meroc VI 528 XIII 163
 Messalina X 333
 Metellus caecus VI 265 *dux belli Sertoriani* XV 109
 Mevia *virago* I 22
 Micipsae *Numidae* V 89
 Miletos VI 296
 Milo *et Clodius* II 26
 Minerva III 139 219 X 116 XIII 82
 Minturnarum paludes X 276
 Mithridates composuit *antidotum* XIV 252
 Modia *orba* III 130
 Moesi fortes IX 143
 Molossus *Pyrrhus* XII 108 XIV 162
 Montanus *T. Iunius* IV 107 131
 Monychus ornos iaculatur I 11
 Moyses XIV 102
 Mucius cum Coclite VIII 264 *Lucilianus* I 154
 Musarum aedis VII 37
 Mycale *concubina* V 141
 Mycenis iugulata *Iphigenia* XII 127
 Myronis signa VIII 102
 Nabataeus saltus XI 126
 Naevolus *embasicoeta* IX 1 91
 Narcissus *Claudi lib.* XIV 329
 Natta XIII 96
 Neptunus XIII 81 152
 Nero IV 137 VI 615 VIII 72 170 193 212 223 X 15 308 XII 129 *calvus Nero Domitianus* IV 38
 Nestor VI 326 XII 128
 Nilus VI 83 X 149 XIII 27 XV 123
 Niliacae plebis I 26
 Niphates VI 409
 Nortia *Tuscorum dea* X 74
 Novius *captator* XII 111
 Numa III 16 138 VI 343 VIII 156
 Numantini *Scipiones* VIII 11
 Numidae IV 100 VII 182
 Numitor *patricius* VII 74 *pirata Cilicum* VIII 93
 Nysa *Bacchi* VII 64
 Oceanus II 2 X 149 XI 94 113 XIV 283
 Octavius *divus Augustus* VIII 242
 Ogulnia ludos spectat VI 352
 Olynthi callidus emptor XII 47
 Ombi *Aegypti* XV 35
 Oppia *moechans* X 220 322

- Orcades II 161
 Orestes VIII 220 *tragoedia* I 6
 Orontes Syrus III 62
 Osiris VI 541 VIII 29
 Ostia VIII 171
 Othonis lex *theatralis* III 159 XIV 324 *Otho Aug.* II 99 VI 559
 Pacci Alcithoe VII 12
 Pacius orbus XII 99
 Pactolus *aurifer* XIV 299
 Pacuvius Hister *heredipeta* XII 112 125 128
 Paeon parce VI 172
 Palaemon *grammaticus* VI 452 VII 215
 Palatium II 106 IV 31 Palatinum cubile VI 116
 Palfurius Sura IV 53
 Pallas *Claudi lib.* I 109
 Pansa VIII 96
 Parcae XII 64
 Paris *Troianus* X 264 *pantomimus* VI 87 VII 87
 Parrhasii tabulae VIII 102
 Parthenius facit lances XII 44
 Parthus VI 407
 Paulus *pro nobili* II 146 VIII 21 *causidicus* VII 143
 Pax I 115 IX 23
 Pedo *causidicus* VII 129
 Pegasus *prae f. urbi* IV 77
 Peleus X 256 XIV 214
 Pelides III 280
 Pellaeus *Alexander* X 168
 Pelopea *saltata* VII 92
 Penates XIV 320
 Penelope II 56
 Peribomius *scortum* II 16
 Persicus orborum lautissimus III 221 *poetae amicus verus simulatusve* XI 57
 Persica regna XIV 328
 Petosiris VI 581
 Phaeaces V 151 XV 23
 Phalaris admoto tauro VIII 81
 Pharos VI 83 Pharium acetum XIII 85 Tyrrhena pharos XII 76
 Phiale *fetatrix* X 238
 Phidiacum ebur VIII 103
 Philippica *Ciceronis* X 125
 Philippus *medicus* XIII 125
 Philomela *saltata* VII 92
 Phoebe balnea VII 233
 Pholus sitiens XII 45
 Phryges VI 585 VII 236 XI 147 XII 73
 Picens *piscator* IV 65 Picena mala XI 74
 Picus *generis auctor* VIII 131
 Pierides IV 36 Pieria umbra VII 8 60
 Pisaea oliva XIII 99
 Piso *poetarum patronus* V 109
 Pittacos II 6
 Pluton torvos XIII 50
 Poenus miles X 155 Punica proelia XIV 161
 Polio *citharoedus* VI 387 VII 176
 Crepereius Pollio IX 7 XI 43
 Pollittae II 68
 Polycliti *aera* III 217 VIII 103
 Polyphemus IX 64 XIV 20
 Polyxena X 262
 Pompeius *Magnus* X 108 283 *comes Domitiani* IV 110
 Pomptina palus III 307
 Pontia *filios veneno necavit* VI 638
 Ponticus *poetae amicus verus aut simulatus* VIII 1 75 179
 Pontus IV 43 X 273 Pontica medicamina VI 661 XIV 114
 Posides *Claudi lib.* XIV 91
 Postumus *ducturus uxorem* VI 21 28 377
 Praeneste III 190 XIV 88
 Priamus X 258
 Priapus II 95 VI 316
 Prochyta *deserta* III 5
 Procne VI 644
 Proculae II 68 lectus Procula minor III 203
 Proculeius *Horatianus* VII 94 *vetulae cultor* I 40
 Prometheus IV 133 VIII 133 XV 85
 Protogenes aliquis III 120
 Psecas *ornatrix* VI 491
 Pudicitiae ara VI 1 308
 Pygmaei VI 506 XIII 168
 Pylades *amicus* XVI 26
 Pylus *Nestor* X 246
 Pyrenaeum transilit *Hannibal* X 151
 Pyrrha *Deucalionis* I 84 XV 30
 Pyrrhus *Epirota* XIV 162
 Pythagoras XV 173 Pythagorei III 229
 Pythia vates XIII 199
 Quintilianus de rhetore consul VI 75 280 VII 186 189

- Quintilla *Numitoris amica* VII 75
 Quirinus II 133 III 67 VIII 259 *gemi*
 Quirini XI 105
 Quirites III 60 163 VIII 47 X 45 109
 Ravola *cunnilingus* IX 4
 Remi turba X 73
 Rhadamanthus XIII 197
 Rhenus VIII 170
 Rhodope *mulier* IX 4
 Rhodos VI 296 *imbellis* Rhodios
 VIII 113
 Roma II 39 III 41 83 137 165 183
 314 319 IV 38 V 90 VII 4 138
 VIII 237 243 X 122 279 XI 46
 197
 Romani III 119 V 58 X 138 XIV
 100 160
 Romuleae simulacra ferae XI 104
 Rubellius Blandus VIII 39
 Rubrenus Lappa VII 72
 Rubrius *Gallus* IV 105
 Rufus Allobrox Cicero VII 213 214
 Rutilae gibbus X 294
 Rutulus *Turnus* I 162 VII 68 Ru-
 tuli montes VI 637 XII 105
 Rutupinus fundus *ostreosus* IV 141
 Sabini III 85 X 299 Sabina bellum
 dirimens VI 164 mensa Sabella
 III 169
 Saguntos XV 114 Saguntina lagona
 V 29
 Salamine rediit *Xerxes* X 179
 Saleius *Bassus* VII 80
 Samiramis II 108
 Samos III 70 Samia harena *Iunonis*
 XVI 6
 Samothracum arae III 144
 Santonicus cucullus VIII 145
 Sardanapalli cenae X 362
 Sarmata III 79
 Sarmentus *scurra* V 3
 Sarrana aulaeae togae X 38
 Saturnus VI 1 570 XIII 40
 Saufeia pro populo faciens *bonae*
deae VI 320 IX 117
 Sauromatae II 1 XV 125
 Scantinia lex II 44
 Scauri II 35 VI 604 XI 91
 Scipiadae II 154
 Scylla XV 19
 Scythicae volucres XI 139
 Secundus Carrinas VII 204
 Seianus X 63 *ss.*
 Seius Titiusque IV 13
 Selencus seu *citharoedus* X 211
 Semiramis II 108
 Seneca V 109 VIII 212 X 16
 Senones VIII 234
 September VI 517 XIV 130
 Seres quid agant VI 403
 Sergius *gladiator* VI 112 Sergiolus
 VI 105
 Seriphos *exulum* VI 564 X 170
 Serranus *poeta* VII 80
 Sertorius Bibula ardet VI 142
 Servilia *virosa* X 319
 Setinum *vinum* V 34 X 27
 Sextus cevens II 21
 Sibylla VIII 126 *Cumana* III 3
 Siculi V 100 VI 486 VII 236 IX
 150 XIII 50
 Sicyon III 69
 Signinum pirum XI 73
 Silanus *inter procures* VIII 27
 Silvano *mulier operatur* VI 447
 Siren XIV 19
 Socratici II 10 XIV 320
 Solon cum *Croeso* X 274
 Solymae leges VI 544
 Sophocleus *cothurnus* VI 636
 Sora III 223
 Sostratus cantat *Persica* X 178
 Spartana chlamys VIII 101 218 XIII
 199
 Statii Thebais VII 83
 Stentora vincere XIII 112
 Stheneboea X 327
 stoici III 116 XIII 121 XV 109 Stoi-
 cidae II 65
 Stratocles *comoedus* III 99
 Stygius gurgis II 150
 Subura III 5 V 106 X 156 XI 51
 141
 Sulla I 16 II 28
 Sulmonensis *Allicam se facit* VI
 187
 Superbus rex VI 524
 Sybaris VI 296
 Sycambri torvi IV 147
 Syenes porta XI 124
 Syphacis castra VI 170
 Syria VIII 169 Syri III 62 VI 351
 Syrium pirum XI 73
 Syrophoenix *caupo* VIII 159
 Tagus *aurifer* III 55 XIV 299
 Tanaquil tua VI 566
 Tarentum petulans VI 297
 Tarpeius Iuppiter VI 47 XII 6 XIII 78

- Tattius XIV 160
 Taurica ara XV 116
 Tauromenitanae rupes V 93
 Telamon *pater Aiacis* XIV 214
 Telephus *tragoedia* I 5
 Telesinus *epicus poeta* VII 25
 Tentyra *Aegypti* XV 35 76
 Terasias *caecus* XIII 249
 Tereus Fausti VII 12
 Terpsichoren suam odit VII 35
 Teucrorum proles *Troiugenae* VIII 56
 Teutonicus currus *Marii* X 282
 Thabraca *simiarum nutrix* X 194
 Thais *acta a comoedo* III 93
 Thaletis mite ingenium XIII 184
 Thebae XIII 27 XIV 240 Thebae Fausti VII 12
 Thebais *Statii* VII 83
 Thebe *Aegypti* XV 6
 Themison *clinicus* X 221
 Theodori ars *rhetorica* VII 177
 Thersites VIII 269 XI 31
 Theseis Cordi I 2
 Thessaliae campi *Philippii* VIII 242
 Thraces III 79 VI 403 XIII 167
 Thrasea *Paetus* V 36
 Thrasyllus *mathematicus* VI 576
 Thrasymachii *rhetoris* exitus VII 204
 Thyestae syrma VIII 228
 Thyle XV 112
 Thymele *mima* I 36 VIII 197 tunc rustica VI 66
 Tiberinus *piscis* V 104 *amnis* VIII 265
 Tiberis III 62 VI 522 VII 121 XIV 202
 Tibur III 192 XIV 87 de Tiburtino agro haedulus XI 65
 Tigellinus *Sofonius* I 155
 Tiresias *caecus* XIII 249
 Tirynthius *Hercules* XI 61
 Tisiphone qua exagitaris VI 29
 Titan *Prometheus* XIV 35 Titanida pugnam VIII 132
 Titius Seisusque IV 13
 Tongilius *causidicus* VII 130
 Tralles III 70
 Trebius *convivatoris amicus* V 19 135
 Trifolinus ager *vitifer* IX 56
 Troia Priamus X 258 Troianum ignem Alba servat IV 61
 Troica *Neronis* VIII 221
 Troiugenae I 100 VIII 181 XI 95
 Trypherus *doctor scissorum* XI 137
 Tuccia *ex pantomimi lascivia micturiens* VI 64
 Tullia *insultans Pudicitiae* VI 307
 Tullius *Servius* VII 199
 Tullus *Hostilius* pugnax V 57
 Turnus XII 105 XV 65
 Tuscus *Seianus* X 74 de Tusca Graecula VI 186 Tusci libelli XIII 62 I 22 VI 289 VIII 180 XI 108
 Tydides XV 66
 Tyndaris *Clytaemnestra* VI 657
 Tyriae lacernae I 27 VI 246 VII 134 X 334 Tyrius Hannibal XII 107
 Tyrrhena pharos XII 76 V 96 VI 92
 Vagellius declamator XIII 119 XVI 23
 Varillus infamis II 22
 Vascones XV 93
 Vcalegon *ex Vergilio* III 199
 Veiento *Fabricius* III 185 IV 113 123 *turpis* VI 113
 Venafranum *oleum* V 86
 Ventidius *Bassus* VII 199 *lautus* XI 22
 Venus II 31 IV 40 VI 138 300 570 VII 25 X 209 290 362 XI 167 XVI 5
 Venusina lucerna *Horati* I 51
 Venustina *de genere meretricio* VI 167
 Vergilius *Maro* VI 435 VII 69
 Verginia *solicitata ab Appio* X 294
 Verginius *Rufus* VIII 221
 Verres II 26 III 53 VIII 106
 Vesta VI 386 minor *Albae* IV 61
 Vestinus senex XIV 81
 Vettius *rhetor* VII 150
 Victoria I 115
 Vindex *Iulius* VIII 222
 Virro *trimalchio* V 39 43 99 128 134 149 156 IX 35
 Vlixes IX 65 XI 31 XV 14
 ultor Mars XIV 261
 Vlubris vacuis aedilis X 102
 Vmbricius *poetae amicus* III 21
 Volesi *patricii* VIII 182
 Volscorum *Arpinates* VIII 245
 Volsinii III 191
 Volusius Bithynicus XV 1
 Vibicus *Atellanarum histrio* VI 71

Vrsidius moechorum notissimus VI Zacynthos *Saguntum* XV 114
 38 42 Zalaces Armenius II 164
 Vulcanus I 9 X 132 XIII 45 Zeno *stoicus* XV 107

NOMINA SVLPICIAE

Achaeum stadium 25	Libycus <i>Scipio</i> 45
Apollo 70	Lydus? 60
Ausonium genus 19	Musa 1 59 70
Calenus 62 <i>iamb. testim.</i>	Numa 67
Calliope 11	Numantinus <i>Scipio</i> 45
Camillus 41	Phalaecum carmen 4
Capitolinus Camillus 41	Rhodius <i>Panaetius</i> 46
Carthago 23	Romulus 19
Cato priscus 48	Roma 21 Romana 8 35 40 50 62 70
Clazomenius <i>Hipponax</i> 6	Romulidae 57
Diespiter 33	Sabini 63
Egeria 68	Scipio 46
Galli 42	Sicania 23
Grai 8 29 39	Smyrna 60

p. 6 in scholio v. 51 restituendum elleborum.





LL.C
J25a

Jahn, Otto (ed.)

A. Persii Flacci, D. Junii Juvenalis,

Sulpoiciae Saturae; editio altera curam...

Bibliotheca Ed. 2.

21368

**University of Toronto
Library**

**DO NOT
REMOVE
THE
CARD
FROM
THIS
POCKET**

**Acme Library Card Pocket
LOWE-MARTIN CO. LIMITED**

